


Usa ka Giya sa Misyonaryo nga Pangalagad

“Isangyaw ang Akong Ebanghelyo”

(D&P 50:14)



“Paghinulsol, kamong tanan nga mga lumulupyo sa yuta, ug duol ngari kanako ug magpabunyag diha sa akong ngalan, aron kamo mahimo nga pagasantoson pinaagi sa pagdawat sa Espiritu Santo” (3 Nephi 27:20).

“Isangyaw ang Akong Ebanghelyo”

(D&P 50:14)

Tabon: *Si Juan Bautista Nagbunyag ni Jesus* © 1988 ni Greg K. Olsen
Sa maayong kabubut-on sa Mill Pond Press ug ni Dr. Gerry Hooper. Ayaw kopyaha.

© 2004 sa Intellectual Reserve, Inc.
Ang tanang mga katungod gigahin

Giimprinta sa Tinipong Bansa sa Amerika.

Pagtugot sa Iningles: 11/04

Pagtugot sa paghubad: 11/04

Hubad sa *Preach My Gospel*

Cebuano

36617 853

“Isangyaw ang Akong Ebanghelyo” (D&P 50:14)

Mensahe sa Unang Kapangulohan	v
Pasiuna: Unsay Akong Buhaton Aron Magamit Nako Pag-ayo ang “Isangyaw ang Akong Ebanghelyo”?	vii
1 Unsa May Akong Katuyoan isip usa ka Misyonaryo?	1
2 Unsa May Akong Buhaton Aron Epektibo Akong Makatuon ug Makapangandam sa Pagtudlo?	19
3 Unsa May Akong Tun-an ug Itudlo?	33
• Leksyon 1: Ang Mensahe sa Pagpahiuli sa Ebanghelyo ni Jesukristo	36
• Leksyon 2: Ang Plano sa Kaluwasan	55
• Leksyon 3: Ang Ebanghelyo ni Jesukristo	70
• Leksyon 4: Ang mga Kasugaoan	83
• Leksyon 5: Mga Balaod ug Mga Ordinansa	96
4 Unsaon Nako Pag-ila ug Pagsabut ang Espiritu?	105
5 Unsa Ang Papel [Role] sa Basahon ni Mormon?	123
6 Unsaon Nako Pagpalambo og mga Hiyas nga Sama kang Kristo?	139
7 Unsaon Nako nga Mas Makakat-on sa Pinulongan sa Akong Misyon?	153
8 Unsaon Nako Paggamit ang Panahon sa Maalamong Paagi?	165
9 Unsaon Nako Pagpangita og Mga Tawo nga Katudloan?	189
10 Unsaon Nako Pagpalambo ang Akong mga Kahanas sa Pagtudlo?	213
11 Unsaon Nako Pagtabang ang mga Tawo nga Mohimo ug Motuman sa mga Pasalig?	237
12 Unsaon Nako Pag-andam ang mga Tawo alang sa Bunyag ug Pagkumirma?	247
13 Unsaon Nako Pagpakigtambayayong sa mga Lider sa Stake ug Ward?	259
Indeks	273

Mensahe sa Unang Kapangulohan

Minahal nga Kaubang Misyonaryo:

Daygon ka namo sa maanindot nimo nga kahigayunan nga mamahimong usa ka misyonaryo. Walay labaw ka maagnihon nga trabaho kay niini, ni bisag unsa nga mas makahatag og mas dako nga katagbawan.

Ang “Isangyaw ang Akong Ebanghelyo” gihimo aron sa pagtabang kanimo nga mahimong mas andam, mas hingkod nga misyonaryo sa espirituhanong paagi ug usa ka mas maagnihon nga magtutudlo. Kami nag-awhag kanimo sa paggamit niini matag adlaw sa imong personal ug uban sa kompanyon nga pagpangandam, ug sa inyong mga district meeting ug mga zone conference. Tun-i ang gitudlo nga mga kasulatan ug pagkat-on sa mga doktrina ug mga baruganan.

Gidasig ka namo sa pagbarug sa usa ka gipadak-an nga pasalig sa pag-abag sa atong Amahan sa Langit sa Iyang mahimayaon nga buluhaton. Ang kada misyonaryo adunay importante nga tahas sa pagtabang “sa pagpahinabo sa pagka-imaltal ug kinabuhing dayon sa tawo” (Moises 1:39).

Ang Ginoo mohatag og ganti ug mopanalangin nimo pag-ayo samtang ikaw mapainubsanon ug mainampoon nga moalagad Kaniya. Labaw nga kalipay ang naghulat kanimo kaysa imo nang nasinati samtang ikaw magserbisyo uban sa Iyang mga anak.

Ang Unang Kapangulohan

Pasiuna: Unsay Akong Buhaton Aron Magamit Nako Pag-ayo ang “Isangyaw ang Akong Ebanghelyo”?

“Isangyaw ang Akong Ebanghelyo”


Gamita ang “*Isangyaw ang Akong Ebanghelyo*” aron sa pagtubag sa imong mga panginahanglan isip misyonaryo. Mahimong igugol nimo ang usa ka tibuok sesyon sa pagtuon diha sa pipila lamang ka mga paragraf—o ba hinoon sa tibuok hugna [chapter]. Mahimo ka nga motuon sa mga hugna sa sunod-sunod nga paagi o magplano og lain nga han-ay nga kanang mas makatubag sa imong mga panginahanglan. Kini nga pagkamaangay-angayon nagtugot kanimo nga makatuon sa unsay imong gikinahanglan sa tukma nga panahon ug sigun sa gitudlo sa imong mission president.

Ang tanang mga hugna sa “*Isangyaw ang Akong Ebanghelyo*” motabang kanimo nga makatuman sa imong katuyoan isip usa ka misyonaryo. Hinoon, samtang ikaw magsugod sa pagtuon sa hugna 3, imong mabantayan nga lahi ang paagi niini. Kasagaran sa mga hugna gipuntirya diha ninyong mga misyonaryo. Ang hugna 3 gipuntirya ngadto sa katawhan sa kinatibuk-an. Imong makat-onan ang mga doktrina diha sa hugna 3 (a) aron sa paglig-on sa imong kaugalingong kahibalo ug pagpamatuod sa ebanghelyo ug (b) aron sa pagtudlo sa uban ug sa pag-andam kanila nga mohimo ug motuman sa mga pasalig ug mga pakigsaad.

Ang mga doktrina nga anaa sa ubang mga hugna mahimong makatabang usab kanimo sa pagtudlo sa mga investigator ug bag-o nga mga miyembro. Sama pananglitan, sa hugna 4, ang “Unsaon Nako Pag-ila ug Pagsabut ang Espiritu?” mahimong makatabang kanimo sa pagtudlo sa pipila ka mga investigator kabahin kon unsaon pag-angkon og pagpamatuod pinaagi sa gahum sa Espiritu Santo. Sa hugna 5, ang “Unsa ang Papel sa ang Basahon ni Mormon?” mahimong makatabang kanimo sa pagsulbad sa mga kabalaka [concern] sa usa ka investigator kabahin sa pagbasa sa Basahon ni Mormon. Ang mga ideya gikan sa hugna 2, ang “Unsa May Akong Buhaton Aron Epektibo Akong Makatuon ug Makapangandam sa Pagtudlo?” mahimong makatabang sa bag-o nga mga kinabig [converts] nga makaangkon og labaw pa gikan sa ilang pagtuon sa Basahon ni Mormon.

Ang “*Isangyaw ang Akong Ebanghelyo*” nagpokus sa mga sukaranan sa misyonaryo nga buhat. Dili kini motubag sa matag pangutana o sitwasyon nga imong masugatan. Kon kamo mosunod sa Espiritu, magsiksik sa mga kasulatan, motuman sa mga kasugoan, ug mobuhat sa imong nakat-onan, mahimo kang mas epektibo.

Tun-i ang mga hugna hangtud sa pagkahuman sa imong misyon. Gamita ang unsay imong makat-onan. Timbang-timbanga ang imong trabaho. Ang mga misyonaryo kinsa maningkamot sa pag-andam sa ilang kaugalingon kada adlaw ug maninguha nga molambo sa kanunay makadawat ug direksyon gikan sa Espiritu Santo ug makakita og mga panalangin sa ilang kinabuhi.



Ang mga Leksyon sa Misyonaryo

Mahimo kamong mag-agad-agad sa pagtudlo sa mga leksyon sa bisan unsang paagi nga makatabang pag-ayo sa mga tawo nga hingpit nga makapangandam alang sa ilang bunyag ug pagkumpirmar. Ang inyong katuyoan dili lamang ang paghurot sa materyal; kon dili ang pagtabang sa uban nga makaduol kang Kristo pinaagi sa hugot nga pagtuo kang Jesukristo, makahinulsol, mabunyagan, makadawat sa gasa sa Espiritu Santo, ug makalahutay hangtud sa katapusan. Panagsa ra gyud kaayo nga ang usa ka leksyon molapas og 45 minutos. Inyong mabantayan nga aduna lamang kamo'y mubo o kadiyot nga panahon para sa pagtudlo. Niining kasoha, posible nga magkinahanglan kamo nga mobisita og kadaghan apan kadiyot nga pagtudlo nga ginagmay-gagmay nga mga bahin sa materyal.

Mahimo ninyong itudlo ang leksyon sa daghang mga paagi. Unsa nga leksyon ang inyong itudlo, kanus-a kini ninyo itudlo, ug kon unsa kadugaya kini ninyo itudlo madeterminar kini pag-ayo pinaagi sa mga panginahanglan sa investigator ug sa direksyon sa Espiritu. Ayaw memoryaha ang tibuok leksyon.

Personal nga Pagtuon, Pagtuon kauban ang Kompanyon, mga District Meeting ug mga Zone Conference

Ang epektibo nga pagtuon panahon sa imong misyon makatabang kanimo sa pagkabot sa imong [inyong] tumong isip misyonaryo ug sa paglig-on sa imong pagpamatuod [*testimony*] sa ebanghelyo ni Jesukristo. Upat sa imong pinaka importante nga mga kahigayunan sa pagtuon mao ang personal nga pagtuon, pagtuon kauban ang kompanyon, mga district meeting, ug mga Zone Conference. Ang imong adlaw-adlaw nga iskedyul naglakip sa oras para sa personal nga pagtuon ug pagtuon kauban ang kompanyon matag adlaw.

Inadlaw nga Iskedyul sa Misyonaryo*

6:30 a.m. Mobangon, mag-ampo, mag-*exercise* (30 minutos), ug mangandam para nianang adlawa.

7:30 a.m. Pamahaw.

8:00 a.m. Personal nga pagtuon: ang Basahon ni Mormon, ubang mga kasulatan, mga doktrina sa mga leksyon sa misyonaryo, ug uban pang mga hugna gikan sa "*Isangyaw ang Akong Ebanghelyo*."

9:00 a.m. Pagtuon kauban ang kompanyon: ipaambit ang imong nakat-onan panahon sa personal nga pagtuon, pangandam sa pagtudlo, pagpraktis sa pagtudlo, pagtuon sa mga hugna [*chapters*] gikan sa "*Isangyaw ang Akong Ebanghelyo*," kumpirmaha ang mga plano nianang adlawa uban sa imong kompanyon.

10:00 a.m. Sugod sa pag-proselayt. Ang mga misyonaryo nga nagkat-on og pinulungan o linggwahi magtuon nianang mao nga pinulongan sulod sa dugang nga 30 ngadto sa 60 minutos, lakip na ang pagplano og mga kalihokan sa pagkat-on sa pinulongan nga gamiton sulod nianang adlawa.

Ang mga misyonaryo mahimong mokuha og usa ka oras alang sa pagpaniudto ug dugang nga pagtuon, ug usa ka oras usahay alang sa pagpanihapon sulod sa usa ka adlaw nga pinakamaayong mohaum sa ilang panahon sa pag-proselayt. Kasagaran ang pagpanihapon dili molapas sa alas 6:00 p.m.

9:00 p.m. Pauli sa apartment (gawas kon nagtudlo og leksyon; dayon pauli sa dili pa mag-alas 9:30) ug planoha ang mga kalihokan para sa sunod adlaw (30 minutos). Pagsulat sa journal, andama ang higdaanan, pag-ampo.

10:30 p.m. Matulog na.

* Pinaagi sa pagkonsulta sa Kapangulohan sa Seventy o sa Area Presidency, ang imong mission president mahimong mousab niini nga iskedyul aron sa pagtubag sa lokal nga mga kahimtang.

Unsay imong nakat-onan sa personal nga pagtuon makatabang nimo sa imong pagtuon nga kauban ang kompanyon, sa district meeting, ug sa mga zone conference, diin kamo “motudlo sa usag usa sa doktrina sa gingharian” (D&P 88:77). Unsay imong nakat-onan gikan sa inyong mga sesyon sa pagtuon ug mga district meeting makatabang nimo sa pagtudlo nga may espirituhanong gahum.

Personal nga Pagtuon

Ang tuyo sa personal nga pagtuon mao ang pagpalig-on sa imong kahibalo ug pagpamatuod bahin sa gipahiuli nga ebanghelyo ug motabang kanimo nga mahimong andam pag-atubang sa panginahanglan sa imong gipangtudloan. Sa imong personal nga pagtuon, ipokus ang sumbanan nga mga kasulatan ug sa giaprobahan nga mga libro sa misyonaryo:

- *Si Jesus ang Kristo*
- *Ang atong Panulundon*
- *Our Search for Happiness* [Ang atong Pagpangita sa Kalipay]
- *True to the Faith* [Pagkamatitud-anon sa Hugot nga Pagtuo]

Mahimong epektibo ang personal nga pagtuon kon ikaw:

- Mobasa sa Basahon ni Mormon ug sa lain pang mga kasulatan.
- Magtuon sa mga doktrina sa mga leksyon sa misyonaryo.
- Magtuon sa ubang mga hugna gikan sa “Isangyaw ang Akong Ebanghelyo.”

Pagtuon kauban ang Kompanyon

Ang katuyoan sa pagtuon nga kauban ang kompanyon aron (1) makabaton ug panaghiusa ang matag-kompanyon aron makatudlo nga giniyahan sa Espiritu ug (2) makapokus sa pag-uswag niadtong inyong gitudloan. Mahimong epektibo ang pagtuon nga kauban ang kompanyon kon kamo:

- Magbinayloay ug makahuluganong mga punto nga nakuha gikan sa inyong personal nga pagtuon.
- Mangandam alang sa piho nga mga eskedyul sa pagtudlo, sa pagbisita sa mga miyembro, pagpangita ug mga oportunidad, ug sa uban pa nga mga kalihukan. Tun-i ang materyal nga makatabang sa inyong pagtudlo, pagpangita, ug pagtrabaho nga mahimong mas epektibo. Hisguti ang mga tawo nga inyong gikatrabaho. Paghimo ug mga plano nga magamit ang imong nakat-onan.
- Sa tibuok adlaw, ipadayon sa paghisgut-hisgot ang mga baruganan, mga tumong, mga kahanas [skills], ug mga plano gikan sa pagtuon nga kauban ang imong kompanyon.

Mga District Meeting

Ang katuyoan sa district meeting mao ang “[pag]tudlo sa usag usa sa doktrina sa gingharian” (D&P 88:77).



- Ang mga district meeting himoon kada semana sulod sa 60 ngadto sa 90 ka minutos.
- Ang district leader moplano ug modumala sa district meeting ug mahimong moimbitar sa ubang mga misyonaryo sa pagtabang sa pagtudlo.
- Ang mga district meeting mahimong maglakip sa:
 - Pagpaambit og mga hunahuna gikan sa personal nga pagtuon ug pagtuon kauban ang kompanyon.
 - Pagpraktis sa mga leksyon sa lain-lain nga mga sitwasyon.
 - Pag-eksplikar o pagpasabut, pagpakita o pagdemonstar, ug pagpraktis sa mga baruganan ug mga kahanas [skills] nga gihulagway diha sa “*Isangyaw ang Akong Ebanghelyo.*”
 - Paghisgut-hisgot sa mga pag-uswag ug panginahanglan sa mga investigator.
 - Paghisgut-hisgot ug sa pagsulbad sa mga problema sa district.
 - Pagpaambit og mga kasinatian ug mga pagpamatuod kabahin sa misyonaryo nga buhat.
- Ang mga district leader mahimong mogamit sa district meeting sa pagdawat og mga report kabahin sa mga gipanghimo sa mga misyonaryo sa district. Kinahanglan dili sila mopahamtang og mga tumong [goals] o mga kota [quota] para sa ubang mga misyonaryo o hangyoon sila sa pagreport sa ilang mga tumong.

Mga Zone Conference

Ang mga zone conference ipahigayon ubos sa direksyon sa mission president.

Unsay mga butang nga anaa sa “*Isangyaw ang Akong Ebanghelyo*”

Ang kada hugna sa “*Isangyaw ang Akong Ebanghelyo*” adunay pipila ka mga butang. Kini nga mga butang makatabang kanimo nga daghang makat-onan gikan sa imong pagtuon—dili mopugos kanimo sa pagkat-on sa usa lamang ka paagi. Gamita kini nga mga butang depende sa imong mga panginahanglan.

Journal sa Pagtuon [Study Journal]

Ang “*Isangyaw ang Akong Ebanghelyo*” kanunay maghangyo nga ikaw mogamit og journal sa pagtuon aron sa pagtabang kanimo sa pagsabot, pagklaro, ug paghinumdum sa unsay imong gitun-an. Si Elder Richard G. Scott nagtudlo, “Ang kahibalo nga giampingan pagrekord maoy kahibalo nga magamit sa panahon sa panginahanglan. Ang impormasyon nga may espirituhanong pagkasensitibo kinahanglan tipigan diha sa usa ka sagrado nga dapit aron sa pagpakita sa Ginoo kon giunsa nimo kini paghatag og bili. Kini nga binuhatan nagpadako sa purohan nga ikaw makadawat og dugang nga kahayag” (“Acquiring Spiritual Knowledge,” *Ensign*, Nob. 1993, 86). Ribyuha ang imong journal sa pagtuon aron sa paghinumdum sa espirituhanon nga mga kasinatian, pagkaplag og bag-o nga mga hunahuna, ug hangupa ang imong pagtubo.

Ang imong journal sa pagtuon [study journal] mahimong usa kini ka gipa-bind nga journal, usa ka notebook, o ba hinoon usa ka binder. Irekord ug han-aya ang imong mga hunahuna ug mga impresyon sa paagi nga tukma sa dagan sa imong pagtuon. Paghimo og imong kaugalingong sistema aron sayon ra nga paklion ang mga mahinungdanong impormasyon sa umaabot. Gamita kini kanunay sa pagribyu, pagtan-aw, ug paggamit sa unsay imong nakat-onan. Gamita ang imong journal sa pagtuon sa pagkuha og mubong mga sulat [notes] ug sa pagrekord sa mga hunahuna nga mosulod sa pangisip atol sa

imong personal nga pagtuon ug pagtuon kauban ang kompanyon, sa mga district meeting, mga zone conference, ug mga interbyu uban sa mission president.

Mga Kahon sa Kasayuran [Information Boxes]

Ang mga kahon nga anaa sa “*Isangyaw ang Akong Ebanghelyo*” motabang kanimo nga makat-on. Ang ubang mga kahon magsaysay sa daklit o mag-*summarize* sa mahinungdanon nga mga punto. Ang uban motabang kanimo sa pagpukos sa imong pagtuon, pagkat-on gikan sa mga kasulatan, paggamit sa unsay imong nakat-onan, pagpalambo sa imong mga abilidad, ug sa pagtubag sa mga panginahanglan niadtong imong tudloan. Kasagaran, kini nga mga kahon mao gayud ang sinugdanan. Sa mainampoong paagi himoa ang mga kalihokan [*activities*] nga anaa diha sa mga kahon pinaagi sa pagpalambo og bag-o nga mga kalihokan [*activities*] sa pagtuon ug sa pagpangita og dugang nga mga kasulatan.

Konsideraha Kini

- Unsa man ang buong kahon?
- Unsaon man nako aron katudloan?
- Ngano nga kinahanglan?

“Konsideraha Kini.” Kadaghanan sa mga hugna nagsugod sa mga pangutana nga anaa sulod sa kahon nga “Konsideraha Kini [*Consider This*].” Kini nga mga pangutana nagpukos sa mahinungdanon nga mga punto sa mao nga hugna ug naghatag og basehanan kon unsay angay nimong tun-an. Gamita kini nga mga pangutana sa pag-organisar, pagsabot, pagpamalandong, ug paggamit sa unsay imong nakat-onan.

Hinumdumi Kini

- Tukura ang Simbahon?
- Tinguhaa ug sundan?
- Ang mga tawo sa imong mga panginahanglan?
- Ana maa mivembra?

“Hinumdumi Kini.” Kadaghanan sa mga hugna nagtapos sa kahon nga “Hinumdumi Kini”—usa ka minubo nga katingbanan o *summary* sa pinaka importante nga mga punto gikan sa mao nga hugna. Sa imong paghuman sa pagtuon sa usa ka hugna, ribyuha kini nga mga pamahayag aron sa pagsiguro nga imo gayung nasabtan kini nga mga punto. Timbang-timbanga unsa ka maayo ang imong paggamit niini nga mga punto, ug paghimo og mga plano sa paggamit sa unsay imong nakat-onan.

Pagtuon sa Kasulatan

Unsa man ang giingon sa Jesukristo?

3 Nephi 12:48
3 Nephi 27:21, 27

“Pagtuon sa Kasulatan.” Kini nga mga kahon magtudlo kanimo sa mga kapakisayran [*reference*] nga makaugmad sa imong pagsabot ug pagpamatuod. Palambo kini nga mga kapakisayran [*reference*] pinaagi sa pagpangita og dugang nga mga kasulatan. Pangutan-a ang imong kaugalingon og dugang nga mga pangutana nga may kalabutan niini nga makatabang kanimo nga makaangkon og panabot ug magamit ang unsay imong nakat-onan.

Kalihokan: Personal

Eksamina ang hulagwong imong magtuon sa panan—awon, aron, ug (3 Nephi 11:21–22).

- Unsa man ang gitinap?

“Kalihokan.” Kadaghanan sa mga hugna adunay mga kalihokan alang sa personal nga pagtuon ug sa pagtuon kauban ang kompanyon aron sa pagpausbaw sa inyong pagkat-on ug paggamit. Balik-balika kini nga mga kalihokan sa tibuok nimong misyon. Makaangkon ka og bag-o nga mga panabot sa kada higayon nga ikaw mobuhat niini tungod kay ang imong mga panginahanglan—ug ang mga panginahanglan niadtong imong tudloan—mausab.

Sunda ang Espiritu

“Ang Espiritu mao ang Inubanan sa Espiritu r Ginoo diha sa misyon. ug abilidad” (Ezra Taf. HINUNO 1088)

Pula nga mga Kahon. Kini nga mga kahon adunay importante nga kasayuran ug mga sugyot alang sa daghang mga sitwasyon sa pagtudlo ug pagproselayt.

Mga Istorya

Ang tanang mga istorya nga anaa sa “*Isangyaw ang Akong Ebanghelyo*” tinuod, hinoon ang mga pangalan sa kadaghanang mga tawo gipang-usab. Ang kada istorya naglarawan sa pipila ka mga baruganan kalabut sa misyonaryo nga buhat. Samtang ikaw magbasa niini nga mga istorya, tan-awa ang mga baruganan nga ilang gilarawan.

Mga Ideya sa Pagtuon ug Paggamit

Ang kada hugna matapos uban sa dugang nga mga ideya alang sa personal nga pagtuon, pagtuon kauban ang kompanyon, mga district meeting, ug mga zone conference. Kining buhong nga kapanguhaan [*resources*] sa mga kalihokan sa pagkat-on naghatag og mga ehemplo sa epektibo nga mga paagi sa pagkat-on sa materyal. Pagmamugnaon [*creative*] ug pagtinguha og inspirasyon sa pagmugna og dugang nga mga kalihokan sa kada higayon nga ikaw magtuon o motudlo sa usa niini nga mga seksyon. Kompletaha kini nga mga kalihokan sa makadaghang higayon atol sa imong misyon.

Mga Ideya sa Pagtuon ug Paggamit**Personal nga Pagtuon**


- Basaha ang mosunod nga sulat gikan sa usa ka misyonaryo ngadto sa iy ginikanan: “Nakatudlo ko og usa ka buotan nga babaye diha sa bus. Nan mi gikan sa district meeting, ug mao lamang kadto ang bakanteng lingkur mao nga milingkod ko ug nagsugod pagtan—aw sa akong mga sulat. Siy ang unang gibasa mao ang imohang sulat, uban sa mga litrato sa batang Nakabantay ko nga ang mga mata sa tapad nako nagtan—aw usab sa m litrato, ug mitan—aw ko aron pagtan—aw sa mga mata sa usa ka mas e nga babaye. Mipahiyum siya nako og gamay ug mitan—aw sa bintana. I dayong gipiyung ang iyang mga mata nga daw padulong nga matulog. N ampo ko, ‘Langitnong Amahan, gusto kong makig—istoriya niya. Pali hug ko.’ Usa ka minuto ang milabay iyang gibuka ang iyang mga mata ug mil og tarung, ug dali kong misulti, ‘Cute siya di ba?’ Ako siyang gipakita sa litrato ni baby Evan ug nagsugod og istorya bahin sa mga pamilya uban i Gipangutana nako siya bahin sa iyang mga anak, ug nagluha—luha siya misaysay kanako og istorya mahitungod kon sa unsa nga paagi nga gidu

Mga Misyonaryo nga Nag-alagad diha sa mga Branch ug mga District

Daghang mga misyonaryo nag-alagad diha sa mga branch ug mga district. Bisan tuod nga kini nga manwal nagpasabot sa mga *ward* ug mga *stake*, parehas nga mga baruganan ug mga pamaagi ang para sa mga *branch* ug mga *district*. Ang mission president motudlo kanimo sa bisan unsa nga pagpahiangay nga buhaton kon magtrabaho uban sa mga lider sa branch ug district.

Gamiton sa mga Ward Missionaries ug mga Lider sa Ward

Ang “*Isangyaw ang Akong Ebanghelyo*” para sa full-time nga mga misyonaryo sa Simbahan. Pero bisan pa, ang mga baruganan ug mga doktrina nga gitudlo dinhi magamit usab sa mga ward missionaries ug sa mga lider sa ward samtang sila magtinguha sa pagtukod sa gingharian sa Ginoo. Kanunay nga pagtuon niining mao nga manwal makapahimo kanila sa pagtuman sa ilang mga responsibilidad isip mga miyembro nga misyonaryo ug makaugmad og panaghiusa uban sa full-time nga mga misyonaryo.



Si Dan Jones, usa sa pinakahalangdon nga misyonaryo niini nga dispensasyon, nagsangyaw sa ebanghelyo didto sa Wales.

Unsa May Akong Katuyoan isip usa ka Misyonaryo?

Ang Inyong Katuyoan

Pangimbitar sa uban sa pagduol ngadto kang Kristo pinaagi sa pagtabang kanila nga makadawat sa gipahiuli nga ebanghelyo pinaagi sa pagbaton og hugot nga pagtuo kang Jesukristo ug sa Iyang pag—ula, paghinulsol, pagpabunyag, pagdawat sa gasa sa Espiritu Santo, ug paglahutay hangtud sa katapusan.

Konsideraha Kini

- Unsa May Akong Katuyoan isip usa ka Misyonaryo?
- Unsa ang ebanghelyo?
- Nganong isangyaw man nato ang ebanghelyo?
- Nganong kinahanglan man nga ako motudlo uban sa gahum ug katungod?
- Unsa ang mensahe sa Pagpahiuli? Nganong importante man kaayo kini?
- Unsa may akong responsibilidad sa pagtabang sa uban nga mahimong konbert?
- Unsaon man nako sa pagkahibalo nga ako malampuson nga misyonaryo?

Ang Imong Katungdanan sa Pagtudlo sa Gipahiuli nga Ebanghelyo ni Jesukristo

Ikaw gilibutan sa katawhan. Imo silang malabyan sa kadalanan, bisitahan sa ilang mga panimalay, ug mobiyahe taliwala kanila. Tanan sila mga anak sa Dios, imong mga igsoong lalaki ug babaye. Ang Dios nahigugma kanila sama sa Iyang paghigugma kanimo. Kadaghanan niining mga tawhana nagpangita ug unsay katuyoan sa kanabuhì. Sila may kabalaka alang sa ilang mga pamilya. Gikinahanglan nilang mobati nga nahisakop gikan sa kahibalo nga sila mga anak sa Dios og mga miyembro sa Iyang mahangturon nga pamilya. Gusto nilang maangkon ang kasiguruan niining mabalhin-balhinon nga mithi sa kalibutan.

Mubo nga mga Sulat

Gusto nila “ang kalinaw niini nga kalibutan, ug ang kinabuhi nga dayon diha sa kalibutan nga umaabot” (D&P 123:12), pero sila “natago gikan sa kamatuoran tungod kay sila wala masayud asa kini pangitaa”.(D&P 123:12).

Ang ebanghelyo ni Jesukristo nga gipahiuli pinaagi ni Propeta Joseph Smith mopanalangin sa ilang mga pamilya, motubag sa ilang espirituhanon nga mga panginahanglan, ug motabang nga makab-ot ang ilang mga pangandoy. Bisan kon dili sila mahibalo kon ngano, nagkinahanglan sila og kahupayan gikan sa mga pagbati og dili mayo [*guilt*] tungod sa paghimo og mga sayop ug mga kasal-anan. Kinahanglan nga makasinati sila og hingpit nga kalipay sa katubsanan pinaagi sa pagdawat og kapasayloan sa ilang mga sala ug pagtagamtam sa gasa sa Espiritu Santo.

Isip awtorisado nga representante ni Jesukristo, ikaw makatudlo sa mga tawo uban sa gahum ug awtoridad nga “ang katubsanan moabut pinaagi sa atong Balaan nga Mesiyas,” ug walay tawo nga “makapuyo nga buhi atubangan sa Dios, gawas pinaagi sa mga maayo nga buhat, kalooy, ug grasya sa Balaang Mesiyas” (2 Nephi 2:6, 8). Samtang ang mga tawo modawat sa gipahiuli nga ebanghelyo ni Jesukristo ug modawat sa mga



ordinansa sa bunyag ug pagkumpirma pinaagi sa katungod sa priesthood, makasiguro sila nga sila “dili ipahimulag sa kahangturan” (Basahon ni Mormon, Ulohan nga Pahina).

Samtang ang imong pagsabot kabahin sa Pag-ula ni Jesukristo motubo, ang imong tinguha sa pagpaambit sa ebanghelyo modako. Imong mabati, sama sa gibati ni Lehi, ang “dako ... ang pagkamahinungdanon sa paghimo niini nga mga butang nga masayran ngadto sa mga lumulupyo sa yuta” (2 Nephi 2:8).

Si Presidente Ezra Taft Benson nagtudlo: “Gimandoan kita sa Dios sa pagdala niining ebanghelyo sa tibuok kalibutan. Mao kana ang kawsa nga kinahanglan mohiusa kanato karon. Ang ebanghelyo lamang ang makaluwas sa kalibutan gikan sa katalagman sa iyang kaugalingong pagkagun-ob. Ang ebanghelyo lamang ang mohiusa sa katawhan sa tanang kaliwatan ug nasyonalidad diha sa kalinaw. Ang ebanghelyo lamang ang modala og hingpit nga kamaya, kalipay, ug kaluwasan sa tawhanong pamilya” (*The Teachings of Ezra Taft Benson* [1988], 167).

Ikaw gitawag sa pagrepresentar ni Jesukristo sa pagtabang sa mga tawo nga malimpyo gikan sa ilang mga kasal-anan. Mabuhat nimo kini pinaagi sa pag-imbatar kanila sa pagduol kang Jesukristo ug makabig sa Iyang gipahiuli nga ebanghelyo. Sa pagduol ngadto sa Manluluwas kinahanglan sila nga magbaton og hugot nga pagtuo Kaniya ngadto sa paghinulsol—maghimo sa gikinahanglan nga mga kausaban sa ilang kinabuhi nga mahiuyon sa Iyang mga pagtulun-an. Makatabang ka sa mga tawo nga makapalambo sa ingon nga pagtuo pinaagi sa pagtudlo kanila sa gipahiuli nga ebanghelyo pinaagi sa Espiritu ug pag-imbatar kanila sa pagpasalig nga mopuyo sumala sa mga pagtulun-an niini. Ang pagtuman niini nga pasalig mag-andam kanila alang sa mga pakigsaad sa bunyag ug pagkumpirma ug sa bililhon nga gasa sa Espiritu Santo. Kinahanglan nilang pugngan ang “kinaiyanhon [*natural*] nga tawo’ ug mamahimong usa ka Santo “pinaagi sa pag-ula ni Kristo ang Ginoo” (Mosiah 3:19).

Kalihokan: Personal nga Pagtuon o Pagtuon Kauban ang Kompanyon

Eksamina ang hulagway sa kahoy sa kinabuhi [*tree of life*] nga ania niini nga pahina samtang ikaw magtuon sa panan-awon sa kahoy sa kinabuhi nga makita diha sa 1 Nephi 8 ug 11. Niini nga panan-awon, ang kahoy sa kinabuhi maoy simbolo sa gugma sa Dios (tan-awa sa 1 Nephi 11:21–22).

- Unsa man ang gitinguha ni Lehi human siya mikaon sa bunga? (Tan-awa sa 1 Nephi 8:10–18).
- Sa panan-awon, unsa may angayng buhaton sa mga tawo aron makaambit o makakaon sa bunga? Unsa may angayng natong buhaton aron makadawat sa tanang mga panalangin sa Pag-ula? Sa unsang paagi ang mga pasalig ug mga pakigsaad makatabang kanato nga makaambit niini nga mga panalangin?
- Isip usa ka misyonaryo, unsa man ang imong katungdanan sa pagtabang sa ubang mga tawo nga makakita ug makaambit sa mga bunga sa ebanghelyo?

Ang Ebanghelyo Mopanalangin sa mga Pamilya

Ang mensahe sa Pagpahiuli sa ebanghelyo ni Jesukristo mopanalangin sa mga pamilya. Tungod sa Pagpahiuli atong masabtan ang katuyoan sa Dios alang sa mga pamilya: “Ang balaang plano sa kalipay nakapahimo sa mga pakigrelasyon sa pamilya nga makalahutay lapas pa sa kamatayon. Sagrado nga mga ordinansa ug mga pakigsaad nga anaa sa balaan nga mga templo makapahimo alang sa tagsa-tagsa sa pagbalik ngadto sa atubangan sa Dios ug alang sa mga banay nga magkahiusa sa kahangturan” (“Ang Banay: Usa ka Pamahayag ngadto sa Kalibutan,” *Ensign*, Nob. 1995, 102).

Sa yuta, ang mga panag-uban sa pamilya mahimong maoy tinubdan sa pipila sa atong pinakadako nga kalipay. Si Satanas nag-ataki sa pamilya sa daghang mga paagi, ug daghan kaayong pamilya ang nangaguba tungod sa iyang mga paningkamot. Ang mensahe sa gipahiuli nga ebanghelyo ni Jesukristo nakapahimong posible sa mga pamilya nga mahiusa karon ug sa kahangturan. Pinaagi sa pagsunod sa mga baruganan sa ebanghelyo, ang mga pamilya makasinati og kalinaw, hingpit nga kalipay, ug usa ka pagbati nga nahisakop ug pagkawalay sama niining kinabuhia. Pinaagi sa kahayag sa ebanghelyo, ang mga pamilya makaresulbar sa mga dili pagsinabtanay, panagbingkil, ug mga hagit. Ang mga pamilya nga nangabungkag tungod sa panagsungi mahimong maalim o maayo pinaagi sa paghinulsol, pagpasaylo, ug hugot nga pagtuo sa gahum sa Pag-ula ni Jesukristo. “Ang kalipay sa kinabuhi sa pamilya labaw nga makab-ot kon kini pinasikad sa mga pagtulun-an ni Jesukristo. Ang malampuson nga mga kaminyoon ug mga pamilya matukod ug mapadayon diha sa mga baruganan sa hugot nga pagtuo, pag-ampo, paghinulsol, pagpasaylo, pagtahud, gugma, kalooy, trabaho, ug maayong mga kalihokan nga makalingaw” (*Ensign*, Nob. 1995, 102).

Panangkamot sa pagpangita ug pagtudlo og mga pamilya-usa ka amahan, inahan, ug mga anak-kinsa makasuportar sa usag usa sa pagpuyo sa ebanghelyo ug sa ngadto-ngadto ma-sealed isip usa ka yunit sa pamilya pinaagi sa gipahiuli nga katungod sa priesthood.

*“Ang labing mahinungdanon
nga bahin sa buluhaton sa
Ginoo nga atong buhaton mao
ang buluhaton nga atong
hymoon sulod sa atong
kaugalingong panimalay.”*

– PRESIDENTE HAROLD B. LEE
THE TEACHINGS OF HAROLD B. LEE, PIN.
CLYDE J. WILLIAMS (1996), 280

Pagtudlo pinaagi sa Espiritu

Tungod kay ang ebanghelyo ni Jesukristo mao ang “gahum sa Dios alang sa kaluwasan sa matag-usa nga nagatoo” (Mga Taga-Roma 1:16), ang mensahe sa Pagpahiuli sa ebanghelyo kinahanglan matudlo pinaagi sa balaang gahum—ang gahum sa Espiritu Santo, kinsa mao ang ikatulo nga sakop sa Dios nga kapangulohan. Siya kasagarang gitawag og Espiritu, ug usa sa Iyang tahas mao ang pagtudlo ug pagpamatuod sa kamatuoran. Samtang ikaw magtudlo pinaagi niana nga gahum, ang Espiritu Santo:

- Motudlo kanimo og bag-o nga mga kamatuoran ug mohimo sa mga doktrina nga imong gitun-an dili nimo makalimtan (tan-awa sa Juan 14:26).
- Mohatag kanimo sa mga pulong nga ikasulti sa matag higayon nga kinahanglanon nimo kini (tan-awa sa D&P 84:85).
- Modala sa inyong mensahe ngadto sa mga kasingkasing sa mga tawo nga inyong tudloan (tan-awa sa 2 Nephi 33:1).
- Mopamatuod sa katinuod sa imong mensahe ug mokumpirmar sa imong mga gipangsulti (tan-awa sa D&P 100:5–8).
- Motabang kanimo sa pagmatikud sa mga panginahanglan sa mga tawo nga inyong gitudloan (tan-awa sa Alma 12:7).

Ang Espiritu mahinungdanon alang sa pagtudlo sa mga kamatuoran sa ebanghelyo sa paagi nga makaugmad og hugot nga pagtuo sa uban. Sa imong pagpaningkamot sa pagpalambo sa hugot nga pagtuo sa pagsalig sa Espiritu, gikinahanglan nga ikaw:

- Mag-ampo alang sa Espiritu (tan-awa sa D&P 42:14).
- Molimpyo sa imong kasingkasing (tan-awa sa D&P 112:28).
- Maghupot sa mga sugo (tan-awa sa D&P 20:77, 79).
- Makugihon nga momahal sa pulong sa Dios (tan-awa sa D&P 11:21; 84:85).
- Motudlo aron ang uban makasabot sa imong mensahe ug malig-on (tan-awa sa D&P 50:13–22).
- Magbaton og hugot nga pagtuo (tan-awa sa Moroni 10:7).

Ikaw gigahin o *gi-set-apart* para sa imong sagrado nga katungdanan uban sa saad nga ang Espiritu ihatag samtang ikaw mosanong sa mga kinahanglanon nga gipahamtang sa Ginoo. Ang pagtagamtam sa mga gasa sa Espiritu kinahanglan maoy usa sa imong pinaka gimithi nga mga tinguha.

Ang Gahum ug ang Katungod sa Imong Tawag o *Calling*

Ang mga misyonaryo gisugo sa paglakaw “diha sa gahum sa pag-orden diin [sila] gi-orden, magpahayag og maayo nga mga balita sa dako nga kalipay, gani ang walay katapusan nga ebanghelyo” (D&P 79:1). Ikaw adunay katungod sa pagsangyaw sa ebanghelyo. Kon ikaw naghupot sa priesthood, ikaw adunay katungod sa pagpahigayon sa mga ordinansa nga gikinahanglan. Samtang ikaw mogamit niana nga katungod sa mainampoon ug sa takus nga paagi, ikaw makadawat og espirituhanong gahum, nga ebidensya sa katinuod sa imong tawag. Ayaw kahadlok o kaulaw kabahin sa pagtuman niining mao nga sugo. Sama sa mga anak nga lalaki ni Mosiah, ikaw magtudlo uban sa gahum sa katungod sa Dios (tan-awa sa Alma 17:2–3).

Kon ikaw gi-*set-apart* pinaagi sa katungod sa priesthood, ikaw midawat sa katungod ug pribiliheyo sa pagrepresentar sa Ginoo. Ikaw nakadawat og sertipiko sa pagpangalagad nga mopamatuod nianang mao nga katungod sa tibuok kalibutan. Si Presidente Spencer W. Kimball miingon: “Ang pag-*set-apart* o ang paggahin mahimong sabton sa literal nga paagi; kini ang pag-paggahin sa sala, layo sa karnal o lawasnon; layo gikan sa bisan unsa nga mahugaw, ubos, mangil-ad, bati, o bulgar; *gigahin* gikan sa kalibutan ngadto sa mas taas nga dapit sa panghunahuna og kalihokan. Ang panalangin nag-agad sa matinud-anon nga pagbuhat” (*The Teachings of Spencer W. Kimball*, ed. Edward L. Kimball [1982], 478).

Kauban sa imong katungod mao ang responsibilidad sa pagpuyo nga takus sa imong tawag o katungdanan. Isip representante sa Ginoo, ikaw magmahimong “panig-ingnan sa mga magtotoo” (1 Timoteo 4:12). Paningkamot sa pagpakabuhi sumala sa mga kasugoan sa Dios ug sa paghupot sa mga pakigsaad nga imong gihimo sulod sa templo; pagkat-on sa mga kasulatan; pagmatinahuron, dili maglangay-langay, ug masaligan; sunda ang mga sumbanan sa misyonaryo kabahin sa panglihok-lihok, panamit, ug pamustura; higugmaa ang mga tawo nga imong alagaran ug ikatrabaho. Tahura ang ngalan ni Kristo pinaagi sa imong mga lihok.

Agig dugang sa katungod o awtoridad, gikinahanglan usab nga ikaw mogamit sa gahum diha sa imong buhat. Ang awtoridad nga nadawat nimo mosangput ngadto sa gahum. Sa pagkatinuod, ang espirituhang gahum usa ka ebidensya nga ang imong katungod tinuod. Ang espirituhang gahum usa ka gasa nga nakapahimo niini nga posible sa paghimo sa imong buluhaton sa mas epektibong paagi.

Ang imong gahum ug awtoridad makita gayud samtang ikaw molihok ug motudlo. Ang gahum makita diha sa daghang mga butang nga imong buhaton, sama sa:

- Magiyahan sa Espiritu sa pagsulti sa unsay gusto sa Ginoo nga imong isulti sa tukma nga panahon (tan-awa sa D&P 84:85).
- Pagdawat og giya mahitungod kon asa moadto o kon unsay buhaton (tan-awa sa D&P 28:15; 31:11; 75:26–27).
- Pagkumpirmar sa imong pagpamatuod pinaagi sa saksi sa Espiritu (tan-awa sa 2 Nephi 33:1; D&P 100:5–8).
- Pag-apil sa mga ordinansa sa kaluwasan (tan-awa sa D&P 84:19–20).
- Paghatag og mga panalangin sa priesthood kon ikaw usa ka elder (tan-awa sa Santiago 5:14–15).
- Pag-ampo uban ug alang sa mga tawo nga katrabaho nimo (tan-awa sa Alma 6:6; 8:18–22; 10:7–11; 31:26–35; D&P 75:19).
- Pagpadayag og gugma alang sa Ginoo, sa imong pamilya, sa kaubang mga misyonaryo, ug ang mga tawo nga imong alagaran.

Pagtuon sa Kasulatan

Unsaon nimo pagdawat og gahum?

Alma 17:2–3

D&P 53:3

1 Mga Taga-Corinto 2:4

Kalihokan: Personal nga Pagtuon o Pagtuon Kauban ang Kompanyon

Tan-awa ang pinintal [*painting*] nga si Kristo nag-ordinar sa mga Apostoles, ug dayon basaha ang Juan 15:1–16.

Sa usang paagi nga si Kristo mao ang tanum nga parras [*vine*]? Sa usang paagi nga ikaw usa ka sanga nianang tanum nga parras? Sa usang paagi ang imong pag-*set-apart* may kalabutan niini?

Basaha pag-usab ang imong sertipiko sa pagpangalagad [*ministerial certificate*]. Irekord ang imong mga pagbati ug mga hunahuna kabahin sa imong nabasa. Sa matag pagtuon nimo niining mao nga hugna [*chapter*], balika kini nga proseso. Bantayi ang pagkausab sa imong mga pagbati sa pagdagan sa panahon.

Tun-i ang Doktrina ug mga Pakigsaad 109:13–15, 21–30, 38–39, 55–57, nga mga kinutlo gikan sa dinasig nga pag-ampo sa pagpahinungod ni Propeta Joseph Smith alang sa Templo sa Kirtland. Unsa nga mga panalangin ang gipangayo ni Joseph Smith alang sa mga matinud-anon?



Ang Ebanghelyo ni Jesukristo

Ang ebanghelyo ni Jesukristo naghubit sa imong mensahe ug sa imong katuyoan; kana mao nga, naghatag kini sa “unsa” ug sa “ngano” sa misyonaryo nga buhat. Ang Manluluwas mihubit sa Iyang ebanghelyo nga naglangkob sa pipila ka mahinungdanon ug sukaranan nga mga doktrina. Mianhi Siya sa kalibutan aron sa paghimo sa kabubut-on sa Iyang Amahan, ug ang Iyang Amahan mipadala Kaniya sa kalibutan aron pagabayawon diha sa krus. Pinaagi sa Iyang Pag-ula ug Pagkabanhaw, ang tanang katawhan pagabayawon aron sa pagbarug atubangan ni Kristo aron mahukman sa ilang mga binuhatan, kon sila ba buotan o dautan. Kadtong nagbaton og hugot nga pagtuo kang Kristo, naghinulsol sa ilang mga sala, ug nabunyagan sa ngalan ni Kristo mahimong mabalaan pinaagi sa Espiritu Santo. Kon sila molahutay hangtud sa katapusan, sila magbarug nga walay mansa atubangan ni Kristo sa katapusang adlaw ug makasulod sa sabakan sa Ginoo. Si Kristo mohimo kanila nga walay sala atubangan sa Amahan. Siya mao ang ilang Tigpataliwala ug Manlalaban. kadtong dili molahutay diha sa pagkamatinud-anon hangtud sa katapusan “ilabay sa kalayo ... tungod sa kaangayan sa Amahan.” (Tan-awa sa 3 Nephi 27:13–22; itandi sa 2 Nephi 31:10–21; 3 Nephi 11:31–41; D&P 76:40–42, 50–53.)

Ang katuyoan sa ebanghelyo mao ang paglimpyo sa katawhan sa ilang mga kasalanan aron makadawat sila sa kalooy sa Manluluwas sa adlaw sa paghukom. Busa, ang pokus niining mao nga libro ug, labaw nga importante, ang trabaho nga imong buhaton matag adlaw mao ang pangimbitar sa uban sa pagduol ngadto kang Kristo pinaagi sa pagtabang kanila nga makadawat sa gipahiuli nga ebanghelyo pinaagi sa pagbaton og hugot nga pagtuo kang Jesukristo ug sa Iyang Pag-ula, paghinulsol, pagpabunyag, pagdawat sa Espiritu Santo, ug sa paglahutay hangtud sa katapusan.

Ang mga indibidwal ug mga pamilya magsugod sa pagsunod kang Kristo samtang sila magbaton og hugot nga pagtuo Kaniya ug maghinulsol sa ilang mga sala. Sila makadawat og kapasayloan sa mga sala pinaagi sa bunyag ug pinaagi sa pagdawat sa gasa sa Espiritu Santo gikan sa tawo nga adunay katungod gikan sa Dios sa paghimo niini nga mga ordinansa. Sila dayon molahutay hangtud sa katapusan, o, sa ato pa, sila mopadayon sa tibuok nilang kinabuhi sa pagbaton og hugot nga pagtuo kang Jesukristo, maghinulsol, ug magbag-o sa mga pakigsaad nga ilang gihimo. Kini dili lamang mga lakang nga ilang masinati kausa sa ilang kinabuhi; kon dili, kon balik-balikon sa tibuok nilang kinabuhi kini nga mga lakang mamahimong magkanindot nga sumbanan sa pagpuyo. Gani, mao lamang kini ang paagi sa pagpuyo nga makadala og kalinaw sa konsensya ug makahimo sa mga anak sa Langitnong Amahan sa pagbalik sa pagpuyo sa Iyang presensya.

Ang pagkamasulundon kang Jesukristo usa ka tibuok kinabuhi nga pasalig [commitment]. Pinaagi sa pagbaton og hugot nga pagtuo, paghinulsol, pagpabunyag ug pagpasalig nga moserbisyo kang Kristo, ug dayon pagdawat sa Espiritu Santo, kita makasinati og pagkaayo [healing], kapasayloan sa mga sala, ug hingpit nga pagkakabig ngadto sa Manluluwas ug sa Iyang ebanghelyo.

Tabangi ang mga tawo nga makabaton og hugot nga pagtuo kang Jesukristo ngadto sa paghinulsol pinaagi sa pagtudlo ug pagpamatuod nga ang kahingpitan sa ebanghelyo ni Jesukristo ug ang katungod sa priesthood gipahiuli na ug pinaagi sa pag-imbitar kanila sa pagsunod sa Iyang mga pagtulun-an.

“Isangyaw ang unang mga baruganan sa Ebanghelyo— balik-balika kini pagsangyaw: imong makita nga sa matag adlaw bag-o nga mga ideya ug dugang nga lamdag mahitungod niini ipadayag diha kanimo. Mahimo nimong pausbawon ang imong panabot niini ug mamahimo silang mas klaro alang kaninyo. Ikaw makahimo dayon sa pagpasabot niini sa mas sayon nga paagi ngadto niadtong [inyong] tudloan.”

— HYRUM SMITH
HISTORY OF THE CHURCH, 6:323

Pagtuon sa Kasulatan

Unsa ang ebanghelyo, o doktrina, ni Kristo?

2 Nephi 31:10–21

3 Nephi 11:31–41

3 Nephi 27:13–22

Ang Mensahe sa Pagpahiuli: Ang Pundasyon sa Hugot nga Pagtuo

Bisan asa ka moserbisyo o kon si kinsa ang imong tudloan, isentro ang imong pagtudlo diha sa Pagpahiuli sa ebanghelyo ni Jesukristo. “Ang Ginoo mopanalangin kaninyo samtang kamo motudlo sa mensahe sa Pagpahiuli ngadto sa kalibutan nga desperadong nagkinahanglan sa ebanghelyo ni Jesukristo” (“Pamahayag mahitungod sa Misyonaryo nga Buhat,” sulat sa Unang Kapangulohan, 11 sa Dis. 2002). Samtang ikaw magtuon sa mga dokrina nga anaa sa mga leksyon sa misyonaryo, imong masabtan nga kita adunay usa ka mensahe: Pinaagi sa usa ka moderno nga propeta, ang Dios mipahiuli sa kahibalo kabahin sa plano sa kaluwasan, nga nagsentro diha sa Pag-ula ni Kristo ug matuman pinaagi sa pagsunod sa unang mga baruganan ug mga ordinansa sa ebanghelyo.

Siguroha nga ang tanan nimong tudloan makasabot pag-ayo sa mosunod:

- Ang Dios sa literal atong Amahan sa Langit. Gihigugma kita Niya. Ang matag tawo sa kalibutan anak sa Dios ug sakop sa pamilya sa Dios. Si Jesukristo, ang Anak sa Dios, mao ang Manluluwas ug Manunubos.
- Ang atong mahigugmaong Amahan sa Langit nagtunol sa Iyang mga kamot ngadto sa Iyang mga anak sa tibuok biblikanhong kasaysayan pinaagi sa pagpadayag sa Iyang ebanghelyo ngadto sa mga propeta. Apan subo kaayo, daghang mga tawo misalikway sa ebanghelyo; gani pipila niadtong midawat niini miusab sa mga dokrina ug mga ordinansa sa ebanghelyo ug nawad-an og pagtuo ug nahisugamak sa apostasiya.
- Ang atong Amahan sa Langit mipadala sa Iyang Pinalanggang Anak, nga si Jesukristo, sa yuta. Mihimo Siya og mga milagro ug mitudlo sa Iyang ebanghelyo. Iyang gihimo ang Pag-ula ug nabanhaw Siya.
- Sugod sa Unang Panan-awon, ang Dios sa makausa pa mitunol sa iyang kamot diha sa gugma ngadto sa Iyang mga anak. Iyang gipahiuli ang ebanghelyo ni Jesukristo ug ang Iyang katungod sa priesthood ug miorganisar sa Iyang Simbahan sa yuta pinaagi kang Propeta Joseph Smith. Ang Basahon ni Mormon maoy makapakombensir nga ebidensya niining Pagpahiuli.



Samtang ikaw motabang sa mga *investigator* nga makakita sa balik-balik nga dagan [*pattern*] sa apostasiya ug pagpahiuli, maandam sila sa pagsabot sa dakong panginahanglan alang sa Pagpahiuli sa kaulahiang mga adlaw. Ilang makita ang kakinahanglanon sa pagdawat sa gipahiuli nga ebanghelyo, pagdawat sa mga ordinansa sa kaluwasan pinaagi sa katungod sa gipahiuli nga priesthood, ug sa pagsunod sa dalan padulong sa kinabuhing dayon. Tabangi ang mga tawo nga makasabot nga ang Simbahan dili lamang usa ka laing relihiyon, ni kini usa ka Amerikanhong simbahan. Kon dili, kini pagpahiuli sa “kahingpitan [sa] ebanghelyo” (D&P 1:23), ang mao gipadayag ug gitudlo sukad pa sa sinugdanan.

Ang Basahon ni Mormon: Lain nga Tugon ni Jesukristo makapakombensir nga ebidensya nga si Joseph Smith usa gayud ka propeta ug nga ang ebanghelyo ni Jesukristo napahiuli

gayud. Kini ang tukurang bato [*keystone*] sa atong relihiyon, ang pinaka gamhanan nga kapanguhaan [*resource*] sa pagtudlo niini nga mensahe. Pipila sa importante nga mga kamatuoran nga gipahiuli pinaagi ni Joseph Smith naglakip sa kahibalo nga ang Dios atong Amahan ug nga kita Iyang espiritu nga mga anak, nga kita nagpuyo uban Kaniya sa wala pa kita matawo sa kalibutan, ug nga ang mga pamilya duyog nga makapuyo hangtud sa kahangturan diha sa presensya sa Dios pinaagi sa Pag-ula ni Kristo pinaagi sa pagsunod sa mga balaod ug mga ordinansa sa ebanghelyo.

Ang Basahon ni Mormon maoy ebidensya sa gugma sa Dios alang sa Iyang mga anak. Nagpakita kini nga ang Dios makigsulti sa Iyang mga anak. Samtang ikaw magtudlo ug magpamatuod, imbitara ang mga tawo sa pagbasa sa Basahon ni Mormon ug sa pag-ampo kabahin sa mensahe niini. Ang matag tawo nga imong tudloan kinahanglan modesidir kon modawat ba sa Basahon ni Mormon isip pinadayag gikan sa Dios.

Salig sa talagsaon nga saad nga anaa sa Moroni 10:3–5. Buhata ang tanan kutob sa imong mahimo sa pag-agni sa mga tawo sa pagbasa sa mao nga basahon, sa pagsabot niini, ug sa pagpangutana sa Dios sa matinuurong paagi kon kini tinuod ba. Ang saksi sa Espiritu Santo mamahimong tukurang bato sa pundasyon sa ilang pagtuo nga si Kristo mipahiuli sa Iyang Simbahan. Tabangi ang imong gitudloan sa pagdawat nianang espirituhanon nga kumpirmasyon.

Pagtuon sa Kasulatan

Unsay angay nga paagi sa paggamit sa Basahon ni Mormon sa imong misyonaryo nga buhat?

1 Nephi 13:39

Moroni 10:3–5

D&P 42:12–14

2 Nephi 29:8–10

D&P 20:5–16

Kalihokan: Personal nga Pagtuon

Hunahunaa nga mosulat ka og usa ka artikulo kabahin sa mensahe sa Pagpahiuli alang sa usa ka lokal nga pahayagan [*newspaper*]. Sa imong journal sa pagtuon pagsulat og ulohan [*title*] nga naghulagway sa pinakamahinungdanon nga mensahe. Unya irekord ang imong mga hunahuna ug mga pagbati kabahin niini nga mensahe, lakip sa unsang paagi nga ang pagsabot pag-ayo niini nakapausab sa paagi sa imong pagpuyo ug sa imong panglantaw sa kalibutan nga naglibot kanimo.

Pagtabang sa Uban sa Paghimo og mga Pasalig [*Commitment*]: Ang Agianan ngadto sa Hugot nga Pagtuo ug Paghinulsol

Tabangi ang mga tawo nga makasarang alang sa bunyag ug pagkumpirma pinaagi sa pagtudlo kanila sa tinuod nga doktrina ug pag-imbatar kanila sa paghinulsol ug sa pag-usab sa ilang mga kinabuhi ug sa pagtuman sa mga pasalig nga makaugmad sa ilang pagtuo kang Jesukristo. Kini nga mga pasalig mag-andam sa mga tawo sa paghimo ug pagtuman sa sagrado nga mga pakigsaad.

Si Elder Jeffery R. Holland nagtudlo: “Ang una nimong buhaton kon ang investigator mosulti kanimo ng siya wala makabasa o maka-ampo kabahin sa Basahon ni Mormon mao nga maguol ka pag-ayo! ... Kasagaran dili kaayo kita mabalaka kabahin niini. Kinabuhing dayon kini. Kaluwasan kini sa mga anak sa Dios. Ang kahangturan [*eternity*] nag-agad sa unsay ilang pilion ... Kini mao ang pinaka importante nga butang nga mabuhat niini nga investigator. Pero kon wala siya mahibalo niana, maayo nalang nga ikaw nahibalo! ... Mao nga dumalaa pag-ayo kini nga sitwasyon. Tudlo uban sa gahum ug katungod, ug dayon maguol kon ang unang mga lakang padulong sa pagsunod sa mga kasugoan ug pagtuman

sa mga pakigsaad wala masugdi sa malampusong paagi” (“Making and Keeping Covenants,” missionary satellite broadcast, Abr. 1997).

Samtang ikaw magtudlo sa mga tawo sa pagsabot sa Pagpahiuli sa kahingpitan sa ebanghelyo, ikaw “nagpahayag og paghinulsol” (D&P 15:6). Ang paghinulsol naglangkob sa pag-usab sa kasingkasing ug usa ka tinguha sa pagsalikway sa sala ug moserbisyo sa Dios. Kini naglangkob sa mapainubsanong pagnunut sa espiritu ug sa pagtugyan sa kabubut-on sa Dios. Nagkinahanglan nga ang mga tawo mopadako sa ilang pasalig sa pagpakabuhi nga nahisubay sa kabubut-on sa Dios. Ang paghinulsol nagkinahanglan og usa ka sinsero ug malungtaron nga pag-usab sa mga hunahuna, mga tinguha, mga kinaiya, ug mga lihok. Usa kini ka maayo nga kasinatian nga magdala og hingpit nga kalipay ug kalinaw. Ayaw pagpanuko ug pagmahigugmaon sa pagtabang sa mga tawo nga makasabot kon unsay angayng buhaton nila aron makahinulsol. Pinaagi sa pag-imbatar sa mga tawo sa paghimo og mga pasalig [*commitments*], epektibo ka nga makapahimangno ug usab makadala og paglaum kanila.

Pagtuon sa Kasulatan

Unsa may gitudlo niini nga mga kasulatan mahitungod sa pagpahayag og paghinulsol?

Alma 29:1–4

Alma 62:45

D&P 15:6; 16:6

Alma 42:31

D&P 14:8

Bunyag ug Pagkumpirma

Ang pagbunyag ug pagkumpirma sa mga tawo nga imong tudloan mao ang pinakamahinungdanon sa imong katuyoan. Ang bunyag para sa kapasayloan sa mga sala, ug ang gasa sa Espiritu Santo nagdala og daghang mga panalangin ngadto niadtong kinsa magpakabuhi nga takus niini. Pinaagi niini nga mga ordinansa ang mga tawo mosulod sa ganghaan ug mopadayon diha sa dalan padulong ngadto sa kinabuhing dayon. Si Elder Dallin H. Oaks miingon: “Kita wala magsangyaw o magtudlo aron ‘makadala og mga tawo ngadto sa Simbahan’ o aron modaghan ang mga miyembro sa Simbahan. Kita wala magsangyaw ug magtudlo aron lang modani og mga tawo ngadto sa mas maayo nga kinabuhi ... Kita nag-imbatar sa tanan sa pagduol ngadto kang Kristo pinaagi sa paghinulsol ug sa bunyag ug sa pagkumpirma aron sa pag-abli sa mga pultahan sa celestial nga gingharian ngadto sa mga anak sa Dios. Walay lain pa ang makahimo niini” (“Ang Katuyoan sa Misyonaryo nga Buhat,” missionary satellite broadcast, Abr. 1995).

Sa imong pagtudlo sa gipahiuli nga ebanghelyo, tabangi ang mga tawo nga makasabot sa sagrado nga kinaiya sa bunyag ug sa pagkumpirma o kumpirmasyon. Tabangi sila nga makaamgo nga ang pagdawat sa gasa sa Espiritu Santo usa ka dako nga panalangin niining kinabuhia ug yawe sa ilang kaluwasan. Ang Espiritu Santo “magtudlo [kanila] sa tanang butang” (Juan 14:26). Si Presidente Boyd K. Packer mitudlo: “Kon kamo nagtudlo sa mga investigator ug nag-andam kanila nga mabunyagan sa tubig, kinahanglan sab ninyong hunahunaon ang gasa sa Espiritu Santo—ang bunyag sa kalayo.” Hunahuna kini isip usa ka sulti. Una ang bunyag pinaagi sa tubig ug dayon ang bunyag sa kalayo” (“The Gift of the Holy Ghost: What Every Missionary Should Know—and Every Member As Well,” seminar alang sa bag-o nga mga mission president, Hunyo 2003). Si Propeta Joseph Smith nagtudlo, “Ang bunyag pinaagi sa tubig katunga lamang sa unsa gayuy bunyag, ug walay gamit kon wala ang pikas katunga—nga mao ang, ang bunyag sa Espiritu Santo” (*History of the Church*, 5:499).

Tabangi ang imong tudloan nga makasabot nga aron makasarang alang sa bunyag ug pagkumpirma kinahanglan mahimo nila ang mga kondisyon nga gihatag diha sa Doktrina ug mga Pakigsaad 20:37.

D&P 20:37 Mga Kwalipikasyon para sa Bunyag

- Mopaubos sa ilang kaugalingon atubangan sa Dios.
- Magtinguha sa pagpabunyag.
- Moduol nga adunay masulub-on nga mga kasingkasing ug mahinulsulon nga mga espiritu.
- Maghinulsol sa tanan nilang mga sala.
- Andam nga modala nganha kanila sa ngalan ni Jesukristo.
- Determinado nga moalagad ni Kristo hangtud sa katapusan.
- Makita sa ilang mga binuhatan nga ilang nadawat ang Espiritu ni Kristo ngadto sa kapsayloan sa ilang mga sala.

Human ang takus nga mga kinabig mabunyagan, sila kumpirmahan nga mga miyembro sa Simbahan ug ang gasa sa Espiritu Santo itugyan ngadto kanila. Kini nga pagkumirmar mahitabo ubos sa direksyon sa bishop o branch president diha sa usa ka sakrament miting pagkahuman gilayon sa bunyag. Samtang ang duha ka mga ordinansa nagkabulag sa makadiyot nga panahon, ang pagkumpirmar naghingpit ug nagkompleto sa bunyag.

Pagtuon sa Kasulatan

Sa unsang mga paagi ang gasa sa Espiritu Santo usa sa pinakamahinungdanon nga mga gasa nga atong madawat?

3 Nephi 19:1–13
D&P 45:56–57

Juan 3:5
Juan 14:26

Mga Taga-Galacia 5:22–25
Giya ngadto sa mga Kasulatan,
“Espiritu Santo”

Ngano kaha ang mga kinabig [*converts*] kinahanglan man magtinguha sa gasa sa Espiritu Santo?

2 Nephi 31:12–17
2 Nephi 32:1–5

Mga Buhat 8:14–17

Mga Buhat 19:1–6

Kalihokan: Pagtuon kauban ang Kompanyon

Siksika ang mosunod nga mga kasulatan ug paghimo og lista sa mga kwalipikasyon ug mga pakigsaad sa bunyag. Sabuti uban sa imong kompanyon kon unsaon pagtudlo kana nga mga kinahanglanon ngadto sa uban.

2 Nephi 31:13
Mosiah 18:8–10

Alma 7:14–16
3 Nephi 11:21–41

Moroni 6:1–4
D&P 20:37

Pag-establisar sa Simbahan

Sa higayon nga ang mga tawo mabunyagan ug makumpirmahan nga mga miyembro sa Simbahan, padayon sa pagpakig-alayon uban sa mga lider sa ward ug sa mga miyembro sa pagtabang niining bag-o nga mga kinabig nga maka-*adjust* sa ilang bag-ong kinabuhi ug makapadayon sa ilang espirituhanong pagtubo. Ang Simbahan ma-establisar kon ang mga

Mubo nga mga Sulat

tawo nga adunay pagpamatuod mabunyagan ug makumpirmahan, mohupot sa ilang mga pakigsaad, aktibong mangandam nga moadto sa templo, ug makatabang sa pagpalig-on sa ward o branch.

Ang mga kinabig nga adunay miyembro nga mga higala, nahatagan og responsibilidad, ug naamumahan pinaagi sa pulong sa Dios motubo diha sa pagpamatuod ug hugot nga pagtuo. Ang mga misyonaryo, mga lider sa ward, ug mga miyembro sa Simbahan kinahanglan dili molikay sa ilang responsibilidad sa pag-amuma ug sa paglig-on sa bag-o nga mga miyembro.

Usa ka Malampuson nga Misyonaryo

Ang imong kalampusan isip usa ka misyonaryo masukod gayud pinaagi sa imong pasalig sa pagpangita, pagtudlo, pagbunyag, ug pagkumpirmar og mga tawo ug sa pagtabang kanila nga mamahimong matinud-anon nga mga miyembro sa Simbahan kinsa nagtagamtam sa presensya sa Espiritu Santo.

Likayi ang pagtandi sa imong kaugalingon sa ubang mga misyonaryo ug sa pagsukod sa mga resulta sa imong mga paningkamot tandi kanila nga kanang makita o maihap. Hinumdumi nga ang mga tawo adunay kabubut-on sa pagpili kon dawaton ba nila ang imong mensahe. Ang imong responsibilidad mao ang pagtudlo sa klaro nga paagi ug sa gamhanang paagi aron makahimo sila og sakto nga pagpili. Ang uban mahimong dili modawat sa imong mensahe bisan kon sila nakadawat og espirituhanon nga saksi nga kini tinuod. Maguol ka tungod kay gihigugma nimo sila ug nagtinguha sa ilang kaluwasan. Apan, dili angay nga ikaw mawad-an og kadasig o mahingawa; ang kahingawa makapahuyang sa imong pagtuo. Kon paubsan nimo ang imong mga gilauman [*expectations*], ang imong kaepektibo mokunhod, ang imong kadasig sa pagtinguha mohuyang, ug mas maglisod ka sa pagsunod sa Espiritu.

Imong mahibaloan nga ikaw nagmalampuson nga misyonaryo kon ikaw:

- Mibati sa Espiritu nga nagpamatuod ngadto sa mga tawo pinaagi kanimo.
- Nahigugma sa mga tawo ug nagtinguha sa ilang kaluwasan.
- Nagsunod gayud sa mga patakaran sa misyon.
- Nagpakabuhi aron ikaw makadawat ug mahibalo unsaon pagsunod ang Espiritu, kinsa mopakita kanimo kon asa moadto, kon unsay buhaton, ug kon unsay isulti.
- Nagpalambo og mga kinaiya nga sama kang Kristo.
- Epektibo nga nagtrabaho kada adlaw, naghimo sa imong pinaka maayo sa pagdala og mga kalag ngadto kang Kristo, ug nagtinguha paagyo nga makat-on ug mouswag.
- Nagtabang sa Simbahan (sa ward) bisan asa ikaw gitudlo nga motrabaho.
- Nagpahimangno sa mga tawo kabahin sa mga sangputanan sa sala. Nagdapit kanila sa paghimo ug pagtuman sa mga pasalig.
- Nagtudlo ug moserbisyo sa ubang mga misyonaryo.
- Naghimo og mga maayo ug nagserbisyo sa mga tawo sa matag higayon, bisan kon modawat ba sila o dili sa imong mensahe.

Kon imong gibuhay na ang imong pinakamaayo, mahimong makasinati ka gihapon og mga kapakyasan, pero dili ka mahingawa sa imong kaugalingon. Makabati ka og kasiguroan nga ang Ginoo nalipay kon imong mabati ang Espiritu nga naglihok pinaagi kanimo.

Pagtuon sa Kasulatan

Unsay bation sa mga sulugoon sa Ginoo mahitungod sa trabaho? Sa unsang paagi ang mga sulugoon sa Ginoo maka-impluwensya niadtong ilang alagaran?

Mosiah 28:3	3 Nephi 28:4–10	D&P 68:2–6
Alma 8:14–15	Ether 12:13–15	
Helaman 10:3–5	D&P 15:4–6; 16:4–6	

Kalihokan: Personal nga Pagtuon

- Basaha ang Helaman 10:1–5 ug 3 Nephi 7:17–18. Unsa may gibati sa Ginoo kabahin niini nga mga misyonaryo ug sa ilang pagserbisyo?
- Hunahunaa ang misyonaryo nga mga paningkamot ni Abinadi ug Ammon (tan-awa sa Mosiah 11–18; Alma 17–20, 23–24). Ngano kaha nga nagmalampuson silang duha bisan og ang dihadiha nga resulta sa ilang mga paningkamot managlahi?
- Irekord ang imong mga nakat-onan diha sa imong journal sa pagtuon.

Hinumdumi Kini

- Ang imong katuyoan mao ang pag-imbatar sa uban sa pagduol ngadto kang Kristo pinaagi sa pagtabang kanila nga makadawat sa gipahiuli nga ebanghelyo pinaagi sa pagbaton og hugot nga pagtuo kang Jesukristo ug sa Iyang Pag-ula, paghinulsol, pagpabunyag, pagdawat sa Espiritu Santo, ug sa paglahutay hangtud sa katapusan.
- Ang gipahiuli nga ebanghelyo ni Jesukristo mao ang bugtong paagi diin kita makakita og mahangturon nga kalipay.
- Ang imong *calling* naghatag kaniyo og katungod; ang paghupot sa imong mga pakigsaad naghatag kaniyo og gahum.
- Ang kahingpitan sa ebanghelyo ni Jesukristo gipahiuli pinaagi kang Propeta Joseph Smith. Ang Basahon ni Mormon ebidensya nga si Joseph Smith usa gayud ka propeta.
- Imong matabangan ang mga tawo nga makapuyo sa ebanghelyo pinaagi sa pag-imbatar kanila sa paghimo ug pagtuman sa mga pasalig.
- Imong mapakita ang imong gugma para sa Ginoo ug pasalamat alang sa Iyang Pag-ula pinaagi sa pagdala og mga kalag ngadto kaniya.
- Ikaw magmalampuson kon ikaw masulundon, nagpuyo nga matarung, ug maghimo sa imong pinakamaayo sa pagtabang sa uban nga makasunod sa ebanghelyo.

Misionaryo nga Buhat [Missionary Work]

Ang mosunod nga pamahayag nga gihimo sa mga Presidente sa Simbahan niini nga dispensasyon.

Presidente Joseph Smith (1830–1844)

“Human ang tanan nasulti na, ang pinakamahunungdanon ug ang pinaka importante nga katungdanan mao ang pagsangyaw sa Ebanghelyo” (*Teachings of the Prophet Joseph Smith*, pin. Joseph Fielding Smith [1976], 113).

“Himoa nga ang mga Santos mahinumdom nga ang mahinungdanong mga butang nag-agad sa ilang tagsa-tagsang panlimbasog, ug nga sila gitawag nga mamahimong mga katrabaho uban kanato ug ang Espiritu Santo sa pagtuman sa dakong buluhaton sa katapusang mga adlaw” (*Teachings of the Prophet Joseph Smith*, 178–79).

Presidente Brigham Young (1847–1877)

“Walay lalaki o babaye niining Simbahana nga wala sa misyon. Kana nga misyon molungtad hangtud nga sila buhi pa, ug kini mao ang pagbuhat og maayo, ang pagpasiugda og pagkamatarung, ang pagtudlo sa mga baruganan sa kamatuoran, ug ang paglampos sa ilang mga kaugalingon ug sa tanan nga naglibot kanila sa pagsunod niana nga mga baruganan nga sila makaangkon og kinabuhing dayon” (*Discourses of Brigham Young*, pin. John A. Widtsoe [1954], 322).

Presidente John Taylor (1880–1887)

“Ang atong katungdanan mao ang pagsangyaw sa ebanghelyo ngadto sa tanan nga mga tawo ... Mao kini ang gipaabot kanato sa Dios” (*The Gospel Kingdom*, pin. G. Homer Durham [1943], 234–35).

Presidente Wilford Woodruff (1889–1898)

“Miabut kita dinhi sa yuta nga adunay misyon; ... nga kita makaangkon og gahum sa pagpadayon ug sa paghimangno sa mga kanasuran sa yuta ... Isip mga elder sa Israel, gamay ra kaayo kanato ang hingpit nga nakasabot sa atong posisyon, sa atong calling, sa atong relasyon sa Dios, sa atong responsibilidad, o sa buluhaton nga gisangon sa Ginoo sa atong mga kamot” (*The Discourses of Wilford Woodruff*, pin. G. Homer Durham [1946], 124).

Presidente Lorenzo Snow (1898–1901)

“Walay mortal nga tawo nga mas interesado pag-ayo sa kalampusan sa usa ka elder kon siya nagsangyaw sa ebanghelyo kaysa sa Ginoo nga mipadala kaniya sa pagsangyaw ngadto sa mga tawo kinsa mga anak sa Ginoo” (*The Teachings of Lorenzo Snow*, hinipos ni Clyde J. Williams [1984], 70).

Presidente Joseph F. Smith (1901–1918)

“Aduna kita’y misyon dinhi sa kalibutan: ang kada lalaki, ang kada babaye, ang kada bata kinsa anaa nay salabutan o anaa na sa edad sa pagka-may-tulubagon, kinahanglan ... makasarang sa pagsangyaw sa kamatuoran, sa pagpadayag og pagpamatuod sa kamatuoran” (*Gospel Doctrine*, ika-13 nga ed. [1968], 251–52).

Presidente Heber J. Grant (1918–1945)

“Kita isip katawhan adunay labing dako nga buluhaton, ug kana mao ang pagpahimangno sa kalibutan sa paghinulsol sa sala, sa pagduol sa Dios. Ug atong katungdanan labaw sa tanan ang pagpadayon ug pagsangyaw sa ebanghelyo ni Ginoong Jesukristo, ang pagpahiuli pag-usab dinhi sa kalibutan sa plano sa kinabuhi ug sa kaluwasan ... Ania kanato sa tinuoray ang perlas nga labing bililhon. Ania kanato kanang mas bililhon kay sa tanang bahandi ug sa mga siyentipikong kasayuran nga gihuptan sa kalibutan. Ania kanato ang plano sa kinabuhi ug sa kaluwasan ... Ang labing maayo nga paagi dinhi sa kalibutan sa pagpakita sa atong gugma sa atong silingan mao ang paglakaw ug pagsangyaw sa ebanghelyo ni Ginoong Jesukristo, diin siya mihatag kanato og hingpit nga kahibalo mahitungod sa kabalaan niini” (sa Conference Report, Abr. 1927, 175–76).

Presidente George Albert Smith (1945–1951)

“Mao kana ang inyong misyon, akong mga kaigsoonan sa Simbahan, mao kana ang inyong responsibilidad. Libre ninyong nadawat ug ang atong Langitnong Amahan nagpaabot nga libre ninyong ipakigbahin sa Iyang ubang mga anak kining mahimayaon nga mga kamatuoran” (*Sharing the Gospel with Others*, pin. Preston Nibley [1948], 213).

“Maangkon lamang nato ang kahimayaan sa Celestial nga Gingharian sa kondisyon nga atong ipaambit uban sa ubang mga anak sa atong Amahan ang mga panalangin sa Ebanghelyo ni Jesukristo ug mosunod sa mga kasugoan nga makapabuhong sa atong kinabuhi dinhi ug sa mosunod nga kinabuhi” (*Sharing the Gospel with Others*, 190).

Presidente David O. McKay (1951–1970)

“Ang matag miyembro ... misyonaryo!” (sa Conference Report, Abr. 1959, 122).

“Ang tinuod nga Kristiyanismo gugma nga naglihok. Walay mas maayong paagi sa pagpakita sa paghigugma sa Dios kaysa pagpakita og dili hakog nga gugma alang sa inyong isig ka tawo. Mao kini ang diwa sa misyonaryo nga buhat” (*Gospel Ideals* [1954], 129).

Presidente Joseph Fielding Smith (1970–1972)

“Atong nadungog nga kitang tanan mga misyonaryo. Ang matag miyembro ... misyonaryo o kinahanglan mamahimong misyonaryo; ... isip mga miyembro sa Simbahan, tungod kay atong gisaad ang atong kaugalingon sa kauswagan sa ebanghelyo ni Jesukristo kita nahimong mga misyonaryo. Kabahin kana sa responsibilidad sa kada miyembro sa Simbahan” (*Take Heed to Yourselves* [1971], 27–28).

Presidente Harold B. Lee (1972–1973)

“Ang misyonaryo nga buhat maora og home teaching niadtong sa pagkakaran dili pa mga miyembro sa Simbahan, ug ang home teaching walay sobra o kulang kay sa misyonaryo nga buhat alang sa mga miyembro sa Simbahan” (*Improvement Era*, Dis. 1964, 1078).

Presidente Spencer W. Kimball (1973–1985)

“Karon mao ang panahon sa sukdanan sa dagan sa panahon sa Ginoo sa paghatud sa ebanghelyo ngadto sa mas layo kaysa asa kini nahatud kaniadto ... Daghang mga tawo niining kalibutana ang naghilak, nasayud o wala masayud, ‘Dali ngari ... ug tabangi ‘mi.’ Posibleng inyo kining silingan. Mahimong inyo siyang amiga. Mahimong paryente ninyo siya. Mahimong siya mao ang bag-o lang ninyong nakahibalag kagahapon. Apan anaa nato ang ilang gikinahanglan. Magkuha kita og bag-ong kaisug gikan sa atong mga pagtuon ug mag-ampo, sama sa gibuhat ni Pedro, ‘Ug karon, Ginoo, ... itugot sa imong mga sulugoon ang pagsulti sa imong pulong sa walay bisan diyutayng pagkahadlok’ (Mga Buhat 4:29)” (*Teachings of Spencer W. Kimball* [1982], 546).

Presidente Ezra Taft Benson (1985–1994)

“Kinahanglan natong ipakigbahin ang ebanghelyo sa ubang mga tawo. Mao kana ang atong responsibilidad—ang matag miyembro misyonaryo. Mao kana ang unsay gitawag sa mga propeta sa Dios nga atong buhaton ...

“ ... Miyembro-misionaryo nga buhat [*member-missionary work*] usa sa mahinungdanon nga mga yawe sa tagsa-tagsa nga pagtubo sa atong mga miyembro. Hugot ang akong pagtuo nga ang miyembro-misionaryo nga buhat mopausbaw sa espiritalidad sa bisan unsang ward kon gamiton” (*Teachings of Ezra Taft Benson*, 208–9).

Presidente Howard W. Hunter (1994–1995)

“Sigurado ang pagdala sa ebanghelyo ngadto sa tanang kabanayan, pinulongan, ug katawhan mao ang usa nga pinakamahinungdanon nga responsibilidad nga anaa nato dinhi sa pagkamortal ... Nahatagan kita og kahigayunan nga matawo niining katapusang mga adlaw, ikumparar sa mga nag-una nga mga dispensasyon, sa pagtabang sa pagdala sa ebanghelyo ngadto sa tanang mga tawo sa kalibutan” (“Walls of the Mind,” *Ensign*, Sept. 1990, 10).

“Unsa may kalabutan sa Pag-ula ngadto sa misyonaryo nga buhat? Sa matag karon ug unya atong masinati ang mga panalangin sa Pag-ula sa atong kinabuhi, dili nato mapugngan nga kita maghunahuna sa kaayohan sa uban ... Usa ka mahinungdanong timailhan sa personal nga pagkakabig sa usa ka tawo mao ang tinguha sa pagpaambit sa ebanghelyo sa ubang mga tawo.” (“The Atonement and Missionary Work,” seminar alang sa bag-o nga mga mission president, Hunyo 1994).

Presidente Gordon B. Hinckley (1995–)

“Ania kita dinhi aron sa pag-abag sa atong Amahan sa Iyang buluhaton ug sa Iyang himaya, ‘sa pagpahinabo sa pagka-impormal ug kinabuhing dayon sa tawo’ (Moises 1:39). Ang inyong obligasyon seryoso sa katungdanan sa inyong responsibilidad sama sa akong obligasyon sa akong katungdanan” (sa Conference Report, Abr. 1995, 94 o sa *Ensign*, May 1995, 71).

“Ugmaron nato ang kahibalo diha sa kasingkasing sa matag miyembro sa iyang kaugalingong potensyal sa pagdala sa uban nga mahibalo sa kamatuoran. Ipatrabaho niya kini. Paampo sa uban sa tumang kakugi kabahin niini” (“Find the Lambs, Feed the Sheep,” *Ensign*, Mayo 1999, 106).

Mga Ideya sa Pagtuon ug Paggamit

Personal nga Pagtuon

- Pag-andam og duha-ka-minuto nga pakigpulong mahitungod sa usa sa mga pangutana sa sinugdanan niining mao nga hugna. Pangandam sa pagpakigbahin sa imong pakigpulong uban sa imong kompanyon o uban sa laing mga misyonaryo diha sa usa ka *district meeting*.
- Hangyoa ang bag-o nga mga kinabig sa pag-istorya sa ilang mga sugilanon sa pagkakabig. Unsay nakatabang kanila nga makaangkon og “hugot nga pagtuo ngadto sa paghinulsol” (Alma 34:17)? Nganong nakadesidir man sila nga magpabunyag ug magpakumpirma? Unsa may gibati nila dihang nahimo silang bag-o nga mga miyembro sa Simbahan? Unsa pa unta’y mabuhat sa mga misyonaryo aron mas malaagaran pa sila og maayo?
- Hunahunaa unsay gipasabot sa pag-isa sa tingog sa pagpasidaan (tan-awa sa Jacob 3:12; D&P 1:4; 38:41; 63:57–58; 88:81; 112:5; Ezequiel 3:17–21; 33:1–12). Isulat sa imong kaugalingong mga pulong unsay gipasabot niini ug unsaon nimo kini pagbuhat.
- Basaha ang Mormon 8 ug Moroni 1 ug 10. Samtang ikaw magbasa, pangutan-a ang imong kaugalingon, “Unsa may gilauman ni Moroni sa atong panahon? Unsa may gusto niya nga atong buhaton sa Basahon ni Mormon? Unsa may akong isulti kang Moroni kon duna koy kahigayunan? Irekord ang imong mga hunahuna diha sa imong journal sa pagtuon.
- Hunahunaa ang mga paghitabo sa imong kinabuhi nga nakapalig-on sa imong pagpamatuod kabahin ni Joseph Smith ug sa Pagpahiuli. Dayon pagsulat og tubag niini nga pangutana: Unsa may nakatabang kanimo nga masayud nga ang Langitnong Amahan ug si Jesukristo nagpakita ngadto kang Joseph Smith?

Pagtuon kauban ang Kompanyon

- Ipakigbahin sa usag usa ang imong mga tubag sa mga pangutana gikan sa “Konsideraha Kini” nga anaa sa sinugdanan niini nga hugna.
- Ipakigbahin sa usag usa ang unsay imong mga panghinaut ug mga tinguha alang sa imong misyon sa dihang imong nadawat ang imong tawag sa misyon [*mission call*]. Sa imong kasinatian karon, unsa na man kadak-a ang nakab-ot o natinuod sa imong gipanglauman? Unsaon nimo pagkab-ot kini nga mga gipanglauman [*expectations*]?
- Basaha ug tukia ang “Ministro” nga anaa sa Giya ngadto sa mga Kasulatan.
- Pagpili og usa sa mosunod nga banggiitan nga mga misyonaryo, ug basaha ang mga kapakisayran [*references*] nga gilista. Samtang ikaw magbasa, hisguti kon giunsa niining mao nga misyonaryo (1) pagsabot ug pagpasalig sa iyang kaugalingon sa iyang *calling*, (2) pagpakita sa iyang kinaiya ug tinguha alang sa buhat, ug (3) pagtabang sa uban nga modawat sa ebanghelyo.
Alma (Mosiah 18) Nephi ug Lehi (Helaman 5) Pablo (Mga Buhat 16)
Aaron (Alma 22; 23:1–6) Pedro (Mga Buhat 2)
- Pagpili og himno kabahin sa pagpahiuli, sama sa “Ang Espiritu sa Dios,” “Salamat, O Dios, sa Propeta,” o “Unang Pag-ampo ni Joseph Smith” (tan-awa sa Mga Himno ug mga Awit sa mga Bata [33438_853]. Basaha o kantaha ang mga himno. Tukia ang mga gipasabot sa mga pulong.
- Basaha og dungan ang “Hugot nga Pagtuo,” “Hinulsol, Paghinulsol,” “Bunyag, Gibunyagan,” ug “Espiritu Santo” nga anaa diha sa Giya ngadto sa mga Kasulatan. Basaha ug tukia ang tanang mga kapakisayanan nga kasulatan sa kada entrada.
- Basaha og dungan ang “Dispensasyon” nga anaa sa Giya ngadto sa mga Kasulatan. Basaha usab ug tukia ang Doktrina ug mga Pakigsaad 136:37.

Mga District Meeting ug Mga Zone Conference

- Pag-imbatar og duha o tulo ka bag-o nga mga kinabig sa pagpaambit sa ilang mga kasinatian sa pagkakabig. Unsay ilang gibati kabahin sa mga misyonaryo? kabahin sa unsay gitudlo sa mga misyonaryo? kabahin sa pagtuman sa mga pasali? Unsa gayuy nakapaimpluwensya sa ilang pagkakabig?
- Pag-imbatar og usa ka lider sa priesthood sa pagpakig-istorya sa mga misyonaryo kabahin sa mga oportunidad ug mga kalisdanan sa pagtukod sa Simbahan sa inyong erya.
- Basaha ang Alma 18 ug tukia kini nga mga pangutana: Unsa man ang mga gibati ni Lamoni sa sinugdanan sa istorya? Giunsa nila pagka-usab? Unsa nga mga pagbati ang angayng bation sa usa ka tawo aron makadawat sa mga panalangin sa ebanghelyo? Basaha ang Alma 34:15–16, ug itandi kini sa istorya ni Lamoni. Sa unsang paagi ang Pag-ula ni Kristo makapahimo kanato nga makadawat og kalooy?
- Tukia kon unsay gipasabot sa mamahimong usa ka malampuson nga misyonaryo. Pangimbatar og mga misyonaryo sa paghatag og tino nga mga ehemplo sa kalampusan.
- Bahin-bahina ang mga misyonaryo ngadto sa tulo ka grupo. Pag-assign og usa ka grupo sa pagbasa sa Mga Buhat 2:36–38 (Pedro), lain nga grupo mobasa sa Mga Buhat 16:25–33 (Pablo), ug ang katapusan nga grupo mobasa sa Mosiah 18:8–11 (Alma). Hangyog ang kada grupo sa pagtubag sa pangutana, “Unsa may gibuhat niini nga misyonaryo aron sa pagtabang sa uban nga mopausbaw diha sa hugot nga pagtuo kang Kristo, maghinulsol, ug modawat og bunyag ug pagkumpirma?” Tukia unsay nakat-onan sa mga misyonaryo gikan niini nga mga istorya nga makatabang kanila nga makabansay sa hugot nga pagtuo sa pag-imbatar og mga tawo nga maghinulsol, magpabunyag, ug makadawat sa gasa sa Espiritu Santo.
- Pipila ka mga adlaw sa dili pa ang miting, pag-assign og pipila ka mga misyonaryo sa pagpamalandong [ponder] sa pipila ka pinili nga mga pangutana gikan sa “Konsideraha Kini” nga ana sa sinugdanan sa mao nga hugna. Hangyog ang kada misyonaryo sa pag-andam og duha ngadto sa tulo ka minuto nga pakigpulong mahitungod sa iyang gi-assign nga pangutana. Atol sa district meeting o zone conference, tuguti ang mga misyonaryo sa paghatag sa ilang mga pakigpulong. Sunod sa mga pakigpulong, tukia kon unsay ilang nakat-onan ug unsaon nila paggamit niini sa ilang misyonaryo nga buhat.
- Bahin-bahina ang mga misyonaryo ngadto sa upat ka mga grupo. Hangyog ang kada grupo sa paglista kutob sa ilang nahibaloan nga mga kamatuoran, mga pakigsaad, ug mga ordinansa nga gipahiuli ug gipadayag pinaagi kang Propeta Joseph Smith. Ipaambit sa kada grupo ang ilang mga resulta. Pangimbatar og mga misyonaryo sa pagpakigbahin kon giunsa ang bisan hain nga mga kamatuoran nga gipadayag pinaagi sa Pagpahiuli nakaimpluwensya sa ilang mga kinabuhi.

Mission President

- Panahon sa mga interbyu, kanunay hangyog ang mga misyonaryo sa pagpaambit uban kanimo:
 - Ang ilang pagpamatuod kabahin ni Jesukristo.
 - Ang ilang pagpamatuod mahitungod sa gipahiuli nga ebanghelyo ug sa misyon ni Joseph Smith.
 - Ang ilang pagpamatuod mahitungod sa Basahon ni Mormon.
 - Ang ilang mga hunahuna kabahin sa ilang katuyoan isip misyonaryo.
- Imbitara ang mga misyonaryo sa pagrekord diha sa ilang journal sa pagtuon kon unsa para nila ang katuyoan sa ilang misyon. Atol sa usa ka interbyu, hangyog sila sa pagpaambit sa unsay ilang nasulat.
- Padala og sulat-pahalipay ngadto sa bag-o nga mga miyembro.



Unsa May Akong Buhaton Aron Epektibo Akong Makatuon ug Makapangandam sa Pagtudlo?

Mubo nga mga Sulat

Konsideraha Kini

- Nganong importante man ang magtuon sa ebanghelyo?
- Sa unsang paagi nga ang akong pagtuon makaapekto niadtong akong tudloanan?
- Nganong gikinahanglan man nga ako mapadayonon nga mopakabili sa mga doktrina sa ebanghelyo ni Jesukristo?
- Unsa may akong buhaton aron epektibo nakong makat-onan ang mga doktrina sa gipahiuli nga ebanghelyo ni Jesukristo ug makaandam sa pagtudlo sa uban?
- Unsa may akong buhaton aron mas maayo pa ang akong personal nga pagtuon ug pagtuon kauban ang kompanyon?

Ang Ginoo nag-ingon, “Ayaw pagtinguha sa pagpahayag sa akong pulong, apan unaha ang pagbaton sa akong pulong, ug unya ang imong dila makasulti; unya, kon ikaw magtinguha, ikaw makabaton sa akong Espiritu ug sa akong pulong, oo, ang gahum sa Dios ngadto sa pagkabig sa mga tawo” (D&P 11:21). Aron epektibong makatudlo, gikinahanglan nga ikaw makabaton og espirituhangon kahibalo. Aron ikaw motubo diha sa ebanghelyo ug magpabilin sa dalan nga nagpaingon ngadto sa kinabuhing dayon, gikinahanglan nga ikaw mopalambo og naanad nga kinaiya sa pagtuon sa ebanghelyo (tan-awa sa D&P 131:6). Ang pagkaanad nga magtuon nga imong

mapalambo isip usa ka misyonaryo mopanalangin kanimo sa personal ug motabang niadtong imong tudloan nga motubo diha sa hugot nga pagtuo sa Manluluwas.

Ang epektibo nga inadlaw nga pagtuon kinahanglan kanunay magsugod sa pag-ampo. Ang pagtuon usa ka buhat sa pagtuo nga nagkinahanglan sa paggamit sa personal nga kabubut-on. Daghang mga misyonaryo naglisud gayud kon unsaon pagtuon sa epektibo nga paagi. Ang pipila nagsalig pag-ayo sa uban o sa gitudlo nga mga programa nga magsulti kanila kon unsay tun-an ug unsaon pagtuon. Samtang ang pagkat-on gikan sa usa ka maayo nga magtutudlo importante kaayo, mas importante alang kanimo nga adunay makahuluganon nga mga kasinatian sa pagkat-on nga ikaw-ikaw ra. Ang pag-angkon og maayo nga mga resulta gikan sa imong pagtuon nag-agad sa pagbaton og kusganon nga tinguha nga makat-on, magtuon uban sa “tinuod nga katuyoan” (Moroni 10:4), “gutom[on] ug uhaw[on] sa pagkamatarung” (Mateo 5:6), ug magsiksik sa mga tubag sa mga pangutana ug mga kabalaka sa inyong mga investigator.

Kalihokan: Personal nga Pagtuon

Tan-awa ang hulagway ni Joseph Smith sa nag-una nga pahina. Basaha ang Joseph Smith—Kasaysayan 1:11–13. Tubaga ang mosunod nga mga pangutana diha sa imong journal sa pagtuon.

- Sa unsang paagi ang pagbasa ug pagpamalandong ni Joseph Smith sa Santiago 1:5 nakapadangat kaniya nga makadawat og pagpadayag?
- Unsa nga impluwensya ang nahimo sa iyang pagtuon ngadto sa umaabot nga mga henerasyon?
- Unsa ang epekto nga nahimo sa iyang desisyon nga magtuon ug magtinguha sa imong kinabuhi?
- Sa unsang paagi ang imong pagtuon sa ebanghelyo nakaimpluwensya sa imong kinabuhi?

Pagtuon sa Kasulatan

Unsay gusto sa Ginoo sa pagtagad nato mahitungod sa pagtuon sa ebanghelyo?

2 Nephi 4:15–16
2 Nephi 32:3

D&P 58:26–28

D&P 88:118

Pagkat-on pinaagi sa Espiritu Santo

Ang imong pagtuon sa ebanghelyo labaw nga epektibo kon ikaw matudloan pinaagi sa Espiritu Santo. Sugdi kanunay ang imong pagtuon sa ebanghelyo pinaagi sa pag-ampo alang sa Espiritu Santo nga motabang kanimo nga makat-on. Siya mohatag kanimo og kahibalo ug konbiksyon nga mopanalangin sa imong kinabuhi ug motugot kanimo nga makapanalangin sa uban. Ang imong pagtuo kang Jesukristo mas modako. Ang imong tinguha nga maghinulsol ug mouswag motubo.

Kining matanga sa pagtuon mag-andam kanimo alang sa serbisyo, magtanyag og kahupayan, mosulbad sa mga problema, ug maghatag kanimo sa kusog sa paglahutay hangtud sa katapusan. Ang malam-puson nga pagtuon sa ebanghelyo nagkinahanglan og tinguha ug aksyon. “Kay siya nga sa makugihon



nga paagi mangita makakaplag; ug ang mga misteryo sa Dios ipadayag ngadto kanila, pinaagi sa gahum sa Espiritu Santo, ingon niini nga mga panahon ingon man usab sa karaan nga mga panahon” (1 Nephi 10:19). Sama kang Enos, samtang kamo gutom nga masayud sa mga pulong sa kinabuhing dayon ug samtang kamo motugot niini nga mga pulong nga “[motuhop] gayud pag-ayo sa [imong] kasingkasing” (Enos 1:3), ang Espiritu Santo moabli sa imong hunahuna ug kasingkasing ngadto sa mas labaw nga kahayag ug pagsabot.

Ang pagkat-on sa ebanghelyo usa usab ka proseso sa pagdawat og pagpadayag (tan-awa sa Jacob 4:8). Ngadto kang Oliver Cowdery ang Ginoo miingon: “Tan-awa, ikaw wala makasabut; ikaw nagdahum nga Ako mohatag niini nganha kanimo, samtang ikaw wala maghunahuna gawas sa pagpangutana kanako. Apan, tan-awa, Ako moingon nganha kanimo, nga ikaw kinahanglan gayud nga magtuon niini diha sa imong hunahuna, unya ikaw kinahanglan nga mangutana kanako kon kini husto, ug kon kini husto Ako mohimo sa imong dughan nga moinit diha sulod kanimo; busa, imong mabati nga kini husto” (D&P 9:7–8). Samtang ikaw magtuon, bantayi pag-ayo ang mga ideya nga mosulod sa imong hunahuna ug ang mga pagbati nga mosulod sa imong kasingkasing, ilabi na kabahin sa mga tawo nga imong tudloanan.

Pagtuon sa Kasulatan

Unsa ang papel [role] sa Espiritu Santo sa pagtabang kanato nga makat-on sa ebanghelyo?

2 Nephi 32:5

D&P 11:12–14

Juan 16:13

Alma 5:45–46

D&P 39:5–6

1 Mga Taga-Corinto 2:9–14

Moroni 10:5

Juan 14:26

Buhata ang Unsay Imong Makat-onan

Samtang imong mabati ang kalipay nga nagagikan sa pagsabot sa ebanghelyo, gusto ka nga mogamit sa unsay imong nakat-onan. Paningkamot sa pagpuyo nga nahisubay sa imong nasabtan. Ang pagbuhat sa ingon molig-on sa imong pagtuo, kahibalo, ug pagpamatuod. Ang pagbuhat sa unsay imong nakat-onan mohatag og dugang ug malungtaron nga pagsabot (tan-awa sa Juan 7:17).

Sa paghatag nimo og importansya sa mga pulong sa mga kasulatan ug sa mga propeta sa ulahing mga adlaw pinaagi sa pagtuon ug hugot nga pagtuo, ang imong tinguha sa pagpaambit sa ebanghelyo modako. Ikaw gisaaran nga ang Espiritu motabang kanimo nga mahibalo kon unsay isulti kon ikaw magtudlo. Ang Ginoo nag-ingon, “Ni kamo maghunahuna sa wala pa unsa ang inyong isulti; apan mahala sa kanunay diha sa inyong mga hunahuna ang mga pulong sa kinabuhi, ug kini ihatag kaninyo niini nga takna kana nga bahin nga igahin ngadto sa matag tawo” (D&P 84:85).

“Ang tinuod nga doktrina, kon masabtan, makapausab sa mga kinaiya ug pamatasan. Ang pagtuon sa mga doktrina sa ebanghelyo mas dali nga mopamaayo sa batasan kay sa pagtuon sa pamatasan makapamaayo sa batasan.”

— PRESIDENTE BOYD K. PACKER
“LITTLE CHILDREN,” *ENSIGN*, NOB. 1986, 17

Pagtuon sa Kasulatan

Unsa may gitudlo sa mga kasulatan mahitungod sa pagkat-on sa ebanghelyo?

1 Nephi 10:17–19

D&P 50:19–22

D&P 88:118

D&P 11:21–22

Pagtuon ug Pagpangandam sa Pagtudlo sa mga Leksyon

Ang mga leksyon (nga makita sa hugna 3) naglangkob sa mga pangutana sa interbyu sa bunyag, mga pasalig, ug mga doktrina nga imong itudlo. Diha sa mga leksyon makakita usab ikaw og magamit nga mga ideya sa pagtudlo. Pero hinoon, ang mga leksyon wala magsulti kanimo sa tanan nimong isulti-o kon unsaon pagsulti niini. Kon dili, ikaw maoy responsable sa pagsabot pag-ayo sa mga leksyon ug sa pagtudlo pinaagi sa Espiritu sa imong kaugalingong mga pulong. Pagtudlo aron ang ubang mga tawo malig-on sa ilang pagtuo kang Jesukristo, magtinguha sa paghinulsol, ug makigsaad sa Dios.

Ang epektibo nga mga magtutudlo kanunay gayud nga maningkamot sa pagpalambo sa ilang kahibalo ug mga abilidad. Bisan tuod og dili nimo matudlo ang tanan nimong nakamahoan kabahin sa doktrina, ang imong napalambo nga kahibalo mougmad sa imong pagpamatuod ug sa imong abilidad sa pagtudlo uban sa espirituhanon nga gahum. Imong mahibaloan nga ikaw naggamit sa mga leksyon sigun sa katuyoan kon ikaw:

- Nagtinguha ug nagsunod sa Espiritu samtang ikaw mangandam ug motudlo sa mga leksyon.
- Naningkamot sa pagtuon kanunay, maghatag og importansya, ug mogamit sa mga doktrina sa imong kinabuhi.
- Makigtambayayong sa imong kompanyon sa paghimo og tino nga mga plano alang sa matag tawo nga inyong tudloan.
- Nagpokus diha sa pinakamahinungdanon nga mga mensahe ug mga doktrina samtang ikaw nagtudlo.
- Ipahiangay [*adjust*] ang pagkahan-ay, sa gitas-on, ug sa kapas-pason sa mga leksyon aron motubag sa mga panginahanglan niadtong inyong tudloanan.
- Nagtudlo kanunay gikan sa mga kasulatan uban sa kaklaro ug kahugot sa pagtuo.
- Naghatag og pagpamatuod kanunay.
- Nagtabang sa uban nga mohimo ug makatuman sa mga pasalig nga modangat ngadto sa pagpabunyag ug pagpakumpirma.

Ang pagbuhat niining mga butanga makapahimo kanimo sa pagtabang sa uban nga makaangkon og pagpamatuod mahitungod sa gipahiuli nga ebanghelyo ni Jesukristo.

Sa pagsugod sa imong misyon, gikinahanglan nga imong makat-onan ang pagkahan-ay sa mensahe ug makaangkon sa gikinahanglan nga mga kahanas sa pagtudlo. Samtang ikaw makaangkon og kasinatian, mahimong buot nimong palawman ang imong kahibalo ug palamboon ang imong abilidad sa pagtudlo. Samtang ikaw mangandam alang sa mga *appointment* sa pagtudlo, mahimong buot ikaw nga magbaton og plano sa pagtudlo sa leksyon nga maghimo kanimo sa pagtudlo pinaagi sa Espiritu ug magtabang sa uban nga mohimo ug motuman sa mga pasalig. Ang mga sumbanan sa ubos mga sugyot nga mahimo nimong gamiton sa tibuok nimong misyon. Bisan pa man, ayaw sabta nga kinahanglan nimong gamiton ang matag sumbanan sa matag sitwasyon. Kon dili, gamita

kini nga mga sumbanan aron sa pagtubag sa imong mga panginahanglan ug samtang ikaw magiyahan sa Espiritu. Kon ikaw nagkat-on og bag-o nga pinulongan, gamita kini nga mga sumbanan diha una sa imong kaugalingong pinulongan ug dayon sa pinulongan sa imong misyon.

- **Pokus diha sa mga pasalig ug sa mga pangutana sa interbyu para sa bunyag.** Tudlo aron ang mga tawo mohimo og mga pasalig ug mangandam alang sa bunyag ug pagkumpirma. Sabta ang mga pangutana sa interbyu para sa bunyag ug mga pasalig sa kada leksyon. Kat-oni kon unsay angay nga mahibaloan, bation, ug buhaton sa usa ka tawo tungod sa imong pagtudlo. Pakigtambayayong sa imong kompanyon sa pagpasabot niini nga mga baruganan o prinsipyo sa imong kaugalingong mga pulong uban sa kaklaro ug gahum.
- **Pagkat-on ug gamita ang doktrina.** Ang doktrina mao ang pundasyon sa leksyon. Sa mainampoong paagi, tun-i ang mga kasulatan, mga leksyon, mga gagmayng basahon [*brochures*], “Mga Ideya sa Pagtudlo,” ug ang mga libro sa misyonaryo aron makaangkon og lig-on nga pagsabot sa doktrina. Pangita og materyal nga mosuporta sa doktrina sa mga leksyon. Memoryaha ang pagkasunod-sunod sa doktrinal nga mga baruganan. Gamita ang unsay imong makat-onan. Irekord ang imong makat-onan diha sa imong journal sa pagtuon. Ipakigbahin ang imong makat-onan ngadto sa ubang mga misyonaryo.

- **Organisaha ug tinguba sa minubo [summarize] ang unsay itudlo.**

Sa pagpangandam sa pagtudlo sa doktrina sa klaro nga paagi ug uban sa spirituhanong gahum, organisaha ug tinguba sa minubo ang unsay imong itudlo ngadto sa usa ka plano sa pagtudlo sa leksyon [*lesson plan*]. Pokus sa doktrina, sa mga pangutana sa interbyu alang sa bunyag, ug sa mga pasalig sa mga leksyon. Panindota pa ang imong plano sa



pagtudlo sa leksyon uban sa mga kasulatan, mga pangutana, ug mga ehemplo. Kini maglain-lain sigun sa gidugayon sa inyong mga *appointment* sa pagtudlo. Dili ka angay nga maghimo og lahi gayud nga bag-ong plano sa leksyon para sa kada *investigator*, pero kinahanglan padayon nimong panindoton pa ang imong mga plano sa pagtudlo sa leksyon ug ipahiangay kini aron motubag sa mga panginahanglan niadtong imong tudloan. Kon una palang nimo nga naghimo og plano sa pagtudlo sa leksyon [*lesson plan*], paningkamuti nga kini simple ug mubo ra. Panindota unya ang imong mga plano sa pagtudlo sa leksyon samtang ikaw makaangkon og kasinatian.

- **Pukos sa mga panginahanglan.** Samtang ang mga doktrina sa ebanghelyo magamit sa tanan, kinahanglan imong ipahiangay ang imong paagi sa pagtudlo nga motubag sa mga panginahanglan niadtong imong tudloan. Samtang ikaw magtuon sa doktrina ug maghimo og mga plano sa pagtudlo sa leksyon, ilha ang mga erya [*area*] kon asa ka mahimong mopahiangay [*adjust*] sa imong paagi aron motubag sa posible nga mga panginahanglan. Ribyuha ug panindota pa kini nga mga kausaban samtang ikaw mangandam alang sa tino nga mga *appointment*. Ilha ang mga imbitasyon nga imong

hymoon. Pokus diha sa pinakamahinungdanon nga tumong sa pagtabang niadtong imong tudloan nga makadawat sa gipahiuli nga ebanghelyo ni Jesukristo pinaagi sa bunyag ug kumpirmasyon.

- **Pangandam sa pagtubag sa mga pangutana.** Isip misyonaryo, makadungog ka og daghang mga pangutana. Irekord kini nga mga pangutana diha sa imong journal sa pagtuon. Siksika ang mga kasulatan ug ubang mga materyal alang sa mga tubag. Pag-ampo nga ikaw makasabot. Irekord ang mga tubag diha sa imong journal sa pagtuon. Ribyuha ang imong nakitang mga tubag uban sa ubang mga misyonaryo. Idugang ang kanunay nga mga pangutana ug ang ilang mga tubag diha sa imong journal sa pagtuon para sayon rang mapakli sa sunod.
- **Itudlo ang leksyon.** Ang pagtudlo usa ka gamhanan nga kahigayunan sa pagpausbaw sa imong kahibalo ug abilidad. Samtang ikaw makat-on sa doktrina ug mag-organisar og mga plano sa pagtudlo sa leksyon, tudloi ang imong kompanyon ug ubang mga misyonaryo. Pagsulay og bag-o nga mga eksplinasyon o pagpasabut, mga pamaagi, mga kasinatian, mga pangutana, ug mga paagi sa pag-imbatar sa uban sa paghimo og mga pasalig. Pangayo og mga ideya ug mga sugyot kabahin sa imong pagtudlo.
- **Timbang-timbanga ang imong pagtudlo.** Human sa kada pagtudlo, timbang-timbanga kon kumusta ang imong pagtudlo. Nagpukos ka ba sa doktrina? Imo bang giimbitar ang mga *investigator* nga maghinulsol ug mohimo ug motuman sa mga pasalig? Nanginguha ka ba sa pag-andam kanila alang sa bunyag ug kumpirmasyon? Migamit ka ba og epektibo nga mga pangutana? Mipaambit ka ba sa imong pagpamatuod? Nangayo ka ba og mga *referral*? Ipahiangay o panindota pa unya ang imong mga plano sa pagtudlo sa leksyon samtang ikaw molambo.

Samtang ikaw makat-on sa mga leksyon, padayon sa pagtinguha og halawon nga kahibalo sa doktrina. Aktibo nga paninguha sa pagtudlo uban sa mas kusog nga gahum. Samtang ikaw magtuon uban sa pag-ampo ug hugot nga pagtuo, ang imong kahibalo ug pagpamatuod motubo. Bisan pa man, ayaw og sulay sa pagtudlo sa tanan nimong nahibaloan. Itudlo ang mensahe sa klaro, yano nga paagi, ug binase sa tagsa-tagsa nga mga panginahanglan, nagsunod sa Espiritu sa pagtudlo “[niana] nga bahin nga igahin ngadto sa matag tawo” (D&P 84:85).

Paghubit [*Defining*] sa mga Pulong

Aduna kitay usa ka gamhanan nga mensahe nga adunay talagsaon nga bokabularyo. Sama sa usa ka doktor sa tawo lahi og sinultihan sulod sa lawak-hulatanan sa pamilya [*family waiting room*] kay sa sulod sa lawak-operahanan [*operating room*], mao nga kinahanglan usab nga makat-on ka sa pagsulti sa paagi nga kadtong dili pamilyar sa atong mensahe makasabot sa unsay imong gitudlo.

Aron makaandam sa pagtabang sa uban nga makasabot sa dili pamilyar nga mga pulong, tun-i ang lista sa mahinungdanon nga mga depinision ug mga termino nga anaa diha sa seksyon sa “Mga Ideya sa Pagtudlo” sa matag leksyon. Sinatia pag-ayo ang mga depinision nga gihatag. Gamita ang *Matinud-anon sa Pagtuo* [*True to the Faith*] ug ang Giya ngadto sa mga Kasulatan sa pagpangita sa mga depinision alang sa uban nga mga pulong. Isulat kini nga mga depinision diha sa imong journal sa pagtuon. ipakigbahin ang mga depinision uban sa imong kompanyon ug sa uban aron masuta kon imo bang nasabtan. Kon ang mga depinision dili kaayo klaro sa uban, usba ang imong mga depinision base sa materyal nga imong natun-an.

Sa imong pagtudlo, tinguhaa nga makaila ikaw kon ang pulong o baruganan bag-o ba alang sa tawo nga imong tudloanan. Hinaya pag-eksplikar ang dili kaayo pamilyar nga mga pulong o mga baruganan. Hinumdumi sa pagtudlo nga masabtan aron ikaw ug kadtong imong tudloan “makadawat og kaayohan ug maglipay nga maghiusa” (D&P 50:22).

Kalihokan: Personal nga Pagtuon

Tan-awa ang leksyon nga “Ang Mensahe sa Gipahiuli nga Ebanghelyo ni Jesukristo” nga anaa sa hugna 3. Basaha ang lista sa mahinungdanon nga mga depinisyon nga anaa diha sa seksyon sa “Mga Ideya sa Pagtudlo.” Pangita og laing tulo ka mga pulong nga anaa sa leksyon nga gusto nimong hubiton [*define*]. Sunda ang mga sugyot nga gihatag sa ibabaw sa pagbuhat og depinisyon alang sa kada usa.

Mga Ideya ug mga Sugyot sa Pagtuon

Ang kada usa sa mga ideya ug mga sugyot nga anaa niini nga seksyon makapahimo sa imong oras sa pagtuon nga mas malampuson ug makapabayaw sa espirituhanong paagi. Konsideraha ang mosunod samtang ikaw magplano sa imong pagtuon:

- Kanunay nga magsugod uban sa pag-ampo.
- Pagplano og mga kalihokan sa pagtuon nga kanang makapahugot sa imong pagtuo sa Manluluwas ug gamita ang panahon sa mas mabungahon nga paagi.
- Planoha ang imong pagtuon nga may kalabutan sa katawhan, sa ilang mga panginahanglan, ug mag-andam kanila alang sa bunyag, kumpirmasyon, ug sa paglahutay hangtud sa katapusan. Isulat ang imong mga plano sa pagtuon diha sa imong *daily planner*.
- Planoha ang imong pagtuon pinaagi sa pagpangutana: Unsa may akong itudlo karon? Unsaon nako pagplano ang akong pagtuon aron labing maayo nga makatabang niadtong akong tudloan? Unsa nga mga ideya ug mga sugyot gikan niini nga seksyon ang akong iapil sa akong pagtuon?

Samtang ikaw magplano sa imong mga kalihokan sa pagtuon, eksperimentohi ang ubang mga ideya ug mga sugyot nga mosunod o adunay dugang nga mga ideya nga makat-onan gikan sa uban.

Gamita ug Sunda ang Unsay Imong Makat-onan

- “Ipahisama” ang unsay imong makat-onan sa imong kaugalingon (tan-awa sa 1 Nephi 19:23).
- Paghimo og mga plano nga masunod ang imong mga nakat-onan.
- Ilisi sa imong pangalan ang usa ka bersikulo sa kasulatan aron kini mahimong personal.
- Pangutan-a ang imong kaugalingon, “Unsay akong usbon isip resulta sa unsay akong nakat-onan?” Paghimo og tukma nga mga tumong.

Mubo nga mga Sulat

Kalihokan: Personal nga Pagtuon

Pagpili og usa sa mosunod nga mga pakisayran [*reference*]. Samtang ikaw magbasa ug mamalandong sa imong gipili nga tudling, pagtino og duha o tulo ka mga paagi nga imong magamit kini sa imong kinabuhi.

- 2 Nephi 31
- Alma 32:26–43
- Moroni 7:32–48

Timbang-timbang unsa ka maayo ang imong pagsunod sa mga baruganan nga imong gitudlo. Pagpili og usa ka paagi nga ikaw mouswag, ug paghimo og mga plano sa pagbuhat sa ingon.

Siksik, Pamalandong, ug Hinumdumi

- Magmaigmat o alisto. Pag-*exercise*, kaligo, ug pag-ampo sa dili pa ikaw magtuon.
- Pagtuon diha sa usa ka lamesa diin mahimo kang makasulat (dili maghigda o maglingkod diha sa imong higdaanan), han-aya ang imong mga materyal sa pagtuon, ug magpabilin nga alisto.
- Pag-ampo ug pangamuyo alang sa pagsabot.
- Pagtuon pinaagi sa hilisgutan [*topic*].
- Pangutan-a ang imong kaugalingon, “Unsay buot isulti sa tagsulat [*author*]? Unsa ang pinakamahinungdanon nga mensahe? Unsa may gamit niini kanako?”
- Handurawa [*Visualize*] unsay imong gitun-an. Pananglitan, imadyina kon unsa kaha para kang Ammon nga mobarug atubangan sa hari sa mga Lamanite.
- Tun-i ang mga pulong sa buhi nga mga propeta (diha sa aprubado nga mga libro sa misyonaryo ug sa mga magasin sa Simbahan).
- Isulat diha sa imong journal sa pagtuon ang imong mga pangutana, ug gamita ang mga kasulatan, mga pulong sa mga propeta sa ulahing mga adlaw, ug ubang mga kapanguhaan [*resources*] sa pagtuon sa pagpangita og mga tubag.
- Ang usa ka bersikulo sa kasulatan mahimong adunay pipila ka mga ideya. Badlisi ug markahi ang mga pulong [*words*] o hugpong sa mga pulong [*phrases*] aron makumparar nimo ang mga ideya nga anaa sa usa ka bersikulo.
- Ipakigbahin ang imong nakat-onan ngadto sa ubang mga misyonaryo. Mas makat-on ka pinaagi sa pag-eksplikar og usa ka doktrina o baruganan ngadto sa laing tawo.
- Markahi ang imong mga kasulatan ug sulati og mubo nga mga sulat [*notes*] diha niini. Diha sa mga *margin* pagsulat og mga kapakisayran nga kasulatan [*scripture references*] nga nagklaro sa mga tudling nga imong gitun-an.
- Memoryaha ang mga tudling sa kasulatan nga nag-eksplikar ug nagsuportar sa mga baruganan nga imong gitudlo.

Gamit og mga Kapanguhaan sa Pagtuon [*Study Resources*]

- Gamita ang mga abag sa pagtuon [*study aids*] nga anaa diha sa LDS nga edisyon sa mga kasulatan (mga ulohan sa kapitulo [*chapter headings*], *footnotes*, ug ang Giya ngadto sa mga Kasulatan, nga naglakip sa Hubad ni Joseph Smith ug sa mga mapa).
- Gamita ang mga leksyon sa misyonaryo, ang aprubado nga mga libro sa misyonaryo, ang mga magasin sa Simbahan, ug kini nga manwal.

- Ribyuha ang mga ulohan sa kapitulo [*chapter headings*] sa mga kasulatan. Kini nga pagribyu makahatag kanimo og mga ideya kabahin sa unsay makita diha nga kapitulo.
- Gamita ang imong journal sa pagtuon sa pagrekord ug pag-organisar sa unsay imong gikat-onan. Kanunaya pagribyu ang mga hunahuna nga imong narekord. Organisaha ang imong journal aron sayon ra nimong mahinumduman ang unsay imong nakat-onan.
- Gamita kini nga manwal isip usa ka *workbook*. Gamita ang luna [*space*] para sa mubo nga mga sulat sa pagrekord sa mga panahum o impresyon ug mga ideya o hunahuna.
- Tun-i ang mga tudling sa kasulatan nga gilista dinhi niini nga manwal. Irekord dinhi niini nga manwal o sa imong journal sa pagtuon ang ubang mga tudling sa kasulatan nga imong nakit-an.

Tan-awa ang Dako nga Hulagway

- Kuhaa ang *overview* o kinatibuk-ang panabut, mahimong pinaagi sa dinali-dali nga pagbasa sa basahon [*book*], hugna [*chapter*], o tudling [*passage*] o pinaagi sa pagribyu sa mga ulohan [*headings*]. Tinguhaa ang pagsabot sa kinatibuk-ang kahulugan o konteksto ug sa lintunganay o *background*.
- Sulayi sa pagsulat sa kinatibuk-ang ideya sa mao nga tudling diha sa usa ka *sentence* o mubo nga paragraf.
- Gamita ang mga mapa sa Biblia ug sa kasaysayan sa Simbahan sa pagkat-on og hiyograpiya, mga gilay-on, klima, ug kon unsa ka patag o ka bakilid ang lugar.
- Ribyuha ang pagkasunod-sunod sa mga panghitabo ug ang kultura. Basaha ang makasaysayanong impormasyon nga anaa sa Giya ngadto sa mga Kasulatan ug ang mga katingbanan [*summaries*] sa kapitulo ug seksyon.

Kalihokan: Personal nga Pagtuon

Basaha ang mga katingbanan [*summaries*] sa mga basahon sa ubos ug pagsulat og usa ka *outline* nga naghulagway sa dapit nahitaboan, ang mahinungdanon nga mga panghitabo, ug ang mahinungdanon nga mga doktrina sa matag basahon.

1 Nephi

Moises

Mga Buhat

Siksika ang mga Detalye

- Tan-awa ang mahinungdanon nga mga pulong [*key words*] ug siguroha nga imong masabtan ang unsay gipasabot niini. Gamita ang *footnotes*, ang Giya ngadto sa mga Kasulatan, o laing diksyonaryo alang sa mga depinisyon. Eksamina ang nag-uban nga mga pulong o hugpong sa mga pulong alang sa mga timaan kon unsay gipasabot sa mao nga mahinungdanon nga mga pulong.
- Tan-awa ang mga pangsumpay nga mga pulong [*connecting words*], sama sa *busa*, ug *usab*, *mao nga*, *tungod niini*, ug uban pa. Dayon tan-awa kon unsay kalabutan sa nag-una nga mga tudling ug sa nagsunod nga mga tudling sa usag usa.
- Gamita ang Giya ngadto sa mga Kasulatan aron makita kon giunsa paggamit ang mao nga pulong sa lain nga kahulugan o konteksto o kon giunsa sa ubang mga propeta paggamit ang mao nga pulong.
- Tan-awa ang dili pamilyar nga mga pulong o hugpong sa mga pulong ug siguroha nga imo kining masabtan.

Pagmarka sa mga Kasulatan

Ang pagmarka sa imong mga kasulatan makaabag kanimo sa paghunahuna pag-ayo kabahin sa usa ka tudling o doktrina sa ebanghelyo. Makamarka ka sa imong mga kasulatan sa daghang mga paagi. Pangita og pamaagi nga maayo para nimo. Sa ubos mao ang pipila ka mga sumbanan sa pagmarka sa mga kasulatan.

- Paggamit og mga lapis o mga *colored marker*. Likayi ang paggamit og mga pangsulat nga kanang moluta o molapus sa papel.
- Salipdi og hanap [*shade*], badlisi, brakete, o sulati ang parte sa usa ka bersikulo, ang tibuok bersikulo, o pundok sa mga bersikulo.
- Likayi ang sobra nga pagmarka. Mawagtang ang kaayohan kon dili na nimo masabtan hinoon ang imong mga marka tungod kay daghan kaayo ka og gibutang nga mga sulat, mga linya, ug mga kolor.
- Badlisi lamang ang pipila ka mahinungdanon nga mga pulong sa pagpalutaw [*highlight*] sa bersikulo, seksyon, o kapitulo.
- Lingini o badlisi ang mahinungdanon nga mga pulong, ug unya paggamit og streyt nga mga linya sa pagsumpay sa mga dug-ol og may kalabutan nga mga pulong.
- Kon adunay daghang mga punto sa usa ka bersikulo o tudling ang may kalabutan, butangi og numero ang mga punto diha sa kilid o mismo sa teksto.
- Gamita ang mga *footnote* isip kapanguhaan alang sa pagmarka ug paghubad [*interpret*] sa mga kasulatan.
- Pagbutang og simbolo (sama sa tsik) diha sa kilid alang sa mahinungdanon nga mga bersikulo nga para nimo importante nga hinumduman.

Ang pagmarka sa imong mga kasulatan makatabang kanimo sa pagpokus sa paggamit sa imong makat-onan ug sa pagtudlo sa uban. Paghimo og paagi nga kanang makanunayon [*consistent*] ug makatabang kanimo sa pagtuman sa imong katuyoan isip usa ka misyonaryo.

Kalihokan: Personal nga Pagtuon

Unsa nga mga sugyot ang wala pa nimo masulayi? Pag-ila og usa ka sugyot gikan sa “Mga Ideya ug mga Sugyot sa Pagtuon” nga imong sulayan sa sunod nimong personal nga pagtuon o pagtuon kauban ang kompanyon.

Hinumdumi Kini

- Ang paghimo sa tinguha nga makat-on importante sa imong kaluwasan ug sa imong kalampusan isip usa ka misyonaryo.
- Makat-on ka sa ebanghelyo pinaagi sa pagtuon, hugot nga pagtuo, ug sa gahum sa Espiritu Santo.
- Ang pagkat-on ikalipay ug makahatag og daghang mga panalangin.
- Ang kada adlaw nga personal nga pagtuon ug pagtuon kauban ang kompanyon makapalig-on sa imong pagtuo ug sa imong abilidad sa pagtudlo pinaagi sa Espiritu.
- Gamit og lain-lain nga mga pamaagi sa pagtuon nga kanang makapahimo sa kasinatian nga makahuluganon ug makalingaw.

Mga Ideya sa Pagtuon ug Paggamit

Mubo nga mga Sulat

Personal nga Pagtuon

- Gradohi ang imong kaugalingon pinaagi sa mosunod (1=dili/ wala, 3=usahay, ug 5=hapit kanunay).
 - Maghunahuna ko kabahin sa mga tawo nga akong tudloanan kon ako magtuon.
 - Sa tibuok adlaw maghunahuna ko kabahin sa unsay akong gitun-an pagkabuntag.
 - Samtang ako magtuon, mga ideya mosulod sa akong hunahuna nga wala pa nako mahunahunai sa una.
 - Akong irekord ang mga espirituhanong panahom [*impressions*] ug mga ideya diha sa tukma nga sulatanan.
 - Makatulog ko samtang ako magtuon.
 - Ganahan ko nga maghimo sa akong personal nga pagtuon.
 - Ganahan ko nga maghimo sa akong pagtuon kauban ang kompanyon.

Ribyuha ang imong mga tubag. Asa ka dapit nga maayo? Aduna ba sa imong mga tubag ang buot nimong usbon? Paghimo og usa o duha ka mga tumong [*goal*] nga mopausbaw sa kalidad sa imong pagtuon?

- Ribyuha ang mga pangutana sa “Konsideraha Kini” nga anaa sa sinugdanan niining mao nga hugna. Sa unsang paagi kini nga mga pangutana nakaimpluwensya sa imong pagtuon?
- Ribyuha ang “Mga Ideya ug mga Sugyot sa Pagtuon.” Pag-ila og usa ka sugyot gikan sa matag kategoriya nga wala nimo magamit, ug sulayi kini nga mga ideya atol sa imong personal nga pagtuon.
- Basaha ang Doktrina ug mga Pakigsaad 138:1–11. samtang ikaw magbasa niini nga mga bersikulo, tubaga ang mosunod nga mga pangutana:
 - Unsa may gikinahanglan nga buhaton ni Presidente Smith aron ang iyang pangisip mabuksan?
 - Unsa may iyang gibati kabahin sa doktrina nga iyang gihunahuna?
- Basaha ang depinisyon sa kahibalo diha sa Giya ngadto sa mga Kasulatan ug ang mga kapakisayran [*references*] nga gilista. Sa imong journal sa pagtuon, isulat ang tubag sa pangutana “Unsa nga kahibalo ang makatabang kanako nga epektibo nga makaserbisyo isip misyonaryo?”
- Pagpili og usa ka doktrina gikan sa hugna 3 nga gusto nimong mas masabtan pa. Isulat diha sa imong journal sa pagtuon ang mga pangutana nga gusto nimong tubagon. Tun-i pag-ayo kana nga doktrina sulod sa dugay-dugay nga panahon (pipila ka mga adlaw), ug pag-ampo kabahin niini alang sa labaw nga pagsabot. Isulat ang unsay imong makat-onan.
- Basaha ang 1 Nephi 10:17; 11:1–6. Samtang ikaw magbasa niini nga mga bersikulo, tubaga ang pangutana “Nganong si Nephi nakakat-on man sa unsay nahibaloan sa iyang amahan?”

Pagtuon kauban ang Kompanyon

- Basaha uban sa imong kompanyon ang mosunod nga mga tudling. Tubaga ang pangutana “Ngano man gyud nga magtinguha man kita sa kahayag sa Dios?”

D&P 11:11–14

Juan 8:12

Mga Salmo 119:105

D&P 84:43–47

Mubo nga mga Sulat

- Basaha uban sa imong kompanyon ang pipila ka mga tudling nga anaa sa ubos, ug tukia ang mga panalangin nga moabot tungod sa pagtuon sa pulong sa Dios. Unsa nga mga tudling ang pinakamaayong makatabang niadtong imong tudloanan?

1 Nephi 10:19	Alma 32:42–43	D&P 130:19
2 Nephi 32:3	Alma 37:44–46	Giya ngadto sa mga Kasulatan, “Kasulatan, mga,” ikaduhang ulohan:
Mosiah 1:6–7	Alma 49:30	“Ang bili sa mga kasulatan,” 130–31
Alma 17:2–3	D&P 90:24	

Mga District Meeting ug Mga Zone Conference

- Pagpili og hilisgutan [*topic*] gikan sa usa sa mga leskyon sa misyonaryo nga natun-an na nimo pag-ayo. Buhata ang mosunod:
 - Pagpakigbahin og duha o tulo ka kinatibuk-ang mga punto nga imong nakat-onan gikan sa imong pagtuon nga nakatabang sa pagtudlo niana nga leksyon.
 - Ihulagway ang paagi kon giunsa nimo pagtuon nga nakatabang kanimo nga makadiskobre niini nga mga punto (giunsa nimo pagbasa, mga kapanguhaan nga gigamit, mga pangutana nga imong gisiksik, ug uban pa).
 - Ipakita kon giunsa nimo pagrekord ug pag-organisar ang mga resulta sa imong pagtuon.

Kon itugot sa panahon, hangyog ang ubang pipila ka mga misyonaryo sa pagbuhat sa ingon.

- Kini nga kalihokan mahimong tagsa-tagsa nga buhaton o diha sa gagmay nga mga grupo. Tudloi ang mga misyonaryo sa pagpili og usa sa mosunod nga mga pangutana (o mahimo kang mobuhat og pipila sa kaugalingon nimong mga pangutana). Ipasulat nila ang mga pangutana.

- Ngano nga ang mga pamilya importante kaayo sa plano sa Dios?
- Ngano kaha nga ang mga tawo adunay mga pagsulay ug pag-antus?
- Unsa ang papel [*role*] sa Espiritu sa pagkabig o konbersyon?

Ipasabot nga aduna silay lima ngadto sa pito ka minuto sa:

- Pagpangita og dili mominos sa duha ka mga kapakisayran [*reference*] nga kasulatan nga motubag sa pangutana.
- Pagsulat og simple nga interpretasyon kon sa unsang paagi ang mga kasulatan nga ilang gipili motubag sa pangutana.
- Paghulagway kon unsa ang ilang buhaton aron mahinumduman ang tubag.
- Paghulagway kon unsay ilang buhaton aron sa pagtuki pa pag-ayo sa pangutana.

Imbitara ang pipila ka mga misyonaryo (o ang kada grupo) sa pagpakigbahin sa ilang mga tubag. Tukia ang ilang mga tubag.

- Hangyog ang mga misyonaryo sa pagsulat og usa o duha ka mga pangutana kabahin sa mga baruganan ug doktrina sa ebanghelyo gikan sa usa sa mga leksyon nga anaa sa hugna 3 nga gusto nilang pangitaan og tubag. Pag-imitar og mga misyonaryo sa pagpakigbahin sa ilang mga pangutana uban sa grupo. Alang sa matag pangutana, tukia ang mosunod:

- Sa unsang paagi ang pagtubag niini nga pangutanaha mopanalangin sa kainabuhin sa misyonaryo?
- Sa unsang paagi kini mopanalangin sa kainabuhin sa mga investigator?
- Sa unsang paagi ang misyonaryo makakita og tubag?

- Hangyoha ang pipila ka mga misyonaryo sa pagpakigbahin og usa ka baruganan sa ebanghelyo nga natudlo na sa ilaha sa ilang mga kompanyon. Hangyoha sila sa pag-eksplikar sa mao nga baruganan ug kon giunsa sa ilang kompanyon pagtudlo niini ngadto kanila.
- Pares-paresa ang mga misyonaryo o tipona sila ngadto sa gagmay nga mga grupo. Sultihì ang kada grupo sa pagbasa og usa ka kapitulo gikan sa Basahon ni Mormon. Papilia ang kada grupo og usa ka ideya gikan sa matag usa sa mga kategoriya sa seksyon sa “Mga Ideya ug mga Sugyot sa Pagtuon.” Imbitara ang mga grupo sa paggamit sa kada sugyot samtang sila duyog nga magbasa sa ilang basahonon nga kapitulo. Hatagi sila og 15 ngadto sa 20 minutos para sa pagbasa ug paghisgut-hisgot. Ipa-eksplikar sa kada grupo ang mga sugyot nga ilang gigamit, unsa ka maayoha ang mga sugyot misalir, ug kon unsay ilang nakat-onan.
- Imbitara ang kada misyonaryo sa paghunahuna og usa ka istorya o hitabo nga anaa sa mga kasulatan nga makahuluganon kaniya (sama sa panan-awon ni Lehi kabahin sa kahoy sa kinabuhi, sa wali o sermon ni Haring Benjamin, sa Wali sa Bukid, o sa pagpakita ni Kristo ngadto sa mga Nephites). Imbitara ang mga misyonaryo sa pagdrowing o sa paghulagway kon giunsa nila pagtan-aw [*visualize*] ang mga asoy o istorya nga ilang napilian. Pag-imbitar og duha o tulo ka mga misyonaryo sa pagpaambit og unsay ilang gihulagway o gi-*visualize*. Hangyoha ang uban sa pagsugilon og istorya ug itakdo [*relate*] kini ngadto sa mga doktrina sa usa sa mga leksyon. Basaha ang Moroni 10:3 ug tukia ang kamahinungdanon sa pagpamalandong pag-ayo kabahin sa espirituhanong kahibalo.

Mission President

- Imbitara ang mga misyonaryo sa pagdala sa ilang mga journal sa pagtuon panahon sa mga interbyu. Imbitara sila sa pagpaambit og usa sa ilang gisulat nga uban kanimo.
- Atol sa mga interbyu, ipangutana ang pipila sa mosunod nga mga pangutana:
 - Unsay imong mga impresyon karong bag-o sa imong pagtuon sa kasulatan?
 - Unsa nga baruganan sa ebanghelyo nga gitudlo diha nimo sa imong kompanyon karon lang bag-o?
 - Unsa nga hugna o seksyon niining mao nga manwal ang nakatabang kanimo pag-ayo sa miaging duha ka semana?
 - Unsay imong gibuhà sa imong personal nga pagtuon nga nakatabang kanimo pag-ayo nga makat-on?
- Atol sa mga zone conference, pag-imbitar og mga misyonaryo sa pagpaambit og makahuluganon nga mga kasinatian nga ilang nasinati sa ilang personal nga pagtuon ug pagtuon kauban ang kompanyon.
- Atol sa mga zone conference, tuguti ang mga misyonaryo sa pagpaambit og mga ideya gikan sa personal nga pagtuon.
- Ipaambit uban sa mga misyonaryo ang mga panahom [*insights*] nga imong naangkon gikan sa imong personal nga pagtuon. Ipaambit ang mga nasulat nimo sa imong journal sa pagtuon ug ang imong pagpamatuod mahitungod sa kamahinungdanon sa pagtuon sa ebanghelyo.
- Kutob sa imong mahimo, apil sa mga misyonaryo sa ilang mga pagtuon kauban ang ilang kompanyon.
- Atol sa mga interbyu, imbitara ang mga misyonaryo sa pagpaambit og usa sa ilang mga plano sa pagtudlo sa leksyon gikan sa usa sa mga leksyon sa misyonaryo. Pangutana-a sila kon unsay kahulugan niini nga mga doktrina alang kanila.

Mubo nga mga Sulat

Lined writing area for 'Mubo nga mga Sulat' (Short Letters).



Unsa May Akong Tun-an ug Itudlo?

Ang mga leksyon dinhi niining mao nga hugna naglangkob sa mga mahinungdanong doktrina, baruganan o prinsipyo, ug sa mga kasugoan nga imong pagatun-an, pagatuohan, higugmaon, sundon, ug itudlo. Kini mao ang gitudlo sa buhi nga mga propeta ug mga apostoles nga imo usab nga itudlo. Gi-organisar kini aron makatabang ka sa uban nga makasabot pag-ayo sa mga doktrina ni Kristo.

Ang mga leksyon dinhi niining mao nga hugna mao ang:

- Ang Mensahe sa Pagpahiuli sa Ebanghelyo ni Jesukristo
- Ang Plano sa Kaluwasan
- Ang Ebanghelyo ni Jesukristo
- Ang mga Kasugoan
- Mga Balaod ug Mga Ordinansa

Itudlo ang unang upat ka mga leksyon sa dili pa ang adlaw sa pagbunyag. Siguroha nga ang inyong gitudloan sarang alang sa bunyag ug pagkumpirmar pinaagi sa paghimo ug pagsunod sa tanang mga pasalig nga anaa dinhi niini nga mga leksyon.

Ang full-time nga mga misyonaryo maoy mangulo sa pagtudlo sa mga leksyon sa dili pa ang bunyag uban sa tabang sa mga ward missionaries ug ubang mga miyembro. Human sa bunyag, ang bag-o nga mga miyembro tudloan sa unang upat ka mga leksyon pag-usab, ingon man sa “Mga Balaod ug Mga Ordinansa.” Ang mga lider sa ward modeterminar kon ang mga ward missionaries ba o ang full-time nga mga misyonaryo maoy mangulo sa pagsiguro nga kini nga mga leksyon matudlo gayud ug kon unsa ka dugaya ang full-time nga mga misyonaryo moapil. Awhaga ang kada bag-ong miyembro sa pagsunod sa tanang mga pasalig nga anaa dinhi niini nga mga leksyon.

Kinahanglan sab nimo [ninyo] gamiton kini nga mga leksyon sa binagsa ug adunay kauban nga pagtuon, sa mga district miting, ug uban pa nga mga sitwasyon sa pagbansay. Samtang ikaw [kamo] magtuon sa mga kasulatan ug mohatag og bili diha sa imong

Mubo nga mga Sulat

hunahuna sa mga doktrina nga anaa niini nga mga leksyon, ang Espiritu mohatag nimo [ninyo] sa mismong panahon sa unsay angay nimong isulti ug buhaton aron sa pagtabang sa uban nga makadawat og saksi sa katinuod sa mao nga mga pagtulun-an.

Isip usa ka misyonaryo, ikaw adunay dakong responsibilidad sa pagtudlo gikan sa kasingkasing ug pinaagi sa Espiritu. Ang Unang Kapangulohan ug ang Korum sa Napulog Duha ka mga Apostoles nag-ingon: “Ang atong tuyo mao ang pagtudlo sa mensahe sa gipahiuli nga ebanghelyo sa ingon nga paagi nga matugutan ang Espiritu nga mogiya sa mga misyonaryo ug niadtong gitudloan. Mahinungdanon nga makat-onan ang mga konsepto sa [mga leksyon], apan kinahanglan nga kini dili itudlo pinaagi sa gimemorya nga pagpresentar. Ang misyonaryo kinahanglan mobati nga mahimo rang mogamit sa iyang kaugalingong mga pulong sigun sa giaghat sa Espiritu. Kinahanglan dili siya mohatag og gimemorya nga pagsaysay, kon dili mosulti mismo gikan sa iyang kasingkasing sa iyang kaugalingong mga pulong. Mahimong dili niya sundon ang pagkasunod-sunod sa mga leksyon, maghatag nianang unsay gidasig sa iyaha nga iyang buhaton, sumala sa mga hilig ug mga panginahanglan sa investigator. Magsulti gikan sa iya mismong konbiksyon siya kinahanglan nga mopaambit og pagpamatuod sa katinuod sa iyang mga gipagtudlo” (“Statement on Missionary Work,” sulat sa Unang Kapangulohan, 11 sa Dis. 2002). Samtang ikaw ug ang imong kompanyon magtuon niini nga mga leksyon ug mangandam sa pagtudlo, hinumdumi gayud kini nga mga instruksyon. Siguroha nga inyong matudlo ang tanang mga doktrina nga anaa dinhi niini nga mga leksyon.

Gawas kon giaghat sa Espiritu, kinahanglan ninyong itudlo ang kinatibuk-an sa kada usa sa unang tulo ka mga leksyon subay sa pagkasunod-sunod nga pagsulat niini. Pipila sa mga kasugoan mahimo usab nga iapil kon angay o itudlo isip mga leksyon mismo.

Ang kada leksyon nag-*outline* sa mga pangutana sa interbyu alang sa bunyag, mga pasalig, ug mga doktrina nga inyong itudlo. Tun-i pag-ayo ang mga doktrina. Ipokus kanunay ang pagtabang sa inyong pagatudloan nga makahimo ug makasunod sa mga pasalig. Gamita ang mga pangutana sa interbyu alang sa bunyag aron sa pag-andam niadtong inyong gitudloan para sa bunyag ug pagkumpirmar. Ang mga leksyon aduna say mga ideya kon unsaon pagtudlo. Gamita kining mga sugyot aron sa pagpalig-on sa paagi sa inyong pagpangandam ug pagtudlo.

Ang Kamahinungdanon sa Pagmemorya

Memoryaha ang mga kasulatan nga gamiton sa inyong pagtudlo. Memoryaha ang pagkasunod-sunod sa mga puntong doktrinal nga anaa sa kada usa sa mga leksyon sa minsyonaryo. Ang mga misyonaryo nga nagkat-on og ikaduhang linggwahi kinahanglan mopokus sa ilang pagtuon sa linggwahi diha sa pagpangandam sa pagtudlo sa mga leksyon sa misyonaryo. Kinahanglan nilang memoryahon ang bokabularyo, mga pulong [*phrases*], mga dagan sa mga hugpong sa mga pulong [*sentence patterns*], ug mugbo nga mga saysay sa doktrina ingon sa mabasa diha sa leksyon, apan kini human lamang ang mao nga mga panultihon ug pulong nasabtan na gayud pag-ayo sa kaugalingon. Ayaw memoryaha ang kinatibuk-an sa mga leksyon.

Klaroha Pagtudlo

Sa katapusan nga bahin sa unang tulo ka mga leksyon mao ang usa ka lista sa mga pulong nga posibleng dili pamilyar sa inyong tudloanan. Tun-i kon unsaon nimo paghubit o pagpasabot kini nga mga pulong sa yano nga paagi. Sa imong pagtudlo, buhata ang tanan kutob sa mahimo aron ang mensahe sayon nga sabton.

Pagtuon sa Kasulatan**Unsa may gisugo sa imoha nga imong itudlo?**

Mosiah 18:18–20

D&P 43:15–16

D&P 52:9

Nganong kinahanglan man nga magtuon ka sa mga doktrina nga anaa diha sa mga leksyon?

Alma 17:2–3

D&P 84:85

Mubo nga mga Sulat

Ang Mensahe sa Pagpahiuli sa Ebanghelyo ni Jesukristo



© 1991 Greg K. Olsen. Ayaw kopyaha.

Ang Inyong Katuyoan

Samtang kamo magtudlo, andama ang inyong mga investigator nga makasarang alang sa bunyag nga gitudlo sa Doktrina ug mga Pakigsaad 20:37 ug sa mga pangutana sa interbyu alang sa bunyag. Pinakamaayong mahimo kini pinaagi sa pag-imbatar sa inyong mga investigator sa paghimo ug pagsunod sa mga pasalig nga gilista sa ubos.

Mga Pangutana sa Interbyu alang sa Bunyag

- Motuo ka ba nga ang Dios mao ang atong Mahangturon nga Amahan?
- Motuo ka ba nga si Jesukristo mao ang Anak sa Dios, ang Manluluwas ug ang Manunubos sa kalibutan?
- Motuo ka ba nga ang Simbahan ug ang ebanghelyo ni Jesukristo napahiuli pinaagi kang Propeta Joseph Smith?
- Motuo ka ba nga si [Presidente sa Simbahan karon] usa ka propeta sa Dios? Para nimo unsa may gipasabut niini?

Mga Pasalig

- Mobasa ka ba [ba kamo] ug mag-ampo aron masayud nga ang Basahon ni Mormon mao ang pulong sa Dios?
- Mag-ampo ka ba [ba kamo] aron masayud nga si Joseph Smith usa ka propeta?
- Mosimba ka ba [ba kamo] uban kanamo karong Dominggo?
- Mahimo bang atong i-eskedyul ang sunod namong pagbisita?
- Ubang mga kasugoan gikan sa leksyon 4 nga gusto ninyong iapil.

Ang Dios Mao Ang Atong Mahigugmaong Langitnong Amahan

Ang Dios mao ang atong Langitnong Amahan. Kita Iyang mga anak. Siya adunay lawas ug bukog nga nahimaya ug nahingpit. Gihigugma kita Niya. Magsubo Siya kon kita mag-antus ug malipay kon kita mobuhat sa unsay husto. Gusto Siya nga makigsulti kanato, ug mahimo kita nga makigsulti Kaniya pinaagi sa sinsero nga pag-ampo.

Mihatag Siya kanato niining kasinatian sa yuta aron makat-on ug motubo kita. Mapakita nato ang atong gugma Kaniya pinaagi sa mga pagpili ug sa atong pagkamasulundon sa Iyang mga kasugaoan.

Ang Langitnong Amahan mihatag kanato, nga Iyang mga anak, og paagi nga magma-lampuson niining kinabuhia ug makabalik aron makapuyo uban sa Iyang presensya. Apan hinoon, gikinahanglan nga kita putli ug limpyo pinaagi sa pagkamasulundon aron mahimo nga ingon. Ang pagkamasupakon makapalayo kanato gikan Kaniya. Ang pinakamahinungdanon sa plano sa atong Amahan mao ang Pag-ula ni Jesukristo. Ang Pag-ula naglakip sa Iyang pag-antus didto sa Tanaman sa Getsemani ingon man sa Iyang pag-antus ug kamatayon diha sa krus. Pinaagi sa Pag-ula mahimo kitang gawasnon gikan sa kabudlay sa atong mga kasal-anan ug makapalambo og hugot nga pagtuo ug kalig-on sa pag-atubang sa atong mga pagsulay.

Pagtuo kabahin sa Dios

Determinaha kon unsay nasabtan sa matag tawo nga inyong gitudloan mahitungod sa Kristiyano nga mga pagtuo kabahin sa Dios. Daghang mga tawo sa kalibutan karon mahimong walay pagtuo sa Dios o lahi kaayo ang panglantaw mahitungod sa Dios.

Duha ka mga misyonaryo sa Basahon ni Mormon, sila si Ammon ug Aaron, nanudlo og mga tawo nga walay kasinatian mahitungod sa pagka-Kristiyano. Nagtudlo sila og yano nga mga kamatuoran ug miimbitar sa ilang mga investigator nga mag-ampo. Si Lamoni ug ang iyang amahan nakabig. Basaha ang Alma 18:24–40 ug 22:4–23, ug tubaga ang mga pangutana sa ubos:

- Unsa may gitudlo niini nga mga misyonaryo kabahin sa kinaiya sa Dios?
- Unsaon nimo pagsunod ang ilang mga ehemplo?

Pagtuon sa Kasulatan

Unsa ang kinaiya sa Dios Amahan ug ni Jesukristo?

1 Nephi 17:36	3 Nephi 27:13–22	Juan 3:16–17
2 Nephi 9:6	D&P 38:1–3	Mga Buhat 17:27–29
Mosiah 4:9	D&P 130:22	Mga Taga-Roma 8:16
3 Nephi 12:48	Moses 1:39	Mga Hebreohanon 12:9
3 Nephi 14:9–11	Mateo 5:48	1 Juan 4:7–9

Ang Ebanghelyo Mopanalangin sa mga Pamilya

Ang gipahiuli nga ebanghelyo mopanalangin ug motabang sa mga bana ug mga asawa, mga ginikanan ug mga anak samtang sila maningkamot nga makapalambo og mga relasyon ug espirituhanong kalig-on sa ilang mga pamilya. Kini nga mga panalangin madawat karon ug sa kahangturan. Ang ebanghelyo ni Jesukristo maghatag og panabang sa mga kabalaka ug mga hagit sa karon nga panahon.

Tungod kay ang mga pamilya gi-orden sa Dios, sila mao ang pinaka importante nga yunit sa katilingban sa karon nga panahon ug sa kahangturan. Ang Dios mi-establisar sa mga pamilya aron sa pagdala og kalipay sa Iyang mga anak, magtugot kanila nga makat-on og husto nga mga baruganan diha sa usa ka mahigugmaong palibut, ug moandam kanila alang sa kinabuhing dayon. Ang panimalay mao ang pinaka maayong dapit sa pagtudlo, pagkat-on, ug paggamit sa mga baruganan sa ebanghelyo ni Jesukristo. Ang usa ka panimalay nga gi-establisar diha sa mga baruganan sa ebanghelyo mamahimong usa ka dapit nga kadangpan ug kasigurohan. Usa unya kini ka dapit diin ang Espiritu sa Ginoo makapuyo, magpanalangin sa mga sakop sa pamilya uban sa kalinaw, hingpit nga kalipay,

Mubo nga mga Sulat

ug kamaya. Pinaagi sa mga propeta sa tanang panahon, lakip na ang atoa, ang Dios mipadayag sa Iyang plano sa kalipay para sa tagsa-tagsa ug sa mga pamilya.

Ang Langitnong Amahan Mopadayag sa Iyang Ebanghelyo sa Matag Dispensasyon [Kapaigoan]

Usa ka mahinungdanon nga paagi nga ang Dios mopakita sa Iyang gugma kanato mao ang pagtawag og mga propeta, kinsa gihatagan sa priesthood—ang gahum ug katungod nga gihatag ngadto sa tawo aron sa paglihok sa ngalan sa Dios para sa kaluwasan sa Iyang mga anak. Ang mga Propeta makat-on sa ebanghelyo ni Jesukristo pinaagi sa pagpadayag. Sila usab motudlo sa ebanghelyo ngadto sa uban ug mopamatuod kang Jesukristo isip mao ang Manluluwas ug Manunubos. Ang mga pagtulun-an sa mga propeta makita diha sa sagrado nga mga basahon o libro nga gitawag og mga kasulatan.

Ang plano sa atong Amahan aron kita magmalampuson niining kinabuhia ug makabalik sa pagpuyo uban Kaniya maoy gitawag og ang ebanghelyo ni Jesukristo, uban sa Pag-ula ni Jesus nga anaa sa tunga-tunga sa niana nga plano. Pinaagi sa Pag-ula ni Jesukristo, mahimo kita nga makadawat og kinabuhing dayon kon kita magbaton og hugot nga pagtuo kang Jesukristo, maghinulsol, ug mabunyagan pinaagi sa pagpaunlod alang sa kapasayloan sa mga sala, modawat sa gasa sa Espiritu Santo, ug molahutay hangtud sa katapusan. “Kini mao ang agianan; ug walay lain nga agianan ni ngalan nga gihatag ubos sa langit diin ang tawo maluwas diha sa gingharian sa Dios. Ug karon, tan-awa, kini mao ang doktrina ni Kristo” (2 Nephi 31:21). Ang tanang mga tawo adunay gasa sa kabubut-on, nga naglakip sa kagawasan sa pagdawat o pagsalikway sa ebanghelyo sigun sa gitudlo sa mga propeta ug mga apostoles. Kadtong mopili nga mosunod mapanalanginan, apan kaditong mopakabaliwala, mosalikway, o motuis sa ebanghelyo dili makadawat sa gisaad nga mga panalangin sa Dios.

Sa higayon nga ang katawhan mopili nga mopakabaliwala, dili mosunod, o motuis sa bisan unsang baruganan sa ebanghelyo o ordinansa, sa higayon nga sila mosalikway sa mga propeta sa Ginoo, o kon sila mapakyas sa paglahutay diha sa pagtuo, ilang gipalayo ang ilang mga kaugalingon gikan sa Dios ug magsugod sa pagpuyo diha sa espirituhang kangitngit. Sa ngadto-ngadto kini mopadulong ngadto sa usa ka kondisyon nga gitawag og apostasiya. Kon usa ka malukpanon nga apostasiya ang mahitabo, ang Dios mobawi sa Iyahang katungod sa priesthood sa pagtudlo ug pagpahigayon sa mga ordinansa sa ebanghelyo.

Biblikanhong kasaysayan mirekord sa daghang mga higayon nga ang Dios nakigsulti ngadto sa mga propeta, ug naghigot usab kini sa daghang mga higayon sa apostasiya. Sa pagtapus sa matag yugto sa panahon sa kinatibuk-ang apostasiya, ang Dios mipakita sa Iyang gugma sa Iyang mga anak pinaagi sa pagtawag og laing propeta ug maghatag kaniya og katungod sa priesthood sa pagpahiuli ug sa pagtudlo sa ebanghelyo ni Jesukristo pag-usab. Sa lintunganay, ang propeta magbarug isip tinugyanan aron modumala sa panimalay sa Dios dinhi sa yuta. Ang ingon nga mga yugto sa panahon nga gipangulohan sa mga propeta maoy gitawag og mga dispensasyon.



Ang Dios mipadayag sa ebanghelyo ni Jesukristo ngadto kang Adan ug gihatagan siya og katungod sa priesthood. Si Adan mao ang unang propeta sa yuta. Pinaagi sa pagpadayag, si Adan nakat-on sa husto nga pakigrelasyon sa katawhan uban sa Dios Amahan, sa Iyang Anak nga si Jesukristo, ug sa Espiritu Santo; mahitungod sa Pag-ula ug Pagkabanhaw ni Jesukristo, ug mahitungod sa unang mga baruganan ug mga ordinansa sa ebanghelyo. Si Adan ug si Eva mitudlo sa ilang mga anak niini nga mga kamatuoran ug miawhag kanila sa pagpalambo og hugot nga pagtuo ug sa pagsunod sa ebanghelyo sa tanang aspeto sa ilang mga kinabuhi. Si Adan gisunod sa ubang mga propeta, pero sa kadugayan ang mga kaliwat ni Adan misalikway sa ebanghelyo ug nahisugamak sa apostasiya, nagpili nga mamahimong dili matarung.

Diha nagsugod ang pabalik-balik nga dagan sa propetikanhong mga dispensasyon nga naglangkob sa kadaghanan nga narekord nga kasaysayan sa Daang Tugon. Ang Langit-nong Amahan mipadayag sa Iyang ebanghelyo pinaagi sa direkta nga pagpakighinabi ngadto sa mga propeta sama nila ni Noe [*Noah*], Abraham, ug Moises. Ang kada propeta gitawag sa Dios aron sa pagsugod og bag-ong dispensasyon sa ebanghelyo. Sa kada usa niini nga mga propeta ang Dios mitugyan sa katungod sa priesthood ug mipadayag og mahangturon nga mga kamatuoran. Sa walay palad, sa kada dispensasyon ang mga tawo sa ngadto-ngadto migamit sa ilang kabubut-on [*agency*] sa pagpili sa pagsalikway sa ebanghelyo ug dayon nahisugamak ngadto sa apostasiya.

Mga Propeta

Determinaha kon unsay nasabtan sa tawo nga inyong gitudloan kabahin sa mga propeta. Sa kadaghanan nga mga kultura adunay mga tawo nagtuo nga ang balaan o dinasig nga mga tawo makadawat og talagsaon nga klase sa giya ug direksyon gikan sa Dios. Pero bisan pa man, dili tanang dinasig nga mga tawo mga propeta sa Dios sigun sa gihubit sa gipahiuli nga ebanghelyo. Ipasabut pag-ayo nga ang Dios mitukod sa Iyang gingharian dinhi sa yuta pinaagi sa pagtawag og usa ka propeta aron sa pag-establisar og bag-ong dispensasyon. Siya mihatag nianang mao nga propeta og katungod sa priesthood. Ang propeta dayon motabang sa katawhan nga makasabot sa ilang relasyon ngadto sa Dios, lakip na kon unsaon nga makadawat og kinabuhing dayon pinaagi sa ebanghelyo ni Jesukristo.

Posibleng maghunahuna mo kon unsa ka mahinungdanon ang mga dispensasyon sa ebanghelyo kon magtudlo sa mga tawo nga wala pay nasayran o kasinatian sa kultura sa Kristiyanismo. Pero inyong makita nga pinaagi sa pagsaysay sa makadiyot sa kasaysayan sa mga dispensasyon sa ebanghelyo, makatabang kamo sa mga tawo nga makasabot nga ang Dios nahigugma sa Iyang mga anak ug nga Siya sama ra gihapon kagahapon, karon, ug sa kahangturan.

Pagtuon sa Kasulatan

Mga Propeta

Jacob 4:4, 6

Mosiah 8:13–18

Mga Buhat 10:34–43

Amos 3:7

Mga Dispensasyon [Kapaigoan]

D&P 136:36–38

Moises 5:4–12, 55–59

Moises 8:19–30

Giya ngadto sa mga Kasulatan,
“Kapaigoan [Dispensasyon]”

Mubo nga mga Sulat

Mubo nga mga Sulat

Ang Yutan-ong Pagpangalagad sa Manluluwas

Pipila ka gatus ka tuig sa wala pa ang pagkatawo ni Jesukristo, ang katawhan nahisugamak na usab sa apostasiya. Pero sa dihang ang Manluluwas nagsugod sa Iyang mortal nga pagpangalagad Siya mitukod sa Iyang Simbahan pag-usab dinhi sa yuta.

Gipadala sa Langitnong Amahan ang Iyang Anak ngari sa yuta aron sa pagtubos alang sa mga sala sa tanang katawhan ug mobuntog sa kamatayon. “Kay gihigugma gayud sa Dios ang kalibutan nga tungod niana gihatag niya ang iyang bugtong Anak ... aron ang kalibutan maluwas pinaagi kaniya” (Juan 3:16–17). Gipadala sa atong Langitnong Amahan ang Iyang Anak, nga si Jesukristo, aron angkonon Niya, pinaagi sa Iyang pag-antus, ang mga kasal-anan sa tanan nga mopuyo dinhi sa yuta ug aron sa pagbuntog sa pisikal nga kamatayon. Ang Manluluwas mihimo og usa ka walay puas nga matubsanon nga sakripisyo aron nga kon kita magbaton og hugot nga pagtuo Kaniya, maghinulsol, mabunyagan, modawat sa Espiritu Santo, ug molahutay hangtud sa katapusan, kita makadawat og kapasayloan sa atong mga kasal-anan ug makasulod ug makasunod sa dalan nga modala kanato ngadto sa kinabuhing dayon diha sa presensya sa Dios (tan-awa sa 2 Nephi 31:13–21).



Atol sa Iyang yutan-ong pagpangalagad, ang Manluluwas mitudlo sa Iyang ebanghelyo ug mihimo og daghang mga milagro. Mitawag Siya og napulog duha ka mga lalaki aron himoon Niya nga mga Apostoles ug mipandong sa Iyang mga kamot diha sa ilang mga ulo

aron hatagan sila sa katungod sa priesthood. Mi-organisar Siya sa Iyang Simbahan, mituman sa panagna, ug gisalikway ug gilansang sa krus. Labaw sa tanan, Iyang gitiwas ang Pag-ula. Ang Anak sa Dios, ang Ginoo nga si Jesukristo, mihuman sa tanang gisangon Kaniya sa Iyang Langitnong Amahan.

Sa wala pa ang kamatayon ug Pagkabanhaw sa Manluluwas, Iyang gihatagan ang Iyang mga Apostoles og katungod sa pagtudlo sa Iyang ebanghelyo, sa paghimo sa mga ordinansa sa kaluwasan, ug sa pagtukod sa Iyang Simbahan dinhi sa kalibutan.

Pagtuon sa Kasulatan

Artikulo sa Hugot nga Pagtuo 1:5
Mateo 10:1–10

Lucas 6:13
Juan 15:16

Mga Hebreohanon 5:4

Ang Dakong Apostasiya

Human sa kamatayon ni Jesukristo, ang dautang mga tawo migukod sa mga Apostoles ug sa mga miyembro sa Simbahan ug mipatay sa kadaghanan kanila. Uban sa pagkamatay sa mga Apostoles, ang mga yawe sa priesthood ug ang katungod sa pagpangulo sa priesthood gikuha gikan sa yuta. Ang mga Apostoles mibantay sa mga doktrina sa ebanghelyo nga magpabiling lunsay ug mipatunhay og kahusay ug naghimog sumbanan sa katakus alang sa mga miyembro sa Simbahan. Nga wala ang mga Apostoles, sa ngadto- ngadto ang mga doktrina nangatuis, ug walay pagtugot nga mga pag-usab gihimo diha sa

organisasyon sa Simbahan ug sa mga ordinansa sa priesthood, sama sa bunyag ug pagtugyan sa gasa sa Espiritu Santo.

Nga walay pagpadayag ug katungod sa priesthood, ang mga tawo nagsalig nalang sa tawhanong kaalam sa paghubad sa mga kasulatan ug sa mga baruganan ug mga ordinansa sa ebanghelyo ni Jesukristo. Sayop nga mga hunahuna gitudlo ingon nga tinuod. Kadaghanan sa kasayuran sa tinuod nga pagkatawo ug kinaiya sa Dios Amahan, sa Iyang Anak nga si Jesukristo, ug sa Espiritu Santo nangawala. Ang mga doktrina sa hugot nga pagtuo kang Jesukristo, paghinulsol, bunyag, ug sa gasa sa Espiritu Santo nanga-usab o gipangkalimtan. Ang katungod sa priesthood nga gihatag ngadto sa mga Apostoles ni Kristo nawala na sa yuta. Kini nga apostasiya sa ngadto-ngadto miresulta sa pagtumaw sa daghang mga simbahan.

Human sa pipila ka mga siglo sa espirituhanong kangit-ngit, mga tawo nga nagpangita og kamatuoran miprotesta batok sa relihiyoso nga mga gipanghimo o gipangbuhat nianang panahona. Ilang nakita nga daghan sa mga doktrina ug mga ordinansa sa ebanghelyo ang nangausab o nangawala. Nagtinguha sila og mas dako nga espirituhanong lamdag, ug daghan ang naghisgot mahitungod sa panginahanglan alang sa usa ka pagpahiuli sa kamatuoran. Pero bisan pa niana, wala sila moangkon nga ang Dios mitawag kanila nga propeta. Hinoon, misulay sila sa pagreporma sa mga pagtulun-an ug mga binuhatan nga ilang gituohan nga nausab o natuis. Ang ilang mga paningkamot midangat ngadto sa pag-organisar sa daghang Protestante nga mga simbahan. Kini nga Pagreporma miresulta og nagkadako nga paghatag og gibug-aton sa relihiyosong kagawasan, nga miabli sa dalan alang sa katapusang Pagpahiuli.

Ang mga Apostoles sa Manluluwas nagsulti nang daan mahitungod niining malukpanon nga apostasiya. Nagsulti sab sila daan nga ang ebanghelyo ni Jesukristo ug ang Iyang Simbahan ipahiuli pag-usab ibabaw sa yuta.

Pagtuon sa Kasulatan

1 Nephi 13	Mga Buhat 20:28–30	Giya ngadto sa mga Kasulatan,
2 Nephi 26:20–21	Mga Taga-Galacia 1:6–9	“Hingpit nga Pagbiya [Apostasiya]”
2 Nephi 28	2 Mga Taga-Tesalonica 2:1–12	<i>True to the Faith</i> , “Apostasy”
4 Nephi 1:27	(HJS mga bersikulo 2, 3, 7–9)	mga pahina 13–14
D&P 86:1–3	1 Timoteo 4:1–3	<i>Our Search for Happiness</i> ,
Mateo 24:9–11	2 Timoteo 4:3–4	mga pahina 23–32
Marcos 12:1–9	2 Pedro 2:1–2	<i>Jesus the Christ</i> , hugna 40,
Mga Buhat 3:19–21	Amos 8:11–12	“The Long Night of Apostasy”

Ang Dakong Apostasiya

Ang mga investigator kinahanglan makasabot nga usa ka tibuok kalibutan nga apostasiya ang nahitabo human sa pagkamatay ni Jesukristo ug sa Iyang mga Apostoles. Kon wala pay nahitabo nga apostasiya, wala unta kinahanglana ang Pagpahiuli. Sama sa usa ka diyamante nga *gi-display* diha sa itom nga panapton nga kon tan-awon siga kaayo, ang Pagpahiuli nagbarug nga klaro kaayo tungod sa mangitngit nga palibut sa Dakong Apostasiya. Sumala sa paggiya sa Espiritu, tudloi ang mga investigator kabahin sa Dakong Apostasiya sa tukma nga detalye sigun sa ilang mga panginahanglan ug mga kahimtang. Ang inyong tuyo mao ang pagtabang kanila nga makasabot sa panginahanglan alang sa Pagpahiuli sa ebanghelyo ni Jesukristo.

Mubo nga mga Sulat

Mubo nga mga Sulat

Mahinungdanon nga mga Punto

- Ang Simbahan ni Jesukristo gitukod diha sa pundasyon sa mga apostoles ug mga propeta (tan-awa sa Mga Taga-Efeso 2:19–20; 4:11–14). Kini nga mga lider adunay balaang katungod sa priesthood. Pinaagi sa pagpadayag sila modumala sa mga kalihokan sa Simbahan. Sila mopatunhay sa kalunsay sa mga doktrina, mohatag og katungod ug pagtugot sa pagpahigayon sa mga ordinansa, ug motawag ug motugyan ngadto sa uban sa katungod sa priesthood.
- Ang mga tawo misalikway ug mipatay ni Jesukristo ug sa mga Apostoles (tan-awa sa Mateo 24:9; 1 Nephi 11:32–34; 2 Nephi 27:5). Sa pagkamatay sa mga Apostoles, ang tigdumalang awtoridad sa priesthood wala diha o dili makita sa Simbahan. Tungod niini, wala nay o awtoridad o katungod sa pagtugyan as Espiritu Santo o sa paghimo sa ubang makapaluwas nga mga ordinansa. Ang pagpadayag mihunong, ug ang doktrina natuis.
- Bisan sa wala pa mamatay ang mga Apostoles, daghang mga panagsungi mahitungod sa doktrina ang mitumaw. Ang Ginghamlan sa Roma, nga sa una midaug-daog sa mga Kristiyano, sa kaulahian mihangup sa Kristiyanismo. Ang importante nga relihiyoso nga mga pangutana gi-areglo pinaagi sa mga konseho. Ang yano nga mga doktrina ug mga ordinansa nga gitudlo sa Manluluwas gidebatihan ug giusab aron mahiuyon sa kalibutanon nga mga pilosopiya (tan-awa sa Isaias 24:5). Ilang gipang-usab sa pisikal ang mga kasulatan, gikuha ang dayag ug bililhon nga mga doktrina gikan niini (1 Nephi 13:26–40). Naghimo sila og mga sumbanan sa pagtoo, o mga pamahayag sa tinuohan, nga gibase sa dili tinuod ug inusab nga doktrina (tan-awa sa Joseph Smith—Kasaysayan 1:19). Tungod sa garbo, adunay pipila nga nagtinguha og tag-as nga posisyon aron maka-impluwenya (tan-awa sa 3 Juan 1:9–10). Ang mga tawo midawat niining dili tinuod nga mga hunahuna ug mihatag og dungog sa mini nga mga magtutudlo kinsa nagtudlo og makapahimuot nga mga doktrina imbis unta sa balaang kamatuoran (tan-awa sa 2 Timoteo 4:3–4).
- Sa tibuok kasaysayan, daghang mga tawo ang matinud-anong nagtuo sa sayop nga mga pagtoo ug mga doktrina. Nagsimba sila sumala sa kahayag nga ilang naangkon ug nakadawat og mga tubag sa ilang mga pag-ampo. Apan sila “natago gikan sa kamatuoran tungod kay sila wala masayud asa kini pangitaa” (D&P 123:12).
- Busa, usa ka pagpahiuli, dili usa ka pagreporma, ang gikinahanglan. Ang katungod sa priesthood wala mopadayon diha sa usa ka walay putol nga pagkasunod-sunod gikan ni Apostol Pedro. Ang pagreporma mao ang pag-usab sa unsay anaa nang daan; ang pagpahiuli mao ang pagpabalik sa usa ka butang sa iyang orihinal nga porma. Mao nga, ang pagpahiuli sa katungod sa priesthood pinaagi sa balaang mga mensahero mao lamang ang posible nga paagi sa pagbuntog sa Dakong Apostasiya.

Ang Pagpahiuli sa Ebanghelyo ni Jesukristo pinaagi ni Joseph Smith

Sa diha nga ang mga kahintang tukma, ang Langitnong Amahan sa makausa pa mitunol sa iyang mga kamot ngadto sa Iyang mga anak diha sa gugma. Mitawag Siya og usa ka batan-on nga lalaki nga ginganlan og Joseph Smith isip usa ka propeta. Pinaagi kaniya ang kahingpitan sa ebanghelyo ni Jesukristo gipahiuli sa yuta.

Si Joseph Smith nagpuyo sa Estados Unidos, nga tingali mao ray nasud niadtong panahona nga nagtagamtam og relihiyosong kagawasan. Usa kadto ka panahon sa tumang relihiyosong pagkaukyab sa silangang Estados Unidos. Ang mga sakop sa iyang pamilya hilabihan ka relihiyoso ug kanunay nga nagpangita sa kamatuoran. Apan daghang mga ministro miangkon nga anaa kanila ang tinuod nga ebanghelyo. Si Joseph nagtinguha “nga masayud hain sa tanan nga mga tinuohan ang tinuod,” (Joseph Smith—Kasaysayan 1:18). Ang Biblia nagtudlo nga adunay “usa ka Ginoo, usa ka pagtuo, usa ka bautismo” (Mga Taga-Efeso 4:5). Si Joseph mitambong og lain-lain nga simbahan, pero nagpabilin siya nga naglibog kabahin kon asa nga simbahan nga iyang apilan. Siya misulat sa kaulahian:

Mubo nga mga Sulat

“Hilabihan ang kalibug ug kagubot taliwala sa nagkalain-lain nga mga tinuohan, nga kini dili mahimo alang sa usa ka batan-on nga tawo nga sama kanako ... aron pagkab-ut sa usa ka piho nga paghukom kinsa ang tinuod ug kinsa ang sayop ... Taliwala niini nga gubat sa mga pulong ug kagubot sa mga opinyon, ako sa kanunay miingon sa akong kaugalingon: Unsa kaha ang buhaton? Kinsa sa tanan niini nga mga pundok ang tinuod; o, sila bang tanan nga sayop? Kon adunay usa kanila nga tinuod, hain niini, ug sa unsa nga paagi ako masayud niini?” (Joseph Smith—Kasaysayan 1:8, 10).

Samtang si Joseph nangita sa kamatuoran tali sa nagkalain-lain nga mga tinuohan, midangop siya sa Biblia alang sa giya. Iyang nabasa, “Kon aduna man kaninyoy nakulangan og kaalam, papangayoa siya sa Dios nga nagapanghatag ngadto sa tanang mga tawo sa madagayaon gayud ug sa walay pagpamoyboy, ug kini igahatag kaniya” (Santiago 1:5). Tungod niining mao nga tudling, si Joseph nakahukom nga mangutana sa Dios sa unsay angay niyang buhaton. Panahon sa tingpamulak [*spring*] sa 1820 siya miadto sa kakahoyan sa duol ug miluhod aron mag-ampo. Iyang gihulagway ang iyang kasinatian:

“Ako nakakita og usa ka gilis sa kahayag ibabaw gayud sa akong ulo, labaw sa kahayag sa adlaw, nga nag-anam og paubos hangtud kini midapat kanako ... Sa diha nga ang kahayag midapat kanako ako nakakita og duha ka Personahe, kansang kahayag ug himaya dili mahulagway, nagtindog ibabaw kanako diha sa kawanangan. Usa kanila misulti ngari kanako, nagtawag kanako sa akong ngalan, ug miingon, nagtudlo ngadto sa lain-*Kini mao ang Akong Hinigugmang Anak. Paminawa Siya!*” (Joseph Smith—Kasaysayan 1:16–17).

Sa niini nga panan-awon ang Dios Amahan ug ang Iyang Anak, nga si Jesukristo, nagpakita ngadto kang Joseph Smith. Ang Manluluwas miingon kang Joseph nga dili moapil sa bisan hain nga mga simbahan, kay silang “tanang mga sayop” ug “ang ilang tanan nga mga tinuohan nga salawayon.” Siya miingon, “Sila nagpaduol ngari kanako uban sa ilang mga ngabil, apan ang ilang mga kasing-kasing layo gikan kanako, sila nagtudlo og mga doktrina nga mga sugo sa mga tawo, nga may hulagway sa pagkadiosnon, apan sila nanghimakak sa gahum niana.” (Joseph Smith—Kasaysayan 1:19). Bisang tuod nga daghang mga buotang mga tawo nagtuo kang Kristo ug naningkamot sa pagsabot ug sa pagtudlo sa Iyang ebanghelyo, wala kanila ang kahingpitan sa kamatuoran o sa katungod sa priesthood sa pagpamunyang ug pagpahigayon sa ubang makapaluwas nga mga ordinansa. Ilang napanunod ang usa ka kahimtang sa apostasiya samtang ang kada henerasyon giimpluwensya sa unsay gipasa sa ilaha sa nag-una nga henerasyon, lakip na ang mga kausaban sa mga doktrina ug sa mga ordinansa sama sa bunyag. Sama sa gibuhat sa Dios uban nila ni Adan, Noe, Abraham, Moises, ug sa ubang mga propeta, Iyang gitawag si Joseph Smith nga mamahimong usa ka propeta diin kaniya ang kahingpitan sa ebanghelyo gipahiuli sa yuta.



Human sa pagpakita sa Amahan ug sa Anak, laing mga langitnong mensahero, o mga anghel, ang gipadala ngadto kang Joseph Smith ug sa ilang kauban nga si Oliver Cowdery. Si Juan Bautista nagpakita ug mitugyan kang Joseph Smith ug Oliver Cowdery sa Aaronic Priesthood, nga naglakip sa katungod sa pagpahigayon sa ordinansa sa bunyag. Sila si Pedro, Santiago, ug Juan (tulo sa orihinal nga mga Apostoles ni Kristo) nagpakita ug mitugyan sa Melchizedek Priesthood ngadto kang Joseph Smith ug Oliver Cowdery, nagpahiuli sa sama nga katungod nga gihatag sa mga Apostoles ni Kristo sa

Mubo nga mga Sulat

karaang panahon. Uban niining mao nga katungod o awtoridad sa priesthood, si Joseph Smith gisugo sa pag-organisar sa Simbahan ni Jesukristo pag-usab dinhi sa yuta. Pinaagi kaniya, si Jesukristo mitawag og napulog duha ka mga Apostoles.

Ang panahon nga atong gipuy-an karon gitawag sa mga propeta sa Biblia nga mao ang katapusan nga mga adlaw, o ang dispensasyon sa kahingpitan sa mga panahon. Mao kini ang panahon nga nag-una sa Ikaduhang Pag-anhi ni Jesukristo. Mao kini ang katapusang dispensasyon. Mao kini ang hinungdan ngano nga ang Simbahan gihinganlan og Ang Simbahan ni Jesukristo sa mga Santos sa Ulahing mga Adlaw.

Usa ka buhing propeta ang nagdumala sa Simbahan karon. Kini nga propeta, ang Presidente sa Ang Simbahan ni Jesukristo sa mga Santos sa Ulahing mga Adlaw, mao ang awtorisado o gitugutan nga sumusunod ni Joseph Smith. Siya ug ang karon nga mga Apostoles makasubay sa ilang mga katungod ngadto kang Jesukristo diha sa usa ka walay putol nga kadena sa mga ordinasyon pinaagi kang Joseph Smith.

Memoryaha ang Joseph Smith—Kasaysayan 1:16–17

Memoryaha ang paghulagway ni Joseph Smith sa iyang pagkakita sa Amahan ug sa Anak (Joseph Smith—Kasaysayan 1:16–17), ug pag-andam kanunay sa paghulagway sa Unang Panan-awon ginamit ang iyang kaugalingong mga pulong. Ayaw kini dali-dalia. Hatag og sinsero nga pagpamatuod nga ikaw nasayud nga kini tinuod. Ayaw pagpanuko sa pag-eksplikar kon giunsa nimo pagkahibalo sa katinuod niini. Imbitara ang imong kompanyon sa paghimo usab sa ingon.

Hatag og Pagpamatuod

Usa ka importanting bahin sa katungdanan sa usa ka misyonaryo mao ang paghatag og pagpamatuod mahitungod sa karon nga propeta ug presidente sa Simbahan.

Pagtuon sa Kasulatan

2 Nephi 3
D&P 112:30

Mga Taga-Efeso 1:10

Mga Taga-Efeso 4:5
Santiago 1:5

Gamay nga basahon [*Brochure*], *Ang Pagpamatuod ni Propeta Joseph Smith*

Ang Basahon ni Mormon: Lain nga Tugon ni Jesukristo



Ang pagkasayud nga ang pagduha-duha, pagduda, ug dili tinuod nga mga impormasyon magpabilin human sa mga siglo sa kangitngit, ang atong mahigugmaon nga Langitnong Amahan mipagawas og usa ka karaang libro sa balaang kasulatan nga ikatandi sa Biblia, nga naglangkob sa kahingpitan sa mahangturon nga ebanghelyo ni Jesukristo. Kining libro sa balaang kasulatan naghatag og makapakombinsir nga ebidensya nga si Joseph Smith tinuod nga propeta sa Dios. Kini nga rekord mao ang Basahon ni Mormon: Lain nga Tugon ni Jesukristo.

Si Joseph Smith gitudloan sa usa ka langitnong mensahero nga ginganlan og Moroni ngadto sa usa ka bungtod diin ang bulawan nga mga palid gitago

Mubo nga mga Sulat

sulod na sa daghang mga siglo. Kining bulawan nga mga palid naglangkob sa mga sinulat sa mga propeta nga nag-asoy sa pagpakiglambigit sa Dios sa pipila sa mga karaang namuyo sa yutang Amerika. Si Joseph Smith mihubad sa mga nakasulat niining mao nga mga palid pinaagi sa gahum sa Dios. Ang mga propeta sa Basahon ni Mormon nasayud kabahin sa misyon sa Manluluwas ug mitudlo sa Iyang ebanghelyo. Human sa Iyang Pagkabanhaw, si Kristo nagpakita niining mga tawhana. Siya mitudlo kanila sa Iyang ebanghelyo ug mitukod sa Iyang Simbahan. Ang Basahon ni Mormon nagpamatuod nga “ang Dios nagdasig sa mga tawo ug nagtawag kanila ngadto sa iyang balaan nga buhat niini nga panahon ug kaliwatan, ug ingon sa karaan nga mga kaliwatan” (D&P 20:11). Aron mahibalo nga ang Basahon ni Mormon tinuod, ang usa ka tawo kinahanglan mobasa, mamalandong, ug mag-ampo kabahin niini. Ang matinuoron nga tigpangita sa kamatuoran sa dili madugay makabati nga ang Basahon ni Mormon mao ang pulong sa Dios.

Ang pagbasa, pagpamalandong, ug ang pag-ampo kabahin sa Basahon ni Mormon mahinungdanon kaayo alang sa malahutayon nga pagkakabig. Kadtong magsugod sa pagbasa sa Basahon ni Mormon sa unang higayon naghimo og importante nga mga lakang padulong sa pagkahibalo nga si Joseph Smith usa ka propeta sa Dios ug nga ang tinuod nga Simbahan gipahiuli na sa yuta.

Gamita ang Basahon ni Mormon sa Pagkumpirmar sa Katinuod sa Pagpahiuli

Ang mosunod usa ka ehemplo sa unsay mahimo nimong isulti inig paila nimo sa Basahon ni Mormon.

“Ang Dios nahigugma sa Iyang mga anak, mao nga Siya naghatag og makapakombinsir nga paagi sa pagkumpirmar sa kamatuoran sa unsay among gisulti. Mao kana ang Basahon ni Mormon. Mahimo bang basahon nimo [ninyo] ang katapusang duha ka mga paragraf nga anaa sa pasiuna sa mao nga libro?” Kon ang pasiuna wala malakip diha sa bag-o nga hubad sa Basahon ni Mormon, basaha ang katapusang duha ka mga paragraf sa pasiuna sa Iningles nga Basahon ni Mormon ug paghatag og minubo nga katingbanan [*summary*] sa mao nga mga paragraf.

Sa mainampingon nga paagi ipasabot ang kahulugan sa kada konsepto nga anaa sa duha ka mga paragraf ug imbitara ang investigator sa pagpasalig nga basahon ang mga bahin sa Basahon ni Mormon ug gamiton ang mga baruganan nga gihulagway dinhi niining duha ka mga paragraf.

Kon magpaila-ila sa Basahon ni Mormon ngadto sa usa ka tawo, makatabang nga pakit-on siya og kopya, sa daklit rebyuhon ang mga sulod niini, ug mopaambit og usa o duha ka mga tudling nga kanang makahulugan kaayo kanimo sa personal o kanang posibleng makahuluganon kaniya.

Pagtuon sa Kasulatan

Ulohan nga pahina sa Basahon ni Mormon	D&P 1:17–23 D&P 20:5–12	Joseph Smith—Kasaysayan 1:27–64
Pasiuna sa Basahon ni Mormon, mga paragraf 1–7		

Mubo nga mga Sulat

Pag-ampo aron Mahibalo sa Kamatuoran pinaagi sa Espiritu Santo

Kining mensahe sa Pagpahiuli mahimong tinuod o dili tinuod. Mahimo kita nga mahibalo nga kini tinuod pinaagi sa Espiritu Santo, sigun sa gisaad sa Moroni 10:3–5. Human sa pagbasa ug pagpamalandong sa mensahe sa Basahon ni Mormon, si bisan kinsa nga magtinguha nga masayud sa kamatuoran kinahanglan mangutana pinaagi sa pag-ampo ngadto sa atong Langitnong Amahan sa pangalan ni Jesukristo kon kini tinuod ba. Aron mahimo kini, atong sampiton ang atong Langitnong Amahan. Pasalamatnato nato Siya alang sa atong mga panalangin ug mangamuyo nga masayud nga ang mensahe sa Basahon ni Mormon tinuod. Walay tawo nga masayud sa espirituhanon nga mga kamatuoran kon walay pag-ampo.

Agig tubag sa atong mga pag-ampo, ang Espiritu Santo motudlo kanato sa kamatuoran pinaagi sa atong mga pagbati ug mga hunahuna. Ang mga pagbati nga nagagikan sa Espiritu Santo kusog kaayo, pero sa kasagaran kini maaghup ug hilum. Samtang kita magsugod sa pagbati nga ang atong gikat-unan tinuod, ganahan kita nga masayud sa tanan kutob sa atong mahimo kabahin sa Pagpahiuli.

Ang masayud nga ang Basahon ni Mormon tinuod modangat ngadto sa kahibalo nga si Joseph Smith gitawag isip propeta ug nga ang ebanghelyo ni Jesukristo gipahiuli pinaagi kaniya.

Pag-ampo

- Sampita ang atong Langitnong Amahan (“Among Amahan sa Langit, ...”).
- Ipadayag ang mga pagbati sa imong kasingkasing (pasalamat, mga pangutana, mga hangyo sa pagkumpirmar nga ang Basahon ni Mormon tinuod, ug uban pa).
- Tapusa (“Sa pangalan ni Jesukristo, amen”).

Pag-ampo

Bisan tuod ang pag-ampo adunay dakong bahin sa daghang mga relihiyon ug mga kultura, panagsa ra kaayo nga ang pag-ampo gikonsiderar nga panagbayloay sa pakig-istoryahanay [*two-way communication*] tali sa Dios ug sa tawo. Tabangi ang inyong tudloan nga makasabot nga mahimo sila nga molitok sa unsay anaa sa ilang mga kasingkasing kon mag-ampo. Ipakita kini pinaagi sa imong pag-ampo inig sugod o pagtapus sa leksyon. Paggamit og yano nga pinulongan nga mahimo usab nilang magamit kon sila mag-ampo. Tabangi sila nga makasabot nga ang atong Langitnong Amahan motubag sa ilang mga pag-ampo, kasagaran pinaagi sa mga bation sa ilang mga kasingkasing ug mga hunahuna nga anaa sa ilang mga pangisip. Kon sila sinsero ug gusto gayud nga masayud kon anaa ba gayud ang Dios, Siya motubag kanila. Imbitara ang ulo sa panimalay sa paghatag og pag-ampo nga magluhod sa pagtapus sa leksyon.

Pagtuon sa Kasulatan

Alma 5:45–46
D&P 8:2–3

Juan 14:26

Pasiuna sa Basahon ni Mormon,
mga paragraf 8–9

Imbitasyon nga Magpabunyag

Atol niini o sa bisan unsang leksyon, ayaw pagpanuko sa pag-imitar sa mga tawo nga magpabunyag ug makumpirmahan.

Sa pag-andam sa mga tawo alang sa usa ka imbitasyon nga magpabunyag ug makumpirmahan, pagpamatuod kanunay kabahin sa kamahinungdanon sa tanang mga tawo nga magpabunyag ubos niadtong adunay katungod, kabahin sa pagdawat og kapasayloan sa mga sala, ug kabahin sa maanindot nga gasa sa Espiritu Santo. Mahimo ka nga mosulti, “Sa higayon nga ang Ginoo motubag sa imong mga pag-ampo ug imong mabati nga kini nga mensahe tinuod, imo bang sundon ang ehemplo ni Jesukristo pinaagi sa pagpabunyag?”

Ang imbitasyon nga magpabunyag ug magpakumpirmar kinahanglan tino ug diha-diha: “Imo bang sundon ang ehemplo ni Jesukristo pinaagi sa pagpabunyag sa usa ka tawo nga naghupot sa katungod sa priesthood sa Dios? Magpahigayon kami og tumanon sa bunyag [*baptismal service*] inig ka (petsa). Imo bang andamon ang imong kaugalingon nga magpabunyag niining petsaha?”

Mubo nga mga Sulat

Mubo nga mga Sulat

Mga Ideya sa Pagtudlo

Kini nga seksyon adunay mga ideya nga mahimo ninyong gamiton sa pagpangandam ug pagtudlo niini nga leksyon. Sunda ang Espiritu sa mainampoong paagi samtang ikaw [kamo] modesidir kon unsaon paggamit niini nga mga ideya. Idugang ang mga ideya nga imong [inyong] mapilian ngadto sa imong plano sa pagtudlo sa leksyon [lesson plan]. Hinumdumi nga kini nga mga ideya mga sugyot lamang—dili mga kinahanglanon—sa pagtabang kaninyo sa pagtubag sa mga panginahanglan niadtong inyong tudloan.

Mubo nga Plano sa Pagtudlo sa Leksyon [Lesson Plan] (3–5 minutos)

Human sa pipila ka mga siglo nga nawala, ang ebanghelyo ni Jesukristo gipahiuli og balik sa yuta sa atong Langitnong Amahan pinaagi sa usa ka buhing propeta. Ang Basahon ni Mormon maoy ebidensya niini. Makuptan kini sa imong mga kamot. Mabasa nimo kini, mapamalandongan kon sa unsang paagi ang mensahe nga anaa sa basahon makapausbaw sa imong kinabuhi, ug makaampo aron masayran nga ang mensahe mao ang pulong sa Dios.

- Ang Dios Mao Ang Atong Mahigugmaong Langitnong Amahan
- Ang Ebanghelyo Mopanalangin sa mga Pamilya
- Ang Langitnong Amahan Mopadayag sa Iyang Ebanghelyo sa Matag Dispensasyon
- Ang Yutan-ong Pagpangalagad sa Manluluwas
- Ang Dakong Apostasiya
- Ang Pagpahiuli sa Ebanghelyo ni Jesukristo pinaagi ni Joseph Smith
- Ang Basahon ni Mormon: Lain nga Tugon ni Jesukristo
- Pag-ampo aron Mahibalo sa Kamatuoran pinaagi sa Espiritu Santo

Mga Pasalig:

- Mobasa ka ba [ba kamo] ug mag-ampo aron masayud nga ang Basahon ni Mormon mao ang pulong sa Dios?
- Mag-ampo ka ba [ba kamo] aron masayud nga si Joseph Smith usa ka propeta?
- Mosimba ka ba [ba kamo] uban kanamo karong Dominggo?
- Mahimo bang atong i-eskedyul ang sunod namong pagbisita?
- Mga kasugoan gikan sa leksyon 4 nga gusto ninyong iapil.

Medium nga Plano sa Pagtudlo sa Leksyon (10–15 minutos)

Ang among mensahe tulukibon ug yano. Ang Dios mao ang atong Amahan. Kita Iyang mga anak. Kabahin kita sa Iyang pamilya. Gihigugma kita Niya. Sa sinugdanan sa kalibutan, nagsunod Siya og usa ka sumbanan sa gugma ug kabalaka. Sa makadagahang higayon Siya mitunol sa Iyang mga kamot diha sa gugma aron sa pagpadayag sa ebanghelyo ni Jesukristo aron ang Iyang mga Anak makahibalo kon unsaon sa pagbalik ngadto Kaniya. Iya Kining gipadayag ngadto sa mga propeta sama nila ni Adan, Noe, Abraham, ug Moises. Pero ang mga tawo sa makadaghan mipili sa pagsalikway niana nga ebanghelyo. Duha ka libo ka mga tuig na ang milabay, si Jesukristo

Mubo nga mga Sulat

Mismo mitudlo sa Iyang Ebanghelyo ug mi-establisar sa Iyang Simbahan. Ang makapakurat, ang mga tawo misalikway pa gani kang Jesus. Sa matag higayon nga ang mga tawo mopakabali-wala o motuis sa tinuod nga mga doktrina ug mga ordinansa, ang Dios mobawi sa Iyang awtoridad sa pagdumala sa Simbahan.

Ang among imbitasyon sa imoha [inyoha] ug sa tanang katawhan mao ang pagdugang sa mga kamatuoran nga imo [inyo] nang gihambin. Konsideraha ang atong ebidensya nga ang atong Langitnong Amahan ug ang Iyang Anak, nga si Jesukristo, sa makausa pa mitunol sa Iyang mga kamot ngadto sa mga anak sa Dios diha sa gugma ug mipadayag sa kahingpitan sa ebanghelyo ngadto sa usa ka propeta. Ang pangalan niining mao nga propeta mao si Joseph Smith. Ang ebidensya niining mahimayaon nga kamatuoran makita diha sa usa ka libro—ang Basahon ni Mormon—nga mahimo nimong [ninyong] mabasa, mapamalandongan, ug mapangutana pinaagi sa pag-ampo. Kon ikaw [kamo] kinasing-kasing nga mag-ampo, uban sa tinud-anay nga katuyoan ug hugot nga pagtuo uban ni Jesukristo, ang Dios mosulti kanimo [kaninyo] pinaagi sa gahum sa Espiritu Santo nga kini tinuod.

Mga Pasalig:

- Mobasa ka ba [ba kamo] ug mag-ampo aron masayud nga ang Basahon ni Mormon mao ang pulong sa Dios?
- Mag-ampo ka ba [ba kamo] aron masayud nga si Joseph Smith usa ka propeta?
- Mosimba ka ba [ba kamo] uban kanamo karong Dominggo?
- Mahimo bang atong i-eskedyul ang sunod namong pagbisita?
- Mga kasugoan gikan sa leksyon 4 nga gusto ninyong iapil.

Tibuok Plano sa Pagtudlo sa Leksyon (30–45 minutos)

- Ang Dios Mao Ang Atong Mahigugmaong Langitnong Amahan
 - Kita mga anak sa Dios (tan-awa sa Mga Buhat 17:29).
 - Ang Dios nahigugma kanato ug motabang kanato nga mohimo sa husto nga mga pagpili.
 - Pinaagi kang Jesukristo, mahimo kitang makapuyo uban sa Dios pag-usab (tan-awa sa Juan 3:16–17).
- Ang Ebanghelyo Mopanalangin sa mga Pamilya
 - Ang ebanghelyo ni Jesukristo motabang sa mga pamilya nga makapalambo og mas lig-on nga mga pakigrelasyon.
 - Ang mga pamilya gi-orden sa Dios; sila mao ang pinaka importante nga yunit sa katilingban sa karon nga panahon ug sa kahangturan (tan-awa sa D&P 49:15–16).
 - Ang pamilya mao ang pinaka maayong dapit sa pagtudlo, pagkat-on, ug paggamit sa mga baruganan sa ebanghelyo (tan-awa sa D&P 68:25; Genesis 18:19; Deuteronomio 6:7).
 - Ang pamilya mahimong usa ka dapit sa kasiguroan, kalinaw, ug hingpit nga kalipay.

Mubo nga mga Sulat

- Ang Langitnong Amahan Mopadayag sa Iyang Ebanghelyo sa Matag Dispensasyon
 - Ang Dios motawag og mga propeta aron sa pagtudlo sa Iyang ebanghelyo (tan-awa sa Amos 3:7).
 - Ang apostasiya nagpasabut sa pagsalikway sa mga propeta ug sa ebanghelyo.
 - Ang mga dispensasyon mga hugpong sa panahon nga ang mga propeta nagtudlo sa ebanghelyo. Ang nag-una nga mga dispensasyon natapos sa apostasiya (tan-awa sa D&P 136:36–38).
 - Sila si Adan, Noe, Abraham, Moises, ug ubang karaan nga mga propeta tanan nagtudlo sa ebanghelyo (tan-awa sa Moises 5:4–12).
- Ang Yutan-ong Pagpangalagad sa Manluluwas
 - Ang Anak sa Dios mipahiuli ug mitudlo sa ebanghelyo. Naghimo Siya og daghang mga milagro (tan-awa sa Giya ngadto sa mga Kasulatan, “Milagro,” 166).
 - Siya mitawag og mga Apostoles ug mihatag kanila sa katungod sa priesthood sa pagsangyaw ug paghimo sa makapaluwas nga mga ordinansa sama sa bunyag (tan-awa sa Juan 15:16).
 - Si Kristo mitukod sa Iyang Simbahan.
 - Si Kristo gilansang sa krus, ug ang Iyang mga Apostoles gipangsalikway ug gipangpatay (tan-awa sa Mateo 27:35; Marcos 15:25).
 - Si Kristo mihimo sa Pag-ula (tan-awa sa Giya ngadto sa mga Kasulatan, “Pag-ula, Pag-ula sa Dugo,” 205).
- Ang Dakong Apostasiya
 - Kon walay pagpadayag pinaagi sa usa ka propeta, ang katawhan malaglag ngadto sa espirituhanong kangitngit (tan-awa sa Amos 8:11–12).
 - Mga propeta ug mga Apostoles naghigut nang daan mahitungod sa Dakong Apostasiya (tan-awa sa 2 Mga Taga-Tesalonica 2:1–3).
- Ang Pagpahiuli sa Ebanghelyo ni Jesukristo pinaagi ni Joseph Smith
 - Si Joseph nangita sa kamatuoran (tan-awa sa Joseph Smith—Kasaysayan 1:8, 10).
 - Ang Dios ug si Jesukristo nagpakita ngadto kang Joseph Smith (tan-awa sa Joseph Smith—Kasaysayan 1:16–17).
 - Sama sa mga propeta sa una nga mga dispensasyon, si Joseph Smith gitawag nga propeta niining katapusang dispensasyon.
 - Ang Dios mipahiuli sa kahingpitan sa ebanghelyo pinaagi kang Joseph Smith (tan-awa sa D&P 35:17; 135:3).
 - Lain pang langitnon nga mga mensahero mipahiuli sa priesthood, ug ang Simbahan ni Kristo na-organisar (tan-awa sa D&P 13; 27:12).
 - Usa ka buhing propeta ang nagdumala sa Simbahan karon.

Mubo nga mga Sulat

- Ang Basahon ni Mormon: Lain nga Tugon ni Jesukristo
 - Ang Basahon ni Mormon makapakombensir nga ebidensya nga si Joseph Smith usa gayud ka propeta.
 - Si Joseph mihubad sa mga palid pinaagi sa gahum sa Dios (tan-awa sa Pasiuna sa Basahon ni Mormon, paragraf 5).
 - Ang Basahon ni Mormon nagpamatuod nga ang Dios modasig sa mga propeta sa atong panahon sama sa Iyang gihimo sa kada dispensasyon (tan-awa sa D&P 20:5–12).
 - Ang Basahon ni Mormon naglangkob sa kahingpitan sa ebanghelyo ni Jesukristo (tan-awa sa D&P 20:8–9).
- Pag-ampo aron Mahibalo sa Kamatuoran pinaagi sa Espiritu Santo
 - Mahimo ka [kamo] nga mahibalo nga ang Basahon ni Mormon tinuod (tan-awa sa Mormoni 10:3–5; Pasiuna sa Basahon ni Mormon, mga paragraf 1, 8–9).
 - Ang Espiritu Santo motudlo kanimo [kaninyo] pinaagi sa imong [inyong] mga hunahuna ug mga pagbati (tan-awa sa D&P 8:2–3).

Mga Pasalig:

- Mobasa ka ba [ba kamo] ug mag-ampo aron masayud nga ang Basahon ni Mormon mao ang pulong sa Dios?
- Mag-ampo ka ba [ba kamo] aron masayud nga si Joseph Smith usa ka propeta?
- Mosimba ka ba [ba kamo] uban kanamo karong Dominggo?
- Mahimo bang atong i-eskedyul ang sunod namong pagbisita?
- Mga kasugoan gikan sa leksyon 4 nga gusto ninyong iapil.

Mga Pangutana nga Ipangutana human sa Imong Pagtudlo

- Unsay mga pangutana nimo [ninyo] kabahin sa among gitudlo?
- Kon adunay propeta sa yuta karon, unsa man ang imong [inyong] ipangutana kaniya?
- Mibati ka ba [ba kamo] nga ang Dios namati sa imong [inyong] mga pag-ampo? Ngano man?
- Gusto ba nimong [ninyong] mahibaloan nga ang Basahon ni Mormon tinuod? Ngano man?

Mga Mahinungdanong Depinisyon

- **Apostasiya:** Usa ka pagbiya gikan sa kamatuoran sa mga indibidwal, sa Simbahan o sa tibuok kanasuran. Naglakip kini sa pagrebelde batok sa awtoridad ug sa pagsalikway sa mga propeta. Ilhanan sa apostasiya naglakip sa paglapas sa mga balod sa Dios, pag-usab sa mga ordinansa sa ebanghelyo, ug pagsupak sa mga pakigsaad (tan-awa sa Isaias 24:5).

Mubo nga mga Sulat

- **Dispensasyon:** Usa ka yugto sa panahon diin ang Ginoo adunay dili mominus usa ka tinugyanan nga sulugoon sa yuta kinsa nagdala sa mga yawe sa balaan nga priesthood. Agig dugang kang Jesukristo, ang mga propeta sama nila ni Adan, Enoch, Noe, Abraham, Moises, ug Joseph Smith tagsa-tagsang misugod og bag-o nga dispensasyon sa ebanghelyo. Sa higayon nga ang Ginoo mo-organisar og usa ka dispensasyon, ang ebanghelyo ipadayag pag-usab aron ang katawhan niana nga dispensasyon dili na magdepende pa sa nangagi nga mga dispensasyon alang sa kahibalo mahitungod sa plano sa kaluwasan. Ang dispensasyon nga gisugdan ni Joseph Smith nailhan isip ang “dispensasyon sa kahingpitan sa panahon.”
- **Kabubut-on [Agency]:** Ang abilidad ug pribilihiyo nga gihatag sa Dios sa mga tawo sa pagpili ug sa paglihok alang sa ilang mga kaugalingon.
- **Manunubos:** Si Jesukristo mao ang halangdong Manunubos sa katawhan tungod kay Siya, pinaagi sa Iyang Pag-ula, mibayad sa bugti alang sa mga kasal-anan sa mga tawo ug mihimo nga posible nga ang tanang mga tawo mabanhaw. Ang pagtubos mao ang pagpalingkawas, pagpalit, o paglukat, aron mahimong gawasnon ang usa ka tawo gikan sa pagkaulipon pinaagi sa pagbayad. Ang katubsanan [redemption] nagpasabut sa Pag-ula ni Jesukristo ug sa kalingkawasan gikan sa sala. Ang Pag-ula ni Jesus nagtubos sa tanang katawhan gikan sa pisikal nga kamatayon. Pinaagi sa Iyang Pag-ula, nga naglakip sa Iyang pag-antus didto sa Getsemani ug diha sa krus ingon man ang Iyang Pagkabanhaw, kadtong adunay hugot nga pagtuo Kaniya ug kinsa maghinulsol matubos gikan sa espirituhanong kamatayon.
- **Pagpadayag:** Komunikasyon gikan sa Dios ngadto sa Iyang mga anak sa yuta. Ang pagpadayag mahimong moabut pinaagi sa Kahayag ni Kristo ug sa Espiritu Santo pinaagi sa inspirasyon, mga panan-awon [vision], mga damgo, o sa mga pagbisita sa mga anghel. Ang pagpadayag maghatag og giya nga modala sa mga matinud-anon ngadto sa mahangturon nga kaluwasan didto sa celestial nga gingharian. Ang Ginoo mopadayag sa Iyang buhat ngadto sa Iyang mga propeta ug mopanghimatuod ngadto sa mga tumutuo nga ang mga pagpadayag ngadto sa mga propeta tinuod (tan-awa sa Amos 3:7). Pinaagi sa pagpadayag, ang Ginoo maghatag og tagsa-tagsa nga giya alang sa matag tawo kinsa nagtinguha niini ug kinsa adunay hugot nga pagtuo, naghinulsol, ug kinsa masulundon sa ebanghelyo ni Jesukristo.
- **Pagpahiuli:** Ang pagpahiuli nagpasabut sa pag-uli o pagbalik ngadto sa kanhi nga kondisyon, o ipahiuli pagbalik. Ang Pagpahiuli, sigun sa paggamit sa mga Santos sa Ulahing mga Adlaw, nagpasabut nga ang tinuod nga Simbahan ni Jesukristo, nga nawala tungod sa apostasiya, gipabalik pag-usab ingon nga kini anaa sa orihinal nga kahimtang sa dihang gi-organisar kini ni Jesukristo. Lahi sa Repormasyon, ang Pagpahiuli nahimo pinaagi sa balaang katungod pinaagi sa pagpadayag.
- **Priesthood:** Ang katungod ug gahum nga ihatag sa Dios ngadto sa tawo sa pagbuhat sa pangalan ni Jesukristo sa tanang mga butang alang sa kaluwasan sa mga tawo.
- **Propeta:** Usa ka tawo kinsa gitawag sa Dios ug mamulong para sa Dios. Isip usa ka mensahero sa Dios, ang usa ka propeta makadawat og katungod sa priesthood, mga kasugoan, mga propesiya o panagna, ug mga pagpadayag gikan sa Dios. Ang iyang responsibilidad mao ang pagpahibalo sa kabubut-on ug tinuod nga kinaiya sa Dios ngadto sa katawhan ug sa pagpakita sa tinuod nga kahulugan sa Iyang pagpakiglambigit uban kanila. Ang usa ka propeta mosaway sa sala ug motagna sa mga sangputanan niini. Siya usa ka tigsangyaw sa pagkamatarung.

Mubo nga mga Sulat

Adunay higayon, ang usa ka propeta mahimong madasig sa pagtagna sa umaabot alang sa kaayohan sa katawhan. Hinoon, ang iyang nag-unang responsibilidad mao ang paghatag og saksi mahitungod kang Kristo.

- **Repormista [Reformer]:** Ang pagreporma mao ang paghimo og mga kausaban sa usa ka butang aron kini mapausbaw o mapamaayo pa. Ang termino nga *mga repormista* o *mga reformer* nagpasabut niadtong mga kalalakin-an ug mga kababayan-an (sama nila ni Martin Luther, John Calvin, William Tyndale, ug John Wycliffe) kinsa miprotesta sa mga binuhatan ug mga paagi sa kasamtangang nagbarug nga simbahan, nga ilang gibati nga nagkinahanglang repormahon o usbon.

Ubang mga Termino nga Mahimong Magkinahanglan og Dugang Pagpasabut ngadto sa Inyong Tudloanan

- Apostol
- Biblia
- Ebanghelyo
- Gasa sa Espiritu Santo
- Kasulatan, mga
- Manluluwas
- Ordinansa sa kaluwasan, mga
- Pag-ampo
- Pagbalik aron sa pagpuyo diha sa iyang presensya
- Pagkatinugyanan [Stewardship]
- Paglahutay hangtud sa katapusan
- Pagsunod ug dili pagsunod sa mga kasugoan
- Sala

Mga Repormista ug Relihiyoso nga mga Lider sa Kalibutan

Ang mosunod nga impormasyon kabahin sa kasinatian nga pagagamiton lamang kon gikinahanglan.

John Wycliffe: Natawo sa ika 14 nga siglo didto sa England. Eskolar sa Teyolohiya [Theology] sa Oxford University. Nagtudlo nga ang Simbahang Katoliko walay gihuptan nga mga yawe sa priesthood, nga ang Balaang Sakripisyo ug Pagkalawat sa Misa [Holy Eucharist] (o sakramento) dili mao ang tinuoray nga lawas ni Kristo, ug nga ang simbahan dili angay nga mogamit og politikanhong gahum ngadto sa mga tawo. Mihubad sa Biblia ngadto sa Iningles. Namatay pagka 31 sa Disyembre 1384.

Martin Luther: Natawo pagka 10 sa Nobyembre 1483, didto sa Germany. Nagtungha sa Universidad sa Erfurt ug Wittenberg. Mipapilit og 95 ka mga tesis o pamahayag nga doktrinal sa pultahan sa Castle Church agig pagsupak sa daghang gipahamtang nga mga pagtulun-an sa Simbahang Katoliko Romano, lakip na ang pamaagi nga ang mga tawo pabayaron og kwarta aron mapasaylo sa ilang mga sala. Namatay pagka 18 sa Pebrero 1546.

William Tyndale: Natawo sa Wales pagka 1494. Nagtungha sa Oxford ug Cambridge. Mihubad sa Bag-ong Tugon ngadto sa Iningles. Mihimo nga ang mga kasulatan sayon nga maangkon sa ordinaryo nga mga tawo aron maladlad ang sayop nga mga doktrina ug pagkakurap sa relihiyoso nga mga kadagkoan. Gipatay siya pagka 6 sa Oktubre 1536.

Mubo nga mga Sulat

John Calvin: Natawo pagka 10 sa Hulyo 1509, didto sa France. Nagtungha didto sa Paris aron mamahimong pari. Usa ka mahinungdanon nga lider sa mga kalihokan sa pagreporma sa Simbahang Katoliko. Kasagaran sa iyang kinabuhi didto gigugol sa Switzerland. Siya mitudlo nga ang mga tawo sa kinaiyahan mahilayon o bisyoso ug ang grasya lamang sa Dios ang makaluwas kanila. Misulat og daghang mga komentaryo mahitungod sa Biblia. Namatay pagka 27 sa Mayo 1564.

Alang sa dugang impormasyon mahitungod sa mga repormista, tan-awa ang mosunod nga mga tinubdan diha sa librarya sa misyonaryo: James E. Talmage, *Jesus the Christ*, 692–703; M. Russell Ballard, *Our Search for Happiness*, 26–32.

Ingon nga ang Kristiyanong kalibutan napanalanginan sa kaisug ug panglantaw sa mga repormista, daghang ubang mga kanasuran ug mga kultura ang napanalanginan pinaagi niadtong kinsa nahatagan nianang bahin “ nga [ang Dios] nakakita nga angay nga sila kinahanglan makabaton” (Alma 29:8). Ang mga pagtulun-an sa ubang relihiyoso nga mga lider nakatabang sa daghang mga tawo nga mamahimong mas buotan ug maayo og batasan.

Buddha (Gotama): Natawo pagka 563 B.C. sa usa ka Hindu nga pangulo sa Nepal. Nabalaka sa mga pag-antus nga iyang nakita sa iyang palibut. Mibiya gikan sa maluho nga palasyo sa iyang amahan, misalikway sa kalibutan, ug nagpakabuhi nga kabus. Nagpangita og lamdag, iyang nadiskobrehan ang unsay gitawag niya og “dalan sa kalingkawasan.” Miangkon nga nakaabot sa Nirvana, usa ka kahimtang nga walay pagtagad og pagpanumbaling sa kabalaka, sa kasakit, og panggawas nga reyalidad. Nahimong magtutudlo sa usa ka katilingban sa mga monghe.

Confucius: Natawo pagka 551 B.C. Nahimong ilo [*orphaned*] dihang bata pa. Unang propesyonal nga magtutudlo sa China. Pinakamahinungdanon nga tigpangatarungan mahitungod sa butang moral og sosyal sa China. Gamay ra kaayo ang gisulti kabahin sa espiritwal nga mga butang o sa balaan nga mga gahum. Nagtuo nga ang langit mitugyan kaniya sa usa ka sagrado nga misyon isip manlalaban sa maayo og tinuod.

Mohammed: Natawo pagka 570 A.D. didto sa Mecca. Nahimong ilo [*orphaned*]sa pagkabata. Nagpuyo diha sa kakabus. Nakaangkon og reputasyon isip sinaligan nga maghuhusay [*peacemaker*]. Nagminyo sa edad nga 25. Pagka 610 nag-ampo og nagpamalandong diha sa Bukid sa Hira. Miingon nga si anghel Gabriel nagpakita kaniya og mihatud og usa ka mensahe gikan kang Allah (Dios). Miangkon nga nakadawat og komunikasyon gikan sa Dios pinaagi kang Gabriel gikan 620 ngadto sa 632. Kini nga mga komunikasyon, nga iyang gisaysay ngadto sa iyang mga disipulo, gisulat sa kaulahian diha sa Koran, ang sagrado nga libro sa Islam.

Ang Plano sa Kaluwasan



Mubo nga mga Sulat

Ang Inyong Katuyoan

Samtang kamo magtudlo, andama ang inyong mga investigator nga makasarang alang sa bunyag nga gitudlo sa Doktrina ug mga Pakigsaad 20:37 ug sa mga pangutana sa interbyu alang sa bunyag. Pinakamaayong mahimo kini pinaagi sa pag-imbatar sa inyong mga investigator sa paghimo ug pagsunod sa mga pasalig nga gilista sa ubos.

Mga Pangutana sa Interbyu alang sa Bunyag

- Motuo ka ba nga ang Dios mao ang atong Mahangturon nga Amahan?
- Motuo ka ba nga si Jesukristo mao ang Anak sa Dios, ang Manluluwas ug ang Manunubos sa kalibutan?
- Andam ka ba nga mobalaan sa adlawng Igpapahulay, lakip na sa pagkalawat sa sakramento matag semana ug mohatag og serbisyo ngadto sa isig ka mga miyembro?

Mga Pasalig

- Mag-ampo ka ba [ba kamo] aron masayud nga ang among gipangtudlo tinuod?
- Maghinulsol ka ba [ba kamo] sa imong [inyong] mga sala?
- Mosimba ka ba [ba kamo] uban kanamo karong Dominggo?
- Mosunod ka ba [ba kamo] sa ehemplo sa manluluwas ug magpabunyag inig ka (petsa)?
- Mahimo bang atong i-eskedyul ang sunod namong pagbisita?
- Mga kasugoan gikan sa leksyon 4 nga gusto ninyong iapil.

Pagtabang sa Uban nga Makat-on kabahin ni Jesukristo

Ang mga misyonaryo mopamatuod mahitungod kang Jesukristo ug modapit sa tanan sa pagduol ngadto Kaniya aron sila mahimong maluwas. Maghatag og tino nga panudlo kabahin sa Manluluwas importante alang niadtong kinsa gamay ra o walay nahibaloan kabahin Kaniya. Ang Basahon ni Mormon: Lain nga Tugon ni Jesukristo gimugna aron sa pagtabang sa tanang mga tawo nga masayud nga “si Jesus mao ang Kristo, nagpaila sa Iyang kaugalingon ngadto sa tanan nga kanasuran” (tan-awa sa ulohan nga pahina sa Basahon ni Mormon). Usa sa pinaka epektibo nga mga paagi sa pagtudlo ug pagpamatuod sa Manluluwas mao ang duyog nga pagbasa gikan sa Basahon ni Mormon. Ang mga tudling gikan sa ubang sumbanan nga mga buhat [*standard works*] makatabang usab.

Mubo nga mga Sulat

Tan-awa ang mga sugyot nga anaa sa ubos. Mahimo kining buhaton isip kabahin niini o sa ubang mga leksyon o isip usa ka leksyon mismo. Kon makatabang, balik-balika kini nga kalihokan sa makadaghan sa dili pa ug inig ka human sa bunyag ug kumpirmasyon.

Ulohan nga

pahina ug pasiuna	Siguroha nga klaro ang katuyoan sa mao nga basahon.
1 Nephi 10–11	Si Lehi ug si Nephi nagpamatuod sa Manluluwas.
1 Nephi 19	Si Nephi misaysay pag-usab sa mga panagna sa pangalagad ug Pag-ula sa Manluluwas.
2 Nephi 2	Si Lehi nagpamatuod mahitungod sa Manluluwas isip Manunubos.
2 Nephi 9	Si Jacob nagpamatuod mahitungod sa Pag-ula.
2 Nephi 31–33	Si Nephi nagtudlo sa doktrina ni Kristo.
Enos	Si Enos nakasinati sa gahum sa Pag-ula.
Mosiah 2–5	Si Haring Benjamin nagtudlo mahitungod kang Kristo.
Mosiah 12–16	Si Abinadi mihatag sa iyang kinabuhi sa pagpamatuod mahitungod kang Jesukristo.
Alma 5, 7	Si Alma nagpamatuod mahitungod sa Manluluwas.
Alma 17–22	Ang mga Lamanites midawat sa pagpamatuod ni Jesukristo.
Alma 34	Si Amulek nagpamatuod mahitungod sa Pag-ula.
Alma 36	Si Alma nakasinati sa gahum sa Pag-ula ni Jesukristo.
Alma 40–42	Si Alma nagpamatuod mahitungod sa pagkabanhaw ug Pag-ula.
Helaman 5	Si Nephi ug si Lehi mga instrumento sa mga kamot sa Dios aron sa pagsaksi sa Manluluwas.
3 Nephi 9–10	Ang Manluluwas nagdapit sa mga tawo sa pagduol Kaniya.
3 Nephi 11–18	Ang Manluluwas nagtudlo sa mga Nephite mahitungod sa Amahan ug sa Iyang doktrina.
3 Nephi 27	Ang Manluluwas nagtudlo sa Iyang ebanghelyo.
Ether 3	Ang igsoon nga lalaki ni Jared nakakita sa Manluluwas.
Ether 12	Si Ether ug si Moroni nagpamatuod mahitungod sa Manluluwas ug sa gahum sa Iyang Pag-ula.
Moroni 7–8	Si Mormon nagtudlo mahitungod sa putli nga gugma ni Kristo ug sa Iyang Pag-ula.
Moroni 10	Si Moroni nagdapit sa tanan sa pagduol ngadto kang Kristo ug ma mahimong hingpit diha Kaniya.
“Ang Buhi nga Kristo”	Mga propeta ug mga apostoles nagpamatuod mahitungod sa Manluluwas.

Kinabuhi nga sa Wala pa Dinhi sa Yuta: Ang Katuyoan ug Plano sa Dios para Kanato

Daghang mga tawo ang matingala, “Diin man kita gikan? Nganong ania man kita dinhi? Asa man kita padulong?” Ang plano sa kaluwasan maghatag kanato sa mga tubag niining mga pangutanaha.

Ang Dios mao ang Amahan sa atong mga espiritu. Sa pagkatinuod kita Iyang mga anak, ug Siya nahigugma kanato. Nagpuyo kita isip espiritu nga mga anak sa atong Amahan sa Langit sa wala pa kita matawo dinhi sa yuta. Pero sa laing bahin, kita dili

parehas sa atong Langitnong Amahan, ni mamahimong sama Kaniya ug makatagamtam sa tanang mga panalangin nga Iyang natagamtaman nga dili magpakabuhi sa pagkamortal nga adunay pisikal nga lawas.

Ang tibuok katuyoan sa Dios—ang Iyang buhat ug ang Iyang himaya—mao ang paghimo sa kada usa kanato nga makatagamtam sa tanan Niyang mga panalangin. Naghatag Siya og usa ka perpekto nga plano sa paghimo sa Iyang katuyoan. Kita nakasabut ug midawat niini nga plano sa wala pa kita moanhi sa yuta. Sa mga kasulatan ang plano sa Dios gitawag og maloloy-on nga laraw o plano, ang laraw [plano] sa kalipay, ang laraw [plano] sa katubsanan, ug ang laraw [plano] sa kaluwasan.

Si Jesukristo maoy pinakamahinungdanon sa plano sa Dios. Pinaagi sa Iyang Pag-ula, si Jesukristo mipatuman sa katuyoan sa Iyang Amahan ug mihimo nga posible nga ang kada usa kanato makatagamtam og pagka-imortal ug kinabuhing dayon. Si Satanas, o ang yawa, kaaway sa plano sa Dios.

Ang kabubut-on [*agency*], o ang abilidad sa pagpili, usa sa pinakamahinungdanon nga mga gasa sa Dios ngadto sa Iyang mga anak. Ang atong mahangturon nga pag-uswag nag-agad sa kon giunsa nato paggamit kini nga gasa. Kinahanglan kita nga mopili kon mosunod ba kang Jesukristo o mosunod kang Satanas.

Nahibulag kita sa pisikal nga paagi gikan sa Dios atol sa kinabuhi dinhi sa yuta, pero gusto Niya nga ang kada usa sa Iyang mga anak makaangkon og kalinaw niining kinabuhia ug adunay hingpit nga kalipay sa Iyang presensya human niining kinabuhia. Gusto Niya nga kita mamahimong sama Kaniya.

Pagtuon sa Kasulatan

Mga Anak sa Dios

D&P 93:29

Mga Buhat 17:29

Mga Hebreohanon 12:9

Ang Katuyoan sa Dios

Moises 1:39

Juan 17:3

Kinabuhi nga sa wala pa dinhi sa Yuta

D&P 138:53–56

Moises 3:5

Abraham 3:22–26

Jeremias 1:5

Giya ngadto sa mga Kasulatan,
“Kinabuhi nga sa Wala pa Dinhi sa Yuta”

Ang Paglalang [*The Creation*]

Ubos sa direksyon sa Amahan, si Jesukristo milalang sa yuta isip usa ka dapit nga kapuy-an nato ug diin kita makaangkon og kasinatian. Aron mouswag ug mamahimong sama sa Dios, ang kada usa kanato kinahanglan makaangkon og lawas ug masulayan atol sa usa ka panahon sa pagsulay dinhi sa yuta. Samtang ania sa yuta wala kita sa pisikal nga presensya sa Dios. Wala kita mahinumdom sa atong kinabuhi nga sa wala pa dinhi sa yuta. Kinahanglan kita nga magpakabuhi pinaagi sa hugot nga pagtuo dili pinaagi sa atong makita.

Pagtuon sa Kasulatan

1 Nephi 17:36

Alma 30:44

D&P 88:41–47

Moises 2:1

Moises 6:63

Abraham 3:24–25

HJS, Juan 1:1–3

2 Mga Taga Corinto 5:6–7

Mubo nga mga Sulat

Kabubut-on [Agency] ug ang Pagkapukan [Fall] ni Adan ug Eva

Si Adan ug si Eva mao ang una sa mga anak sa Dios nga naanhi sa yuta. Ang Dios milalang ni Adan ug ni Eva ug mibutang kanila sa Tanaman sa Eden. Si Adan ug si Eva gilalang pinasubay sa panagway sa Dios, nga adunay mga lawas nga unod ug mga bukog. Samtang si Adan ug si Eva didto sa tanaman, anaa pa sila gihapon sa presensya sa Dios ug hangtud sa hangtud unta nga magpuyo didto. Nagpuyo sila sa ka-inosente, ug ang Dios misangkap sa ilang mga panginahanglan.

Sa Tanaman sa Eden, Ang Dios mihatag ni Adan ug ni Eva sa ilang kabubut-on o kagawasan sa pagpili. Misugo Siya kanila nga dili mokaon sa gidili nga bunga, o ang bunga sa kahoy sa pag-ila sa maayo ug sa dautan. Ang pagsunod niining mao nga kasugoan nagpasabut nga mahimo silang magpabilin sa tanaman, pero dili sila mahimong mouswag pinaagi sa pagsinati og oposisyon sa kinabuhi. Dili sila mahibalo sa hingpit nga kalipay tungod kay dili man sila makasinati og kasub-anan ug kasakit.

Si Satanas mitintal nila ni Adan ug Eva sa pagkaon sa gidili nga bunga, ug sila mipili sa pagbuhat sa ingon. Kabahin kini sa plano sa Dios. Tungod niini nga pagpili, napapahawa sila gikan sa tanaman ug napalayo sa pisikal nga presensya sa Dios. Kini nga panghitabo gitawag og ang Pagkapukan. Ang pagkabulag gikan sa presensya sa Dios espirituhanong kamatayon. Si Adan ug si Eva nahimong mortal—mag-agi og pisikal nga kamatayon, o pagkabulag sa lawas ug espiritu. Makasinati na sila karon og sakit ug tanang mga klase sa pag-antus. Naa silay moral nga kabubut-on o abilidad sa pagpili tali sa maayo ug sa dautan. Nakapahimo kini kanila nga makat-on ug mouswag. Nakapahimo usab kini kanila sa paghimo og sayop nga mga pagpili ug makasala. Dugang niini, mahimo na sila karon nga makaanak, aron ang nahabilin nga espiritu nga mga anak sa Dios makaanhi sa yuta, makaangkon og pisikal nga mga kalawasan, ug masulayan. Pinaagi niini lamang ang mga anak sa Dios mouswag ug mamahimong sama Kaniya.

Pagtudlo kabahin sa Pagkapukan

Sa unang pagtudlo niining mao nga doktrina, ayaw itudlo ang tanan nimong nahibaloan kabahin niini. I-eksplikar sa yano kaayo nga paagi nga ang Dios mipili og duha sa iyang mga anak, si Adan ug si Eva, nga mamahimong unang mga ginikanan dinhi sa yuta. Human sa ilang kalapasan sila mahimong makasala ug mamatay. Kon sila-sila ra dili sila makabalik sa pagpuyo uban sa Langitnong Amahan. Ang Ginoo nakig-istorya kang Adan ug gitudloan siya sa plano sa kaluwasan ug katubsanan pinaagi kang Ginoong Jesukristo. Pinaagi sa pagsunod nianang mao nga plano, si Adan ug ang iyang pamilya mahimong makaangkon og hingpit nga kalipay niining kinabuhia ug makabalik sa pagpuyo uban sa Dios (tan-awa sa Alma 18:36; 22:12–14).

Pagtuon sa Kasulatan

Sa Tanaman

2 Nephi 2	Moises 3:15–17	Genesis 1:26–31
Moises 2:26–31	Moises 5:11	Genesis 2:15–17

Ang Pagkapukan [The Fall]

2 Nephi 2:25	Moises 4	Genesis 3
Alma 12:22–34	Moises 5:10–12	

Ang Atong Kinabuhi dinhi sa Yuta

Ang kinabuhi sa yuta usa ka oportunidad ug usa ka panalangin. Ang atong katuyoan niining kinabuhia mao ang pag-angkon og hingpit nga kalipay ug pag-andam sa pagbalik ngadto sa presensya sa Dios. Sa kinabuhi o mortalidad kita nagpuyo sa usa ka kahimtang diin kita mapaubos sa pisikal ug espirituhanon nga kamatayon. Ang Dios adunay perpekto, nahimaya, imortal nga unod ug mga bukog nga lawas. Aron mamahimong sama sa Dios ug makabalik sa Iyang presensya, kita usab kinahanglan adunay perpekto, imortal nga lawas nga unod ug mga bukog. Apan hinoon, tungod sa pagkapukan ni Adan ug ni Eva, ang matag tawo sa yuta adunay dili perpekto, mortal nga lawas ug sa ngadto-ngadto mamatay. Kon dili pa tungod sa Manluluwas nga si Jesukristo, ang kamatayon motapus unta sa tanang paglaum alang sa usa ka umaabot nga pagpakabuhi uban sa Langitnong Amahan.

Uban sa pisikal nga kamatayon, ang sala usa ka dakong babag nga magpugong kanato nga mamahimong sama sa atong Amahan sa Langit ug makabalik ngadto sa Iyang presensya. Sa atong mortal nga kahimtang sa kasagaran monunut kita sa tintasyon, mosupak sa mga kasugoan sa Dios, ug magpakasala. Sa dagan sa atong kinabuhi dinhi sa yuta ang kada usa kanato makahimo og mga sayop. Bisan tuod og morag dili ingon niini ang makita, ang sala sa kanunay mosangput ngadto sa pagka-dili-malipayon. Ang sala makapabati og dili maayo [*guilt*] ug kaulaw. Tungod sa atong mga sala, dili na kita makabalik sa pagpuyo uban sa Langitnong Amahan gawas kon kita napasaylo una ug nalimpyohan.

Samtang anaa kita sa pagkamortal, aduna kitay mga kasinatian nga makahatag kanato og kalipay. Aduna usab kitay mga kasinatian nga makahatag kanato og kasakit ug kagul-anan, ang pipila niini tungod sa makasasala nga mga binuhatan sa uban. Kini nga mga kasinatian maghatag kanato og mga kahigayunan nga makat-on ug motubo, sa pag-ila sa maayo gikan sa dautan, ug sa paghimo og mga pagpili. Ang Dios nag-impluwensya kanato sa paghimo og maayo; si Satanas nagtintal kanato nga magpakasala. Sama sa pisikal nga kamatayon, dili kita makabuntog sa mga epekto sa sala nga kita-kita ra. Wala kitay mahimo kon wala ang Pag-ula ni Jesukristo.

Pagtuon sa Kasulatan

Panahon sa Pagpaniid o Pagsulay

2 Nephi 2:21	Alma 12:21–24	Abraham 3:25–26
2 Nephi 9:27	Alma 34:31–35	
Mosiah 3:19	Alma 42:2–10	

Pagpili

2 Nephi 2:26–29	Josue 24:15
<i>Alang sa Kalig-on sa kabatan-onan,</i>	“Kabubut-on ug Pagka-may-tulubagon”

Maayo ug Dautan

Moroni 7:12–19

Sala

Mga Taga-Roma 3:23	1 Juan 1:8–10	1 Juan 3:4
--------------------	---------------	------------

Ang Mahugaw Dili Makauban sa Dios

1 Nephi 10:20–21	3 Nephi 27:19	Moises 6:57
Alma 41:10–11		

Mubo nga mga Sulat

Mubo nga mga Sulat

Ang Pag-ula

Sa wala pa ma-organisar ang kalibutan, ang atong Langitnong Amahan mipili kang Jesukristo nga mamahimong Manluluwas ug Manunubos nato. Ang maulaon nga sakripisyo ni Jesukristo nakapahimo kanato nga makabuntog sa mga epekto sa Pagkapukan [Fall]. Ang tanang mga propeta sukad nagsugod ang kalibutan nagpamatuod mahitungod kang Jesukristo isip atong Manunubos.

Kitang tanan mamatay sa pisikal nga paagi, apan si Jesukristo mibuntog sa babag sa pisikal nga kamatayon alang kanato. Sa pagkamatay Niya sa krus, ang Iyang espiritu nahibulag gikan sa Iyang lawas. Sa ikatulo nga adlaw, ang Iyang espiritu ug ang Iyang lawas naghiusa sa kahangturan, dili na gayud magkahibulag pa. Nagpakita Siya sa daghang mga tawo, gipakita sila nga Siya adunay imortal nga lawas nga unod ug bukog. Ang paghiusa pagbalik sa lawas ug sa espiritu maoy gitawag og pagkabanhaw ug kini usa ka gasa nga gisaad sa matag usa kanato. Tungod sa Pagkabanhaw ni Jesukristo, kitang tanan mabanhaw bisan pa kon naghimo kita og maayo o dautan niining kinabuhia. Makaangkon kita og perpekto, imortal nga lawas nga unod ug mga bukog nga kanang dili na gayud mataptan pa og sakit, mapasakitan, o kamatayon. Ang pagkabanhaw nakapahimo nga posible nga makabalik ngadto sa presensya sa Dios aron mahukman pero wala maggarantiya nga kita makapuyo sa Iyang presensya. Aron madawat kana nga panalangin, kinahanglan usab kita nga malimpyohan.

Ang Dios mipadala sa Iyang Pinalanggang Anak, nga si Jesukristo, aron sa pagbuntog sa sala nga babag agig dugang sa pisikal nga kamatayon nga babag. Dili kita responsable alang sa Pagkapukan ni Adan ug ni Eva, pero kita responsible alang sa atong kaugalingong mga sala. Ang Dios dili makatugot bisan sa pinakagamay nga klase sa sala, ug ang sala makapugong kanato nga makapuyo uban Kaniya. Pinaagi lamang sa grasya ug kalooy sa Manluluwas nga kita malimpyo gikan sa sala aron makapuyo kita sa Dios pag-usab. Kini posible pinaagi sa pagbaton og hugot nga pagtuo kang Jesukristo, sa paghinulsol, sa pagpabunyag, sa pagdawat sa gasa sa Espiritu Santo, ug sa paglahutay hangtud sa katapusan.

Aron sa pagtuman sa plano sa kaluwasan, si Kristo mibayad sa silot sa atong mga sala. Siya lamang usa ang nakahimo niana. Siya gitawag ug giandam didto sa kinabuhi sa wala pa dinhi sa yuta. Siya sa literal mao ang Anak sa Dios sa unod. Siya walay sala ug hingpit nga masulundon sa Iyang Amahan. Bisin tuod og gitintal, wala gayud Siya monunut sa tintasyon. Sa dihang ang Amahan mihangyo sa Iyang Pinalanggang Anak sa pagbayad sa bugti sa mga kasal-anan sa kalibutan, si Jesus andam ug matugtanon. Ang Pag-ula naglakip sa Iyang pag-antus didto sa Tanaman sa Getsemani ug sa Iyang pag-antus ug kamatayon diha sa krus, ug mitapos kini uban sa Iyang Pagkabanhaw. Bisin kon Siya nag-antus labaw pa sa unsay masabtan—labina nga miagas ang dugo sa matag poro sa panit Niya ug nangutana kon mahimo ba nga kini nga salagubangon matangtang gikan Kaniya—Siya mitugyan sa kabubut-on sa Amahan diha sa pinakahalangdon nga pagpakita sa gugma alang sa Iyang Amahan ug alang kanato. Kining kadaugan ni Jesukristo mahitungod sa espirituhanong kamatayon pinaagi sa Iyang pag-antus ug mahitungod sa pisikal nga kamatayon pinaagi sa Pagkabanhaw gitawag og Pag-ula.



Si Kristo misaad sa pagpasaylo sa atong mga sala sa kondisyon nga kita modawat Kaniya pinaagi sa pagbaton og hugot nga pagtuo, paghinulsol, pagpabunyag pinaagi sa pagpaunlod, ug sa pagpandong sa mga kamot alang sa gasa sa Espiritu Santo, ug sa pagpaningkamot og maayo sa pagsunod sa Iyang mga kasugoan hangtud sa katapusan sa atong mga kinabuhi. Pinaagi sa mapadayonon nga paghinulsol, kita mahimong makaangkon og kapasayloan ug malimpyohan sa atong mga sala pinaagi sa gasa sa Espiritu Santo. Kita makuhaan sa palas-onon sa pagbati og dili maayo ug kaulaw, ug pinaagi kang Jesukristo kita mamahimong takus sa pagbalik ngadto sa presensya sa Dios.

Samtang kita mosalig sa Pag-ula ni Jesukristo, Siya makatabang kanato nga makalahutay sa atong mga pagsulay, mga sakit-sakit, ug mga kasakit. Mahimong mapuno kita sa tumang kalipay, kalinaw, ug kahupayan. Ang tanang nga dili makiangayon kabahin sa kinabuhi mahimong mapahusto pinaagi sa Pag-ula ni Jesukristo.

Sa pagbayad sa silot alang sa atong mga kasal-anan, si Jesus wala, bisan pa, motangtang sa atong personal nga responsibilidad. Kinahanglan atong ipakita nga kita midawat Kaniya ug nga kita mosunod sa Iyang mga kasugoan. Pinaagi lamang sa gasa sa Pag-ula nga kita makabalik sa pagpuyo uban sa Dios.

Pagtuon sa Kasulatan

Pagkabanhaw

2 Nephi 9:6–7	D&P 88:27–32	Giya ngadto sa mga Kasulatan, “Kamatayon, Yutan-on nga [Physical],” “Kamatayon, Espirituhanon nga,” “Pagkabanhaw”
Alma 11:42–45	Lucas 24:1–10, 36–39	
Alma 40:23	1 Mga Taga Corinto 15:20–23	
Helaman 14:15–19	HJS, 1 Mga Taga Corinto 15:40–42	

Pag-ula [Atonement]

2 Nephi 2:6–8	D&P 19:15–19	1 Juan 1:7
Alma 7:11–13	D&P 45:3–5	Giya ngadto sa mga Kasulatan, “Pag-ula, Pag-ula sa Dugo”
Alma 34:8–10	Juan 3:16–17	

Ang Ebanghelyo—Ang Dalan

2 Nephi 9:1–24	Alma 11:40	3 Nephi 27
2 Nephi 31	3 Nephi 11:31–41	Moroni 7:27–28

Ang Kalibutan sa Espiritu [Spirit World]

Bisan tuod og nabuntog ni Kristo ang pisikal nga kamatayon, ang tanang mga tawo kinahanglan mamatay, kay ang kamatayon kabahin man sa proseso diin kita mabalhin gikan sa pagkamortal ngadto sa pagka-imortal. Inig kamatay nato ang atong espiritu moadto sa kalibutan sa espiritu [spirit world]. Ang kamatayon dili makapausab sa atong batasan o sa atong mga tinguha alang sa maayo o sa dautan. Kadtong mipili nga mosunod sa Dios niining kinabuhia nagpuyo diha sa usa ka kahimtang nga malipayon, malinawon, ug kapahulayan gikan sa mga kaguliyang ug kabudlay. Kadtong mipili nga dili mosunod niining kinabuhia ug wala maghinulsol nagpuyo diha sa usa ka kahimtang nga dili malipayon. Didto sa kalibutan sa espiritu ang ebanghelyo gisangyaw ngadto niadtong wala mopatuo sa ebanghelyo o wala makahigayon sa pagpamati niini samtang dinhi pa sa yuta. Magpabilin kita sa kalibutan sa espiritu hangtud kita mabanhaw.

Mubo nga mga Sulat

Pagtuon sa Kasulatan

Ang Ebanghelyo Gisangyaw ngadto sa mga Patay

D&P 138

1 Pedro 3:19–20

1 Pedro 4:6

Kamatayon ug ang Kalibutan sa Espiritu

Alma 34:34

Alma 40:11–14

Ecclesiastes 12:7

Ang Pagkabanhaw, Paghukom, ug Pagka-imaltal

Sa higayon nga ang atong mga lawas ug mga espiritu magkahiusa pag-usab pinaagi sa pagkabanhaw, dad-on kita ngadto sa presensya sa Dios aron pagahukman. Ato gayung mahinumduman ang atong pagkabuotan ug ang atong sala. Kon kita naghinulsol, kita makadawat og kalooy. Kita hatagan og ganti sigun sa atong mga buhat ug sa atong mga tinguha.

Pinaagi sa pagkabanhaw ang tanang mga tawo mamahimong imortal—mabuhi sila hangtud sa hangtud. Ang pagka-imaltal libre nga gasa sa tanang mga tawo, bisan kon buotan ba sila o maldito. Ang kinabuhing dayon, sa laing bahin, dili parehas sa pagka-imaltal. Ang kinabuhing dayon gasa sa Dios nga ihatag lamang ngadto niadtong kinsa mosunod sa Iyang ebanghelyo. Mao kini ang pinakataas nga estado nga maangkon nato. Moabot kini niadtong kinsa napalingkawas gikan sa sala ug pag-antus pinaagi sa Pag-ula ni Kristo. Kini mao ang kahimayaan [*exaltation*], nga nangahulugan nga magpuyo uban sa Dios hangtud sa hangtud diha sa mahangturon nga mga pamilya. Kini mao ang pagkaila sa Dios ug ni Jesukristo ug sa pagsinati sa kinabuhi nga ilang natagamtaman.

Ang Pagkabanhaw [*Resurrection*] ug ang Reinkarnasyon o Pagbalik sa Kalag sa Laing Lawas [*Reincarnation*]

Ang ubang mga tawo mahimong malibug sa doktrina sa pagkabanhaw tali sa konsepto sa reinkarnasyon. Ang konsepto sa reinkarnasyon naglangkob sa pagpakatawo sa kalibutan pag-usab sa laing porma ug kini sayop nga doktrina. Ang doktrina sa pagkabanhaw naglangkob sa pagdawat og mahangturon nga ganti nga usa ka imortal nga lawas nga unod ug bukog. Kini tinuod nga doktrina. Siguroha nga kadtong inyong tudloan makasabot pag-ayo sa doktrina sa pagkabanhaw.

Mga Gingharian sa Himaya

Panahon sa atong mortal nga mga kinabuhi kita mohimo og mga pagpili kabahin sa maayo ug dautan. Ang Dios mohatag og ganti kanato sigun sa atong mga binuhatan ug mga tinguha. Tungod kay ang Dios mohatag og ganti sa matag usa sigun sa mga binuhatan nga nabuhat dinhi sa kalibutan, adunay lain-lain nga mga gingharian sa himaya diin kita mahimong itudlo ngadto human sa Paghukom. Kadtong nakapaghinulsol sa ilang mga sala ug nakadawat sa mga ordinansa sa ebanghelyo ug nagsunod sa mga nag-uban nga mga pakigsaad malimpyohan pinaagi sa Pag-ula ni Jesukristo. Makadawat sila og kahimayaan sa pinakataas nga gingharian, nga gitawag usab isip ang celestial nga gingharian. Mopuyo sila sa presensya sa Dios, mamahimo nga sama Kaniya, ug makadawat og hingpit nga kalipay.

Kuyog sila nga magpuyo sa kahangturan kauban sa ilang pamilya nga nakasarang. Sa mga kasulatan, kini nga gingharian gikomparar ngadto sa himaya o kahayag sa adlaw [sun].

Ang mga tawo nga dili modawat sa kahingpitan sa ebanghelyo ni Jesukristo pero magpuyo nga buotan makadawat og luna didto sa terrestrial nga gingharian. Kini nga gingharian gikomparar ngadto sa himaya sa bulan [moon].

Kadtong nagpadayon sa ilang pagpakasala ug wala naghinulsol niining kinabuhia makadawat sa ilang ganti didto sa pinaka-ubos nga gingharian, nga gitawag og telestial nga gingharian. Kini nga gingharian gikomparar ngadto sa himaya sa mga bitoon [stars].

Mubo nga mga Sulat

Pagtuon sa Kasulatan

Pagkabanhaw ug Pagpahiuli

2 Nephi 9:14–15 Jacob 6:8–9 Alma 42:13–15, 22–23

Paghukom

2 Nephi 28:23 Alma 5:15–21 D&P 132:12; 137:9
Mosiiah 3:23–25 Alma 12:12–14 Juan 5:22

Mga Gingharian sa Himaya

3 Nephi 28:10 D&P 76 Mateo 5:48
D&P 76: Pasiuna D&P 137 HJS, 1 Mga Taga Corinto 15:40–42

Kinabuhing Dayon

2 Nephi 31:17–21 D&P 45:8 Juan 3:16
D&P 14:7 D&P 93:19 Juan 17:3
D&P 29:43–44

Plano sa Kaluwasan



Ang Pag-ula ni Jesukristo nakapahimo sa kaluwasan nga posible.

Imbitasyon nga Magpabunyag

Ang imbitasyon nga magpabunyag ug magpakumpirmar kinahanglan tino ug diha-diha: “Imo [inyo] bang sundon ang ehemplo ni Jesukristo pinaagi sa pagpabunyag sa usa ka tawo nga naghupot sa katungod sa priesthood sa Dios? Magpahigayon kami og tulumanon sa bunyag [baptismal service] inig ka (petsa). Imo [inyo] bang andamon ang imong [inyong] kaugalingon nga magpabunyag niining petsaha?”

Mubo nga mga Sulat

Mga Ideya sa Pagtudlo

Kini nga seksyon adunay mga ideya nga mahimo ninyong gamiton sa pagpangandam ug pagtudlo niini nga leksyon. Sunda ang Espiritu sa manimpoong paagi samtang ikaw [kamo] modesidir kon unsaon paggamit kini nga mga ideya. Idugang ang mga ideya nga imong [inyong] mapilian ngadto sa imong [inyong] plano sa pagtudlo sa leksyon. Hinumdumi nga kini nga mga ideya mga sugyot lamang—dili mga kinahanglanon—sa pagtabang kaninyo sa pagtubag sa mga panginahanglan niadtong inyong tudloan.

Mubo nga Plano sa Pagtudlo sa Leksyon (3–5 ka minuto)

Ang plano sa kaluwasan nagtudlo kanato kon diin kita gikan, nganong ania kita dinhi sa yuta, ug asa kita moadto human niining kinabuhi. Mosubay kini sa atong mahangturon nga panaw agi sa kinabuhi nga sa wala pa dinhi sa yuta [*premortality*], sa mortal nga kinabuhi, kamatayon, pagkabanhaw, ug ngadto sa atong kinabuhi sa kahangturan. Ang plano nag-eksplikar usab kon unsay gibuhad sa atong mahigugmaong Amahan sa Langit aron sa pagtabang kanato nga magmalampuson niining panaw aron nga makabalik kita ngadto sa Iyang presensya ug mamahimong sama Kaniya. Ang plano nagpokus sa misyon ug Pag-ula ni Jesukristo sa pagbuntog sa mga epekto sa Pagkapukan ug sa paghimo sa kinabuhing dayon nga posible alang kanato. Dapiton namo kamo [ikaw] sa pagpamalandong ug sa pag-ampo kabahin niini nga mensahe.

- Kinabuhi nga sa Wala pa Dinhi sa Yuta:
Ang Katuyoan ug Plano sa Dios para Kanato
- Ang Paglalang
- Kabubut-on [*Agency*] ug ang Pagkapukan ni Adan ug Eva
- Ang Atong Kinabuhi dinhi sa Yuta
- Ang Pag-ula
- Ang Kalibutan sa Espiritu [*Spirit World*]
- Ang Pagkabanhaw, Paghukom, ug Pagka-imortal
- Mga Gingharian sa Himaya

Mga Pasalig

- Mag-ampo ka ba [ba kamo] aron masayud nga unsay among gitudlo tinuod?
- Maghinulsol ka ba [ba kamo] sa imong [inyong] mga sala?
- Mosimba ka ba [ba kamo] uban kanamo karong Dominggo?
- Mosunod ka ba [ba kamo] sa ehemplo sa Manluluwas ug magpabunyag inig ka (petsa)?
- Mahimo bang atong i-eskedyul ang sunod namong pagbisita?
- Mga kasugoan gikan sa leksyon 4 nga gusto ninyong iapil.

Mubo nga mga Sulat

**Medium nga Plano sa Pagtudlo sa Leksyon
(10–15 ka minutos)**

Ang among mensahe motabang kanato nga makasabot sa katuyoan sa kinabuhi ug kon si kinsa kita. Maghatag kini kanato og paglaum ug motabang kanato nga makakita og kalinaw, hingpit nga kamaya, ug kalipay. Magtudlo kini kanato kon diin kita gikan, nganong ania kita dinhi sa yuta, ug asa kita moadto human niining kinabuhia. Ang Dios atong Amahan, ug Siya nahigugma kanato. Kita Iyang mga anak. Kabahin kita sa Iyang pamilya, ug nagpuyo kita uban Kaniya sa wala pa kita matawo dinhi sa yuta. Aduna Siya'y usa ka plano sa kalipay nga makapahimong posible kanato nga makabalik ngadto sa Iyang presensya human niining kinabuhia. Ang atong pag—uswag nagdepende kon giunsa nato paggamit ang atong hinatag sa Dios nga kabubut—on, o ang abilidad sa pagpili. Isip kabahin nianang mao nga plano, ang Pagkapukan ni Adan nakapahimong posible nga kita makaanhi sa yuta, makaangkon og pisikal nga lawas, makaangkon og kasinatian, ug makaangkon og kaugalingon natong mga pamilya. Apan ang Pagkapukan nakaingon usab sa pisikal nga kamatayon, nga mao ang pagkabalag sa espiritu gikan sa lawas, ug sa espirituhanon nga kamatayon, nga mao ang pagkabalag gikan sa Dios.

Si Jesukristo mao ang pinakamahinungdanon sa plano sa Dios. Ang maulaon nga sakripisyo ni Kristo nakabuntog sa mga epekto sa pisikal ug espirituhanon nga kamatayon. Kitang tanan mabanhaw ug mabuhing hangtud sa hangtud nga adunay pisikal nga mga lawas nga libre sa sakit ug balatian. Si Kristo nakapahimo usab niini nga posible nga mabuntog ang espirituhanon nga kamatayon. Samtang kita magsunod sa Iyang ebanghelyo Siya mapuanguron nga mopasaylo sa atong mga sala. Siya moayo kanato ug mohulip sa pagbati og dili maayo ug pagkaulaw uban sa kalinaw ug kamaya niining kinabuhia.

Isip kabahin sa mapuanguron nga plano sa Dios, kitang tanan mag-agi og pisikal nga kamatayon. Ang atong mga espiritu mahibulag sa atong mga lawas ug mopuyo sa makadiyot sa kalibutan sa espiritu. Unya mabanhaw dayon kita nga adunay imortal nga lawas, usa ka mahangturong panag-uban sa atong lawas ug espiritu. Kita pagahukman sumala sa atong mga buhat ug sa atong mga tinguha. Kadtong nakasunod sa ebanghelyo makadawat sa pinakamahinungdanong gasa sa atong Amahan sa Langit, ang gasa sa kinabuhing dayon nga uban Kaniya.

Ang atong Langitnong Amahan sa makausa pa mitunol sa Iyang kamot ngadto sa Iyang mga anak diha sa gugma aron sa pagpadayag sa Iyang plano sa kalipay. Makat-on kita kabahin niining maanindot nga plano diha sa Basahon ni Mormon, nga mahimo nimong [ninyong] mabasa, mapamalandongan, ug mapangutana pinaagi sa pag-ampo. Imbitaron namo ikaw [kamo] sa pagtambong sa simbahan ug mosimba uban kanamo.

Mga Pasalig:

- Mag-ampo ka ba [ba kamo] aron masayud kon ang among gitudlo tinuod?
- Maghinulsol ka ba [ba kamo] sa imong [inyong] mga sala?
- Mosimba ka ba [ba kamo] uban kanamo karong Dominggo?

Mubo nga mga Sulat

- Mosunod ka ba [ba kamo] sa ehemplo sa Manluluwas ug magpabunyag inig ka (petsa)?
- Mahimo bang atong i-eskedyul ang sunod namong pagbisita?
- Mga kasugoan gikan sa leksyon 4 nga gusto ninyong iapil.

Tibuok Plano sa Pagtudlo sa Leksyon (30–45 minutos)

- Kinabuhi nga sa Wala pa Dinhi sa Yuta:
Ang Katuyoan ug Plano sa Dios para Kanato
 - Ang Dios mao ang atong Langitnong Amahan, ug lya kitang mga anak (tan-awa sa Mga Buhat 17:16–34; Mga Hebreohanon 12:9).
 - Ang Dios adunay plano para sa atong kalipay. Si Jesukristo mao ang pinakamahinungdanon niana nga plano.
 - Ang plano sa kalipay sa Dios nakapahimo nga posible nga makabalik ngadto sa Iyang presensya (tan-awa sa Moises 1:39).
 - Ang atong mahangtulong pag-uswag nag-agad diha kon giunsa paggamit nato ang atong kabubut-on [*agency*] (tan-awa sa 2 Nephi 2:27–29).
- Ang Paglalang
 - Ubos sa direksyon sa Amahan, gibuhar ni Jesukristo ang yuta (tan-awa sa Mga Hebreohanon 1:1–3).
- Kabubut-on [*Agency*] ug ang Pagkapukan ni Adan ug Eva
 - Si Adan ug si Eva gilalang pinasubay sa panagway sa Dios (tan-awa sa Genesis 1:26–27).
 - Sa Tanaman sa Eden sila mga inosente ug nagpuyo sa presensya sa Dios.
 - Tungod kay sila mikaon sa gidili nga bunga, gipapahawa sila sa tanaman (tan-awa sa Moises 4:19–31). Mao kini ang gitawag og ang Pagkapukan [*Fall*].
 - Nangahimo silang mortal, nanganak, ug nahimo usab nga makasala ug mamatay (tan-awa sa 2 Nephi 2:22–25; Moises 5:11).
- Ang Atong Kinabuhi dinhi sa Yuta
 - Ang atong katuyoan sa kinabuhi mao ang pagpangita og malungtaron nga kalinaw, hingpit nga kalipay, ug kamaya isip mga pamilya ug sa pagpangandam sa pagbalik sa pagpuyo uban sa Dios.
 - Mianhi kita sa yuta aron masulayan (tan-awa sa Abraham 3:24–25).
 - Nakaangkon kita og lawas nga unod ug mga bukog, pero kita magsagubang sa pisikal nga kamatayon.
 - Ang Dios naghatag og mga kasugoan. Kon kita mosunod, kita mapanalanginan. Kon kita dili mosunod, makasala kita ug makadawat sa mga sangputanan.
 - Ang tanang sala kinahanglan pagabayaran, nato o ba hinoon ni Kristo (tan-awa sa D&P 19:15–20).

Mubo nga mga Sulat

- Mohimo kita og mga pagpili, ug kitang tanan makasala (tan-awa sa Mga Taga-Roma 3:23).
- Aduna kitay mga kasinatian nga makahatag kanato og kalipay ug kagul-anan usab.
- Dili kita makabuntog sa pisikal o sa espirituhanong kamatayon kon wala si Kristo.
- Ang Pag-ula
 - Tungod kay si Jesukristo nakabuntog sa pisikal nga kamatayon, kitang tanan mabanhaw (tan-awa sa Alma 11:41–43).
 - Pinaagi sa Pag-ula ni Kristo mahimo kita nga malimpyo gikan sa sala aron makabalik kita sa pagpuyo sa presensya sa Dios (tan-awa sa 2 Nephi 9:8–9).
 - Si Kristo mopasaylo sa atong mga kasal-anan samtang kita magbaton og hugot nga pagtuo Kaniya, maghinulsol, magpabunyag ug modawat sa gasa sa Espiritu Santo, ug molahutay hangtud sa katapusan.
- Ang Kalibutan sa Espiritu [*Spirit World*]
 - Ang tanang mga tawo kinahanglan mag-agi og kamatayon.
 - Inig kamatay nato ang atong espiritu moadto sa kalibutan sa espiritu [*spirit world*].
 - Magpuyo kita diha sa kahimtang sa kasakit o ba hinoon sa kahimtang sa kalinaw ug kapahulayan, depende kon giunsa nato pagpakabuhi niining kinabuhia.
- Ang Pagkabanhaw, Paghukom, ug Pagka-imortal
 - Ang atong mga espiritu ug mga lawas maghiosa pag-usab inig ka banhaw (tan-awa sa Alma 11:42–42; 40:23).
 - Kita mobalik ngadto sa presensya sa Dios aron pagahukman sumala sa atong mga binuhatan ug sa atong mga tinguha.
 - Kon kita naghinulsol, kita makadawat og kalooy.
 - Ang kinabuhing dayon usa ka gasa sa Dios nga ihatag ngadto niadtong hingpit nga mosunod sa ebanghelyo ni Jesukristo (tan-awa sa D&P 14:7).
- Mga Gingharian sa Himaya (tan-awa sa D&P 76; 137; 1 Mga Taga-Corinto 15:40–42).
 - Makadawat kita og mga ganti sigun sa atong mga binuhatan ug mga tinguha (tan-awa sa D&P 137:9).
 - Kadtong modawat sa ebanghelyo ug motuman niini sa walay kahadlok sa tibuok nilang kinabuhi makadawat sa celestial nga gingharian (tan-awa sa D&P 76:50–70).
 - Halangdon nga mga tawo kinsa “nabutaan pinaagi sa pagkamalimbungon sa mga tawo” ug kinsa “dili mga maisug diha sa pagpamatuod ni Jesus [Kristo]” makadawat sa terrestrial nga gingharian (tan-awa sa D&P 76:76, 79).
 - Kadtong magpakasala ug dili maghinulsol makadawat sa telestial nga gingharian human sila mag-antus ug mobayad sa ilang mga sala.

Mubo nga mga Sulat

Mga Pasalig

- Mag-ampo ka ba [ba kamo] aron masayud kon ang among mga gipangtudlo tinuod?
- Maghinulsol ka ba [ba kamo] sa imong [inyong] mga sala?
- Mosimba ka ba [ba kamo] uban kanamo karong Dominggo?
- Mosunod ka ba [ba kamo] sa ehemplo sa Manluluwas ug magpabunyag inig ka (petsa)?
- Mahimo bang atong i-eskedyul ang sunod namong pagbisita?
- Mga kasugoan gikan sa leksyon 4 nga gusto ninyong iapil.

Mga Pangutana nga Ipangutana human sa Inyong Pagtudlo

- Aduna ka bay [ba kamoy] mga pangutana kabahin sa unsay among gitudlo?
- Unsay imong [inyong] pagsabut kabahin sa plano sa Dios alang kanimo [kaninyo] ug sa imong [inyong] pamilya?
- Gikan sa among gitudlo kanimo [kaninyo], unsay imong [inyong] pagsabut kabahin sa papel ni Jesukristo? Para nimo [ninyo] unsa may gipasabut niana?

Mga Mahinungdanong Depinisyon

Ang mosunod mga termino nga sagad dili masabtan. Siguroha nga klaro ninyo kini nga mapasabut ug tan-awa kon ang inyong gitudloan nakasabut ba.

- **Espirituhanon nga kamatayon:** Ang pagkabulag gikan sa Dios ug sa Iyang mga impluwensya; ang mamatay mahitungod sa mga butang nga may kalabutan sa pagkamatarung. Ang espirituhanon nga kamatayon nagsugod sa kalibutan pinaagi sa pagkapukan ni Adan (tan-awa sa Alma 42:6–7). Ang mga mortal nga may dautan nga mga hunahuna, mga pulong, ug mga binuhatan nga patay sa espirituhanon paagi bisan kon sila buhi pa dinhi sa yuta (tan-awa sa 2 Nephi 9:39). Pinaagi sa Pag-ula ni Jesukristo ug pinaagi sa pagkamasulundon sa mga baruganan ug mga ordinansa sa ebanghelyo, ang mga kalalakin-an ug mga kababayan-an mamahimong limpyo gikan sa sala ug makabuntog sa espirituhanon nga kamatayon.
- **Kahimayaan [Exaltation]:** Kinabuhing dayon uban sa presensya sa Dios; mamahimong sama sa atong Amahan sa Langit ug magpuyo uban Kaniya. Ang pinakamahinungdanon sa tanang mga gasa sa Dios. Ang kahimayaan moabut pinaagi sa Pag-ula ni Kristo ug pinaagi sa pagsunod sa tanang mga balaod ug mga ordinansa sa ebanghelyo.
- **Kaluwasan:** Ang maluwas o masalbar gikan sa pisikal ug espirituhanon nga kamatayon. Ang tanang mga tawo maluwas gikan sa pisikal nga kamatayon pinaagi sa grasya sa Dios, tungod sa kamatayon ug Pagkabanhaw ni Jesukristo. Ang kada tawo maluwas usab gikan sa espirituhanon nga kamatayon ingon man pinaagi sa grasya sa Dios, pinaagi sa pagbaton og hugot nga pagtuo kang Jesukristo. Kini nga hugot nga pagtuo mapakita diha sa kinabuhi nga masulundon sa mga balaod ug mga ordinansa sa ebanghelyo ug pagserbisyo kang Kristo.
- **Kinabuhi nga sa wala pa dinhi sa yuta [premortality; pre-earth life]:** Isip espiritu nga mga anak sa atong Amahan sa Langit, nagpuyo kita sa Iyang presensya sa wala pa kita matawo dinhi sa yuta. Sa kinabuhi nga sa wala pa dinhi sa yuta wala kitay pisikal nga mga lawas.
- **Paghukom:** Ang Dios, pinaagi ni Jesukristo, mohukom kanato tagsa-tagsa aron determinahon ang mahangturong himaya nga atong pagadawat. Kini nga paghukom ibase sa atong pagkamasulundon sa mga kasugoan sa Dios, lakip na

Mubo nga mga Sulat

sa atong pagdawat sa maulaon nga sakripisyo ni Jesukristo. Atong madawat ang atong mahangturon nga ganti binase sa kon ang atong mga binuhatan ug mga tinguha matarung ba o dautan.

- **Pagkabanhaw:** Ang paghiusa pag-usab sa espiritu uban sa pisikal nga lawas sa unod ug mga bukog human sa kamatayon. Human sa pagkabanhaw, ang espiritu ug ang lawas dili na gayud magkabalag pa, ug ang tawo imortal na. Ang matag tawo nga mahimugso sa yuta mabanhaw tungod kay si Jesukristo mibuntog man sa kamatayon.
- **Pagka-imortal o Imortalidad:** Ang kondisyon nga magpuyo hangtud sa hangtud diha sa usa ka nabanhaw nga kahimtang, nga dili na mag-agi og pisikal nga kamatayon.
- **Pagkamortal o Mortalidad:** Ang panahon gikan sa pagkatawo hangtud na sa pisikal nga kamatayon.
- **Pagkapukan (ni Adan ug Eva):** Sa dihang si Adan ug si Eva mikaon sa gidili nga bunga, nahimo silang mortal—kanang, mahimo na nga makasala ug mamatay. Si Adan nahimong “una nga unod” ibabaw sa yuta (Moises 3:7). Ulahing mga adlaw nga pinadayag miklaro nga ang Pagkapukan usa ka panalangin ug nga si Adan ug si Eva angay nga pasidunggan isip unang mga ginikanan sa tanang katawhan.
- **Pagtubos o Katubsanan:** Ang pagpalingkawas, pagpalit, o paglukat, aron mahimong gawasnon ang usa ka tawo gikan sa pagkaulipon pinaagi sa pagbayad. Ang katubsanan [*redemption*] nagpasabut sa Pag-ula ni Jesukristo ug sa kalingkawasan gikan sa sala. Ang Pag-ula ni Jesus nagtubos sa tanang katawhan gikan sa pisikal nga kamatayon. Pinaagi sa Iyang Pag-ula, kadtong adunay hugot nga pagtuo kaniya ug maghinulsol matubos usab gikan sa espirituhanon nga kamatayon.
- **Pag-ula [Atonement]:** Ingon sa gigamit diha sa mga kasulatan, ang pag-ula mao ang pag-antus sa silot alang sa usa ka pagpakasala, busa nagtangtang sa mga epekto sa sala gikan sa mahinulsulon nga mga makasasala ug magtugot kanila nga magkauli ang buut ngadto sa Dios. Si Jesukristo nag-antus sa Getsemani ug sa krus. Siya lamang ang makahimo sa paghimo og perpekto nga Pag-ula alang sa tanang mga tawo. Siya nag-antus sa silot alang sa atong mga kasal-anan sa Getsemani ug namatay diha sa krus. Iyang gipas-an diha mismo sa Iyang kaugalingon ang mga kasakit, mga sakit, mga tintasyon, mga kalisud, ug mga kahuyang natong tanan (tan-awa sa Alma 7:11–12).
- **Pisikal nga Kamatayon:** Ang pagkabalag sa atong espiritu, nga buhi hangtud sa hangtud ug dili mamatay, gikan sa atong pisikal nga lawas.

Ubang mga Termino nga Mahimong Magkinahanglan og Dugang Pagpasabut ngadto sa Inyong Tudloanan

- | | | |
|--|--|--|
| • Bunyag pinaagi sa pagpaunlod | • Mahangturon nga pag-uswag [<i>Eternal progression</i>] | • Pagpaniid; Pagsulay [<i>Probation</i>] |
| • Celestial | • Mga gingharian sa himaya | • Pisikal nga kamatayon |
| • Ginadili nga bunga | • Nalimpyohan [gikan sa sala] | • Plano sa kaluwasan |
| • Hugot nga Pagtuo | • Napasaylo [sa sala] | • Sala |
| • Kahoy sa kahibalo sa maayo ug dautan | • Oposisyon | • Tanaman sa Eden |
| • Kalibutan sa espiritu | • Paghinulsol | • Telestial |
| • Kinabuhing Dayon | • Paglalang | • Terrestrial |

Mubo nga mga Sulat

Ang Ebanghelyo ni Jesukristo



Ang Inyong Katuyoan

Samtang kamo magtudlo, andama ang inyong mga investigator nga makasarang alang sa bunyag nga gitudlo sa Doktrina ug mga Pakigsaad 20:37 ug sa mga pangutana sa interbyu alang sa bunyag. Pinakamaayong mahimo kini pinaagi sa pag-imbatar sa inyong mga investigator sa paghimo ug pagsunod sa mga pasalig nga gilista sa ubos.

Mga Pangutana sa Interbyu alang sa Bunyag

- Motuo ka ba nga ang Dios mao ang atong Mahangturon nga Amahan?
- Motuo ka ba nga si Jesukristo mao ang Anak sa Dios, ang Manluluwas ug ang Manunubos sa kalibutan?
- Motuo ka ba nga ang Simbahan ug ang ebanghelyo ni Jesukristo napahiuli pinaagi kang Propeta Joseph Smith?

Mga Pasalig

- Mopadayon ka ba sa pagpalambo sa hugot nga pagtuo kang Jesukristo pinaagi sa pagpadayon sa pagkat-on kabahin sa Iyang ebanghelyo?
- Maghinulsol ka ba ug mag-ampo alang sa kapasayloan sa mga sala?
- Magpabunyag ka ba nga usa ka miyembro sa Ang Simbahan ni Jesukristo sa mga Santos sa Ulahing mga Adlaw inig ka (petsa)? Magpakumpirmar ka ba ug modawat sa gasa sa Espiritu Santo?
- Mosimba ka ba [ba kamo] uban kanamo karong Dominggo?
- Mahimo bang atong i-eskedyul ang sunod namong pagbisita?
- Mga kasugoan gikan sa leksyon 4 nga gusto ninyong iapil.

Pinaagi kang Kristo Mahimo Kita nga Malimpyohan gikan sa Sala

Gipadala sa Dios ang Iyang Pinalanggang Anak, nga si Jesukristo, sa kalibutan aron ang tanang mga anak sa Dios adunay kahigayunan sa pagbalik sa pagpuyo sa Iyang presensya human kita mamatay. Pinaagi lamang sa grasya ug kalooy sa Manluluwas nga kita mamahimong limpyo gikan sa sala aron makapuyo kita sa presensya sa Dios. Ang mamahimong limpyo gikan sa sala nagpasabut nga maayo o maalim sa espirituhanonng paagi (tan-awa sa 3 Nephi 9:13; 18:32).

Tungod sa Pag-ula ug Pagkabanhaw ni Kristo, ang tanang katawhan mapabalik sa atubangan sa Ginoo aron mahukman sigun sa ilang mga binuhatan ug sa ilang mga tinguha (tan-awa sa 2 Nephi 9:10–16; Helaman 14:15–18; 3 Nephi 27:14–22; D&P 137:9). Kita pagahukman sumala sa mga balaod sa hustisya ug kalooy.

Ang hustisya mao ang walay-pagka-usab nga balod nga nagdala og mga sangputanan alang sa mga binuhatan—mga panalangin para sa pagsunod sa mga kasugoan sa Dios ug mga silot alang sa pagsupak. Kitang tanan makasala. Ang sala makapahugaw kanato, ug walay mahugaw nga butang ang makapuyo sa presensya sa Dios (tan-awa sa 1 Nephi 10:21; 3 Nephi 27:19; Moises 6:57).

Ang Manluluwas nakatagbaw sa mga panginahanglan sa hustisya alang niadtong kinsa maghinulsol sa ilang mga sala ug naningkamot sa pagsunod sa tanan Niyang mga sugo sa dihang mibarug Siya alang kanato ug miantus sa silot alang sa atong mga sala. Kini nga binuhatan maoy gitawag og ang Pag-ula. Tungod niining dili hinakog nga binuhatan, si Kristo makahangyo sa Amahan para kanato. Ang Langitnong Amahan makagamit sa kalooy, dili dayonon ang pagsilot kanato, ug moabi-abi kanato ngadto sa Iyang presensya. Ang atong Langitnong Amahan nagpakita og kalooy sa higayon nga Siya mopasaylo kanato sa atong mga sala ug motabang kanato nga makabalik sa pagpuyo sa Iyang presensya.

Bisan pa niini, si Jesus wala mokuha sa atong personal nga responsibilidad. Mopasaylo Siya sa atong mga sala kon Siya atong dawaton, maghinulsol, ug motuman sa Iyang mga sugo. Pinaagi sa Pag-ula ug sa pasunod sa ebanghelyo kita permamente nga mamahimong takus sa pagsulod sa presensya sa atong Langitnong Amahan. Kinahanglan atong ipakita nga kita midawat ni Kristo ug nga kita adunay hugot nga pagtuo Kaniya pinaagi sa pasunod sa Iyang mga kasugoan ug pagtuman sa unang mga baruganan ug mga ordinansa sa ebanghelyo.

Sala

Ang konsepto sa “sala” lain-lain og gipasabut sa lain-laing mga kultura. Sa uban nga mga kultura pare-parehas ra kini sa konsepto sa pagbuhat og salaod o krimen. Sa uban mahitabo lamang kini kon ang tawo masakpan nga nagbuhat og sayop ug maoy nagdala og kaulawan sa pamilya o sa katilingban. Klaroha nga ang sala mao ang pagsupak sa mga kasugoan sa Dios ug moresulta sa pagkahibulag gikan sa Dios. Ang Dios nasayud sa tanan natong pagabuhaton ug hunahunaon, ug ato Siya nga gipasuko kon sila magpakasala. Ayaw hisguti ang inyong nangaging mga kalapasan. Ayaw dasiga o hangyoo ang mga investigator sa paghisgut sa ilang mga kalapasan.

Pagtuon sa Kasulatan

Ang Dios Mipadala sa Iyang Anak

Alma 11:40 Juan 3:16–17

Si Kristo Mao Ang Atong Manlalaban

D&P 45:3–5

Kaluwasan pinaagi kang Kristo

2 Nephi 2:6–8 Alma 34:8–9, 14–16
2 Nephi 9:21–24

Kalooy ug Hustisya

Mosiah 15:9 Alma 42:22–25


Hugot nga Pagtuo kang Jesukristo

Ang unang baruganan sa ebanghelyo mao ang hugot nga pagtuo kang Ginoong Jesukristo. Ang pagbaton og hugot nga pagtuo [*faith*] kang Kristo naglakip sa pagbaton og mahugtanon nga pagtuo nga Siya mao ang Bugtong Anak sa Dios ug ang Manluluwas ug Manunubos sa kalibutan. Atong nasabtan nga makabalik kita sa pagpuyo kauban sa atong

Mubo nga mga Sulat

Langitnong Amahan pinaagi lamang sa pagsalig sa grasya ug kalooy sa Iyang Anak. Kon aduna kitay hugot nga pagtuo kang Kristo, kita modawat ug mogamit sa Iyang Pag-ula ug sa Iyang mga pagtulun-an. Kita mosalig Kaniya ug sa unsay Iyang isulti. Kita masayud nga aduna Siya’y gahum sa pagtuman sa Iyang mga saad. Ang Langitnong Amahan mopanalangin niadtong adunay hugot nga pagtuo sa pagsunod sa Iyang Anak.

Ang hugot nga pagtuo kang Kristo makapalihok. Makaaghat kini og sinsero ug mahangturon nga paghinulsol. Ang pagbaton og hugot nga pagtuo makapaaghat kanato sa pagpaningkamot kutob sa atong mahimo nga makat-on kabahin sa Manluluwas ug mamahimong mas sama Kaniya. Gusto kitang makat-on kon unsa ang Iyang mga kasugoan ug dayon mosunod niini. Bisan tuod kon makahimo gihapon kita og mga sayop, atong mapakita ang atong gugma alang Kaniya pinaagi sa pagpaningkamot sa pagsunod sa Iyang mga kasugoan ug maglikay sa sala.



Kita nagtuo kang Kristo, ug kita nagtuo nga Siya buot nga kita mosunod sa tanan Niyang mga kasugoan. Gusto kita nga mopakita sa atong hugot nga pagtuo pinaagi sa pagsunod Kaniya. Mag-ampo kita og kalig-on nga makabuntog sa tintasyon. Makapalambo usab kita sa hugot nga pagtuo sa usa ka partikular nga baruganan, sama sa Pulong sa Kaalamo sa ikapulo [*tithing*], una pinaagi sa pagtuo kang Jesukristo sa hugot gayud nga paagi nga igong matuman ang Iyang mga kasugoan. Samtang kita mosunod sa usa ka tino nga kasugoan, makat-on kita sa katinuod niini pinaagi sa pagsinati (tan-awa sa Juan 7:17). Motubo usab kita diha sa pagtuo pinaagi sa pagpaminaw sa pulong sa Dios (tan-awa sa Mga Taga-Roma 10:17) ug sa pagbasa sa pulong sa Dios (tan-awa sa Helaman 15:7–8).

Samtang kita mosunod sa Dios, Siya mopanalangin kanato. Mohatag Siya kanato og gahum sa pagsagubang sa mga hagit sa kinabuhi. Motabang Siya sa pag-usab sa mga tinguha sa atong mga kasingkasing. Pinaagi sa atong hugot nga pagtuo kang Jesukristo, Siya makaayo kanato, sa pisikal ug sa espirituhanon nga paagi.

Pagtuon sa Kasulatan

Hugot nga Pagtuo, Gahum, ug Kaluwasan

1 Nephi 7:12 Moroni 7:33–34
2 Nephi 9:23 Moroni 10:7
2 Nephi 25:23

Ang Doktrina sa Hugot nga Pagtuo

Alma 32 Giya ngadto
Mga Taga-Efeso 2:8 sa mga Kasulatan,
“Hugot nga Pagtuo”

Mga Ehemplo sa Hugot nga Pagtuo

Ether 12 Mga Hebreohanon 11

Mga Buhat ug Pagkamasulundon

1 Nephi 3:7 Santiago 2:17–26
D&P 130:20–21

Hugot nga Pagtuo modala ngadto sa Paghinulsol

Alma 34

Paghinulsol

Ang ikaduhang baruganan sa ebanghelyo mao ang paghinulsol. Ang atong hugot nga pagtuo kang Kristo ug ang atong gugma alang Kaniya moaghat kanato nga maghinulsol, o mag-usab sa atong mga hunahuna, mga pagtuo, ug mga kinaiya nga kanang wala mahiuyon sa Iyang kabubut-on. Ang paghinulsol naglakip sa paghimo og lahi nga

Mubo nga mga Sulat

panglantaw kabahin sa Dios, sa atong mga kaugalingon, ug sa kalibutan. Kon kita maghinulsol, mobati kita og diosnon nga pagsubo, unya mohunong kita sa paghimo og sayop nga mga butang ug mopadayon sa pagbuhat og matarung nga mga butang. Ang pagpahiuyon sa atong mga kinabuhi subay sa kabubut-on sa Dios pinaagi sa paghinulsol mao ang nag-unang katuyoan sa atong mga kinabuhi. Makabalik kita sa pagpuyo uban sa Dios Amahan pinaagi lamang sa kalooy ni Kristo, ug madawat lamang nato ang kalooy ni Kristo sa kondisyon nga maghinulsol.

Sa paghinulsol, atong giila ang atong mga sala ug mobati og kaguol, o diosnon nga pagsubo. Ikumpisal nato ang atong mga sala ngadto sa Dios. Ato usab ikumpisal ang seryoso kaayo nga mga sala ngadto sa tinugyanan sa Dios nga mga lider sa Simbahan, kinsa makatabang kanato nga maghinulsol. Mohangyo kita sa Dios diha sa pag-ampo nga kita pasayloon. Buhaton nato ang tanan natong mahimo aron mahusto ang mga problema nga atong nabuhat; mao kini ang gitawag og restitusyon o pag-uli. Samtang kita maghinulsol, ang atong pagtan-aw sa atong mga kaugalingon ug sa kalibutan mausab. Sa atong pagkausab, atong masabtan nga kita mga anak sa Dios ug wala kinahanglana nga kita magpadayon pa sa paghimo sa sama nga mga kasaypanan. Kon kita sinsero nga maghinulsol, mopalayo kita sa atong mga kasal-anan ug dili na mohimo pa niini pag-usab. Modumili kita sa bisan unsang tinguha sa paghimo og sala. Ang atong tinguha sa pagsunod sa Dios mas molig-on ug mas tinud-anay.

Ang sinsero o tinud-anay nga paghinulsol makahatag og daghang mga resulta. Atong mabati ang kapasayloan sa Dios ug ang Iyang kalinaw diha sa atong mga kinabuhi. Ang atong mga pagbati og dili maayo [*guilt*] ug kagul-anan mawagtang. Mas mabati nato ang impluwensya sa Espiritu. Ug inig labay nato niining kinabuhia, mamahimong mas andam kita nga mopuyo uban sa Langitnong Amahan ug sa Iyang Anak.

Bisan human gidawat nato si Kristo ug naghinulsol sa atong mga sala, mahimo kita nga magkulang ug makasala pag-usab. Kinahanglan kita nga magpadayon sa pagpaningkamot sa pagkorihir niini nga mga kalapasan. Dugang pa, kinahanglan kita nga magpadayon sa pag-uswag—sa pagpalambo og sama kang Kristo nga mga kinaiya, sa pagtubo diha sa kahibalo, ug sa pagserbisyo pa pag-ayo. Samtang kita magkat-on pa og mas daghan kabahin sa unsay gipaabut kanato sa Manluluwas, gusto kita nga mopakita sa atong gugma pinaagi sa pagsunod Kaniya. Mao nga, samtang kada adlaw kita nga maghinulsol, atong makita nga ang atong mga kinabuhi mausab ug mouswag. Ang atong mga kasingkasing ug ang atong mga kinaiya mamahimong mas parehas kang Kristo. Mas mobati kita og hingpit nga kalipay sa paghinulsol kada adlaw.

Pagtuon sa Kasulatan

Kitang Tanan Makasala

Mga Taga-Roma 3:23 1 Juan 1:7–8

Paghinulsol

Alma 34:8–17
D&P 58:42–43
D&P 61:22 Mga Taga
Corinto 7:9–10
Giya ngadto sa
mga Kasulatan,
“Hinulsol,
Paghinulsol”

Katubsanan ug Kapasayloan

Helaman 5:10–11

Ang Kalooy Mosagop sa Mahinulsolon

Alma 12:32–35 D&P 18:10–13
Alma 42:13, 21–24

Mubo nga mga Sulat

Bunyag, Ang Atong Unang Pakigsaad

Ang hugot nga pagtuo kang Kristo ug paghinulsol mag-andam kanato alang sa mga ordinansa sa bunyag ug sa pagkumpirma. Ang usa ka ordinansa usa ka sagrado nga seremonya o tulumanon nga nagpakita nga kita nakigsaad sa Dios.

Ang Dios sa kanunay nagmando sa Iyang mga anak sa paghimo og mga pakigsaad. Ang pakigsaad usa ka katungdanan ug sagrado nga kasabutan tali sa Dios ug sa tawo. Ang Dios mosaad sa pagpanalangin kanato, ug kita mosaad nga mosunod Kaniya. Ang Dios nagtakda sa mga termino sa mga pakigsaad sa ebanghelyo, nga mahimo natong dawaton o dili dawaton. Ang pagsunod sa mga pakigsaad makahatag og mga panalangin niining kinabuhia ug kahimayaan sa sunod nga kinabuhi.


Ang mga pakigsaad nagbutang kanato ubos sa hugtanon nga obligasyon sa pagtamud sa atong mga pasalig ngadto sa Dios. Aron makahimo sa atong mga pakigsaad, kinahanglan natong biyaan ang mga kalihokan o mga hilig nga makapugong kanato sa pagsunod niini nga mga pakigsaad. Sama pananglit, dili na kita mahimong mag-*shopping* ug mohimo og mga kalingawan sa adlawng Dominggo aron mabalaan nato ang adlawng Igpapahulay. Kinahanglan kita nga magtinguha nga madawat nato sa takus nga paagi ang mga pakigsaad nga gitanyag sa Dios kanato ug dayong maningkamot nga makatuman niini. Ang atong mga pakigsaad mopahinumdom kanato sa paghinulsol kada adlaw sa atong kinabuhi. Pinaagi sa pagtuman sa mga kasugoan ug pagserbisyo sa uban kita makadawat ug makaangkon og kapasayloan sa atong mga sala.

Ang mga pakigsaad sa kasagaran mahimo pinaagi sa sagrado nga mga ordinansa, sama sa bunyag. Kini nga mga ordinansa gidumala pinaagi sa awtoridad sa priesthood. Pinaagi sa ordinansa sa bunyag, pananglitan, kita makigsaad nga dad-on diha sa atong mga kaugalingon ang ngalan ni Jesukristo, kanunay nga mohinumdom Kaniya, ug mohupot sa Iyang mga sugo. Samtang kita nagbuhat sa atong parte sa mao nga pakigsaad, ang Dios nagsaad sa makanunayon nga pakig-uban sa Espiritu Santo, kapasayloan sa atong mga sala, ug nga matawo pag-usab.

Pinaagi sa sagrado nga mga ordinansa, sama sa bunyag ug pagkumpirma, atong makat-onan ug masinati ang gahum sa Dios (tan-awa sa D&P 84:20). Si Jesus nagtudlo nga kinahanglan kitang mabunyagan pinaagi sa pagpaunlod alang sa kapasayloan sa atong mga sala. Ang pagpabunyag usa ka mahinungdanon nga ordinansa sa kaluwasan. Walay tawo nga makasulod sa gingharian sa Dios nga dili magpabunyag. Si Kristo nagpakita og ehemplo kanato pinaagi sa pagpabunyag.

Ang bunyag pinaagi sa pag-unlod usa ka simbolo sa kamatayon, paglubong, ug pagkabanhaw sa Manluluwas. Sa samang paagi, kini nagrepresentar sa pagtapos sa atong kanhing makasasala nga kinabuhi ug usa ka pasalig nga magpakabuhi og bag-ong kinabuhi isip usa ka disipulo ni Kristo. Ang Manluluwas nagtudlo nga ang bunyag usa ka pagkatawo pag-usab. Sa higayon nga kita mabunyagan kita magsugod sa proseso sa pagkatawo pag-usab ug mamahimong espirituhanon nga mga anak ni Kristo (tan-awa sa Mosiah 5;7-8; Mga Taga-Roma 8:14-17).

Kinahanglan kita nga mabunyagan aron mamahimong mga miyembro sa gipahiuli nga Simbahan, Ang Simbahan ni Jesukristo sa mga Santos sa Ulahing mga Adlaw, ug sa ngadto-ngadto makasulod sa gingharian sa langit. Kini nga ordinansa usa ka balaod sa



Dios ug kinahanglan pagabuhaton sa Iyang tinugyanan. Usa ka bishop o mission president kinahanglan mohatag sa usa ka naghupot sa priesthood og pagtugot aron makabunyag o makakumpirmar.

Ang gagmayng mga bata wala magkinahanglan nga bunyagan ug natubos na pinaagi sa kalooy ni Jesukristo (tan-awa sa Moroni 8:4–24). Wala kinahanglana nga sila bunyagan hangtud nga sila moabot sa edad nga aduna na sila’y tulubagon nga mao ang edad nga walo ka tuig (tan-awa sa D&P 68:27).

Sa dili pa kita bunyagan kita mopakita sa atong pagkaandam nga makigsaad nga mosunod sa tanang mga kasugoan sa tibuok natong kinabuhi. Human sa bunyag atong ipakita ang atong hugot nga pagtuo pinaagi sa pagtuman sa atong mga pakigsaad. Regular usab kita nga mobag-o sa mga pakigsaad nga atong himoon inig bunyag pinaagi sa pagkalawat o ambit sa sakramento. Ang pagkalawat o pag-ambit sa sakramento kada semana usa ka kasugoan. Motabang kini kanato nga magpabilin nga takus aron ang Espiritu kanunay nga mouban kanato. Usa kini ka sinemana nga pahinumdom sa atong mga pakigsaad. Si Jesukristo misugod niining mao nga ordinansa ngadto sa Iyang mga Apostoles sa wala pa ang Iyang Pag-ula [Atonement]. Gipahiuli Niya kini pinaagi kang Propeta Joseph Smith. Ang Manluluwas nagsugo nga ang mga naghupot sa priesthood kinahanglan modumala sa sakramento agig handumanan sa Iyang lawas ug sa Iyang dugo, nga gipaagas alang kanato. Pinaagi sa pagkalawat o pag-ambit sa sakramento sa takus nga paagi kita mosaad nga kanunay’ng mohinumdom sa Iyang sakripsiyo, mobag-o sa atong mga saad, ug kita modawat pag-usab sa saad nga ang Espiritu kanunay nga mouban kanato.

Sa Dili pa ang Bunyag

“Siguroha nga [ang mga investigator] nakapalambo gayud og hugot nga pagtuo kang Kristo, nakahinulsol sa mga kalapasan, ug nakahimo og igo nga mga kausaban sa ilang mga kinabuhi aron makasarang sigun sa gimando diha sa Doktrina ug mga Pakigsaad 20:37. Ang mga investigator kinahanglan magsunod sa mga baruganan sa moral nga katakus, sa Pulong sa Kaalam, ug mopasalig nga mobayad sa ikapulo [tithing]. Kon ang mga misyonaryo mobati nga dugang pang preparasyon ang gikinahanglan, kinahanglan dili nila dayonon ang bunyag hangtud ang investigator makatuman sa mga sumbanan.

“Sa dili pa ang bunyag ang kada investigator kinahanglan nga makapaminaw sa tanang [mga leksyon] sa misyonaryo, maila-ila sa bishop o branch president, ug makatambong og pipila ka mga sakrament miting” (“Pamahayag Mahitungod sa Misyonaryo nga Buhat,” sulat sa Unang Kapangulohan, 11 sa Dis. 2002).

Pagtuon sa Kasulatan

Ehemplo ni Kristo

2 Nephi 31:4–18 Mateo 3:13–17

Ang Pakigsaad sa Bunyag

Mosiah 5:8–10 D&P 20:37
Mosiah 18:8–10

Mga Kwalipikasyon para sa Bunyag

2 Nephi 9:23 Moroni 6:1–4
Mosiah 18:8–10 D&P 20:37
Alma 7:14–15 Mga Buhat 2:37–39
3 Nephi 11:23–27

Ang Ginoo Nagpasiugda sa Sakramento

3 Nephi 18:1–18 Lucas 22:15–20

Gisaad nga mga Panalangin sa Bunyag

Mosiah 4:11–12, 26 Juan 3:5
Moroni 8:25–26 Mga Taga-Roma 6:4

Ang mga Pag-ampo sa Sakramento

Moroni 4 ug 5 D&P 20:75–79

Pagkalawat o Pag-ambit sa Sakramento

D&P 27:2 1 Mga Taga-Corinto 11:23–29

Ang Panginahanglan alang sa Awtoridad o Katungod

D&P 22 Mga Hebreohanon 5:4

Mubo nga mga Sulat

Ang Gasa sa Espiritu Santo

Si Jesus nagtudlo nga kinahanglan kita nga mabunyagan sa tubig ug usab sa Espiritu. Ang bunyag pinaagi sa tubig kinahanglan pagasundan sa bunyag pinaagi sa Espiritu kay dili kompleto kon wala kini. Inig ka dawat lamang nato sa bunyag ug sa gasa sa Espiritu Santo nga kita makadawat og kapasayloan sa atong mga sala ug mahingpit nga matawo pag-usab sa espiritudhanon nga paagi. Kita dayon magsugod og usa ka bag-ong espiritudhanong kinabuhi isip mga disipulo o tinun-an ni Kristo.

Human ang usa ka tawo mabunyagan pinaagi sa tubig, usa o daghan pa ka mga awtorisado nga mga naghupot sa priesthood mopandong sa ilang mga kamot diha sa ulo sa tawo ug mokumpirmar sa maong tawo nga usa ka miyembro sa Ang Simbahan ni Jesukristo sa mga Santos sa Ulahing mga Adlaw. Sila dayon mohatag o motugyan sa gasa sa Espiritu Santo.

Kadtong modawat sa gasa sa Espiritu Santo ug magpabilin nga takus makatagamtam sa Iyang pakig-uban sa tibuok nilang kinabuhi. Ang Espiritu Santo adunay makapabalaan, makapalimpyo nga epekto kanato. Ang Espiritu Santo mopamatuod kang Kristo ug motabang kanato nga makaila sa kamatuoran. Siya mohatag og espiritudhanong kalig-on ug motabang kanato sa pagbuhat sa unsay saktu. Siya mohupay kanato panahon sa pagsulay o kagul-anan. Siya mopahimangno kanato mahitungod sa espiritudhanon o pisikal nga kakuyaw. Ang Espiritu Santo mohatag og gahum nga pinaagi niini kita motudlo ug makaton. Ang gasa sa Espiritu Santo usa sa pinaka bililhon nga mga gasa sa atong Langitnong Amahan. Pinaagi sa gahum sa Espiritu santo atong mabati ang gugma ug direksyon sa Dios alang kanato. Kini nga gasa usa ka patilaw o sampol sa mahangturon nga kalipay ug usa ka saad sa kinabuhing dayon.

Ang katungod o awtoridad sa priesthood nga gikinahanglan aron sa pagpahigayon niini nga ordinansa, nga nawala pipila na ka mga siglo kaniadto pinaagi sa apostasiya, gipahiuli pinaagi ni Propeta Joseph Smith. Pinaagi lamang sa pagpa-miyembro sa Simbahan ang usa ka tawo makadawat sa gasa sa Espiritu Santo. Kini nga katungod nakapalahi sa Simbahan sa ubang mga relihiyon sa kalibutan. Sa kaugalingong pamahayag sa Ginoo, kini “mao lamang ang tinuod ug buhi nga simbahan diha sa ibabaw sa tibuok yuta” (D&P 1:30).

Giya gikan sa Espiritu Santo

Ipasabot ngadto sa inyong tudloanan nga si Satanas mikontra sa Dios ug mitintal sa mga tawo nga magpakasala. Aron magpabilin ang maayo nga mga pagbati nga nasinati nila samtang gikahimamat ang mga misyonaryo, kinahanglan nga mobasa sila sa Basahon ni Mormon, magampo, motambong sa simbahan, ug motuman sa mga kasugoan. Ipasabot nga ang pagbaton og mapadayonon nga giya sa Espiritu Santo usa sa mga benepisyos sa pagpabunyag ug pagpakumpirma.

Pagtuon sa Kasulatan

Kinaiya [Nature] sa Espiritu Santo

D&P 130:22–23
Juan 3:1–8

Mga Taga-Galacia 5:22–23

Giya ngadto sa mga Kasulatan, “Espiritu Santo”

Mga Panalangin ug Impluwensya gikan sa Espiritu Santo

2 Nephi 32:1–5
2 Nephi 33:1–2

Moises 6:61
Juan 14:26

Giya ngadto sa mga Kasulatan, “Espiritu Santo”

Ang Importansya sa Gasa sa Espiritu Santo

2 Nephi 31:11–12, 18, 21

3 Nephi 27:19–20

D&P 33:15

3 Nephi 18:36–37

D&P 19:31

Mga Buhat 19:1–6

3 Nephi 19:13

Mubo nga mga Sulat

Paglahutay hangtud sa Katapusan

Kon makasulod na gani kita sa tul-id ug pig-ot nga dalan pinaagi sa atong hugot nga pagtuo kang Jesukristo, sa paghinulsol, ug sa mga ordinansa sa bunyag ug pagkumpirmar, kinahanglan ato gayud nga paningkamuton nga magpabilin diha sa dalan. Mabuhat nato kini pinaagi sa pagpadayon sa pagbaton og hugot nga pagtuo kang Jesukristo, paghinulsol, paghimo og mga pasalig, ug pagsunod sa Espiritu.

Kon kita mapasaylo na sa atong mga kasal-anan, kinahanglan kita nga maningkamot kada adlaw nga magpabilin nga dili makasala aron kanunay gayud kitang ubanan sa Espiritu Santo. Sa pakigsaad sa bunyag, kita mosaad sa atong Amahan sa Langit nga kita motuman sa Iyang mga kasugoan sa tibuok natong kinabuhi. Kon kita masipyat, kinahanglan kita nga maghinulsol aron mahuptan ang mga panalangin sa pakigsaad. Kita mosaad nga mohimo og maayo nga mga butang, moserbisyo sa uban, ug mosunod sa ehemplo sa Manluluwas. Diha sa mga kasulatan kining tibuok kinabuhi nga pasalig sa kasagaran maoy gitawag og “paglahutay hangtud sa katapusan.”

Pinaagi sa pagsunod sa dalan sa ebanghelyo, makapaduol kita sa Dios, makabuntog sa tintasyon ug sala, ug mas labaw nga matagamtaman ang gasa sa Espiritu Santo. Samtang kita mapailubon, matinud-anon, ug makanunayon nga mosunod niini nga dalan sa tibuok natong kinabuhi, kita mamahimong takus alang sa kinabuhing dayon.

Ang hugot nga pagtuo kang Kristo; ang paghinulsol; ang paghimo, pagbag-o, ug pagtuman sa mga pakigsaad; ug ang malimpyohan pinaagi sa Espiritu mamahimong usa ka sumbanan sa pagpakabuhi. Ang atong mga binuhatan sa adlaw-adlawng kinabuhi maporma ug madumala niini nga mga baruganan. Ang kalinaw ug ang hingpit nga kalipay moabot pinaagi niining paagiha, ug kita sa hinay-hinay motubo diha sama sa kang Kristo nga mga kinaiya. Sa ngadto-ngadto, samtang kita mosunod niining paagiha ug “mopadayon sa unahan uban ang pagkamakanunayon kang Kristo ... ug molahutay hangtud sa katapusan,” kita gisaaran, “Kamo makabaton og kinabuhing dayon” (2 Nephi 31:20).

Pagtuon sa Kasulatan**Paglahutay hangtud sa Katapusan**

2 Nephi 9:24

3 Nephi 27:16–17

Mateo 10:22

2 Nephi 31:14–20

Mga Panalangin alang Niadtong Molahutay

1 Nephi 13:37

3 Nephi 15:9

D&P 14:7

Imbitasyon nga Magpabunyag

Ang imbitasyon nga magpabunyag ug magpakumpirmar kinahanglan tino ug diha-diha: “Imo [Inyo] bang sundon ang ehemplo ni Jesukristo pinaagi sa pagpabunyag sa usa ka tawo nga naghupot sa katungod sa priesthood sa Dios? Magpahigayon kami og tulumanon sa bunyag [baptismal service] inig ka (petsa). Imo [Imo] bang andamon ang imong [inyong] kaugalingon nga magpabunyag niining petsaha?”

Mubo nga mga Sulat

Mga Ideya sa Pagtudlo

Kini nga seksyon adunay mga ideya nga mahimo ninyong gamiton sa pagpangandam ug pagtudlo niini nga leksyon. Sunda ang Espiritu sa manimpoong paagi samtang ikaw [kamo] modesidir kon unsaon paggamit niini nga mga ideya. Idugang ang mga ideya nga imong [inyong] mapilian ngadto sa imong plano sa pagtudlo sa leksyon. Hinumdumi nga kini nga mga ideya mga sugyot lamang-dili mga kinahanglanon—sa pagtabang kaninyo sa pagtubag sa mga panginahanglan niadtong inyong tudloan.

Mubo nga Plano sa Pagtudlo sa Leksyon (3–5 ka minuto)

Ang ebanghelyo ni Jesukristo mao ang bugtong agianan padulong sa kinabuhing dayon. Ang unang mga baruganan ug mga ordinansa sa Iyang ebanghelyo mao ang hugot nga pagtuo kang Jesukristo, paghinulsol, bunyag pinaagi sa pagpaunlod alang sa kapasayloan sa mga sala, ug ang gasa sa Espiritu Santo. Nan kinahanglan kita nga molahutay hangtud sa katapusan. Pinaagi sa paggamit niini nga mga baruganan sa tibuok natong kinabuhi, kita nagsunod sa ehemplo sa Manluluwas, nagkat-on sa pagsunod sa Iyang mga kasugoan, ug nagpalambo og mga kinaiya nga sama kang Kristo. Mahimo kita nga mapasaylo sa atong mga sala, ug mahimo kita nga makabalik pagpuyo sa presensya sa atong Amahan sa Langit.

- Pinaagi kang Kristo Mahimo Kita nga Malimpyohan gikan sa Sala
- Hugot nga Pagtuo kang Jesukristo
- Paghinulsol
- Bunyag, Ang Atong Unang Pakigsaad
- Ang Gasa sa Espiritu Santo
- Paglahutay hangtud sa Katapusan

Mga Pasalig

- Mopadayon ka ba sa pagpalambo sa hugot nga pagtuo kang Jesukristo pinaagi sa pagpadayon sa pagkat-on kabahin sa Iyang ebanghelyo?
- Maghinulsol ka ba ug mag-ampo alang sa kapasayloan sa mga sala?
- Magpabunyag ka ba nga usa ka miyembro sa Ang Simbahan ni Jesukristo sa mga Santos sa Ulahing mga Adlaw inig ka (petsa)? Magpakumpirmar ka ba ug modawat sa gasa sa Espiritu Santo?
- Mosimba ka ba [ba kamo] uban kanamo karong Dominggo?
- Mahimo bang atong i-eskedyul ang sunod namong pagbisita?
- Mga kasugoan gikan sa leksyon 4 nga gusto ninyong iapil.

Medium nga Plano sa Pagtudlo sa Leksyon (10–15 ka minutos)

Ang among mensahe mensahe sa hugot nga pagtuo ug paglaum. Kami nahigugma ug nagsimba kang Jesukristo. Siya mao ang pinakamahinungdanon sa plano sa Dios alang sa atong kalipay. Ang maulaong sakripisyo ni Kristo nakapahimong posible kanato nga makaangkon og kinabuhing dayong diha sa presensya sa Dios. Samtang

Mubo nga mga Sulat

kita magsunod sa Iyang ebanghelyo, Siya mapuanguron nga mopasaylo sa atong mga sala. Siya moayo kanato ug mohulip sa pagbati og dili maayo ug pagkaulaw uban sa kalinaw ug kamaya niining kinabuha.

Ang ebanghelyo ni Jesukristo sayon sabton. Magsugod kini sa hugot nga pagtuo kang Kristo. Kita motuo Kaniya, mosalig Kaniya, ug magdepende Kaniya. Ang ingon nga pagtuo moaghat kanato nga maghinulso—mohunong sa paghimo og mga butang nga sayop ug mopadayon sa pagbuhay og mga butang nga matarung. Ang atong hugot nga pagtuo Kaniya makapahimo usab kanato nga gusto mopakita sa atong gugma pinaagi sa pagtuman sa Iyang mga kasugoan, lakip na ang pagpabunyag. Human sa bunyag, Siya misaad nga hatagan kita sa gasa sa Espiritu Santo. Ang Espiritu Santo mogiya kanato, mohupay kanato, ug motabang kanato nga masayud sa kamatuoran. Masayud kita diha sa atong mga kasingkasing ug sa atong mga hunahuna kon ang Espiritu Santo anaa ba kanato. Aduna kitay mga pagbati nga kalinaw, paghigugma, ug hingpit nga kalipay. Gusto kitang moserbisyo sa uban. Maningkamot kita sa tibuok natong kinabuhi sa pagpahimuot sa Ginoo.

Si Jesukristo mipahiuli sa Iyang ebanghelyo pinaagi sa usa ka propeta sa ulahing mga adlaw. Makat-on kita kabahin sa ebanghelyo sa Basahon ni Mormon, nga mahimo nimong [ninyong] mabasa, mapamalandongan, ug mapangutana pinaagi sa pag-ampo. Ang Dios mosulti kaninyo pinaagi sa gahum sa Espiritu Santo nga kini tinuod. Sa pagkahibalo nimo [ninyo] nga kini tinuod, gusto ka [kamo] nga maghinulso nga magpabunyag aron ikaw [kamo] makadawat og kapasayloan sa imong [inyong] mga sala ug sa gasa sa Espiritu Santo.

Mga Pasalig

- Mopadayon ka ba sa pagpalambo sa hugot nga pagtuo kang Jesukristo pinaagi sa pagpadayon sa pagkat-on kabahin sa Iyang ebanghelyo?
- Maghinulso ka ba ug mag-ampo alang sa kapasayloan sa mga sala?
- Magpabunyag ka ba nga usa ka miyembro sa Ang Simbahan ni Jesukristo sa mga Santos sa Ulahing mga Adlaw inig ka (petsa)? Magpakumpirmar ka ba ug modawat sa gasa sa Espiritu Santo?
- Mosimba ka ba [ba kamo] uban kanamo karong Dominggo?
- Mahimo bang atong i-eskedyul ang sunod namong pagbisita?
- Mga kasugoan gikan sa leksyon 4 nga gusto ninyong iapil.

Tibuok Plano sa Pagtudlo sa Leksyon (30–45 minutos)

- Pinaagi kang Kristo Mahimo Kita nga Malimpyohan gikan sa Sala
 - Ang Dios mipadala sa Iyang Pinalanggang Anak, nga si Jesukristo, ngari sa kalibutan (tan-awa sa Juan 3:16–17).
 - Pinaagi lamang sa grasya ug kalooy ni Kristo nga kita mamahimong limpyo gikan sa sala (tan-awa sa 2 Nephi 2:6–8).
 - Kita mao ang responsable sa pagdawat ni Kristo, sa paghinulso, ug sa pagsunod.

Mubo nga mga Sulat

- Hugot nga Pagtuo kang Jesukristo
 - Kita motuo gayud ni Kristo isip Manluluwas sa kalibutan.
 - Siya buot nga kita modawat ug mosunod sa Iyang mga pagtulun-an.
 - Kita makadawat og mga panalangin kon kita motuman (tan-awa sa D&P 130:20–21).
- Paghinulsol
 - Ang hugot nga pagtuo kang Kristo moaghat ngadto sa paghinulsol (tan-awa sa Alma 34).
 - Kita mobati og diosnon nga kasubo (tan-awa sa 2 Mga Taga-Corinto 7:9–10).
 - Kita mohunong sa paghimo og mga butang nga sayop ug mopadayon sa pagbuhat og mga butang nga matarung.
 - Kita mokumpisal sa atong mga sala, ug kita mokumpisal sa seryoso nga mga sala ngadto sa mga lider sa Simbahan, kinsa makatabang kanato nga maghinulsol (tan-awa sa D&P 58:43).
 - Kita mapasaylo; ang pagbati og dili maayo tungod sa sayop ug ang kasubo mailisan og kalinaw (tan-awa sa Alma 36:17–21).
- Bunyag, Ang Atong Unang Pakigsaad
 - Ang usa ka ordinansa usa ka sagrado nga tulumanon diin kita mohimo og mga pakigsaad sa Dios.
 - Ang pakigsaad usa ka sagrado nga kasabutan tali sa Dios ug sa Iyang mga anak.
 - Ang mga pakigsaad makahatag og mga panalangin.
 - Kita bunyagan pinaagi sa pagpaunlod alang sa kapasayloan sa mga sala (tan-awa sa Artikulo sa Hugot nga Pagtuo 1:4).
 - Kon kita mabunyagan kita magsugod sa usa ka bag-ong kinabuhi sa pasalig ngadto ni Kristo (tan-awa sa Mga Taga-Roma 6:3–8).
 - Ang pagbunyag kinahanglan pagahimoon sa usa ka tawo nga naghupot og katungod sa priesthood.
 - Kita mobag-o sa atong mga pakigsaad pinaagi sa pagkalawat o pag-ambit sa sakramento kada semana (D&P 20:77, 79).
- Ang Gasa sa Espiritu Santo
 - Ang bunyag pinaagi sa pagpaunlod pagasundan sa bunyag pinaagi sa Espiritu; ang duha dili gayud magkabulag.
 - Ang mga naghupot sa priesthood motugyan sa gasa sa Espiritu Santo pinaagi sa pagpandong sa mga kamot.
 - Ang Espiritu Santo motudlo kanato, molimpyo kanato, mohupay kanato, mopamatuod sa kamatuoran, mopahimangno kanato, ug modumala kanato (tan-awa sa 2 Nephi 32:1–5; Mosiah 5:1–6; Moroni 10:5; D&P 36:2).
- Paglahutay hangtud sa Katapusan
 - Kita kinahanglan nga mopadayon diha sa dalan kon kita mabunyagan ug makumpirmahan na.

Mubo nga mga Sulat

- Kita mobuhat sa atong pinakamaayo aron magpabilin nga gawasnon sa sala aron kita makatagamtam sa gasa sa Espiritu Santo.
- Pinaagi sa matinud-anon nga pagsubay sa dalan sa ebanghelyo sa hugot nga pagtuo, paghinulsol, paghimo ug pagtuman sa mga pakigsaad, ug pagdawat sa Espiritu Santo, kita makasarang alang sa kinabuhing dayon (tan-awa sa 2 Nephi 31:14–20).
- Kita kinahanglan nga magpadayon sa paghinulsol sa tibuok natong kinabuhi (tan-awa sa D&P 19:15–20).

Mga Pasalig

- Mopadayon ka ba sa pagpalambo sa hugot nga pagtuo kang Jesukristo pinaagi sa pagpadayon sa pagkat-on kabahin sa Iyang ebanghelyo?
- Maghinulsol ka ba ug mag-ampo alang sa kapasayloan sa mga sala?
- Magpabunyag ka ba nga usa ka miyembro sa Ang Simbahan ni Jesukristo sa mga Santos sa Ulahing mga Adlaw inig ka (petsa)? Magpakumpirmar ka ba ug modawat sa gasa sa Espiritu Santo?
- Mosimba ka ba [ba kamo] uban kanamo karong Dominggo?
- Mahimo bang atong i-eskedyul ang sunod namong pagbisita?
- Mga kasugoan gikan sa leksyon 4 nga gusto ninyong iapil.

Mga Pangutana nga Ipangutana human sa Inyong Pagtudlo

- Aduna ka bay [ba kamoy] mga pangutana kabahin sa unsay among gitudlo?
- Para nimo unsa may gipasabut sa maghinulsol?
- Ngano nga ang gasa sa Espiritu Santo mahinungdanon nga bahin sa ebanghelyo?
- Nganong importante man nga ikaw mabunyagan ug modawat sa gasa sa Espiritu Santo?
- Aduna ka bay bisag unsa nga wala masabti kabahin sa among mga miting sa Simbahan?
- Unsa may imong giganahan kabahin sa among mga miting sa Simbahan?

Mga Mahinungdanong Depinisyon

- **Ebanghelyo:** Plano sa kaluwasan sa Dios, nga nahimong posible pinaagi sa Pag-ula ni Jesukristo. Ang ebanghelyo naglakip sa mahangturon nga kamatuoran o balaod, mga pakigsaad, ug mga ordinansa nga gikinahanglan aron ang tawo makabalik sa presensya sa Dios.
- **Grasya:** Ang makapahimo nga gahum gikan ni Jesukristo nga nagtugot kanato nga makadawat og mga panalangin niining kinabuhia ug aron makaangkon og kinabuhing dayon ug kahimayaan human kita nagbaton og hugot nga pagtuo, naghinulsol, ug mihatag sa atong pinakamaayo kutob sa atong mahimo sa pagsunod sa mga kasugoan. Ang ingon niini nga balaang panabang o kalig-on gihatag pinaagi sa kalooy ug gugma ni Jesukristo. Kitang tanan nagkinahanglan og balaanon nga grasya tungod sa Pagkapukan ni Adan ug tungod usab sa atong mga kahuyang.

Mubo nga mga Sulat

- **Kalooy:** Ang diwa sa kapuangod, kalumo, ug pagpasaylo. Ang kalooy usa sa mga kinaiya sa Dios. Si Jesukristo nagtanyag og kalooy kanato pinaagi sa Iyang maulaon nga sakripisyo sa kondisyon nga maghinulsol.
- **Kinabuhing Dayon:** Ang pagpuyo hangtud sa hangtud isip mga pamilya sa presensya sa Dios (tan-awa sa D&P 132:19–20). Ang kinabuhing dayon mao ang pinakamahinungdanon nga gasa sa Dios ngadto sa tawo.
- **Pagkumpirmar o Kumpirmasyon:** Ang pagpandong sa mga kamot niadtong naghupot sa Melchizedek Priesthood aron mamahimong miyembro sa Simbahan ug sa pagtugyan sa gasa sa Espiritu Santo.
- **Paglahutay hangtud sa Katapusan:** Ang magpabilin nga matinud-anon sa mga kasugoan sa Dios bisan pa sa tintasyon, oposisyon, ug mga kalisud sa tibuk kinabuhi.
- **Pag-uli o Restitusyon:** Ang pag-uli sa butang nga gikuha o nawala.
- **Pakigsaad:** Usa ka kasabutan tali sa Dios ug sa Iyang mga anak. Dili kita managsama og katungod sa mao nga kasabutan. Ang Dios maoy naghatag sa mga kondisyon sa pakigsaad, ug kita mouyon nga mohimo sa unsay Iyang ipahimo kanato. Ang Dios dayon mosaad kanato og tino nga mga panalangin tungod sa atong pagsunod. Kita modawat sa mga ordinansa pinaagi sa pakigsaad. Kon kita mohimo sa ingon niini nga mga pakigsaad, kita mosaad nga motahud niini. Pananglitan, ang mga miyembro sa Simbahan makigsaad sa Ginoo atol sa bunyag ug mobag-o niana nga mga pakigsaad pinaagi sa pagkalawat o pag-ambit sa sakramento. Kita mohimo og dugang nga mga pakigsaad sulod sa templo. Ang mga tawo sa Ginoo mga tawo nga tighimo og mga pakigsaad. Mas mapanalanginan kaayo kita samtang kita motuman sa atong mga pakigsaad sa Ginoo.


Ubang mga Termino nga Mahimong Magkinahanglan og Dugang Pagpasabut ngadto sa Inyong Tudloanan

- Kumpisal
- Nalimpyohan gikan sa sala
- Pag-ampo
- Pasaylo o Kapasayloan
- Sakramento
- Tintasyon
- Tul-id ug pig-ot nga dalan

Ang mga Kasugoan

Pag-andam para sa Bunyag ug Pagkumpirma

Mubo nga mga Sulat



Pagtudlo Niini nga Leksyon

Adunay daghang mga paagi sa pagtudlo sa mga kasugoan nga makita dinhi niini nga leksyon. Pananglitan, mahimo kamo nga motudlo og pipila ka mga kasugoan gikan niining leksyon isip kabahin sa unang tulo ka mga leksyon, o mahimo kamong motudlo og ubay-ubay nga mga kasugoan isip usa ka leksyon mismo. Ang inyong buhaton kinahanglan mag-agad sa mga panginahanglan sa mga investigator ug direksyon gikan sa Espiritu.

Pangandam sa Pagtudlo

Ang inyong katuyoan sa pagtudlo sa mga kasugoan mao ang pagtabang sa mga tawo nga makasunod sa ebanghelyo pinaagi sa pagbaton og hugot nga pagtuo kang Jesukristo ug paghinulsol samtang sila mangandam alang sa bunyag ug kumpirmasyon. Pinaagi sa pagsunod sa mga kasugoan, ang mga tawo motubo diha sa ilang pagpamatuod sa ebanghelyo, mopakita nga sila adunay “masulub-on nga mga kasingkasing ug usa ka mahinulsulon nga espiritu,” ug magsugod sa paghinulsol sa tanan nilang mga sala (tan-awa sa Moroni 6:1–4; D&P 20:37).

Kini nga leksyon gi-organisar nga lahi sa unang tulo ka mga leksyon. Ang unang tulo ka mga leksyon nag-eksplikar sa doktrinal nga pundasyon sa ebanghelyo ni Jesukristo. Kini nga leksyon nag-eksplikar sa tino nga mga kasugoan nga gihatag sa Dios nga motabang kanato nga makagamit sa mga baruganan sa ebanghelyo sa atong mga kinabuhi.

Adunay daghang mga paagi sa pagtudlo niini nga leksyon. Ang paagi sa pagtudlo nga inyong buhaton kinahanglan pinasikad sa mga panginahanglan sa mga investigator ug direksyon gikan sa Espiritu. Paghunahuna ug pag-ampo kanunay kon unsaon pagtabang ang mga investigator nga makasunod sa ebanghelyo. Ang mga ideya naglakip sa:

- Pagtudlo sa usa o daghan pa nga mga kasugoan isip kabahin sa unang tulo ka mga leksyon. Sa pagbuhat sa ingon, hunahunaa ang baruganan nga gitudlo diha sa Alma 12:32: “Ang Dios mihatag ngadto kanila sa mga sugo, *human* ikapahibalo ngadto kanila ang laraw [plano] sa katubsanang” (italiks gidugang). Pipila ka mga sugo, sama sa pag-ampo ug pagtuon sa kasulatan, mahimong matudlo sa pinakamaayong paagi

isip kabahin sa unang tulo ka mga leksyon. Ang ubang mga kasugoan mahimong matudlo sa pinakamaayong paagi human kamo makahatag sa doktrinal nga pundasyon sa ebanghelyo nga makita diha sa unang tulo ka mga leksyon.

- Pagtudlo og duha o tulo ka mga sugo isip usa ka leksyon.
- Pagtudlo og usa ka kasugoan isip usa ka leksyon.
- Pagtudlo sa mga kasugoan sa kinatibuk-ang kahulugan sa ebanghelyo. Sa daklit tun-i pag-usab ang leksyon mahitungod sa ebangleyo ni Jesukristo sa dili pa motudlo sa usa o daghan pa nga mga kasugoan. Samtang ikaw [kamo] magbuhat niini, mahimo ka [kamo] nga makatabang sa mga investigator nga makakita kon sa unsang paagi ang mga kasugoan mohaum sa mas dako nga hulagway sa pagbaton og hugot nga pagtuo sa Manluluwas ug sa paghinulsol agig preparasyon alang sa bunyag ug pagkumpirmar. Ang ilang mga kinabuhi mapanalanginan samtang ilang makita ang ebanghelyo ni Jesukristo isip usa ka sumbanan sa pagpuyo.

Posibleng matudloan ninyo ang ubang mga investigator sa pipila ka mga pagbisita; ang uban posibleng magkinahanglan og daghan pang mga pagbisita. Mahimo kamong mag-agad-agad sa pagtudlo sa mga leksyon sa bisan unsang paagi nga makatabang pag-ayo sa mga tawo aron hingpit nga makapangandam alang sa ilang bunyag ug pagkumpirmar. Ang inyong katuyoan dili lamang ang paghurot sa materyal; kon dili ang pagtabang sa uban nga makaduol kang Kristo pinaagi sa hugot nga pagtuo kang Jesukristo, paghinulsol, pagbunyag, pagdawat sa gasa sa Espiritu Santo, ug paglahutay hangtud sa katapusan.

Panagsa ra gyud kaayo nga ang usa ka leksyon molapas og 45 minutos. Inyong mabantayan nga aduna lamang kamo'y mubo o kadiyot nga panahon para sa pagtudlo. Niining kasoha, posibleng magkinahanglan kamo nga mobisita og kadaghan apan kadiyot nga pagtudlo nga ginagmay-gagmay nga mga bahin sa materyal.

Adunay daghang mga paagi nga mahimong itudlo ninyo kini nga leksyon. Unsa nga kasugoan ang inyong itudlo, kanus-a kini ninyo itudlo, ug kon unsa kadugaya kini ninyo itudlo mas madeterminar pinaagi sa mga panginahanglan sa mga investigator ug sa direksyon sa Espiritu.

Pagkat-on kabahin sa mga Kasugoan ug mga Pasalig

Samtang ikaw magtuon niini nga leksyon, sunda ang sumbanan sa ubos:

- Tun-i ang seksyon nga naghulagway sa kasugoan ug pagsulat og yano nga plano sa pagtudlo sa leksyon nga adunay tulo ngadto sa lima ka mahinungdanon nga mga punto.
- Tudlo og duha o tulo ka minuto nga bersyon ngadto sa imong kompanyon. Praktisa kon unsaon nimo paghatag ang kada imbitasyon sa pasalig ug kon unsaon nimo pagsulbad sa mga kabalaka.
- Pagtuki og mga paagi sa pag-*follow-up* sa kada pasalig nga gidawat sa mga investigator.

Pagkamasulundon

Ang Dios naghatag kanato og mga kasugoan alang sa atong kaayohan. Kini sila mga panudlo gikan sa usa ka mahigugmaon nga Amahan sa Langit aron sa pagtabang kanato nga makaangkon og malipayon nga mga kinabuhi. Naghatag usab Siya kanato og kabubut-on [*agency*], o abilidad sa pagpili tali sa maayo ug dautan. Kon kita mopatuo sa Dios, kita nagsunod sa impluwensya sa Espiritu ug mipili nga mosubay sa Iyang kabubut-on. Ang

pagkamasulundon sa mga kasugoan makahatag kanato og kalinaw niining kinabuhia ug kinabuhing dayon sa mosunod nga kalibutan. Ang pagkamasulundon mopakita sa atong gugma sa Dios. Ang pagsupak makahatag kanato og kagul-anan.

Ang Langitnong Amahan nasayud sa atong mga kahuyang ug Siya mapailubon kanato. Siya mopanalangin kanato samtang kita maningkamot sa pagsunod sa Iyang mga kasugoan. Siya nagpaabot sa atoa nga mopatuo sa Iyaha aron Siya makapanalangin kanato.

Pagtuon sa Kasulatan

Kabubut-on [Agency]

2 Nephi 2:26–29
Alma 12:31

D&P 58:26–29
D&P 82:8–10

Giya ngadto sa mga Kasulatan,
“Kabubut-on”

Pagkamasulundon

D&P 130:20–21

Juan 14:15, 21

Ecclesiastes 12:13

Pasalig

- Sundon ba nimo ang mga balaod sa Dios?

Pag-ampo Kanunay

Ang Dios nagsugo kanato nga mag-ampo ngadto Kaniya. Mahimo kamong mag-ampo bisag kanus-a ug sa bisan unsa nga kahimtang. Ang Ginoo nagtudlo kanato sa pagluhod ug sa pag-ampo inig ka buntag ug inig ka gabii, binagsa ug kauban sa atong mga pamilya. Ang atong Langitnong Amahan maminaw ug motubag sa atong mga pag-ampo. Pinaagi sa inadlaw-adlaw nga pag-ampo kita makadawat og balaanon nga giya ug mga panalangin. Kinahanglan gayud kita nga sinsero nga mag-ampo kanunay. Kinahanglan usab kita nga mag-ampo uban sa “hingpit nga katuyoan,” nga nangahulugan nga kita mapasaligon nga motrabaho sa tubag nga atong madawat.

Kita mag-ampo uban sa hugot nga pagtuo sa atong Amahan sa Langit sa pangalan ni Jesukristo (tan-awa sa Moises 5:8). Tungod kay Siya atong Amahan ug kita Iyang mga anak, Siya motubag sa atong mga pag-ampo. Kita mosugod sa atong mga pag-ampo pinaagi sa pagpakigsulti sa atong Amahan sa Langit. Kita motapos sa atong mga pag-ampo pinaagi sa pag-ingon, “Sa pangalan ni Jesukristo, amen.”

Sa pag-ampo kita makigsulti sa bukas ug matinuoron nga paagi sa atong mahigug-maong Amahan sa Langit. Kita mopadayag og pagtamud ug pagpasalamat alang sa atong mga panalangin. Mahimo kita nga motamud sa atong gugma alang Kaniya. Mangayo usab kita og panabang, proteksyon, ug direksyon sigun sa atong mga panginahanglan.

Samtang kita mag-ampo uban sa hugot nga pagtuo, pagkasinsero, ug hingpit nga katuyoan, atong makita ang impluwensya sa Dios sa atong mga kinabuhi. Siya mogiya kanato sa atong inadlaw-adlawng kinabuhi ug motabang kanato nga makahimo og maayo nga mga desisyon. Siya mopanalangin kanato sa pagbati og kaharuhay ug kalinaw. Iya kitang pahimangnoan sa mga kakuyaw ug molig-on kanato sa pagbatok sa tintasyon. Iya kitang pasayloon sa atong mga sala. Kita mobati nga mas duol Kaniya. Kinahanglan kita nga makat-on sa pag-ila sa Iyang impluwensya sa atong mga kinabuhi. Kinahanglan kita nga makat-on sa pagpamati sa ligdong, hinagawhaw nga tingog sa Espiritu.

Mubo nga mga Sulat

Mubo nga mga Sulat

Atong mailhan kon ang Espiritu Santo nagtudlo kanato sa kamatuoran. Ang atong mga hunahuna mapuno sa makapadasig ug makapabayaw nga mga hunahuna. Malamdagan kita, o mahatagan og bag-o nga kahibalo. Ang atong mga kasingkasing mobati og kalinaw, hingpit nga kalipay, ug paghigugma. Gusto kita nga mohimo og maayo ug magmatinabangon sa uban. Kini nga mga pagbati lisud ihulagway pero mailhan samtang kita mosinati niini.

Pagtuon sa Kasulatan

2 Nephi 32:8–9	D&P 6:22–23	D&P 19:28
Enos 1:1–12	D&P 8:2–3	1 Mga Hari 19:11–12
Alma 34:17–28	D&P 9:7–9	Giya ngadto sa mga Kasulatan, “Pag-ampo”
Moroni 10:3–5		

Pasalig

- Moluhod ug mag-ampo ka ba kada adlaw sa binagsa ug isip pamilya?

Pagtuon sa mga Kasulatan

Ang mga kasulatan mga sinulat nga mga rekord sa mga pakiglabet sa Dios sa Iyang mga anak ingon sa girekord sa mga propeta ubos sa impluwensya sa Espiritu Santo. Atong mapakita ang atong hugot nga pagtuo pinaagi sa pagtuon, pagtuo, ug pagsunod sa pinadayag nga pulong sa Dios. Kita makugihon nga mosiksik sa mga kasulatan aron masabtan ang kamatuoran. Kita magpakabusog niini tungod kay kini moabli sa pultahan sa pagpadayag ug mopakita kanato sa unsay gikinahanglan natong buhaton ug unsay gusto nato nga kita mamahimo. Kita mosiksik sa mga kasulatan aron makat-on kabahin ni Jesukristo ug sa Iyang ebanghelyo. Ang hugot nga pagtuo kang Jesukristo usa ka gasa gikan sa Dios ug maangkon pinaagi sa pagtuon ug sa pagsunod sa Iyang pulong ug sa Iyang ebanghelyo. Ang aprubado nga mga kasulatan sa Simbahan, nga gitawag usab og sumbanan nga mga kasulatan, mao ang Balaang Biblia, ang Basahon ni Mormon, ang Doktrina ug mga Pakigsaad, ug ang Perlas nga Labing Bililhon. Kinahanglan natong tun-an kining sagrado nga mga basahon kada adlaw.

Pagtuon sa Kasulatan

1 Nephi 19:22–23	2 Nephi 31:19–20	Juan 20:31
2 Nephi 9:50–51	2 Nephi 32:3–5	2 Timoteo 3:14–17
2 Nephi 25:26	Alma 32:28–30	2 Pedro 1:20–21
2 Nephi 29:1–13	Juan 5:39	

Pasalig

- Mobasa ka ba sa mga kasulatan kada adlaw sa binagsa ug isip pamilya?

Balaana ang Adlawng Igpapahulay

Ang atong pagtagad sa adlawng Igpapahulay usa ka repleksyon sa atong pasalig sa pagtahud ug pagsimba sa Dios. Pinaagi sa pagbalaan sa adlawng Igpapahulay, atong gipakita sa Dios ang atong pagkaandam nga motuman sa atong mga pakigsaad. Kada adlawng Igpapahulay kita moadto sa balay sa Ginoo aron mosimba Kaniya. Samtang atoa didto kita mokalawat o moambit sa sakramento aron sa paghinumdom ni Jesukristo ug sa Iyang Pag-ula. Atong bag-ohon ang atong mga pakigsaad ug mopakita nga kita andam nga maghinulsol sa atong mga sala ug kasaypanan.

Niining adlaw, motagamtam kita og kapahulayan gikan sa atong mga kahago. Samtang kita motambong sa mga tulumanon sa Simbahan ug duyog nga mosimba, kita nagpalig-on sa usag usa. Kita mabag-o pinaagi sa atong pagpakig-uban sa mga higala ug pamilya. Ang atong pagtuo malig-on samtang kita magtuon sa mga kasulatan ug magkat-on pa kabahin sa gipahiuli nga ebanghelyo.

Kon ang usa ka komunidad o nasud magkaanam og pagkamapasagaron sa iyang mga kalihokan sa adlawng Igpapahulay, ang relihiyosong kinabuhi niini makakunhod ug ang tanang mga aspeto sa kinabuhi negatibong maapektohan. Ang mga panalangin gumikan sa pagsunod sa Adlawng Igpapahulay mawala. Kinahanglan kita nga maglikay sa pagpamalit sa adlawng Igpapahulay ug sa pag-apil sa ubang pangkomersyo ug pang-*sport* nga mga kalihokan nga sa karon sagad nga mopasipala sa adlawng Igpapahulay.

Ang mga Santos sa Ulahing mga Adlaw kinahanglan mopahimutang niining balaan nga adlaw ug mopalahi gikan sa mga kalihokan sa kalibutan pinaagi sa pagsulod ngadto sa usa ka diwa sa pagsimba, pagpasalamat, serbisyo, nga gisentro sa pamilya nga mga kalihokan nga tukma sa adlawng Igpapahulay. Samtang ang mga miyembro sa Simbahan maningkamot sa paghimo sa ilang mga kalihokan sa adlawng Igpapahulay nga mahiuyon sa katuyoan ug Espiritu sa Ginoo, ang ilang mga kinabuhi mapuno sa tinuoray nga kalipay ug kalinaw.

Pagtuon sa Kasulatan

3 Nephi 18:1–25
D&P 59:9–15

Exodo 20:8–11
Exodo 31:12–17

Isaias 58:13–14

Lingkod tapad sa mga Investigator o mga Miyembro sa Simbahan

Kon magtambong sa mga sakrament miting o mga *stake conference*, ang managpares nga mga misyonaryo kinahanglan molingkod tapad sa mga investigator, bag-o nga mga kinabig, o mga miyembro. Kinahanglan dili sila molingkod kauban sa ubang mga misyonaryo.

Mga Pasalig

- Imo bang balaanon ang Adlawng Igpapahulay?
- Imo bang andamon ang imong kaugalingon sa pagkalawat o pag-ambit sa sakramento sa takus nga paagi?

Mga Pangutana sa Interbyu alang sa Bunyag nga Magamit

- Unsay pagsabut nimo sa adlawng Igpapahulay, lakip na sa pagkalawat sa sakramento matag semana ug sa paghatag og serbisyo ngadto sa uban? Andam ka ba nga mosunod niining maong balaod [sa dili pa ang bunyag]?

Mubo nga mga Sulat

Mubo nga mga Sulat

Bunyag ug Pagkumpirma

Ang paagi nga maipakita nato ang atong tinguha nga mosunod sa pamaagi sa Dios mao ang pinaagi sa pagpabunyag ug pagkumpirma. Kon kita mabunyagan ug makumpirmahan, misulod kita sa pakigsaad sa Dios nga kita modawat sa pangalan ni Jesukristo sa atong kaugalingon ug nga kita mohinumdum Kaniya sa kanunay ug motuman sa Iyang mga kasuguan. Kita usab misaad nga mobarog isip mga saksi sa Dios sa tanang panahon ug moabag niadtong mga nanginahanglan (tan-awa ang Mosiah 18 8–9). Agig bawos, gisaad sa Dios ang makanunayong pag-uban sa Espiritu Santo, ang kapasayloan sa atong mga sala, ug ang pagpakatawo pag-usab.

Mga Pasalig

- Magpabunyag ka ba ug magpakumpirmar?
- Moimbitar ka ba og mga investigator nga motambong sa tumanon sa bunyag [*baptismal service*]?
- Kon mahimo, pangimbitar ug mga investigator sa sakrament miting sa higayon kon dunay kumpirmahan.

Mga Pangutana sa Interbyu alang sa Bunyag nga Magamit

- Tanang mga pangutana sa interbyu alang sa bunyag.

Imbitasyon nga Magpabunyag

Ang imbitasyon nga magpabunyag ug magpakumpirmar kinahanglan tino ug diha-diha: “Imo bang sundon ang ehemplo ni Jesukristo pinaagi sa pagpabunyag sa usa ka tawo nga naghupot sa katungod sa priesthood sa Dios? Magpahigayon kami og tumanon sa bunyag [*baptismal service*] inig ka (petsa). Imo bang andamon ang imong kaugalingon nga magpabunyag niining petsaha?”

Sunda ang Propeta

Ang kamatuoran mao ang kahibalo sa mga butang ingon nga sila mao karon, ug ingon nga sila mao kaniadto, ug ingon nga sila mao sa umaabot. Kini dili mausab bisan sa kondisyon o panahon. Ang kamatuoran pareho ra gayud sa tanang panahon o kultura. Ang Dios mao ang tinubdan sa tanang kamatuoran. Makaangkon kita ug pagtuo Kaniya tungod kay kita nasayud nga Siya motudlo sa matuod lamang. Gusto sa Dios nga ang tanan Niyang mga anak masayud sa kamatuoran. Mao nga, Iyang gipadayag ang mga kamatuoran nga kinahanglanon para sa kaluwasan pinaagi sa mga propeta ug mga apostoles. Iyang ipadayag ang kamatuoran diri kanato sa personal gayud pinaagi sa mga kasulatan ug sa personal nga padayag.

Ang propeta gitawag ug pinili sa Dios ug nga Siya usa ka matarung nga tawo nga adunay hugot gayud nga pagtuo. Ang Ginoo mopadayag sa kamatuoran ngadto kaniya pinaagi sa Espiritu Santo. Siya mosugo sa Iyang propeta sa pagtudlo sa kamatuoran ngadto sa tanang mga tawo. Kadtung motuo sa mga pulong sa Dios ingon sa gipadayag pinaagi sa Iyang propeta mapanalanginan.

Ang Simbahan ni Kristo gitukod diha sa pundasyon sa mga apostoles ug mga propeta, kinsa nagdumala sa Simbahan pinaagi sa pagpadayag. Ang Ginoo mitawag ni Joseph Smith isip mao ang unang propeta ug pangulo niining katapusang dispensasyon. Ang iyang mga sumusunod kinsa nangulo sa Ang Simbahan ni Jesukristo sa mga Santos sa Ulahing mga Adlaw karon mga propeta ug mga apostoles usab. Ang Presidente sa

Simbahan karon usa ka buhing propeta. Angay kita nga magbaton og hugot nga pagtuo sa pinili nga propeta sa Dios, makaangkon og konbiksyon sa iyang balaan nga tawag, ug mosunod sa iyang mga ipangtudlo.

Aduna kita’y daghang mga kahigayunan nga mopaluyo [*sustain*] sa mga lider sa Simbahan sa publiko. Ang *pagpaluyo* [*sustain*] nagpasabut nga mosuportar. Kita moandam sa atong mga kaugalingon aron nga sa higayon nga ang mga propeta ug mga apostoles mamulong, ang Espiritu Santo makakumpirmar sa mga kamatuoran nga ilang gitudlo, ug ato dayong matino nga mosunod sa tambag nga ilang gihatag kanato.

Kadtong maminaw ug mosunod sa tambag sa buhing mga propeta ug mga apostoles dili masaag. Ang mga pagtulun-an sa mga buhing propeta makahatag og kalig-unan sa mahangturon nga kamatuoran sa usa ka kalibutan nga mag-usab-usab og mga mithi ug motabang kanato nga malikay sa kaalautan ug kagul-anan. Ang kagubot ug panagsungi sa kalibutan dili motabon kanato, ug kita makatagamtam sa pasalig nga magkauyon sa kabubut-on sa Dios.

Pagtuon sa Kasulatan

Mosiah 15:11–12

D&P 21:1–7

Mga Taga-Efeso 2:19–20

Alma 13:1–16

D&P 136:37–38

Mga Taga-Efeso 4:11–14

3 Nephi 12:1–2

Juan 15:16

Mga Hebreohanon 5:4

D&P 1:37–38

Mga Buhat 10:34–44

Amos 3:7

Mga Pasalig

- Makigkita ka ba [ba kamo] sa bishop?
- Mopaluyo [*sustain*] ka ba [ba kamo] ug mosunod sa tambag sa mga lider sa Simbahan?

Mga Pangutana sa Interbyu alang sa Bunyag nga Magamit

- Motuo ka ba nga si [Presidente sa Simbahan karon] usa ka propeta sa Dios? Para nimo unsa may gipasabut niana?

Tumana ang Napulo ka mga Sugo

Ang Langitnong Amahan naghatag kanato og mga sugo aron kita mahibalo kon unsay buhaton ug kon unsay angayng likayan aron makadawat sa mga panalangin nga gusto Niyang ihatag kanato (hingpit nga kalipay, kalinaw sa konsensya, kalipay nga molahutay). Gipadayag sa Dios ngadto kang Moises ang Napulo ka mga Sugo aron sa paggiya sa Iyang katawhan:

- “Dili ka magbaton og lain nga mga dios sa atubangan ko” (Exodo 20:3). Ang lain nga “mga dios” mahimong maglakip sa mga katigayunan, gahum, o pagkabantugan.
- “Dili ka magbuhat og bisan unsa nga larawan nga linilok” (Exodo 20:4).
- “Dili mo paggamiton ang ngalan sa Ginoo nga imong Dios sa pasipala” (Exodo 20:7).
- “Hinumduman mo ang adlaw nga igpapahulay, aron sa pagbalaan niini” (Exodo 20:8).
- “Tahuron mo ang imong amahan ug inahan” (Exodo 20:12).
- “Dili ka magpatay” (Exodo 20:13).
- “Dili ka manapaw” (Exodo 20:14).
- “Dili ka mangawat” (Exodo 20:15).

Mubo nga mga Sulat

- “Dili ka magsaksi og bakak batok sa imong isigkatawo” (Exodo 20:16).
- “Dili ka maibug” (Exodo 20:17).

Ang Napulo ka mga Sugo sa pagkakaran balido lang gihapon. Kini nagtudlo kanato nga mosimba ug mopakita og pagtahud sa Dios. Nagtudlo usab kini kanato kon unsaon pagtagad sa usag-usa.

Walay Lain nga mga Dios

Daghang mga tawo sa lain-lain nga mga kultura nagpanag-iya o nagsimba sa mga butang nga makapahinudom kanila sa Dios o mga katigulangan. Usahay kini nga mga butang, sama sa mga estatuwa, relihiyoso nga mga larawan, o gagmay nga mga altar, mahimong mao usab ang pokus sa ilang pagsimba. Tabangi sila nga makasabot nga ang Ginoo nagsugo kanato nga dili mosimba sa mga dios-dios. Awhaga sila sa pagtangtang gikan sa ilang panimalay ang bisan unsang butang nga ilang gisimba o ilang giampoan. Tabangi sila nga mopokus sa ilang hugot nga pagtuo ug mosimba sa ilang Langitnong Amahan ug ni Jesukristo. Tudloi sila nga ang gipahiuli nga ebanghelyo ni Jesukristo nagpokus sa buhi nga Kristo.

Sa gipahiuli nga ebanghelyo ang Ginoo nagtudlo kanato unsaon paghinudom Kaniya. Kita mohinudom Kaniya pinaagi sa pag-ampo, sa sakramento, ug sa pagsimba sulod sa templo. Ang inyong mission president mohatag og giya sa tino nga mga dapit.

Pagtuon sa Kasulatan

Mosiah 13
D&P 59:5–6

Mateo 22:36–40
Exodo 20:1–17

Deuteronomio 5:6–21

Pasalig

- Imo [Inyo] bang tumanon ang Napulo ka mga Sugo?

Sunda ang Balaod sa Kaputli

Ang Dios malipay sa kaputli ug masilag sa sala nga sekswal. Ang kaputli naglakip sa estrikto nga pagdili sa kaugalingon gikan sa sekswal nga pagpakighilawas sa dili pa minyo ug hingpit nga pagkamatinud-anon ug pagkamaunongon sa kapikas human sa kaminyoon. Kadtong mosunod sa balaod sa kaputli makatagamtam sa kusog nga magagikan sa pagkontrol sa kaugalingon. Sila makatagamtam og pagsalig ug kalauman sa ilang mga pakigrelasyon sa pamilya. Mas makatagamtam sila sa impluwensya sa Espiritu Santo diha sa ilang mga kinabuhi. Kadtong mosupak niining balaora mapaubos sa mahangturon nga kaulaw ug pagbati og dili maayo [*guilt*] nga makapabug-at sa ilang mga kinabuhi.

Ang kaputli nagkinahanglan og pagkamatinud-anon sa hunahuna ug sa buhat. Kinahanglan limpyohon nato ang atong mga hunahuna ug magmaligdong sa atong panamit, sinultihan, ug linihokan. Kinahanglan natong likayan ang bisan unsang klase sa pornograpiya. Kinahanglan natong tagdon nga sagrado ang hinatag sa Dios nga gahum sa pagpasanay ug ang atong mga lawas. Ang mga kandidato sa bunyag kinahanglan nga mosunod sa balaod sa kaputli, nga nagdili sa bisan unsang klase sa pagpakighilawas gawas sa legal nga kaminyoon tali sa usa ka lalaki ug sa usa ka babaye. Dili sila mahimong moapil sa pagpakuha og bata sa tiyan o sa binayot o tinomboy nga mga relasyon. Kadtong nakahimo og sala nga sekswal mahimong maghinulsol ug mapasaylo.

Mga Magtiayon nga Nagpuyo-puyo

Ang mga lalaki ug mga babaye nga nagpuyo-puyo pero wala makasal dili mahimong mabunyagan kon dili una sila magpakasal o magkabalag. Kadtong naminyo sa sobra sa usa ka tawo sa usa ka higayon dili mahimong mabunyagan. Pangayo og tambag gikan sa inyong mission president, kinsa mohatag kaninyo og tino nga direksyon sa kada kaso.

Pagtuon sa Kasulatan

Jacob 2:28	3 Nephi 12:27–30	Mateo 5:27–28
Mosiah 13:22	D&P 42:22–24	Mga Taga-Roma 1:26–32
Alma 39:3–5	D&P 63:16	Mga Taga-Efeso 5:3–5

Pasalig

- Mosunod ka ba [ba kamo] sa balaod sa kaputli?

Mga Pangutana sa Interbyu alang sa Bunyag nga Magamit

- Unsay imong pagsabot sa balaod sa kaputli, nga nagdili sa bisan unsang klase sa pagpakighilawas gawas sa kalig-unan sa legal nga kaminyon tali sa usa ka lalaki ug sa usa ka babaye? Andam ka ba nga mosunod niining mao nga balaod [sa dili pa ang imong bunyag]?
- Nakasulay na ba ka nga moapil sa pagpakuha og bata nga anaa pa sa tiyan? Sa pagpakigrelasyon sa kaparehas nimo nga lalaki/babaye? Pahinumdom: Ang usa ka tawo nga motubag og oo sa bisan hain niini nga mga pangutana kinahanglan ma-interbyu sa mission president sa dili pa bunyagan.

Sunda ang Pulong sa Kaalam

Ang Ginoo mipadayag ngadto kang Propeta Joseph Smith og usa ka balaod sa panglawas nga gitawag og Pulong sa Kaalam. Kini nga balaod nagtudlo kanato unsa nga mga pagkaon ug mga butang nga angay ug dili angay nga gamiton aron sa pagpatunhay sa kapiskay sa atong mga lawas ug sa pagpahilayo kanato gikan sa dautan nga mga impluwensya. Ang Ginoo nagsaad og mga panalangin sa kapiskay sa panglawas, kusog, proteksyon batok sa dautan, ug mas daling mosagop sa espirithanon nga mga kamatuoran.

Hinumdumi nga ang atong mga lawas sagrado. Kinahanglan tagdon nato kini uban sa pagrespeto ug tumang pagtahud. Ang Pulong sa Kaalam nagtudlo nga kita angayng mokaon og makapaayo sa lawas nga mga pagkaon. Nagtudlo kini sa tino nga kinahanglan nato likayan ang makadaot nga mga butang, lakip na sa alkohol, tabako, tsa, ug kape. Kinahanglan usab natong likayan ang bisan unsang makadaot nga mga drugas. Aron mabunyagan ug makumpirmahan, kadtong inyong tudloan kinahanglan moundang na niining mga butanga. Ang mga tawo nga mosunod sa Pulong sa Kaalam mas dali nga makadawat sa espirituhanon nga mga kamatuoran.

Ang inyong mission president motubag sa mga pangutana kabahin sa ubang tino nga mga butang sa inyong dapit kon apil ba sa Pulong sa Kaalam.

Mubo nga mga Sulat

Mubo nga mga Sulat

Pagbuntog sa Pagkaadik [Addiction]

Mas makatabang kamo niadtong naglisud sa pag-undang sa pagpanigarilyo, pag-inom ug ilimnong makahubog, ug uban pang mga bisyo pinaagi sa pagsunod niini nga mga baruganan. Ang mga sugyot sa ubos gigamit mismo sa Pulong sa Kaalam pero mahimong ipahiuyon usab kini sa ubang mga pagkaadik.

1. Tabangi ang mga tawo nga mohimo og mga tumong [goal] mahitungod kon kanus-a ug unsaon nila pagtuman ang Pulong sa Kaalam.
2. Iampo sila sa inyong personal nga mga pag-ampo ug sa higayon nga ikaw [kamo] kauban nila.
3. Pagmalaumon ug masuportahon—bisan pa kon masipyat sila.
4. Padayon sa pagtudlo kanila sa ebanghelyo. Tudloi sila unsaon paggamit sa pag-ampo ug hugot nga pagtuo isip tinubdan sa kusog.
5. Tabangi sila nga regular nga mosimba ug mopalambo og panaghigalaay uban sa mga tawo nga nagsunod sa Pulong sa Kaalam ug nakabuntog sa sama nga pagkaadik.
6. Kon angayan, pagtanyag nga mohatag kanila og mga panalangin sa priesthood.
7. Dasiga sila sa pagtangtang sa makadaot nga mga butang nga anaa sa ilang panimalay.

Tan-awa sa hugna 10 para sa dugang nga instruksyon mahitungod sa pagtabang sa mga tawo nga makabuntog sa pagkaadik.

Pagtuon sa Kasulatan

D&P 89

1 Mga Taga-Corinto 3:16–17

1 Mga Taga-Corinto 6:19–20

Pasalig

- Mosunod ka ba [ba kamo] sa Pulong sa Kaalam?

Mga Pangutana sa Interbyu alang sa Bunyag nga Magamit

- Unsay pagsabot nimo sa Pulong sa Kaalam? Andam ka ba nga mosunod niining mao nga balaod [sa dili pa ang bunyag]?

Tumana ang Balaod sa Ikapulo [Tithing]

Usa sa pinakamahinungdanon nga mga panalangin sa pagkahimong miyembro sa Ang Simbahan ni Jesukristo sa mga Santos sa Ulahing mga Adlaw mao ang pribilihiyo nga makatampo sa pagpadako sa gingharian sa Dios pinaagi sa pagbayad sa ikapulo [tithing]. Ang Ikapulo usa ka karaan, balaan nga balaod. Sama pananglit, ang propeta sa Daang Tugon nga si Abraham mibayad og ikapulo sa tanan niyang gipanag-iya (tan-awa sa Alma 13:15).

Niadtong mobayad og ikapulo, ang Ginoo nagsaad nga Siya “moabli ... sa mga bintana sa langit, ug mobubu ... sa panalangin, nga wala na unyay dapit nga igong kabutangan sa pagdawat niini” (Malaquias 3:10). Kini nga mga panalangin mahimong temporal o espirituhanon, pero kini moabot niadtong kinsa mosunod niining balaan nga balaod.

Ang ikapulo nagpasabot og usa sa napulo [one-tenth], ug ang Ginoo nagsugo kanato sa paghatag og ikapulo sa atong pag-usbaw, nga nangahulugan og kinitaan, aron nga kita mapanalanginan. Ang balaod sa ikapulo naghatag kanato sa kahigayunan sa pagtabang sa pagtukod sa Iyang gingharian. Ang atong mga ikapulo balaan para sa Ginoo, ug kita nagtahud Kaniya pinaagi sa pagbayad og ikapulo [tithing]. Ang Dios nagsaad nga mopanalangin pag-ayo niadtong mobayad og matinuuron nga ikapulo. Kadtung dili

mobayad og ikapulo nangawat sa Dios (tan-awa sa Malaquias 3:8). Ilang gitagoan diha kanila ang usa ka butang nga gipanag-iya sa Dios. Kinahanglan pangitaon una nato ang gingharian sa Dios, ug ang ikapulo usa ka importanteng paagi sa pagbuhat niana. Ang pagbayad og ikapulo usa ka pagpakita sa atong hugot nga pagtuo. Usa kini ka makita nga timailhan sa atong pagtuo sa Dios ug sa Iyang buluhaton.

Ang mga pundo sa ikapulo gamiton sa pagsuporta sa nagpadayon nga mga kalihokan sa Simbahan, sama sa pagtukod ug pagmentenar sa mga templo ug mga balay-tigumanan, sa pagpadangat sa ebanghelyo sa tibuok kalibutan, sa pagpahigayon sa gimbuhaton sa templo ug family history, ug daghan pang mga kalihokan sa tibuok kalibutan. Ang ikapulo dili ipangsweldo sa mga lokal nga mga lider sa Simbahan, kinsa nag-alagad nga walay sweldo o bisan unsang matang sa bayad.

Ang lokal nga mga lider sa Simbahan mopadala sa madawat nga ikapulo matag semana direkta ngadto sa punoang-buhatan sa Simbahan. Usa ka konseho nga gilangkoban sa Unang Kapangulohan, sa Korum sa Napulog Duha, ug sa Presiding Bishopric modeterminar sa piho nga mga paagi sa paggamit sa sagrado nga mga pundo sa ikapulo.

Pagtuon sa Kasulatan

Ikapulo

D&P 119

Mga Hebreohanon 7:1–2

Levitico 27:30–33

D&P 120

Genesis 14:18–20

Malaquias 3:7–12

Hugot nga Pagtuo

3 Nephi 13:33

Ether 12:6

Pasalig

- Motuman ka ba [ba kamo] sa balaod sa ikapulo kon mabunyagan na ka [na kamo]?

Mga Pangutana sa Interbyu alang sa Bunyag nga Magamit

- Unsay pagsabot nimo sa balaod sa ikapulo? Andam ka ba [ba kamo] nga mosunod niini nga balaod?

Buhata ang Balaod sa Puasa

Daghang mga panalangin ang naghulat niadtong mosunod sa sugo sa Dios nga magpuasa. Ang pagpuasa nagpasabut sa dili pagkaon ug pag-inom sulod sa usa ka panahon. Kasagaran ang unang Dominggo sa matag bulan gigahin isip usa ka espesyal nga adlaw sa pagpuasa sa duha ka sunod-sunod nga kan-anan, sa pag-ampo, ug sa pagpadayag og pagpamatuod. Ang pagpuasa ug pag-ampo mag-uban gayud. Kon kita magpuasa ug mag-ampo uban ang hugot nga pagtuo, mas sayon nato madawat ang mga tubag sa atong mga pag-ampo ug mga panalangin gikan sa Ginoo. Siya nagsaad kanato nga Iya gayud kitang giyahan kanunay. Angay kita nga magpuasa ug mag-ampo alang sa tino nga mga katuyoan. Ang pagpuasa pribado ug espirituhanon, ug dili angay nga ato kining ipanghambug nga kita nagpuasa.

Ang tinuod nga relihiyon naglakip sa pag-atiman sa mga pobre o kabus. Kinahanglan nato sila nga tabangan nga makatubag sa ilang pisikal ug espirituhanon nga mga panginahanglan. Kon kita magpuasa, kita moamot og kwarta ngadto sa Simbahan para sa pag-atiman sa mga pobre ug sa nagkinahanglan. Gitawag nato kini og halad sa puasa.

Mubo nga mga Sulat

Atong ihatag ang kantidad nga dili mominos sa balor nga atong matigum pinaagi sa pagpuasa sa duha ka mga kan-anan. Bisan pa man, dili nato limitahan ang atong iamot sa balor lamang sa duha ka mga kan-anan. Giawhag kita nga magmahinatagon kutob sa itugot sa atong kahimtang. Pinaagi sa pag-atiman sa mga pobre o kabus, kita nagtabang nga matuman ang atong mga pakigsaad sa bunyag ug makadawat og kapasayloan sa atong mga sala.

Pagtuon sa Kasulatan

Pagpuasa

Omni 1:26

Alma 17:2–3

D&P 88:76

Alma 5:45–46

Moroni 6:5

Mateo 6:1–4, 16–18

Alma 6:6

D&P 59:12–16

Isaias 58:6–11

Pag-atiman sa mga Pobre o Kabus

Mosiah 4:16–27

Alma 4:12–13

Santiago 1:27

Mosiah 18:8–10

Mateo 25:34–46

Isaias 58:3–12

Mga Pasalig

- Magpuasa ka ba [ba kamo] ug mag-ampo sa sunod Domingo nga tingpuasa alang sa usa ka espesyal nga panginahanglan?
- Moamot ka ba [ba kamo] ug ubay-ubay (*generous*) nga halad sa puasa (*fast offering*) [human ka [kamo] mabunyagan]?

Unsaon Pag-amot og mga Ikapulo ug mga Halad

Ang mga ikapulo ug mga halad bayaran sa buluntaryo ug pribado nga paagi. Ang mga miyembro mahimong mobayad og mga ikapulo ug mga halad bisag kanus-a, pero sa kasagaran mas maayo nga bayaran kini inig kadawat sa kinitaan ug ang halad sa puasa ihatag sa adlaw sa pagpuasa. Ang mga miyembro mohimo og mga pag-amot pinaagi sa pagsulat diha sa usa ka donation slip, nga makuha gikan sa bishopric. Ang miyembro mohipos sa *yellow* nga kopya ug mobutang sa puti nga kopya ug sa amot sulod sa usa ka sobre nga giandam. Ang sobre ihatag ngadto sa usa ka sakop sa bishopric. Kini nga mga amot o donasyon gitagad nga sagrado ug gipanag-iya sa Ginoo. Usa ka sakop sa bishopric ug usa ka klerk maghimo og usa ka mabinantayon, konpidensyal nga subay sa tanang mga donasyon.

Ang mga miyembro motambong sa subay sa ikapulo o *tithing settlement* uban sa bishop sa pagtapos sa kada tuig aron sa pagdeklarar sa ilang pagkamatitud-anon mahitungod sa ikapulo. Atol niining pribado nga miting, ang mga miyembro makadawat og usa ka tapus-sa-tuig nga report sa tanan nilang mga donasyon. Ang tanang impormasyong pinansyal ghipos pag-ayo ug kini konpidensyal.

Tudlo Unsaon Pag-amot sa mga Ikapulo ug mga Halad

Pakita og usa ka porma sa donasyon ug ipasabut pag-ayo kon unsaon kini paggamit. Human ang mga kinabig [*converts*] mabunyagan, mahimong magkinahanglan nga sila inyong tudloan unsaon pagsulat sa porma.

Sunda ug Respetoha ang Balaod

Ang mga Santos sa Ulahing mga Adlaw bisag asa nagtuo sa pagsunod sa mga balaod sa nasud diin sila nagpuyo. Ang mga miyembro sa Simbahan gitambagan nga magmahimong buotan nga mga lumulupyo, sa pag-apil sa mga kalihokan sa gobyerno ug mga politikanhong mga kahimoan, ug sa paghatag og serbisyo sa katilingban. Hinoon, sila mobuhat, isip nagpakabana nga mga lumulupyo, dili isip mga representante sa Simbahan.

Pagtuon sa Kasulatan

D&P 58:21
D&P 98:5

D&P 130:20–21
D&P 134

Artikulo sa Hugot nga Pagtuo 1:12

Pasalig

- Mosunod ka ba [ba kamo] sa mga balaod sa nasud diin ikaw [kamo] nagpuyo?

Mga Pangutana sa Interbyu alang sa Bunyag nga Magamit

- Nakahimo ka ba og salaod o seryoso nga krimen? Kon ikaw nakahimo, anaa ba ikaw karon sa pagsulay o *probation* o parol? [Pahinumdom: Ang usa ka tawo nga motubag og oo sa bisan hain niini nga mga pangutana kinahanglan ma-interbyu sa mission president sa dili pa bunyagan.]

Kalihokan

Sa matag kasugoan nga anaa niini nga leksyon, ilista ang mga gisaad sa Ginoo nga mabasa sa mga kasulatan ngadto niadtong motuman sa mao nga sugo. I-rekord sa imong journal sa pagtuon ang mga saad nga natuman na sa imong kinabuhi.

Mubo nga mga Sulat

Mga Balaod ug Mga Ordinansa

Human sa Bunyag ug Pagkumpirma



© 1988 Dei Patson, Ayaw Kopyaha

Pangandam sa Pagtudlo

Human ang mga kinabig [*converts*] mabunyagan ug makumpirmahan, ang mga lider sa ward modeterminar kon ang mga ward missionaries ba o ang mga full-time nga mga misyonaryo maoy mangulo sa pagtudlo ug kon unsa ka dugaya ang mga full-time nga mga misyonaryo moapil. Kini nga leksyon kinahanglan itudlo sa bag-o nga mga miyembro inig ka human dayon sa ilang bunyag ug pagkumpirma. Mahimo kamong mosugod sa pagtudlo kanila kabahin niini nga mga balaod ug mga ordinansa tunga-tunga sa ilang bunyag ug pagkumpirma o bisan gani sa dili pa ang bunyag. Ang mga kandidato sa bunyag angay gayud nga masayud kabahin niini nga mga balaod ug mga ordinansa sa dili pa ang bunyag.

Kini nga leksyon pare-parehas sa leksyon 4. Ang pamaagi nga inyong himoon pagadeterminahon sa mga panginahanglan sa bag-ong mga kinabig ug sa direksyon gikan sa Espiritu. Paghunahuna ug pag-ampo kanunay kon unsaon pagtabang ang bag-o nga mga kinabig nga makasunod sa ebanghelyo. Ang mga ideya naglakip sa:

- Tudloan ang kada bag-o nga miyembro sa mga balaod ug mga ordinansa gikan niini nga leksyon samtang magrebyu sa mga leksyon sa “Mensahe sa Pagpahiuli,” “Ang Plano sa Kaluwasan,” ug “Ang Ebanghelyo ni Jesukristo.” Pananglitan, samtang magrebyu sa mensahe sa Pagpahiuli mahimong motudlo kamo kabahin sa priesthood ug misyonaryo nga buhat [*missionary work*]; samtang magrebyu sa plano sa kaluwasan mahimong motudlo kamo kabahin sa mahangturon nga kaminyoon, mga templo ug buhat sa family history, ug sa pagtudlo ug pagkat-on sa Simbahan. Kon magrebyu sa ebanghelyo ni Jesukristo mahimo kamong motudlo kabahin sa tul-id ug pig-ot nga dalan ug pag-alagad sa Simbahan.
- Pagtudlo og duha o tulo ka mga balaod ug mga ordinansa isip usa ka leksyon.
- Pagtudlo og usa ra gayud ka balaod o ordinansa isip usa ka leksyon.

Pakig-alayon sa mga miyembro sa pagtabang sa bag-o nga mga miyembro nga makadawat ug makasugod sa pagsunod niini nga mga balaod ug mga ordinansa. Tabangi ang bag-o nga mga miyembro nga masayud nga pinaagi sa pagtuman sa mga balaod sa Dios, sila makaangkon og kapasayloan sa ilang mga sala ug magpabilin diha sa dalan padulong sa kinabuhing dayon. Makasinati sila og mas dako nga kalinaw ug hingpit nga

kalipay. Makakita sila og mga tubag sa mga pangutana sa kinabuhi ug kasiguroan diha sa pagkahibalo nga sila nahisakop sa tinuod nga Simbahan ni Jesukristo. Ang mga balaod ug mga ordinansa nagsilbi nga mga direksyon alang sa malipayon nga pagpuyo, uban sa hugot nga pagtuo kang Jesukristo ug usa ka hugot nga paglaum nga makadawat og kinabuhing dayon uban sa atong Amahan sa Langit.

Pagkat-on kabahin sa mga Balaod, mga Ordinansa, ug mga Pasalig

Samtang kamo magtuon sa “Mga Balaod ug Mga Ordinansa,” makatabang kon sundon ang sumbanan nga anaa sa ubos.

- Tun-i ang seksyon nga naghulagway sa doktrina, ug pagsulat og yano nga plano sa pagtudlo sa leksyon nga adunay tulo ngadto sa lima ka mahinungdanon nga mga punto.
- Tudlo og duha o tulo ka minuto nga bersyon ngadto sa imong kompanyon. Praktisa kon unsaon nimo paghatag ang kada imbitasyon sa pasalig ug kon unsaon nimo pagsulbad ang mga kabalaka.
- Pagtuki og epektibo nga mga paagi sa pag-follow-up sa kada pasalig nga gidawat sa bag-o nga kinabig.

Ang Priesthood ug ang mga Auxiliary

Ang priesthood mao ang katungod ug gahum nga gihatag sa Dios ngadto sa tawo sa pagbuhat sa buluhaton sa Dios sa Iyang ngalan alang sa kaluwasan sa Iyang mga anak. Pinaagi sa priesthood atong madawat ang mga ordinansa sa kaluwasan, ingon man ang mga panalangin sa pagkaayo o pag-alim, sa kaharuhay, ug tambag.

Ang Simbahan ni Jesukristo sa mga Santos sa Ulahing mga Adlaw gipangulohan ni Jesukristo pinaagi sa mga apostoles ug mga propeta. Kini sila mga matarung nga mga tawo kinsa gitawag sa Dios ug gihatagan sa priesthood. Sa karaan si Kristo miordinar sa Iyang mga Apostoles ug mihatag kanila sa priesthood. Kana nga katungod nawala sa dihang ang mga katawhan misalikway sa ebanghelyo ug mipatay kang Kristo ug sa mga Apostoles.

Ang katungod sa priesthood gipahiuli niadtong 1829 sa dihang si Juan Bautista nagpakita ngadto kang Propeta Joseph Smith ug kang Oliver Cowdery. Siya mipandong sa iyang mga kamot diha sa ilang mga ulo ug mitugyan diha kanila sa Aaronic Priesthood (tan-awa sa D&P 13). Wala madugay sila si Pedro, Santiago, ug Juan sa orihinal nga Napulog Duha ka mga Apostoles mipandong sa ilang mga kamot diha nila ni Joseph Smith ug ni Oliver Cowdery ug mitugyan kanila sa Melchizedek Priesthood, nga nadawat nila ni Pedro, Santiago, ug Juan gikan ni Jesukristo (tan-awa sa D&P 27:12–13).

Ang usa ka lalaki makadawat sa katungod sa priesthood pinaagi lamang sa husto nga pag-ordinar pinaagi sa pagpandong sa mga kamot sa usa ka tawo nga adunay katungod. Ang usa ka tawo nga makadawat sa priesthood gihatagan og hilabihan ka talagsaon nga oportunidad. Siya makigsaad nga motuman sa sagrado nga mga pakigsaad, moserbisyo sa uban, ug motabang sa pagpadako sa Simbahan. Kinahanglan aduna siyay tinguha sa pagserbisyo sa Dios ug kinahanglan maordinahan ngadto niini nga gahum (tan-awa sa D&P 4:3; 63:57). Kinahanglanon usab alang sa mga naghupot sa priesthood nga mohimo og sagrado nga mga ordinansa, sama sa bunyag ug pagkumpirma. Kon ang katungod sa priesthood gamiton sa takus nga paagi, ang gahum sa Dios makita. Ang gahum sa priesthood magamit lamang sa katarung, gugma, ug pailub.

Ang tanang priesthood nagagikan sa Dios. Adunay duha ka mga priesthood sa Simbahan: ang Aaronic Priesthood ug ang Melchizedek Priesthood. Ang Aaronic Priesthood maoy mopahigayon sa mga ordinansa sama sa bunyag ug sa sakramento.

Mubo nga mga Sulat

Ang takus nga mga lalaki nga nag-edad og 12 pataas makadawat sa Aaronic Priesthood human sa bunyag ug pagkumpirma.

Ang takus nga mga lalaki nga hamtong sa ngadto-ngadto makadawat sa Melchizedek, o labaw, nga Priesthood. Ang mga miyembro sa Simbahan makadawat og daghang espirituhanon ug temporal nga mga panalangin pinaagi sa gahum niining priesthood. Ang takus nga naghupot sa Melchizedek Priesthood makatugyan sa gasa sa Espiritu Santo, makaordinar sa uban ngadto sa priesthood kon gisugo, makadihog [*anoint*] sa masakiton uban sa gipahinungod nga lana [*consecrated oil*], ug makahatag og mga panalangin sa pagkaayo o pag-alim ug paghupay. Ang takus nga mga bana ug mga amahan kinsa naghupot sa Melchizedek Priesthood makahatag sa ilang mga asawa, mga anak, ug sa ubang mga sakop sa pamilya og espesyal nga mga panalangin. Ang mga home teachers mobisita sa mga panimalay sa mga miyembro sa Simbahan ug moatiman sa mga indibidwal ug mga pamilya. Ang mga bishop ug mga stake president mga maghuhukom sa Simbahan. Aduna silay katungod sa pagtabang sa mga Santos nga nakasala sa paghinulsol ug makatagamtam sa hingpit nga mga panalanagin sa pagpamiyembro sa Simbahan. Mo-interbyu sila sa mga tawo aron mosiguro sa ilang katakus sa pagsulod sa templo.

Ubos sa direksyon sa priesthood, ang mga organisasyon sa auxiliary moabag sa pagpalig-on sa mga miyembro. Sila mga maayo nga kapanguhaan sa misyonaryo nga buhat samtang sila moabag sa pagpangita ug pagtudlo sa mga investigator ug pag-*fellowship* sa bag-o nga mga kinabig. Ang mga babaye nga nag-edad og 18 pataas mga miyembro sa Relief Society, nga naninguha sa pagserbisyo sa mga pamilya, mga indibidwal, ug sa katilingban. Ang batan-on nga mga babaye nga nag-edad og 12 ngadto sa 18 mga miyembro sa programa sa Young Women. Ang mga lalaki nga susama og mga edad mosalmot sa programa sa Young Men. Ang tanang mga bata nga nag-edad o 3 ngadto sa 11 mga kabahin sa organisasyon sa Primary. Ang tanang mga miyembro nga nag-edad og 12 pataas i-enroll sa mga klase sa Sunday School.

Pagtuon sa Kasulatan

Mosiah 18:17	D&P 84:19–20	Lucas 9:1–6
Alma 13:1–19	D&P 107	Juan 15:16
D&P 20:38–65	D&P 121:34–46	Santiago 5:14–15

Mga Pasalig

- Mangandam ka ba [ba kamo] sa pagdawat sa Aaronic Priesthood (sarang ug takus nga mga lalaki nga nag-edad 12 pataas)?
- Mangandam ka ba [ba kamo] sa pagdawat sa Melchizedek Priesthood (sarang ug takus nga mga lalaki nga hamtong)?
- Aktibo ka ba [ba kamo] nga moapil sa tukma nga organisasyon sa auxiliary?

Misionaryo nga Buhat [*Missionary Work*]

Ang mga miyembro nga mopaambit sa ebanghelyo makasinati og hingpit nga kalipay ug mas buhong nga makabaton sa Espiritu sa Ginoo. Samtang kita mopakigbahin sa ebanghelyo, atong masabtan unsa kini ka bililhon ug ka-importante kanato, ug kita mobati og mas dako nga paghigugma sa Dios ug sa uban. Ang Ginoo nagsugo sa Iyang mga sumusunod sa pagsangyaw sa ebanghelyo sa tibuok kalibutan, maghatag sa kada tawo sa kahigayunan sa pagdawat o sa pagsalikway niini. Sa higayon nga ang mga tawo

mabunyagan, sila mohimo og pakigsaad nga kanunayng mobarug isip saksi sa Dios. Sila gisugo sa pagpakigbahin sa ebanghelyo niadtong wala pa makadawat niini. Samtang sila matinud-anong mosunod sa ebanghelyo, sila mopakita og ehemplo, magpakita sa ilang mga kapamilya ug mga higala sa dagkong mga panalangin nga moabot tungod sa pagsunod sa ebanghelyo. Angay usab sila nga mokuha sa kahigayunan sa pagtubag og mga pangutana, mopaambit sa inimprinta o *audiovisual* nga mga materyal, ug moimbitar sa uban nga magkat-on pa kabahin sa mensahe sa gipahiuli nga ebanghelyo. Ang mga miyembro kinahanglan mag-ampo alang niadtong mga dili miyembro sa Simbahan. Kinahanglan silang mag-ampo alang sa misyonaryo nga mga kahigayunan—sa pagserbisyo niadtong dili parehas nato og pagtuo ug sa pagpaambit sa unsay ilang gituohan. Ang Ginoo misaad nga motabang sa mga miyembro nga masayud sa unsay ilang isulti og buhaton samtang sila mopaambit sa ebanghelyo.

Pagtuon sa Kasulatan

Jacob 5:70–75	D&P 19:29	D&P 84:74–76, 88
Mosiah 28:3	D&P 33:8–11	D&P 88:81
D&P 18:10–16	D&P 38:40–42	D&P 100:5–8

Mga Pasalig

- Mangandam ka ba [ba kamo] nga mo-imbitar og mga higala ug mga paryente kinsa dili pa mga sakop sa Simbahan nga makigkita sa mga misyonaryo aron matudloan sa ebanghelyo?
- Mag-ampo ka ba [ba kamo] alang sa mga misyonaryo ug alang sa mga oportunidad sa pagpaambit sa ebanghelyo?
- Mangandam ka ba [ba kamo] nga moalagad og misyon?

Mahangturon nga Kaminyoon

Ang sukaranang yunit sa Simbahan mao ang pamilya. Sulod sa pamilya, ang mga tawo makasinati sa daghang bug-os nga kalipay ug mga kasakit sa kinabuhi. Ang kaminyoon tali sa lalaki ug babaye gi-orden sa Dios ug mao ang pinakamahinungdanon sa mahangturon plano sa Dios alang sa kaluwasan sa Iyang mga anak. Ang pamaagi nga ang mortal nga kinabuhi gihimo gipahiluna sa Dios ug gipanalipdan sa kaminyoon. Ang balaang plano sa kalipay nakapahimo sa mga pakigrelasyon sa pamilya nga makalahutay lapas pa sa kamatayon. Ang kaminyoon, bisan pa, mahimong mohangtud lamang kon awtorisado nga mga naghupot sa priesthood maoy nagpahigayon sa ordinansa sa *sealing* sulod sa sagrado nga mga templo ug kon ang mga bana ug mga asawa kinsa nabugkos o *na-sealed* na motuman sa pakigsaad nga ilang gihimo. Ang mga bana ug mga asawa kinahanglan mohigugma sa usag-usa. Samtang sila motuman sa mga sugo ug mosunod sa mga baruganan sa ebanghelyo, sila kinahanglan motahud sa ilang mga panaad sa kaminyoon uban sa hingpit nga pagkamatinuoron (tan-awa sa “Ang Banay: Usa ka Pamahayag ngadto sa Kalibutan,” *Ensign*, Nob. 1995, 102; tan-awa usab sa D&P 42:22).

Ang kalipay sa kinabuhi sa pamilya labaw nga makab-ot kon kini pinasikad sa mga pagtulun-an ni Jesukristo ug kon ang mga ginikanan mohimo sa ilang pamilya nga maoy ilang pinaka-una nga prayoridad. “Ang plano sa Dios, nga ang mga amahan mao ang mangulo sa ilang mga pamilya diha sa gugma ug sa pagkamatarung ug maoy responsable sa pagsangkap sa mga kinahanglanon sa kinabuhi ug sa pagpanalipud sa ilang mga pamilya. Ang unang kapangakohan sa mga inahan mao ang pag-atiman sa ilang mga anak.

Mubo nga mga Sulat

Mubo nga mga Sulat

Niining sagrado nga mga responsibilidad, ang mga amahan ug mga inahan adunay katungdanan sa pagtabang sa usag-usa ingon nga magkauban” (*Ensign*, Nob. 1995, 102). Silang duha, ang mga ginikanan kinahanglan motudlo sa ilang mga anak sa ebanghelyo ni Jesukristo ug motabang kanila nga makasunod niini.

Si Satanas nangusog pag-ayo sa pag-atake sa mga pamilya. Daghang mga tuig na ang milabay ang mga lider sa Simbahan migahin sa Lunes sa gabii isip panahon para sa family home evening. Ang mga ginikanan kinahanglan mogamit niining panahona sa pagtudlo sa ilang mga anak sa ebanghelyo, sa pagpalig-on sa ilang mga relasyon uban kanila, ug makalingaw-lingaw uban sa tanan. Ubang mga paagi sa pagpalig-on sa pamilya naglakip sa inadlaw-adlaw nga pag-ampo ug pagtuon sa kasulatan kauban ang pamilya, mosimba isip usa ka pamilya, ug ang pag-alagad sa uban. Ang langit [*heaven*] maoy sumpay sa gimithi nga panimalay. Pinaagi sa mga ordinansa sa priesthood ug matarung nga pagpuyo, kita mahimong makapuyo isip mga pamilya sa presensya sa Dios hangtud sa kahangturan.

Pagtuon sa Kasulatan

Kaminyoon

D&P 42:22	D&P 132:7	“Ang Banay: Usa ka Pamahayag ngadto sa Kalibutan”
D&P 49:15	Genesis 2:24	
D&P 131:1–4	Mga Taga-Efeso 5:25	

Pamilya

Mosiah 4:14–15	D&P 130:2	“Ang Banay: Usa ka Pamahayag ngadto sa Kalibutan”
3 Nephi 18:21	1 Timoteo 5:8	

Pagtudlo sa mga Anak

Alma 56:47	D&P 68:25–30	Mga Taga-Efeso 6:4
Alma 57:21	Moises 6:55–62	Mga Proverbio 22:6

Mga Pasalig

- Maghimo ba kamo og family home evening kada semana, kada adlaw nga pag-ampo sa pamilya, kada adlaw nga pagtuon sa kasulatan uban ang tibuok pamilya, ug uban pang mga kalihokan uban ang pamilya?
- Mangandam ka ba nga mosulod sa templo aron (1) modawat sa imong endowment? (2) maminyo sulod sa karon nga panahon ug sa kahangturan? (3) kon minyo, magpa-*seal* alang sa kahangturan isip bana ug asawa? ug (4) ipa-*seal* ang inyong mga anak kaninyo?
- Mosimba ka ba [ba kamo] kada Domingo isip usa ka pamilya?
- Moserbisyo ka ba [ba kamo] sa ubang mga tawo?

Mga Templo ug Family History

Ang Dios nagsugo sa Iyang katawhan sa pagtukod og mga templo. Sa sulod sa templo mohimo kita og sagrado nga mga pakigsaad ug tugahan sa, o hatagan og, usa ka gasa sa gahum ug kahibalo gikan sa kahitas-an. Kini nga gahum motabang kanato sa atong inadlaw-adlawng mga kinabuhi ug makapahimo kanato sa pagtukod sa gingharian sa Dios. Sa sulod sa templo mahimo usab kita nga kaslon alang sa karon nga panahon ug sa kahangturan, nga maghimo nga posible alang sa mga pamilya nga magkauban hangtud sa hangtud sa presensya sa Dios. Human sa dili mominos og usa ka tuig nga pagkamiyembro,

ang takus nga mga hamtong mahimong makadawat gikan sa ilang bishop og usa ka rekomend aron sa pagdawat sa ilang kaugalingong tuga o endowment. Human sa pagdawat sa ilang mga endowment, ang minyo nga mga magtiayon mahimong ma-sealed o maminyo alang sa kahangturan.

Ang Manluluwas nahigugma sa tanang katawhan ug nagtinguha sa ilang kaluwasan. Apan bisan pa niini minilyon ka mga tawo ang nangamatay nga walay kahigayunan sa pagpaminaw sa mensahe sa gipahiuli nga ebanghelyo ni Jesukristo o sa pagdawat sa makapaluwas nga mga ordinansa. Pinaagi sa Iyang mahigugmaon nga grasya ug kalooy ang Ginoo mihimo sa kaluwasan nga posible alang sa tanan nga walay kahigayunan sa pagdawat, pagsabot, ug pasunod sa ebanghelyo atol sa ilang mortal nga mga kinabuhi. Ang ebanghelyo gisangyaw ngadto niining nangamatay na nga mga tawo didto sa kalibutan sa espiritu. Ang mga miyembro sa Simbahan dinhi sa yuta naghimo og makapaluwas nga mga ordinansa agig puli sa ilang nangamatay na nga mga katigulangan ug uban pa. Ang nangamatay na nga mga tawo nga atoa karon nagpuyo sa kalibutan sa espiritu adunay kahigayunan sa pagdawat o pagsalikway sa ebanghelyo ug sa mga ordinansa nga himoon alang kanila.

Tungod niini, ang mga miyembro sa Simbahan mangita og mga impormasyon kabahin sa ilang mga katigulangan. Sila mopil-ap og mga pedigree chart ug mga family group record ug mosumiter sa mga pangalan sa nangamatay nga mga paryente nga nagkinahanglan nga mapahigayon ang makapaluwas nga mga ordinansa sa ilang ngalan sulod sa sagrado nga mga templo. Mao kini ang buhat sa family history. Ang takus nga mga miyembro nga nag-edad og 12 pataas, lakip na ang bag-o nga mga miyembro, mahimong makadawat gikan sa ilang bishop og usa ka rekomend sa pagpahigayon og mga bunyag alang sa patay.

Family History

Pagdapit og bag-o nga mga miyembro sa pagpakigkita sa usa ka miyembro o ba hinoon moadto sa usa ka lokal nga sentro sa family history (kon anaa) alang sa unang pagpasabot sa buhat sa family history ug sa mga kapanguhaan nga mahimo nilang gamiton. Hatagi sila og kopya sa mga materyal sa family history.

Pagtuon sa Kasulatan

D&P 43:16	D&P 131	1 Pedro 3:18–21
D&P 95:8–9	D&P 132	1 Mga Taga-Corinto 15:29
D&P 124:22–42	D&P 138	Gamayng Basahon [Brochure], <i>Welcome to the Family History Center</i> [Dayon sa Family History Center]
D&P 128	Mga Salmo 65:4	

Mga Pasalig

- Mangandam ka ba [ba kamo] sa pagdawat sa mga ordinansa sa templo? (Pagkahuman sa bunyag ug pagkumpirma, ang takus nga mga miyembro nga ang edad kapin sa 12 mahimong makadawat og rekomend sa pag-adto sa templo ug sa pag-apil sa mga bunyag alang sa patay.)
- Moapil ka ba sa buhat sa family history ug mosumiter sa mga pangalan sa mga katigulangan aron makadawat og hulip [proxy] nga mga ordinansa sa templo?

Mubo nga mga Sulat

Serbisyo o Pag-alagad

Usa sa dako nga mga panalangin sa pagkahimong miyembro sa Simbahan mao ang kahigayunan nga makaserbisyo. Kon mohatag kita og mahigugmaon nga pag-alagad sa uban, kita nag-alagad sa Dios. Kon kita magpabunyag, kita makigsaad nga mohatag sa sama nga pagserbisyo (tan-awa sa Mosiah 18:8–10). Kita angayng momatikud sa pisikal ug sa espirituhanon nga mga panginahanglan sa uban. Kita dayon mohatag sa atong panahon, mga talento, ug mga katigayunan aron sa pagtabang niadtong mga nagkinahanglan. Kita nagsunod sa ehemplo sa Manluluwas, kinsa mianhi aron sa pag-alagad sa uban. Kinahanglan natong buhaton ang unsay gibuhay ni Jesus ug mamahimong sama Kaniya.

Human gilayon sa bunyag ang bag-o nga mga miyembro makadawat gikan sa mga lider sa priesthood og panalangin nga usa ka responsibilidad sa pagtabang sa Simbahan. Mao kini gitawag og balaang tawag o *calling*. Ang tanang trabaho sa Simbahan buluntaryo. Walay bisag usa ang gibayaran alang sa mao nga serbisyo. Sa dihang dawaton nato ang mga *calling*, kita paluyohan nga ipahibalo sa tanan diha sa usa ka miting sa Simbahan aron ang ubang mga miyembro mahibalo sa atong *calling* ug makahatag og suporta. Kita usab igahin o *i-set-apart* sa usa ka lider sa priesthood ug hatagan og espesyal nga mga panalangin aron matabangan kita nga makatuman sa atong mga *calling*. Ang Simbahan nagkinahanglan sa mga talento ug mga abilidad sa matag miyembro aron sa pagtubag sa daghang mga nagkalain-lain nga mga katungdanan o *calling*. Ang tanan nga mga *calling* importante ug makatabang sa pagtukod sa gingharian sa Dios. Angay natong dawaton ang ingon nga mga katungdanan o *calling* ug magkugi sa pagkat-on ug pagtuman sa atong mga katungdanan. Samtang kita magbuhay sa ingon, kita motubo diha sa pagtuo, makapalambo og bag-o nga mga talento ug mas dakong abilidad sa pagserbisyo, ug makadawat og daghan pa nga mga panalangin.

Pagtuon sa Kasulatan

Gugmang Putli

Moroni 7:43–48 D&P 88:125 Mateo 22:36–40 1 Mga Taga-Corinto 13:1–8

Pag-atiman sa Pobre o Kabus

Mosiah 4:26 Alma 34:28–29 D&P 52:40 Mateo 25:40

Kita Angayng Moserbisyo

Mosiah 2:17 Mosiah 18:8–10 D&P 42:29 D&P 107:99–100

Mga Pasalig

- Modawat ka ba ug motuman sa mga katungdanan sa usa ka *calling* (lakip ang *assignment* isip usa ka home teacher o visiting teacher)?
- Mosuportar ka ba sa uban sa ilang mga *calling*?

Pagtudlo ug Pagkat-on sa Simbahan

Ang Simbahan gi-organisar aron sa paghingpit ug pagpanalangin sa mga kinabuhi sa mga miyembro. Maghatag kini kanato og mga kahigayunan sa pagtudlo sa ebanghelyo sa usag usa, sa pag-*fellowship* ug sa pagserbisyo sa usag usa, ug sa pagsuportar sa usag usa sa atong paninguha alang sa kaluwasan. Sa pamilya ug pinaagi sa Simbahan, ang kada miyembro tudloan sa mga doktrina sa ebanghelyo. Kon ang mga miyembro gitawag nga motudlo, sila hatagan og mga materyal ug panabang aron sila molampus.

Pagtuon sa Kasulatan

D&P 88:77–79

Mga Taga-Efeso 4:11–14

Pasalig

- Mosimba ka ba [ba kamo]?

Paglahutay hangtud sa Katapusan

Samtang kita mopadayon sa pagsunod sa ebanghelyo, kita motubo nga mas suod sa atong Langitnong Amahan. Mas malipay ug mas masabtan nato ang Pag-ula sa Manluluwas. Ang atong mga pamilya mas magkasuod. Makasinati kita og mas lawom nga pagbati sa gugma, kalipay, ug kalinaw nga nagagikan sa Pag-ula. Ang atong mga kasingkasing mausab, ug kita makakita og kasigurohan diha sa pagsunod sa gipahiuli nga ebanghelyo.

Samtang kita magpadayon sa pagbaton og hugot nga pagtuo kang Kristo, maghinulsol, ug mobag-o sa atong mga pakigsaad, kita makatagamtam sa mapadayonon nga giyagikan sa Espiritu Santo. Kon kita molahutay hangtud sa katapusan sa atong mga kinabuhi nga matitud-anon sa atong mga pakigsaad, kita makadawat og kinabuhing dayon.

Adunay pipila ka mga miyembro nga dili makalahutay o magpabilin nga aktibo gayud. Hinoon, ang paglahutay hangtud sa katapusan usa ka personal nga kaakohan. Kita “manlimbasug sa [atong] kaugalingong kaluwasan” (Mga Taga-Filipos 2:12), ug kita moalagad ug mohigugma niadtong kansang pagtuo mihinay tungod sa pagkadili aktibo.

Pagtuon sa Kasulatan2 Nephi 31:20–21
Moroni 6:4D&P 20:37
Artikulo sa Hugot
nga Pagtuo 1:3Juan 14:15, 21
Mga Taga-
Efeso 4:11–14

Mga Taga-Filipos 2:12

Pasalig

- Magpadayon ka ba [ba kamo] sa pagsunod sa ebanghelyo pinaagi sa pagtuman sa mga pakigsaad sa bunyag sa tibuok nimong [ninyong] kinabuhi?

Mubo nga mga Sulat



Unsaon Nako Pag-ila ug Pagsabut ang Espiritu?

Konsideraha Kini

- Nganong gikinahanglan man nga ako makadawat og personal nga pagpadayag?
- Kinsa ang Espiritu Santo ug sa unsang paagi Siya molihok?
- Gikinahanglan ba gayud nga ako mag-ampo nga hugot ang pagtuo?
- Unsa ang papel [role] sa Espiritu sa misyonaryo nga buhat [missionary work]?
- Unsaon nako pag-ila ang mga pag-aghat sa Espiritu?

Personal nga Pagpadayag [*Personal Revelation*]

Si Joseph Smith nag-ingon, “Ang kaluwasan dili moabut kon wala ang pagpadayag; kawang lang para ni bisan kinsa ang mangalagad kon wala kini” (*History of the Church*, 3:389). Magmalampuson ka sa imong trabaho kon ikaw makat-on sa pagdawat ug pagsunod sa personal nga pagpadayag. Si Joseph Smith mitudlo usab nga ang pagpadayag mahinungdanon alang sa imong inadlaw-adlaw nga trabaho: “Mao kini ang baruganan diin ang pangagamhanan sa langit gipahigayon—pinaagi sa pagpadayag nga gipahiangay niini nga kahimtang diin ang mga anak sa gingharian ibutang” (*History of the Church*, 5:135).

Ang Dios nahigugma kanimo ug ingon man sa tanan Niyang mga anak. Naghinamhinam Siya sa pagsuportar kanimo sa imong praktikal ug tino nga mga hagit. Gisaaran ka og inspirasyon aron mahibalo unsay buhaton ug gihatagan og gahum sa pagbuhat niini (tan-awa sa D&P 43:15–16). Siya motabang kanimo samtang ikaw mosulay sa pag-ila ug pagsabot sa Espiritu pinaagi sa makugihon nga pagtuon sa kasulatan. Siya mogiya kanimo ngadto sa mga tawo nga modawat sa mensahe sa Pagpahiuli. Siya mohatag kanimo sa gahum sa paghatud sa mensahe ug sa pagpamatuod mahitungod kang Kristo ug sa Iyang ebanghelyo. Siya mobubu sa Iyang mga panalangin diha kanimo pinaagi sa gasa sa

Mubo nga mga Sulat

Espiritu Santo. Siya naghangyo nga ikaw magpabiling takus niining gasa ug nga ikaw mangayo, mangita, ug manuktok (tan-awa sa D&P 4:7; Mateo 7:7–8).

Nagpuyo kita sa panahon nga gitagna sa mga propeta sa Basahon ni Mormon—panahon nga ang mga tawo “makiglalis sa usag usa, ug sila motudlo uban sa ilang kinaadman, ug molimud sa Espiritu Santo, nga mao ang naghatag sa pinulongan” (2 Nephi 28:4; tan-awa usab sa 3 Nephi 29:6; Mormon 9:7–8). Apan bisan pa daghang mga tawo naghandum alang sa espirituhanon nga mga butang. Samtang ikaw makat-on sa pagdawat og personal nga pagpadayag, ikaw motudlo uban sa gahum ug pagtugot (tan-awa sa Alma 17:3) tungod kay ang Espiritu Santo mohatag kanimo sa gahum sa pagsulti (tan-awa sa 1 Nephi 10:22).

Kinahanglan kang maninguha ug makadawat og personal nga pagpadayag pinaagi sa Espiritu Santo samtang ikaw motabang sa mga tawo nga mabunyagan ug makumpirmahan. Pagbaton og hugot nga pagtuo nga ikaw makadawat og personal nga pagpadayag aron sa paggiya kanimo kada adlaw. Ang Espiritu Santo motabang kanimo sa tanang aspeto sa imong trabaho.

Kalihokan: Personal nga Pagtuo

Sa panapos nga pagpamatuod ni Moroni, siya misulat “sa pipila ka mga pulong agi og pag-awhag” (Moroni 10:2). Basaha ang Moroni 10 ug pagsulat sa kaugalingon nimong mga pulong kon unsay giawhag ni Moroni nga buhaton sa bumabasa sa Basahon ni Mormon. (Ang *pag-awhag [exhort]* nagpasabot sa pag-aghat pag-ayo o pag-agda sa tawo sa pagbuhat og butang.)

Ang Kahayag ni Kristo

Ang usa ka tawo mahimong makadawat og espirituhanong giya bisan sa dili pa siya mabunyagan ug makumpirmahan. Kini nga espirituhanon nga impluwensya magsugod sa Kahayag ni Kristo, nga “gihatag ngadto sa matag tawo, nga siya masayud sa maayo gikan sa dautan” (Moroni 7:16; tan-awa usab sa bersikulo 14–19).

Ang Kahayag ni Kristo “[b]alaan nga kusog, gahum, o impluwensya nga nagagikan sa Dios pinaagi ni Kristo ug naghatag og kinabuhi ug kahayag sa tanan nga mga butang. Kini mao ang balaod diin ang tanan nga mga butang gidumala didto sa langit ug dinhi sa yuta. Kini usab makatabang sa mga katawhan sa pagsabut sa mga kamatuoran sa ebanghelyo ug pagtabang sa pagbutang kanila diha niana nga dalan sa ebanghelyo nga paingon ngadto sa kaluwasan.

“Ang kahayag ni Kristo kinahanglan dili ikalibug tali sa Espiritu Santo. Ang kahayag ni Kristo dili usa ka tawo. Kini usa ka impluwensya nga gikan sa Dios ug mag-andam sa usa ka tawo sa pagdawat sa Espiritu Santo. Kini usa ka impluwensya alang sa maayo diha sa mga kinabuhi sa tanan nga mga katawhan.

“Usa ka timailhan sa kahayag ni Kristo mao ang tanlag o konsensya, nga motabang sa usa ka tawo sa pagpili tali sa matarung o husto ug sa sayop. Samtang ang mga tawo makat-on og daghan mahitungod sa ebanghelyo, ang ilang mga tanlag mahimong labaw nga dali matandog. Ang mga tawo nga mopatalinghug sa kahayag ni Kristo tultulan ngadto sa ebanghelyo ni Jesukristo” (Ang Giya ngadto sa mga Kasulatan, “Kahayag, Kahayag ni Kristo;” tan-awa usab sa D&P 84:46–47).

Si Presidente Boyd K. Packer nag-ingon, “Importante alang sa usa ka ... misyonaryo ... nga masayud nga ang Espiritu Santo makalihok pinaagi sa Kahayag ni Kristo. Ang usa ka magtutudlo sa mga kamatuoran sa ebanghelyo wala magtanum og butang nga wala mailhi o gani bag-o alang sa usa ka hamtong nga tawo o bata. Kon dili, ang misyonaryo o

magtutudlo nakigkontak sa Espiritu ni Kristo nga anaa nang daan. Ang ebanghelyo mora na og pamilyar alang kanila” (“Ang Kahayag ni Kristo,” pakigpulong nga gihatag atol sa seminar alang sa bag-o nga mga presidente sa misyon, 22 Hunyo 2004, 2).

Ang Espiritu Santo

Ang personahe sa Espiritu Santo. Ang Espiritu Santo mao ang ikatulo nga miyembro sa Dios nga Kapanguluhan. Siya personahe nga espiritu ug walay lawas nga unod ug mga bukog (tan-awa sa D&P 130:22). Siya mao ang Maghuhupay, nga gisaad sa Manluluwas nga motudlo sa Iyang mga sumusunod sa tanang mga butang ug mopahinumdom kanila sa tanang mga butang nga gitudlo Niya kanila (tan-awa sa Juan 14:26).

Ang gahum sa Espiritu Santo. Ang saksi nga moabot ngadto sa sinsero nga mga *investigator* sa dili pa ang bunyag nagagikan pinaagi sa gahum sa Espiritu Santo. “Ang gahum sa Espiritu Santo modangat diha sa usa ka tawo sa wala pa ang bunyag, ug mosaksi nga ang ebanghelyo tinuod” (Ang Giya ngadto sa mga Kasulatan, “Espiritu Santo”). Maghatag kini sa tawo og pagpamatuod mahitungod kang Jesukristo ug sa iyang buhat ug sa buhat sa iyang mga sulugoon ibabaw sa yuta. Ang Espiritu Santo mopamatuod sa kamatuoran. Ang tanang mga tawo mahibalo sa katinuod sa Basahon ni Mormon pinaagi sa gahum sa Espiritu Santo. “Pinaagi sa gahum sa Espiritu Santo kamo mahimo nga masayud sa kamatuoran sa tanang mga butang” (Moroni 10:5).

Ang gasa sa Espiritu Santo. Ang mga investigator nga makadawat og saksi wala pay saad sa maka-nunayon nga panag-uban sa Espiritu Santo. Si Joseph Smith miingon: “Adunay kalainan tali sa Espiritu Santo ug sa gasa sa Espiritu Santo. Si Cornelio nakadawat sa Espiritu Santo sa wala pa siya mabunyagi, nga mao ang makapakombinsir nga gahum sa Dios ngadto kaniya sa katinuod sa Ebanghelyo, pero dili pa siya makadawat sa gasa sa Espiritu Santo hangtud human siya nabunyagan. Kon wala pa siya modawat niini nga timailhan o ordinansa diha kaniya, ang Espiritu Santo nga nagkombinsir kaniya sa katinuod sa Dios, mobiya unta kaniya” (*History of the Church*, 4:555).

“... ang katungod sa pag-angkon sa kanunay nga panag-uban sa Espiritu Santo, kon ang usa ka tawo takus, usa ka gasa nga madawat lamang pinaagi sa pagpandong sa mga kamot sa usa nga naghupot sa Melchizedek nga Pagkapari human sa bunyag nga maoy gitugot sa tinuod nga Simbahan ni Jesukristo (Ang Giya ngadto sa mga Kasulatan, “Espiritu Santo”).

Isip miyembro sa Simbahan, imong nadawat ang gasa sa Espiritu Santo pinaagi sa katungod sa priesthood. Kini nga gasa nagtugot kanimo nga makauban kanunay ang Espiritu Santo samtang ikaw magpabilin nga takus niini. Pag-ampo alang sa giya sa Espiritu, ug maisugon nga mosunod sa mga pag-aghat nga imong madawat.

*“Ang gasa sa Espiritu Santo
moabot human ang usa ka
tawo maghinulsol ug
mamahimong takus ...
Ang Espiritu Santo
mosaksi sa kamatuoran ug
mopadayag nganha sa kalag
sa katinuod sa Dios Amahan
ug sa Anak nga si Jesukristo
nga motuhop pag-ayo aron
walay kalibutanong gahum o
katungod ang makabulag
kaniya gikan niana
nga kahibalo.”*

— PRESIDENTE JAMES E. FAUST
“ANG GASA SA ESPIRITU SANTO—USA KA SIGURADO
NGA KOMPAS,” *ENSIGN*, ABR. 1996, 4

Ang Espiritu Santo sa Saad. Ang Espiritu Santo gitawag usab isip mao ang Balaang Espiritu sa Saad (tan-awa sa D&P 88:3). Ang mabugkos o masilyohan pinaagi sa Balaang Espiritu sa Saad nagpasabot nga ang Espiritu Santo nagmatuod nga ang matarung nga mga binuhatan, mga ordinansa, ug mga pakigsaad madawat sa Dios. Ang Balaang Espiritu sa Saad nagpamatuod sa Amahan nga ang makapaluwas nga mga ordinansa nahimo na sa husto nga paagi ug nga ang mga pakigsaad nga may kalabutan niini natuman. Kadtong nabugkos [*sealed*] pinaagi sa Balaang Espiritu sa Saad makadawat sa tanan nga anaa sa Amahan (tan-awa sa D&P 76:51–60; Mga Taga-Efeso 1:13–14). Ang tanang mga pakigsaad ug tanang mga pagahimoon kinahanglan mabugkos pinaagi sa Balaang Espiritu sa Saad aron kini mahimong balido human niining kinabuhia (tan-awa sa D&P 132:7, 18–19, 26). Ang pagsupak sa mga pakigsaad mahimong motangtang sa pagbugkos.

Mga Gasa sa Espiritu. Ang mga gasa sa Espiritu maoy mga espesyal og spirituhanon nga mga panalangin nga ihatag sa Ginoo ngadto sa takus nga mga tawo alang sa ilang kaugalingong kaayohan ug alang sa pagpanalangin sa uban. Pananglitan, ang mga misyonaryo nga nagkinahanglan nga makat-on og bag-o nga pinulongan mahimong makadawat sa gasa sa pagpanulti og mga dila aron mahatagan sila og balaanong nga tabang sa pagkat-on og pinulungan. Daghang mga gasa sa Espiritu ang gihulagway diha sa Moroni 10:8–18; sa Doktrina ug mga Pakigsaad 46:11–33; ug sa 1 Mga Taga-Corinto 12:1–12. Kini maoy pipila ka mga ehemplo sa daghan pang mga gasa sa Espiritu. Ang Ginoo mahimong mopanalangin kanimo sa laing mga paagi depende sa imong pagkamatitud-anon, sa imong mga panginahanglan, ug sa mga panginahanglan niadtong imong gialagaran. Kinahanglan magtinguha ka sa spirituhanong mga gasa ug makugihong maninguha alang niini (tan-awa sa D&P 46:8; 1 Mga Taga-Corinto 12:31; 14:1, 12). Kini nga mga gasa maangkon pinaagi sa pag-ampo, hugot nga pagtuo, ug mga buhat sumala sa kabubut-on sa Dios (tan-awa sa D&P 63:9–12; 84:64–73).

Kalihokan: Personal nga Pagtuon o Pagtuon Kauban ang Kompanyon

Basaha ang mga pakisayran [*reference*] sa ubos:

- Ang Giya ngadto sa mga Kasulatan, “Espiritu Santo,” “Kahayag, Kahayag ni Kristo,” ug “Espiritu.”
- *Our Search for Happiness*, 84–86, 91–92.
- *True to the Faith*, “Holy Ghost,” 81–84, ug “Spiritual Gifts,” 165–67.

Pagsulat kon unsa ang kinaiyahan ug papel [*role*] sa Espiritu Santo.

Basaha ang Mga Buhat 4:23–33.

- Giunsa ni Pedro ug Juan pagtinguha sa spirituhanon nga mga gasa?
- Giunsa pagtubag sa Ginoo ang ilang mga pag-ampo?
- Unsa may makat-onan nimo gikan niini nga kasinatian kabahin as imong kaugalingong trabaho?

Ang Gahum sa Espiritu diha sa Pagkabig

Ang gahum sa Espiritu Santo maoy pinakamahinungdanon sa pagkabig. Paningkamot sa pagsabot sa doktrina sa pagkabig [*conversion*] ug usab sa kasinatian sa pagkabig. Si Elder Boy K. Packer mipasabot sa pinakamahinungdanon nga papel o tahas [*role*] sa Espiritu sa pagkabig:

“Sa higayon ang pagkabig mahitabo, kini pinaagi sa gahum sa Espiritu. Aron magmalapuson sa misyonaryo nga buhat, kining tulo ka butang kinahanglan mahitabo:


“Kinahanglan atong masabtan kon unsay kinahanglang bation sa usa ka investigator aron makadawat og pakakabig o konbersyon.

“Kinahanglan atong masabtan kon unsay angayng bation sa usa ka misyonaryo aron makatudlo uban sa makapakabig nga gahum sa Espiritu.

“ug dayon kinahanglan atong masabtan kon unsay angayng bation sa usa ka miyembro aron molampus sa pag-apil sa pagkakabig nga kasinatian” (komperensya sa mga presidente sa misyon, 3 sa Abr. 1985).

Kon mas nasabtan nimo pag-ayo kon unsay bation sa mga investigator, mga misyonaryo, ug mga miyembro kon sila makadawat sa saksi sa Espiritu, mas masabtan nimo ang imong kaugalingong papel o tahas, nga mao ang:

- Malig-on sa espirituhanong paagi ug malamdagan ang imong hunahuna samtang ikaw mosiksik sa mga kasulatan ug motudlo sa doktrina.
- Maghimo og sitwasyon nga kon ikaw magtudlo ang Espiritu Santo makahatag og saksi. Buhata kini pinaagi sa pagtudlo ug paghatag og pagpamatuod kabahin sa mensahe sa Pagpahiuli. Tudlo ingon sa itudlo sa Espiritu, ug pagpamatuod nga ikaw nasayud pinaagi sa Espiritu Santo nga ang imong gipangtudlo tinuod.
- Sunda ang giya sa Espiritu sa pagpahiangay sa mensahe sa mga panginahanglan sa kada tawo.
- Imbitara ang mga tawo sa paglihok. Ang ilang pagtuo motubo samtang sila maghinulsol, mosunod sa mga kasugoan, ug mohimo ug motuman sa mga pakigsaad.



Si Elder M. Russell Ballard namulong mahitungod sa gahum sa Espiritu: “Ang tinuod nga konbersyon moabot pinaagi sa gahum sa Espiritu. Sa higayon ang Espiritu mohikap sa kasingkasing, ang mga kasingkasing mausab. Sa higayon ang tagsa-tagsa ... makabati sa Espiritu nga naglihok uban kanila, o kon ilang makita ang ebidensya sa gugma ug kalooy sa Ginoo sa ilang kinabuhi, sila malig-on ug mapakusgan sa espirituhanong paagi ug ang ilang pagtuo Kaniya modako. Kini nga mga kasinatian uban sa Espiritu natural nga mosunod kon ang usa ka tawo andam mo-eksperimento sa pulong. Pinaagi niini kita *makabati* nga ang ebanghelyo tinuod” (“Now Is the Time,” *Ensign*, Nob. 2000, 75).

Ang Espiritu Santo motrabaho diha sa mga kasingkasing sa mga tawo aron mapahinabo kini nga mga kausaban. Samtang ang mga tawo mopili nga motuman sa mga pasalig, ilang mabatian pa pag-ayo ang gahum sa Espiritu Santo ug mopalambo sa pagtuo aron pagsunod kang Kristo. Mao nga, kinahanglan nimong tabangan ang mga tawo nga imong ikatrabaho nga motubo diha sa pagtuo pinaagi sa pag-imbatar kanila sa paghinulsol ug sa paghimo ug pagtuman sa mga pasalig.

Kalihokan: Personal nga Pagtuon

- Basaha ang usa o duha sa mosunod nga mga tudling, ug pamalandongi kon unsay angayng bation sa usa ka investigator aron makabig. Irekord ang mga pagbati ug mga panahom diha sa imong journal sa pagtuon. Hisguti ang imong mga ideya ngadto sa ubang mga misyonaryo ug mga miyembro.
2 Nephi 4:16–35; Enos 1; Mosiah 4–5; 18:7–14; 27–28; Alma 5; 17–22; 32; 36; 38
- Basaha ang usa o duha sa mosunod nga mga tudling ug pamalandongi kon unsay angayng bation nimo isip usa ka misyonaryo ug isip usa ka miyembro aron makatudlo uban sa makapakabig nga gahum. Irekord ang mga pagbati ug mga panahom diha sa imong journal sa pagtuon. Hisguti ang imong mga ideya ngadto sa ubang mga misyonaryo ug mga miyembro.
1 Nephi 8:11–12; Mosiah 28:1–4; Alma 26; 29; 31:26–38; 32; Moroni 7:43–48; D&P 4; 18:10–16; 50:21–22

Pagtuon sa Kasulatan

Unsay gitudlo niini nga mga kasulatan kabahin sa gahum sa Espiritu sa imong buhat o trabaho?

2 Nephi 33:1–2	D&C 50:13–22	1 Mga Taga-Corinto 2:11–14
D&P 42:11–17	Mga Buhat 2:37–38	Giya ngadto sa mga Kasulatan, “Pagkabig, Kabig”

Unsay mabuhat nimo aron matagamtaman ang gahum sa Espiritu sa imong buhat o trabaho?

Alma 32:27–28	D&P 42:14	Juan 7:17
---------------	-----------	-----------

Nganong importante man nga motudlo sa unsay imong nahibaloan ug gituohan?

Alma 5:43–47	D&P 52:9	D&P 80:4
--------------	----------	----------

Pag-ampo uban sa Hugot nga Pagtuo

Makatudlo ka lamang diha sa pamaagi sa Ginoo pinaagi sa gahum sa Espiritu, ug imong madawat ang Espiritu pinaagi sa pag-ampo nga hugot ang pagtuo. Ang Ginoo nag-ingon, “Ug ang Espiritu ihatag nganha kaninyo pinaagi sa pag-ampo diha sa hugot nga pagtuo; ug kon kamo dili makadawat sa Espiritu kamo dili motudlo” (D&P 42:14). Samtang ikaw mangayo og tabang sa imong pagtudlo pinaagi sa pag-ampo, ang gahum sa Espiritu Santo modala sa imong ipangtudlo “ngadto sa mga kasingkasing sa mga katawhan” (2 Nephi 33:1).

Si Presidente Gordon B. Hinckley milarawan niini nga baruganan pinaagi sa pag-istorya og usa ka kasinatian gikan sa iyang misyon:

“Kanunay gyud ko’ng makahinumdom sa duha ka batan-ong mga lalaki nga nagserbisyo sa akong misyon. Ang usa usa ka superstar. Edukado siya. Brayt siya. Alisto kaayo siya. May pagka hambogeroon siya. Aduna ‘mi laing kauban nga usa ka pintor [*sign painter*]. Gikan siya sa usa ka shop nga tighimo og mga *sign* nga gamay ra kaayo og edukasyon, pero nasayud siya sa iyang kakulangan ug siya nagsalig gayud sa Ginoo. Kon siya mag-ampo, imong mahibaloan nga siya nakigsulti gayud sa Ginoo. Dili kini memoryado, kini usa ka pakig-istoryahanay ug kadto nga batan-ong lalaki nakahimo og mga katingalahan samtang kadtong usa ka batan-ong lalaki walay tumong nga nagbuhat sa unsay giingon nga buhatunon. Ang gahum nga anaa sa usa ug ang pagkawalay gahum sa usa klaro kaayo. Sangpit sa Ginoo. Siya nangimbitar, ug Siya motubag” (*Teachings of Gordon B. Hinckley* [1997], 469).

Panangkamot sa pag-ampo sa sinsero nga paagi, uban sa tinud-anay nga tuyo, ug uban sa “tibuok kusog sa kasingkasing” (Moroni 7:48). Konsideraha ang mosunod kon ikaw mag-ampo:

- Gamita ang pinulongan sa pag-ampo, nga magpakita nga ikaw nahigugma ug nagtahud sa imong Langitnong Amahan. Gamit og tukma ug matinahuron nga sinultihan sa bisan unsang pinulongan nga imong gigamit. Pananglitan, sa Iningles gamit sa mga sampit nga gigamit sa kasulatan sama sa *Kanimo [Thee], Ikaw [Thou], Imo [Thy],* ug *Imoha [Thine]*.
- Padayag kanunay og pagpasalamat alang sa imong mga panalangin. Usa ka giplano nga panangkamot nga magmapasalamaton makatabang kanimo nga makasabot unsa ka maloloy-on ang Ginoo sa imong kinabuhi.
- Pag-ampo sa tino alang sa giya ug panabang sa Espiritu Santo. Ipakita nga bililhon kini nga panalangin para nimo pinaagi sa pagka sensitibo ug makamatikod sa espirituhanon nga mga pag-aghat. Dayon sunda sa maisugon nga paagi kana nga mga pagpang-aghat [*promptings*].
- Pag-ampo uban sa gugma ug gugmang putli. Pag-ampo alang sa mga tawo nga hingnanlan gayud sila. Pangamuyo alang sa inspirasyon nga tabangan ka nga makasabot ug makatubag sa ilang mga panginahanglan. Pag-ampo alang sa kaayohan sa imong mga kontak, investigator, bag-o nga mga kinabig, ug dili kaayo aktibo nga mga miyembro. Pag-ampo alang sa mga miyembro ug sa mga lider sa priesthood ug auxiliary sa imong erya. Pag-ampo alang sa imong pamilya nga anaa sa inyoha. Pag-ampo alang sa imong kompanyon, ubang mga misyonaryo, ug sa imong mission president. Pag-ampo aron masayud kon unsaon nimo pagtabang ang uban, ug dayon pagmasinugtanon nga mosakripisyo alang kanila.
- Pag-ampo nga tudloan ka kon asa ka moadto ug kon unsay buhaton. Pag-ampo nga ikaw magiyahan



“Matag buntag ... , ang mga misyonaryo kinahanglan nga mangluhod ug mangamuyo sa Ginoo sa pagluag sa ilang mga dila ug makapamulong ngadto kanila sa mga panalangin niadtong ilang gitudloan. Kon sila mohimo niini, usa ka bag-o nga kahayag moabot sa ilang mga kinabuhi. Adunay dakong kadasig alang sa buhat. Sila masayud uban sa tumang kasiguroan, nga sila mga sulugoon sa Ginoo nga nagsulti alang Kaniya. Makakaplag sila og lain-lain tubag gikan sa ilang gitudloan. Kon sila mobuhat sa ingon pinaagi sa Espiritu, ang ilang mga investigator motubag ubos sa impluwensya sa sama nga Espiritu.”

—PRESIDENTE GORDON B. HINCKLEY
 “MISYONARYO NGA PAG-ALAGAD,”
 UNANG TIBUOK KALIBUTAN NGA MITING SA
 PAGBANSAY SA PAGPANGULO, 11 ENE. 2003, 20

ngadto niadtong andam nga modawat sa mensahe sa Pagpahiuli. Pag-ampo nga ikaw makaila kanila.

- Sabta nga ang imong Langitnong Amahan mas nasayud sa unsay gikinahanglan nimo kay kanimo. Salig sa Espiritu aron mahibalo kon unsay paga-ampoan (tan-awa sa 3 Nephi 19:24; D&P 46:28, 30).
- Sa imong mga pag-ampo sa gabii, hatagi ang Ginoo og subay sa imong mga kalihokan sa tibuok adlaw. Dayon ribyuha uban Kaniya ang imong plano alang sa sunod nga adlaw. Paminaw sa mga pag-aghat sa Espiritu.
- Pag-ampo nga makabuntog sa tintasyon. Ang pagtugyan ngadto sa tintasyon makabalda sa Espiritu.
- Pag-ampo ug, kon angayan, pagpuasa alang sa espesyal nga mga panalangin.
- Pag-ampo kabahin sa mga kasulatan ug pamalandongi kini. Ang mga kasulatan moabli sa bintana sa pagpadayag [revelation].
- Tuo nga ang Dios motubag sa imong mga pag-ampo. Ilha nga ang hunahuna sa Dios dili parehas sa imong mga hunahuna (tan-awa sa Isaias 55:8–9), ug salig sa Dios nga motubag sa imong mga pag-ampo sa kaugalingon Niyang paagi ug sa kaugalingon Niyang panahon.


Kalihokan: Personal nga Pagtuon

Pamalandongi ang mosunod nga mga pamahayag mahitungod sa sinsero nga pag-ampo:

“Ang problema sa kasagaran sa atong mga pag-ampo mao nga kita mag-ampo nga mora la’g nagpunit kita sa telepono ug mo-*order* og mga palaliton—atong isulti ang atong *order* ug dayon butang sa telepono. Kinahanglan kita nga mamalandong, maghinuktok, maghunahuna sa unsay imong giampo ug dayon makigsulti sa Ginoo parehas sa usa ka tawo nga nakigsulti sa laing tawo” (Gordon B. Hinckley, *Teachings of Gordon B. Hinckley*, 469).

“Kon ang pag-ampo usa lamang ka dinali-dali nga pagtawag sa panahon sa krisis, nan hinakog gayud kini, ug atong gihunahuna ang Dios isip usa ka tig-ayo o usa ka ahensya sa mangangayo aron sa pagtabang lamang kanato sa panahon sa atong mga kalisud. Angay natong hinumduman ang Labawng Halangdon adlaw ug gabii—kanunay gayud—dili lamang sa mga panahon nga ang ubang mga hinabang napakyas ug wala na kita’y kadaganaan pa” (Howard W. Hunter, *The Teachings of Howard W. Hunter*, ed. Clyde J. Williams [1997], 39).

Ginamit ang mosunod nga sukdanan [scale], timbang-timbanga ang imong mga pag-ampo sa pribado nga paagi. Diha sa imong journal sa pagtuon, isulat ang mga tubag sa mga pangutana nga ingon niini: Asa man ka dapit niining mao nga sukdanan? Asa man ka gusto nga mahimutang niining mao nga sukdanan? Unsaon nimo pag-usab?



Nagpokus diha sa dili maayo nga mga hunahuna	←	→	Nagpokus diha sa maayo nga mga hunahuna
Ang kaugalingon ray gihunahuna	←	→	Naghunahuna sa ubang mga tawo
Tingub [general] nga mga pag-ampo, dili tino	←	→	Tino, dili tingub
Walay Espiritu	←	→	Ang Espiritu naggiya sa pag-ampo
Dili makaila sa mga tubag	←	→	Masaligon nga ang Dios motubag sa mga pag-ampo

Pagtuon sa Kasulatan

Nganong kinahanglan man mag-ampo alang sa Espiritu?

2 Nephi 32:8–9

D&P 42:14

D&P 50:13–22

Unsa may angayng ampoan?

Alma 6:6

Alma 37:36–37

D&P 50:29–30

Alma 13:28

3 Nephi 18:20

Giya ngadto sa mga Kasulatan,

Alma 34:17–27

3 Nephi 19:9

“Pag-ampo”

Pagkat-on sa Pag-ila sa mga Pag-aghat [*Promptings*] sa Espiritu

Ang Espiritu kanunay nga anaa aron sa paggiya ug sa pagtudlo kanimo. Pero bisan pa, ang Espiritu hilom nga mosulti, pinaagi sa imong mga pagbati ingon man sa imong hunahuna. Usa ka dako nga hagit alang kanimo ug sa imong katrabaho mao ang pag-ila sa hilom, hinagawhaw [*subtle*] nga mga pag-aghat sa Espiritu Santo.

Si Elder Boyk K. Packer mitudlo: “Ang tingog sa Espiritu gihulagway diha sa kasulatan ingon nga dili ‘makusog’ ni ‘pagaw.’ Kini ‘dili usa ka tingog sa dugdog, ni ... kini tingog sa usa ka dako nga kaguliyang nga kasaba.’ Kon dili, ‘usa kini ka hagawhaw nga tingog nga hingpit sa kalumo, ingon nga kini usa ka honghong,’ ug kini ‘modulot bisan ngadto sa kinahiladman sa kalag’ ug ‘makapainit [sa kasingkasing].’ (3 Ne. 11:3; Hel. 5:30; D&P 85:6–7.) Hinumdumi, nahibaloan ni Elias nga ang tingog sa Ginoo wala diha sa hangin, ni diha sa linog, ni diha sa kalayo, apan usa ka ‘malinawon nga diyutay nga tingog.’ (1 Mga Hari 19:12.)

“Ang Espiritu dili mokuha sa atong pagtagad pinaagi sa pagsinggit o sa pag-uyog kanato sa bug-at nga kamot. Kon dili kini mohonghong. Kini mohapuhap sa hinay nga paagi nga kon kita bisi mahimong dili gayud kita makabati gayud niini. (Dili ikatingala nga ang Pulong sa Kaalam [*Word of Wisdom*] gipadayag kanato, kay unsaon man sa usa ka hubog o adik ang pagkabati sa ingon niini nga tingog?)

“Usahay motandog kini og dyutay nga igong mokuha sa atong pagtagad. Pero sa kasagaran, kon kita dili mosanong sa malumo nga pagbati, ang Espiritu moatras ug mohulat hangtud nga kita magtinguha ug mamati ug moingon sa atong paagi ug pagpadayag, sama ni Samuel sa karaang panahon, ‘Sulti [Ginoo], kay ang imong sulogoon namati.’ (1 Sam. 3:10.)” (“The Candle of the Lord,” *Ensign*, Ene. 1983, 53).

Daghang mga tingog sa kalibutan karon nagkompetensyanay alang sa atong pagtagad, ug sayon ra kining motabon sa espirituhanong mga pagpadayag kon kita dili magbantay.

Kalihokan: Personal nga Pagtuon o Pagtuon Kauban ang Kompanyon

Tun-i ang mosunod nga talaan. Paghunahuna sa mga panahon nga ikaw nakasinati sa bisan hain niini nga mga pagbati, mga hunahuna, mga panahom [*impression*] nga gihulagway sa mga tudling sa ubos. Sa imong pagtuon ug pag-angkon og kasinatian, pagdugang og lain pa nga mga tudling niining lista. Paghunahuna kon unsaon nimo paggamit kini nga mga baruganan sa pagtabang sa uban nga makabati ug makaila sa Espiritu.

D&P 6:23; 11:12–14; Mga Taga-Roma 15:13; Mga Taga-Galacia 5:22–23	Mohatag sa mga pagbati sa gugma, hingpit nga kalipay, kalinaw, pailub, kaaghup [<i>meekness</i>], kalumo [<i>gentleness</i>], hugot nga pagtuo, ug paglaum.
D&P 8:2–3	Mohatag og mga ideya diha sa hunahuna, mga pagbati diha sa kasingkasing.
D&P 128:1	Mosulod sa hunahuna ug mo-impluwensya sa mga pagbati.
Joseph Smith—Kasaysayan 1:11–12	Motabang sa mga kasulatan nga adunay dako nga epekto.
D&P 9:8–9	Mohatag og maayo nga mga pagbati alang sa pagtudlo kon adunay butang nga tinuod.
Alma 32:28; D&P 6:14–15; 1 Mga Taga-Corinto 2:9–11	Molamdag sa hunahuna.
Alma 19:6	Mohulip sa kangitngit ang kahayag.
Mosiah 5:2–5	Molig-on sa tinguha sa paglikay sa dautan ug sa pagsunod sa mga kasugoan.
Juan 14:26	Motudlo sa kamatuoran ug mopahinumdom niini.
Juan 14:27	Mohatag sa malinawon ug haruhay nga mga pagbati.
Juan 16:13	Mogiya ngadto sa kamatuoran ug mopakita sa umaabot nga mga butang.
Moroni 10:5	Mopadayag sa kamatuoran.
D&P 45:57	Mogiya ug moprotektar gikan sa paglingla.
2 Nephi 31:18; D&P 20:27; Juan 16:14	Mohimaya ug mopamatuod mahitungod sa Dios Amahan ug kang Jesukristo.
D&P 42:16; 84:85; 100:5–8; Lucas 12:11–12	Mogiya sa mga pulong sa mapainubsanon nga mga magtutudlo.
Juan 16:8	Moila ug mokorihir sa sala.
Moroni 10:8–17; D&P 46:8–26; 1 Mga Taga-Corinto 12	Mohatag sa mga gasa sa Espiritu.
Alma 10:17; 12:3; 18:16, 20, 32, 35; D&P 63:41	Motabang sa pagsabot o pag-ila sa mga hunahuna sa uban.
D&P 46:30; 50:29–30	Mosulti kon unsay ampoan.
2 Nephi 32:1–5; D&P 28:15	Mosulti kon unsay buhaton.
1 Nephi 10:22; Alma 18:35	Motabang sa matarung nga mosulti uban sa gahum ug katungod.
D&P 21:9; 100:8; Juan 15:26	Mopamatuod sa kamatuoran.
2 Nephi 31:17; Alma 13:12; 3 Nephi 27:20	Mopabalaan ug modala og kapasayloan sa mga sala.
1 Nephi 2:16–17; 2 Nephi 33:1; Alma 24:8	Modala sa kamatuoran ngadto sa kasingkasing sa tigpaminaw.
1 Nephi 1:1–3; Exodo 31:3–5	Mopausbaw sa mga kahanas ug mga abilidad.
1 Nephi 7:15; 2 Nephi 28:1; 32:7; Alma 14:11; Mormon 3:16; Ether 12:2	Moduso (moawhag sa pagpadayon) o mohawid (mopugong).
D&P 50:13–22	Molig-on sa magtutudlo ug sa mga estudyante.
D&P 88:3; Juan 14:26	Mohatag og kahupayan.

Agig tubag sa pangutana, “Unsaon nato pag-ila ang mga pag-aghat sa Espiritu? ” Si Presidente Gordon B. Hinckley mibasa sa Moroni 7:13, 16–17 ug dayon miingon: “Mao kana ang pagsulay, labaw sa tanan. Nagdani ba kini sa tawo sa paghimo og maayo, sa pagbangon, sa pagbarug nga matarung, sa pagbuhat sa husto nga butang, sa pagbinuotan, sa pagmanggihatagon? Nan kini iya sa Espiritu sa Dios’ ...

“Kon kini nagdapit sa pagbuhat og maayo, kini iya sa Dios. Kon kini nagdapit sa pagbuhat og dautan, kini iya sa yawa’ ... Ug kon ikaw nagbuhat sa husto nga butang ug kon ikaw nagpuyo sa saktong paagi, imong mahibaloan sa imong kasingkasing kon unsay gisulti sa Espiritu kanimo.

“Imong maila ang mga pag-aghat sa Espiritu pinaagi sa mga bunga sa Espiritu—kanang makapalamdag, kanang makapalig-on, kanang unsay positibo ug maayo ug makapabayaw ug modala kanato ngadto sa mas maayo nga mga hunahuna ug mas maayo nga mga pulong ug mas maayo nga mga binuhatan iya kana sa Espiritu sa Dios” (*Teachings of Gordon B. Hinckley*, 260–61).

Ang Dios motubag sa imong mga pag-ampo pinaagi sa personal nga inspirasyon ug pagpadayag. Pinaagi sa Espiritu Santo Siya mogiya kanimo sa imong mga paningkamot sa pagpangita og katudloan, samtang ikaw magtudlo sa gipahiuli nga ebanghelyo, ug samtang ikaw molig-on sa dili kaayo aktibo nga mga miyembro ug bag-o nga mga kinabig. Ang imong buluhaton mao ang pagpuyo sa takus nga paagi, mag-ampo pag-ayo, ug magkat-on sa pag-ila ug pagsunod sa giya sa Espiritu sa maisugong paagi.

Pagsalig sa Espiritu

Isip sulugoon sa Ginoo, ikaw mohimo sa Iyang trabaho sa Iyang paagi ug pinaagi sa Iyang gahum. Adunay mga misyonaryo nga masaligon [*confident*] kaayo nga sila nasayud kon unsaon nga mamahimong malampuson. Ang uban kulang sa sama nga pagsalig. Hinoon, hinumdumi, nga ang imong pagsalig [*confidence*] ug pagtuo kinahanglan anaa diha kang Kristo, dili diha sa imong kaugalingon. Salig sa Espiritu imbis sa imong kaugalingong mga talento ug mga abilidad. Saligi ang Espiritu sa paggiya kanimo sa tanang aspeto sa imong trabaho. Si Propeta Joseph Smith mitudlo nga ang Espiritu sukaranan sa pagtudlo ug pagsangyaw:

“Walay tawo nga makasangyaw sa Ebanghelyo kon wala ang Espiritu Santo” (*History of the Church*, 2:477).

“Pipila ang gitawag ug gi-ordinahan pinaagi sa Espiritu sa pagpadayag ug panagna, ug nagsugod sa pagsangyaw samtang ang Espiritu naghatag kanila sa unsay isulti, ug bisan tuod kon huyang, apan nalig-on sila pinaagi sa gahum sa Dios” (*History of the Church*, 4:538).

“[Si Joseph Smith] mipadayon sa paghatag og instruksyon ngadto sa mga Elders mahitungod sa pagsangyaw sa Ebanghelyo, ug mipasabot pag-ayo kanila sa kaimportante sa pag-angkon sa Espiritu, aron mahimong mosangyaw sila uban sa Espiritu Santo nga gipadala gikan sa langit” (*History of the Church*, 4:13).

Panahon sa inyong sinemana ug inadlaw nga mga sesyon sa pagplano, magkinahanglan kang mangutana sa pipila ka sukaranang mga pangutana kada adlaw—gani kadaghan sa kada adlaw (tan-awa ang kahon sa Pagtuon sa Kasulatan nga nagsunod alang sa mga ehemplo sa mga pangutana). Pagtinguha og inspirasyon sa pagtubag niini nga mga pangutana sa paagi nga makatubag sa kada sitwasyon. Ang mga tubag kinahanglan gamiton inig himo nimo sa imong mga plano. Pero kinahanglan sab nga andam ka nga mosunod sa Espiritu ug mousab sa imong mga plano kon adunay motumaw nga wala damha nga mga kahigayunan.

Tun-i ang mosunod nga mga kasulatan ug hunahunaa kon sa unsang paagi kini motubag niining importante nga mga pangutana nga angay nimong ipangutana kada adlaw. Hunahunaa kon unsay gipasabut niini nga mga tudling [*passages*] alang sa imong mga paningkamot sa pagpangita og katudloan, sa mga sesyon sa pagplano, ug personal nga pagtuon ug pagtuon kauban ang kompanyon. Hunahunaa usab ang mga gipasabot niini samtang ikaw magtudlo sa mga leksyon, mangimbitar sa mga tawo sa paghimo og mga pasalig, ug mag*follow-up* sa mga pasalig, maglig-on sa bag-o nga mga miyembro ug dili kaayo aktibo nga mga miyembro, ug makigtambayayong [*work with*] sa mga miyembro.

Pagtuon sa Kasulatan

Asa man ko kinahanglan moadto?

Helaman 10:17	D&P 75:26–27
D&P 31:11	D&P 79:1–2

Unsa may kinahanglan nakong buhaton?

1 Nephi 4:6	D&P 28:15
2 Nephi 32:2–5	D&P 52:3–4

Unsay angay nakong isulti?

2 Nephi 33:1	D&P 33:8–10	Mateo 10:19–20
Alma 5:43–46	D&P 50:13–22	Marcos 13:11
Alma 11:22	D&P 68:1–4	1 Mga Taga Corinto 2:4–5, 12–13
Helaman 5:18	D&P 75:3–11	Exodo 4:10–12
Helaman 13:3–5	D&P 100:5–8	

Unsaon nako pagpahiangay sa akong pagtudlo ngadto sa mga panginahanglan sa akong mga investigator?

Alma 12:7	3 Nephi 17:2–3	D&P 84:85
Alma 41:1	D&P 71:1	

Unsa nga kasulatan ang angay nakong gamiton ug unsaon nako kini paggamit?

Mosiah 18:19–20	D&P 32:4	D&P 71:1
Mosiah 27:35	D&P 42:11–17	D&P 80:4
D&P 18:32–36	D&P 68:1–4	Lucas 24:13–32

Usa ka Pulong-Pahimangno

Samtang ikaw mag-ampo alang sa inspirasyon, kinahanglan usab nimong kumpirmahon ang imong mga gibati. Pananglitan, itandi ang imong mga desisyon sa mga kasulatan ug sa mga pagtulun-an sa buhing mga propeta. Siguroha nga ang mga gibati nahisubay sa buluhaton nimo; sama pananglitan, dili ka makadawat og pagpadayag [*revelation*] aron sultihan ang usa ka lokal nga bishop unsaon sa pagbuhat ang iyang *calling*. Hisguti ang imong mga desisyon ug mga konklusyon uban sa imong kompanyon, sa imong district leader, o sa imong mission president kon angayan.

Si Presidente Howard W. Hunter mitanyag niining mao nga tambag: “Tuguti ako nga motanyag og usa ka pulong-pahimangno ... para nako kon kita dili magbantay ... , mahimong magsugod kita sa pagmao-mao sa tinuod nga impluwensya sa Espiritu sa Ginoo pinaagi sa dili takus ug minao-mao nga mga paagi. Mabalaka ko kon morag ang kusganon nga pagbati o ang paghilak pag-ayo sabton nga anaa ang Espiritu. Tinuod ang Espiritu sa Ginoo makadala og kusganon nga emosyonal nga mga pagbati, lakip sa mga luha, pero kana nga pagpakita dili angayng kalibgan nga mao na kini mismo ang presensya sa Espiritu” (*The Teachings of Howard W. Hunter*, 184). Ang Espiritu sa Ginoo sa kanunay mopalig-on.

Ang pagpadayag [*revelation*] ug espirituhanon nga mga kasinatian sagrado. Kinahanglan kini nga himoong pribado ug hisgut lamang sa tukma nga mga sitwasyon. Isip usa ka misyonaryo, mahimong mas makasugat ikaw og espirituhanong mga kasinatian kaysa sa kaniadto sa sayo pa sa imong kinabuhi. Ayaw’g patintal sa pagbasta-basta paghisgut niini nga mga kasinatian.

Si Elder Boyd K. Packer mitambag: “Akong nakat-onan nga ang kusganon, impresibo nga espirituhanong mga kasinatian dili moabot kanato pirmi. Ug kon kini ugaling moabot, sa kinatibuk-an kini alang sa atong kaugalingong kalig-onan, panudlo, o pagkorihir. Gawas kon kita gitawag pinaagi sa tukma nga awtoridad sa pagbuhat sa ingon, kini dili magbutang kanato sa pagtambag o sa pagkorihir sa uban.

“Ako usab nga nahibaloan nga dili maayo ang padayon nga paghisgot-hisgot sa dili kasagaran nga espirituhanon nga mga kasinatian. Kini pagabantayan uban sa pag-amping ug ipaambit lamang kon ang espiritu mismo moaghat kanimo sa paggamit niini sa pagpanalangin sa uban” (*Ensign*, Ene. 1983, 53).

“Kon takus, kita adunay katungod sa pagdarwat og mga pagpadayag alang sa atong kaugalingon, ang mga ginikanan alang sa ilang mga anak, ug ang mga miyembro sa Simbahan alang sa ilang mga katungdanan. Apan ang katungod sa pagpadayag alang sa uban dili molapas sa atong kaugalingong ginsakopan.”

— PRESIDENTE JAMES E. FAUST
“COMMUNION WITH THE HOLY SPIRIT,”
ENSIGN, MAR. 2002, 4

Pagtuon sa Kasulatan

Ang pagsalig sa Espiritu mahinungdanon kaayo nga ang Ginoo kusganong nagpahimangno kanato pag-ayo sa dili paglimud o babagan ang Espiritu. Unsay makat-onan nimo gikan sa mosunod nga mga tudling sa kasulatan?

Jacob 6:8–9

Mormon 9:7–9

D&P 11:25–26

3 Nephi 29:5–6

Moroni 10:7–8

1 Mga Taga-Tesalonica 5:19–20

Hinumdami Kini

- Pag-ampo uban sa hugot nga pagtuo aron ang imong mga pag-ampo matubag.
- Pagkat-on sa pagsabot, pag-ila, ug sa pagsunod sa mga pag-aghat sa Espiritu.
- Pagkat-on sa pagsalig sa Espiritu nga tultulan ka kon asa moadto, kon unsay buhaton, ug kon unsay isulti.
- Tudloi ang uban unsaon pag-ila ang Espiritu.

Mga Ideya sa Pagtuon ug Paggamit

Personal nga Pagtuon

- Irekord ang imong espirituhanon nga mga kasinatian diha sa imong journal. Pananglitan, tubag sa mga pangutana sama sa: Aduna ba ko'y mas nasabtan samtang ako nagtuon sa mga kasulatan? Aduna ba ko'y dili kasagaran nga mga kahigayunan nga makahimamat og mga tawo nga mahimo nakong mapaambitan og mensahe? Nahatagan ba ko og mga pulong nga ikasulti sa higayon nga gikinahanglan ko kini? Aduna ba ko'y kusganon nga mga pagbati sa paghigugma alang sa mga tawo nga akong nahimamat? Sa unsang paagi ang akong mga pag-ampo natubag?
- Bahina ang usa ka pahina ngadto sa duha ka mga kolum. Labeli ang usa ka kolum og “Unsay Gibuhat sa Ginoo” ug ang usa ka kolum “Unsay Gibuhat ni Lehi o ni Nephi.” Basaha ang istorya mahitungod sa Liahona ug ang nabali nga gapasan sa pana [*broken bow*] (1 Nephi 16:9–30) o ang istorya mahitungod ni Nephi nga naghimo og barko (1 Nephi 17:7–16; 18:1–6). Samtang ikaw magbasa, ilista ang mga panghitabo sa istorya diha sa tukma nga mga kolum. Hunahunaa unsay matudlo sa mao nga istorya kanimo kabahin sa matang sa inspirasyon.
- Basa-basaha ang imong journal ug pangita og mga higayon kon ikaw maaghat sa Espiritu o makasinati og pagpadayag o lain nga gasa sa Espiritu. Hunahunaa kon kanus-a, asa, ug ngano nga nahitabo kini nga mga kasinatian. Naa ba kay gihimo aron maandam ang imong kaugalingon alang sa mao nga kasinatian? Sa unsang paagi nga ang kamot sa Ginoo mipakita niana nga kasinatian? Unsay imong gibati? Unsay imong mahimo aron makaangkon og susama nga mga kasinatian? Ang paghinumdum niini nga mga kasinatian makatabang kanimo sa pag-ila ug pagdawat sa Espiritu pag-usab.
- Ang basahon sa Mga Buhat [*Acts*] sa Biblia gitawag og ang “Ang Basahon sa Mga Buhat sa Espiritu Santo pinaagi sa mga Apostoles.” Basaha ang mga ulohan sa kapitulo [*chapter heading*] sa basahon sa Mga Buhat ug i-eksplikar kon nganong kini nga ulohan tukma. Pangita og ebidensya sa pagpangatarungan sa imong eksplanasyon.
- Tun-i ug pamalandongi ang mosunod nga tambag. Unsa may kalabutan niini sa imong inadlaw-adlaw nga mga kalihokan sa pagproselayt?

“Sultihi ang mga kaigsoonan nga magmapainubsanon ug magmatinud-anon ug siguroha ang paghupot sa Espiritu sa Ginoo, nga kini modala kanila sa sakto nga dalan. Pagbantay ug ayaw isalikway ang hinay, hinagawhaw nga tingog; kini motudlo kanila sa unsay buhaton ug kon asa moadto; kini moresulta sa mga bunga sa gingharian. Sultihi ang mga kaigsoonan sa pagpabilin sa ilang kasingkasing nga abli para sa hugot gayud nga pagtuo, aron nga kon moabot kanila ang Espiritu Santo ang ilang mga kasingkasing maadam nga modawat niini. Ilang mailhan ang Espiritu sa Ginoo gikan sa ubang mga espiritu—kini mohunghong og kalinaw ug hingpit nga kalipay sa ilang mga kalag; mokuha kini sa malisya, sa kasilag, panagbingkil ug sa tanang dautan gikan sa ilang mga kasingkasing, ug ang ila rang tinguhaon mao ang paghimo og maayo” (gikutlo sa *Juvenile Instructor*, 19 Hulyo 1873, 114).

Si Propeta Joseph Smith mihatag niini nga tambag ngadto kang Brigham Young diha sa usa ka damgo hapit mga tulo ka tuig human sa pagkamatay ni Joseph Smith. Kon ikaw pa ang anaa sa lugar ni Brigham Young ug nakadawat niini nga tambag, unsa may imong buhaton?
- Tun-i ang Alma 33:1–12; 34:17–29, 38. Unsa nga mga pangutana ang gitubag ni Alma? (Ribyuha ang Alma 33:1–2.) Giunsa pagtubag ni Alma kini nga mga pangutana? Unsa nga mga kasiguroan ang iyang gihatag nga ang Dios mamati ug motubag sa mga pag-ampo?

Mubo nga mga Sulat

- Ang Ginoo misaad nga ang Espiritu mogiya kanato sa daghang mahinungdanon nga mga paagi. Sa imong pagbasa sa mosunod nga mga tudling, ilha ang mga aspeto sa imong trabaho nga nagkinahanglan sa giya sa Espiritu. Unsay gipasabot sa mga kasugoan ug mga saad nga anaa sa mosunod nga mga kasulatan alang sa imong personal nga pagtuon ug pagtuon kauban ang kompanyon? Alang sa mga district meeting, mga zone conference, mga tulumanon sa bunyag, ug uban pa nga mga meeting?

Pag-ampo

3 Nephi 19:24 D&P 50:30
D&P 46:30 Mga Taga-Roma 8:26

Pagpahigayon og mga miting

Moroni 6:9 D&P 20:45 D&P 46:2

Pagsulat

D&P 9:9 D&P 47:4 D&P 124:4
D&P 24:6 D&P 104:81 Moises 6:6

- Basaha ang mosunod nga mga tudling sa kasulatan (lakip na ang mga ulohan niini nga mga seksyon).

D&P 60:1–5 D&P 61:1–4, 21–22 D&P 62:4–8

Niini nga asoy, unsa ang importante kaayo sa Ginoo?

Unsa ang dili importante sa Ginoo?

Hunahunaa ang mosunod nga pamahayag ni Elder Dallin H. Oaks:

“[Ang usa ka tawo mahimong adunay] kusganon nga tinguha nga magiyahan sa Espiritu sa Ginoo pero ... dili maalamon nga mopadako niana nga tinguha sa punto nga gusto nalang magiyahan sa *tanang* mga butang. Ang usa ka tinguha nga magiyahan sa Ginoo usa ka kusog, pero nagkinahanglan kini nga maubanan sa usa ka pagsabot nga ang atong Amahan sa Langit nagbilin og daghang mga desisyon alang sa atong personal nga pagpili. Ang personal nga paghimo og desisyon usa sa mga tinubdan sa pagtubo nga angay natong agian niining kinabuhi sa yuta. Ang mga tawo nga mosulay sa pagpasa sa tanang paghimo og desisyon ngadto sa Ginoo ug mangamuyo alang sa pagpadayag sa kada pagpili sa dili madugay makakita og mga kahigayunan nga sila mag-ampo alang sa giya ug dili makadawat niini. Sama pananglitan, may dakong purohan nga kini mahitabo diha sa daghang mga sitwasyon diin ang pagpili dili kaayo importante o mahimo ra bisan unsa ang ilang pilion.

“Kinahanglan nga tun-an gayud nato ang mga butang diha sa atong mga hunahuna, ginamit ang mga gahum sa pagpangatarungan nga gihatag sa Tiglalang kanato. Unya kinahanglan kita nga mag-ampo alang sa giya ug lihokon kini kon madawat nato kini. Kon dili kita makadawat og giya, kinahanglan molihok kita sumala sa atong pinakamaayong nahibaloan. Ang mga tawo nga magpadayon sa pagpangita og giya pinaagi sa pagpadayag mahitungod sa mga hilisgutan nga ang Ginoo wala mopili sa pagmando kanato mahimong mohimo-himo og tubag sa ilang kaugalingong pantasya o hilig, o mahimo ganing makadawat sila og tubag pinaagi sa sayop nga pagpadayag” (“Our Strengths Can Become Our Downfall,” *Ensign*, Okt. 1994, 13–14).

Unsa ang relasyon tali sa pagsunod sa imong kaugalingong paghukom ug sa pagsalig sa Espiritu?

Pagtuon kauban ang Kompanyon

- Paghisgot kabahin sa mga pag-ampo nga inyong ihatag isip mga managkauban. Giniyahan ba kini sa Espiritu Santo? Nakadawat ba kamo og mga tubag sa inyong mga pag-ampo? Kon kamo mag-ampo isip mga kompanyon o managkauban, mo:
 - Tuo ba kamo nga ang Dios mohatag kaninyo sa unsay inyong gipangayo diha sa pagkamatarung?
 - Ila ug mopasalamat ba kamo alang sa mga tubag sa inyong mga pag-ampo?
 - Ampo ba kamo alang sa mga tawo pinaagi sa paghingalan ug mokonsiderar sa ilang mga panginahanglan?
 - Ampo ba kamo sa usag-usa ug alang sa Espiritu sa paggiya kaninyo?
 - Dawat sa mga tubag sa inyong mga pag-ampo?

Hisguti isip mga managkauban o kompanyon kon unsaon pa ninyo pag-angkon sa Espiritu sa makugihon nga paagi.

- Hisguti ang lain-laing mga paagi nga ang mga tawo mohulagway sa impluwensya sa Espiritu Santo. Isulat ang mga komentaryo sa mga investigator kabahin sa ilang mga kasinatian uban sa Espiritu sa pagkat-on sa ebanghelyo ug sa pagsulay sa pagtuman sa mga pasalig. Unsaon nimo pagtabang sa uban nga makaila niining sagrado nga impluwensya? Unsaon nimo paglikay nga dili mamugos samtang buhaton nimo kini?
- Hunahunaa ug hisguti kon sa unsang paagi ang mosunod nga tambag magamit nimo: “Dili ka makapamugos sa espirituhanon nga mga butang. Ang mga pulong sama sa *pagpilit [compel]*, *pagpamugos [coerce]*, *paglugos [constrain]*, *pagpiit [pressure]*, *pagsukna [demand]*, wala maghulagway sa atong mga pribilehiyo uban sa Espiritu. Dili ka makapugos sa Espiritu sa pagtubag, ingon nga dili ka makapugos sa liso sa pagturok, o sa itlog sa pagpusa sa dili pa ang iyang panahon. Mahimo kang makabuhat og kahimtang sa pagdasig sa pagtubo, pag-amuma, ug sa pagpanalipud; apan dili ka makapugos o makapilit: kinahanglan kang maghulat sa pagtubo” (Boyd K. Packer, “The Candle of the Lord,” *Ensign*, Ene. 1983, 53).
- Hisguti ang mosunod nga mga pamahayag ug kon sa unsang paagi kini nga mga baruganan makapausab sa inyong mga pag-ampo ug sa inyong trabaho. Sa unsang paagi ang inyong mga pag-ampo maka-impluwensya sa inyong pagplano, paghimo og mga tumong, trabaho, ug sa mga kalihokan sa matag adlaw?

“Ang atong mga lihok, sa kinatibuk-an, mga resulta sa atong mga pag-ampo. Human sa pag-ampo, kita molihok; ang atong tukma nga mga pangamuyo anaay epekto sa pagdagan sa matarung nga dalan nga atong agian” (Bruce R. McConkie, “Why the Lord Ordained Prayer,” *Ensign*, Ene. 1976, 12).

“Ang sinsero nga pag-ampo nagpasabot nga kon kita mangayo og bisan unsa nga panalangin o hiyas kinahanglan trabahoan nato ang panalangin ug ugmaron ang hiyas” (David O. McKay, *Secrets of a Happy Life*, 114–15).

“Hangyoa [ang Dios] sa pagbutang kanimo asa siya buot nga ikaw maadto, ug sa pagsulti kanimo sa unsay buot niyang buhaton nimo, ug sa pagbati nga ikaw andam sa pagbuhat niini” (Brigham Young, *Discourses of Brigham Young*, pin. John A. Widtsoe [1954], 46).

Mga District Meeting ug Mga Zone Conference

- Hatag og leksyon mahitungod sa paggamit sa husto ug matinahunon nga pinulongan sa pag-ampo.

Mubo nga mga Sulat

- Kon angayan, pa-istoryaha ang mga misyonaryo og usa ka istorya o kasinatian nga ilang nadunggan sa dili pa lang dugay nga miting sa pagpamatuod [*testimony meeting*], kasinatian sa pagtudlo, o sa uban pa nga mga sitwasyon. Ang espirituhanong mga istorya ug mga kasinatian nga gisulti sa ubang mga tawo makatabang kanimo sa pagpalambo og hugot nga pagtuo ug makaila nga ang impluwensya sa Espiritu halapad ug kanunay gayud nga makita.
- Pagpasalamat alang sa mga pagpakita sa tabang sa Ginoo diha sa inyong trabaho (tan-awa ang D&P 59:21). Hisguti kon sa unsang paagi ang pagpasalamat makatabang kaninyo nga makakita sa gagmay apan mahinungdanon kaayo nga mga paagi diin ang Ginoo nagpanalangin kaninyo (tan-awa sa Ether 3:5).
- Hangyoa ang mga misyonaryo sa paghatag og pakigpulong mahitungod sa misyon ug gahum sa Espiritu Santo.
- Hangyoa ang bag-o lang na miyembro sa pagpakigpulong mahitungod sa unsang paagi siya naimpluwensya sa Espiritu isip usa ka investigator.

Mission President

- Panagsa hangyoa ang mga misyonaryo sa paglakip sa tukma nga espirituhanon nga mga kasinatian diha sa ilang sinemana nga sulat kanimo.
- Sa mga interbyu, panagsahi sa pagpangutana ang mga misyonaryo kabahin sa ilang buntagon ug panggabii nga mga pag-ampo. Pangutan-a sila kon para nila ang ilang mga pag-ampo makahuluganon ba.
- Pangutan-a ang mga misyonaryo kon giunsa nila pagtabang ang mga investigator nga makabati ug makaila sa Espiritu.
- Kon angayan, isaysay sa mga misyonaryo kon giunsa nimo pagdawat og pagpa-dayag mahitungod sa mga pagbalhin sa mga misyonaryo, sa mga misyonaryo nga masinupakon o nagkinahanglan og tabang, ug mga doktrina nga itudlo.

Mubo nga mga Sulat

A large, vertically-oriented rectangular area with rounded corners, filled with horizontal lines, intended for writing.



Unsa ang Papel [*Role*] sa Basahon ni Mormon?

Mubo nga mga sulat

Konsideraha Kini

- Sa unsang paagiha nga ang Basahon ni Mormon maoy tukurang bato [*keystone*] sa atong relihiyon?
- Sa unsang paagiha nga ang Basahon ni Mormon makatubag sa importanting mga pangutana sa tawo?
- Ngano nga ang Basahon ni Mormon dako kaayog ikatabang sa proseso sa pagkakabig [*conversion*]?
- Unsaon nako paggamit ang Basahon ni Mormon nga makapalig-on sa pagtuo ug makatabang sa uban nga mahiduol sa Dios?
- Ngano man nga ang saad nga anaa sa Moroni 10:3–5 importante sa buhat sa misyonaryo?


Ang Basahon ni Mormon maoy gamhanang ebidensya sa pagkabalaan ni Kristo. Usa usab kini ka pruweba sa Pagpahiuli pinaagi ni Propeta Joseph Smith. Usa ka importanting bahin sa pagkakabig mao ang pagdawat og saksi gikan sa Espiritu Santo nga ang Basahon ni Mormon tinuod. Isip usa ka misyonaryo, kinahanglan nga ikaw mismo makaangkon og personal nga pagpamatuod nga ang Basahon ni Mormon tinuod. Kini nga pagpamatuod maoy makahatag og lig-on ug tiunay nga pagtuo sa gahum sa Basahon ni Mormon sa panahon sa proseso sa pagkakabig. Pagmasaligon nga ang Espiritu Santo mopamatuod ngadto ni bisan kinsa nga mobasa ug mamalandong sa Basahon ni Mormon ug mangutana sa Dios sa kinasingkasing, sa tinuod nga katuyoan ug hugot nga pagtuo kang Kristo kon kini tinuod ba. Kini nga pagsaksi sa Espiritu Santo kinahanglang mao ang importanting tumong sa inyong pagtudlo.

Mubo nga mga sulat

Ang Basahon ni Mormon Mao ang Tukurang Bato sa Atong Relihiyon


Mitudlo si Propeta Joseph Smith nga ang Basahon ni Mormon mao ang “tukurang bato sa atong relihiyon” (pasiuna sa Basahon ni Mormon). Sa laing okasyon mipahayag siya: “Tangtanga ang Basahon ni Mormon ug ang mga pagpadayag, ug asa na ang atong relihiyon? Wala na kitay relihiyon” (*History of the Church*, 2:52).

Ang usa ka arko usa ka lig-on nga estruktura sa arkitektura nga hinimo nga may pagkatrayanggulo ang porma nga mga piraso nga nagkatakdo sa usag usa. Ang tunga-tungang piraso, o ang tukurang bato, sa kasagaran mas dako sa ubang mga trayanggulo ug maoy makapalig-on sa ubang mga bato. Sa dihang si Joseph Smith mitawag sa Basahon ni Mormon nga “ang tukurang bato sa atong relihiyon,” mitudlo siya nga ang Basahon ni Mormon maoy nakapalig-on sa atong relihiyon. Si Presidente Ezra Taft Benson miingon nga ang Basahon ni Mormon mao ang tukurang bato sa tulo ka mga paagi.



Saksi ni Kristo. “Ang Basahon ni Mormon mao ang tukurang bato sa atong pagsaksi ni Jesukristo, kinsa Mismo mao ang tukurang bato sa tanan nga atong gibuhay. Nagsaksi kini sa Iyang pagkatinuod uban sa gahum ug ka klaro.”

Kahingpitan sa doktrina. “Ang Ginoo Mismo mipahayag nga sa Basahon ni Mormon anaa ang ‘kahingpitan sa ebanghelyo ni Jesukristo.’ (D&P 20:9.) ... Sa Basahon ni Mormon atong makita ang kahingpitan niadtong mga doktrina nga gikinahanglan sa atong kaluwasan. Ug gitudlo kini sa yano ug sa simplol nga paagi aron nga bisan ang mga bata makakat-on sa mga pamaagi sa kaluwasan ug kahimayaan.”



Pundasyon sa pagpamatuod. “Sama sa arko nga maguba kon kuhaon ang tukurang bato, mao usab ang Simbahan mobarug o mapukan uban sa katinuod sa Basahon ni Mormon. Ang mga kontra sa Simbahan nakasabut kaayo niini. Mao nga naningkamot gayud sila pag-ayo sa pagtuis sa Basahon ni Mormon, kay kon kini madaot, apil niini si Propeta Joseph Smith. Mao usab ang atong pag-angkon sa mga yawe sa priesthood, ug sa pagpadayag, ug sa gipahiuli nga Simbahan. Pero sa samang paagi, kon ang Basahon ni Mormon tinuod—ug minilyon na karon ang nakapamatuod nga nakasaksi sila sa Espiritu nga tinuod gayud kini—nan kinahanglang dawaton ang giangkong sa Pagpahiuli ug ang tanan nga nahiuban niini” (*A Witness and a Warning* [1988], 18–19).

Ang Basahon ni Mormon, inubanan sa Espiritu, mao ang inyong pinakagamhanan nga kapanguhaan sa pagkakabig. Mao kini ang pinakasakto nga basahon sa yuta (tan-awa sa pasiuna sa Basahon ni Mormon). Klaro kining nagtudlo sa doktrina ni Kristo, ilabi na sa mga leksyon nga inyong itudlo sa mga investigator. Gamita kini isip inyong unang kapanguhaan alang sa pagtudlo sa gipahiuli nga ebanghelyo. Ang mosunod nga mga ehemplo sa mga kamatuoran klarong gitudlo diha sa Basahon ni Mormon nga inyong itudlo sa mga investigator.

Leksyon sa Misyonaryo	Mga Doktrina	Mga Pakisayran [References]
Ang Mensahe sa Pagpahiuli sa Ebanghelyo ni Jesukristo	Apostasiya, Pagpahiuli, Joseph Smith, awtoridad sa priesthood	1 Nephi 12–14 2 Nephi 3; 26–29 Mosiah 18
Ang Plano sa Kaluwasan	Ang “mahinungdanon nga plano sa Dios sa kahangturan,” lakip na ang Pagkapukan ni Adan, sa Pag-ula, sa Pagkabanhaw, ug sa Paghukom	2 Nephi 2; 9 Mosiah 3; 15 Alma 12; 40–42
Ang Ebanghelyo ni Jesukristo	Pagtuo kang Kristo, paghinulsol, bunyag, ang gasa sa Espiritu Santo, ug ang paglahutay hangtud sa katapusan	2 Nephi 31–32 3 Nephi 11; 27
Ang mga Kasugoan, mga Balaod ug mga Ordinansa	Mga ordinansa sama sa bunyag, kumpirmasyon, ordinasyon sa priesthood, ug ang sakramento	3 Nephi 11:22–28; 18 Moroni 2–6

Kalihokan: Personal nga Pagtuon

Isulat ang mga tubag sa mosunod nga mga pangutana sa inyong journal sa pagtuon:

- Sa unsang paagiha nga ang inyong pagtuon sa Basahon ni Mormon makaimpluwensya sa inyong pagpamatuod ni Jesukristo?
- Unsaon ninyo paggamit ang Basahon ni Mormon aron makatabang sa pagpalig-on sa pagpamatuod sa uban?

Pagtuon sa Kasulatan

Unsay gisulti sa Manluluwas mahitungod sa Basahon ni Mormon?

D&P 1:29

D&P 3:19–20

D&P 17:6

D&P 19:26–27

D&P 20:5–16

D&P 33:16

D&P 42:12

Moises 7:62



Litrato sa maayong katubut-on C. Harrison Conroy Co., Inc. Ayaw kopyaha.

Ang Basahon ni Mormon Nagpamatuod ni Kristo

Ang importanting katuyoan sa Basahon ni Mormon mao ang pagkombinser sa tanang mga tawo nga si Jesus mao ang Kristo (tan-awa sa ulohan nga pahina sa Basahon ni Mormon). Nagpamatuod kini ni Kristo pinaagi sa paghimatuod sa Iyang kinabuhi, misyon, ug gahum. Nagtudlo kini sa tinuod nga doktrina mahitungod sa Pag-ula—ang pundasyon sa plano sa kaluwasan. Daghan niadtong mga tawo kansang mga sinulat napreserbar diha sa Basahon ni Mormon personal nga nakakita ni Kristo. Ang igsoong lalaki ni Jared, Nephi, ug Jacob nakakita sa wala pa matawo dinhi sa yuta nga Kristo. Si Mormon ug si Moroni

nakakita sa nabanhaw nga Kristo. Dugang niini, pundok sa mga katawhan mitambong sa mubo pero gamhanan nga pagpangalagad sa Manluluwas diha sa mga Nephite (tan-awa sa 3 Nephi 11–28). Kadtong gamay o walay nahibaloan mahitungod sa Manluluwas makaila Kaniya pinaagi sa pagbasa, pagpamalandong, ug pag-ampo mahitungod sa Basahon ni Mormon.

Ang pagpamatuod sa Basahon ni Mormon nagkumpirmar sa pagpamatuod sa Biblia nga si Jesus mao ang Bugtong Anak sa Dios ug ang Manluluwas sa kalibutan. Samtang inyong itudlo ang kahingpitan sa ebanghelyo ni Jesukristo, inyong ipamatuod pirme ang mahitungod sa Manluluwas ug Manunubos sa kalibutan. Pinaagi sa gahum sa Espiritu Santo, inyong idugang ang inyong buhing saksi sa kamatuoran niini nga mensahe.

Pagtuon sa Kasulatan

Unsa ang gihatag nga mga rason sa mga propeta sa Basahon ni Mormon sa pagsulat sa ilang mga rekord?

1 Nephi 6:4–6	2 Nephi 33:13–15	Mga Pulong ni Mormon 1:3–8
1 Nephi 9:3–5	Jacob 1:4–7	Alma 37:2, 14
2 Nephi 4:15–16	Jacob 4:1–6, 12	3 Nephi 5:14–15
2 Nephi 25:23–29	Enos 1:13	Mormon 8:35
2 Nephi 26:15–16	Jarom 1:2	D&P 3:16–20
2 Nephi 29:11–14	Omni 1:25–26	D&P 10:46–48

Ang Basahon ni Mormon ug ang Biblia Nagsuporta sa Usag Usa

Ang pagtuo sa mga tawo bahin sa Biblia nagkalahilahi. Ang uban nagtuo nga ang Biblia perpekto gayud, nga wala nay sayop, ug nga mao kini ang tanan natong gikinahanglan aron maluwas. Ang uban nagtuo nga ang Biblia usa ka literatura nga nindot tun-an, pero naglimud sila nga kini ebidensya sa kabalaan ni Kristo ug sa mga milagro o pagpadayag nga gikan sa Dios. Ang uban mobaliwala lang sa Biblia, ug ang uban wala gyud makakita sa Biblia o wala makahigayon sa pagbasa niini.

Ang mga Santos sa Ulahing mga Adlaw “nagtuo sa Biblia nga pulong sa Dios kon kini tukma nga pagkahubad” (Mga artikulo sa Hugot nga Pagtuo 1:8). Wala makigkompetensya sa Biblia, ang Basahon ni Mormon nagsuporta niini, nag-awhag nato sa pagbasa niini, ug nagpamatuod sa katinuod sa mensahe niini. Kinahanglang gamiton ninyo ang Basahon ni Mormon ug ang Biblia sa pagsuporta sa usag usa.

Ang Basahon ni Mormon naghisgot sa karaang mga pakigsaad nga gihimo sa Dios uban sa Iyang mga anak; ang Biblia naghisgot sa bantugang mga propeta kinsa nakadawat niini nga mga pakigsaad pinaagi sa pagtuo. Ang Basahon ni Mormon nagpamatuod ni Kristo ug sa Iyang Pag-ula; ang Biblia naghatag og asoy sa Iyang pagkatawo, pangalagad, kamatayon, Pag-ula, ug Pagkabanhaw. Sa ingon, ang Biblia ug ang Basahon ni Mormon nagkomplemento ug nagtinabangay sa usag usa.

Ang LDS nga Iningles nga edisyon sa King James Version nga Biblia ug ang Basahon ni Mormon adunay gitandi nga mga pakisayran [*cross reference*] ug mga tabang sa pagtuon nga maoy nakapahimo sa sungkod ni Judah (ang Biblia) ug ang sungkod ni Joseph (ang Basahon ni Mormon) usa sa atong mga kamot (tan-awa sa Ezequiel 37:15–17; tan-awa usab sa 1 Nephi 13:34–41; 2 Nephi 3:12; 29:8). Hatagig prayoridad ang mga tudling sa Basahon ni Mormon kon kamo motudlo, pero ipakita usab kon sa unsa nga paagi nga ang Basahon ni Mormon ug ang Biblia nagtudlo og pareho nga mga baruganan.

Gamita ang Basahon ni Mormon sa pagpatin-aw ug pagpasabut sa mga tudling sa Biblia. Sama pananglit, ang Bag-ong Tugon nag-ingon nga si Kristo gibunyagan aron sa “pagtuman sa tanang pagkamatarung” (Mateo 3:14–15). Ang Basahon ni Mormon mipasabut unsay gipasabut sa pagtuman sa tanang pagkamatarung (tan-awa sa 2 Nephi 31:5–9).

Kon inyong gamiton ang Basahon ni Mormon ug ang Biblia isip kompanyon nga mga basahon sa kasulatan, kini makapaundang sa panagbingkil ug makakorihir sa sayop nga mga doktrina (tan-awa sa 2 Nephi 3:12).

Ang Biblia nagtudlo sa mosunod mahitungod sa balaod sa mga saksi: “Ang bisan unsa nga sumbong kinahanglan paluyohan sa pagpanghimatuod sa duha o tulo ka mga saksi” (2 Mga Taga-Corinto 13:1). Sa pagsunod niini nga balaod, ang Basahon ni Mormon ug ang Biblia nagpamatuod ni Jesukristo.

Kalihokan: Personal o Kompanyon nga Pagtuon

Pangitaa ang mga *cross reference* sa mosunod nga mga hilisgutan diha sa Basahon ni Mormon ug sa Biblia. Mga ehemplo gihatag sa sulod sa parenthesis sunod sa kada hilisgutan. Idugang ang imohang mga tudling ug mga hilisgutan.

- Mga propeta (Amos 3:7 ug Jacob 4:4–6)
- Apostasya (2 Timoteo 4:3–4 ug 2 Nephi 28)
- Pagpahiuli (Mga Buhat 3:19–21 ug 1 Nephi 13:34–42)
- Mga Anak sa Dios (Mga Buhat 17:29 ug 1 Nephi 17:36)

Pagtuon sa Kasulatan

Unsay gisulti sa Biblia mahitungod sa Basahon ni Mormon?

Juan 10:16

Ezequiel 37:15–17

Giya ngadto sa mga Kasulatan, “Ephraim,” ikaduhang ulohan [*subheading*]:
Ang Sungkod ni Ephraim o Joseph

Isaias 29:4, 11–18

Unsay gisulti sa Basahon ni Mormon mahitungod sa Biblia?

1 Nephi 13:20–29, 40–41

3 Nephi 23:1

Mormon 7:8–9

2 Nephi 29:3–14

Sa unsang mga paagi nga ang duha ka mga basahon mga testamento ni Kristo?

2 Nephi 29:8

Juan 20:31

Mga Buhat 10:43

Ang Basahon ni Mormon Makatubag sa mga Pangutana sa Tawo


Si Presidente Ezra Taft Benson miingon nga ang mga misyonaryo “kinahanglang mopakita kon sa unsang paagi nga [ang Basahon ni Mormon] makatubag sa daghang mga pangutana sa tawo” (“Flooding the Earth with the Book of Mormon,” *Ensign*, Nob. 1988, 5).

“Ang daghang mga pangutana sa tawo” maglakip sa mga pangutana sama niini: Aduna ba gayuy Dios? Diha na ba ako sa wala pa ako matawo? Mabuhi pa ba ako human ako mamatay? Unsa ang katuyoan sa kinabuhi? Si Jesus ba gayud ang Manluluwas?

Mubo nga mga sulat

Ubang mga pangutana tingali mopokus sa temporal nga mga panginahanglan: Unsaon nako pagpalambo ang akong relasyon sa akong kapikas? Unsaon nako pagtabang ang akong mga tin-edyer nga makalikay sa mga drugas o imoralidad? Unsaon pagpangita og trabaho aron sa pagsuporta sa akong pamilya?

Ang ebanghelyo ni Jesukristo makatabang nato nga matubag ang duha ka mga klase sa pangutana. Kon makaangkon na kita og hugot nga pagtuo nga ang Basahon ni Mormon tinuod, makatubag kita sa mga pangutana mahitungod sa katuyoan sa kinabuhi ug sa pangandoy sa kinabuhing dayon. Ang Basahon ni Mormon naghulagway sa plano sa kalipay, nga nakahatag og kahulugan ug pangandoy sa kinabuhi. Mga tubag sa mga pangutana sama sa mosunod klarong gitudlo diha sa Basahon ni Mormon.



- Aduna bay Dios? (Alma 22)
- Unsay gilauman ni Jesukristo kanako? (2 Nephi 9)
- Sa unsang paagiha nga ang pagtuo kang Jesukristo makatabang kanako? (Alma 36)
- Aduna bay kinabuhi human sa kamatayon? (Alma 40)
- Unsay katuyoan sa kinabuhi? (Alma 34)
- Ngano nga ang Dios mitugot nga mahitabo ang dautan ug pag-antus? (2 Nephi 2; Alma 14:9–11; 60:13)
- Ang ako bang anak nga masuso kinahanglang bunyagan? (Moroni 8)
- Nakaila ba ang Dios kanako? (Alma 5:38, 58)
- Motubag ba ang Dios sa mga pag-ampo? (Enos 1)
- Sa unsang paagi nga ako makakita sa kalinaw ug kalipay? (Mosiah 2, 4)
- Sa unsa nga paagi nga ang akong pamilya mas magmalipayon ug magkahiusa? (Mosiah 2)
- Unsaon man nako pagbalanse ang akong pamilya ug trabaho? (3 Nephi 13)
- Unsaon nako pagpalig-on ang akong relasyon sa akong kapikas? (3 Nephi 14)
- Unsaon nako paglikay sa mga dautan nga naghulga sa akong pamilya? (Alma 39)
- Sa unsa nga paagi nga ako makalikay sa sala? (Helaman 5)

Kon mobasa kita sa Basahon ni Mormon uban sa giya sa Espiritu, makatabang kini nato nga matubag ang personal nga mga pangutana. Nagtudlo kini nato nga ang pag-ampo ug pagpadayag mao ang yawe sa pagsulbad sa piho nga mga problema. Makatabang kini nato nga makabaton og pagtuo nga ang Dios motubag sa atong mga pag-ampo.

Ang Basahon ni Mormon makatabang usab nato sa pagsabot nga ang mga sugo sa Dios dili listahan sa mga buhatonon ug sa dili buhatonon pero kini usa ka giya sa malipayon, abunda nga kinabuhi. Kon makasabot na kita nga ang unang mga baruganan ug mga ordinansa sa ebanghelyo mao ang paagi ngadto sa abunda nga kinabuhi, makahibalo kita nga kini nga mga baruganan makatabang sa pagtubag sa bisan unsang pangutana ug makahatag sa bisan unsang panginahanglan. Sama pananglit, atong nasabtan nga ang paghinulsol, pagpasaylo, ug pakigsaad importante sa pagpalambo og relasyon uban sa atong mga kapikas. Atong makita nga ang pagtuo diha ni Kristo, pagdawat ug pagtuman sa mga pakigsaad, ug sa pagsunod sa mga pag-aghat sa Espiritu makatabang sa mga tin-edyer nga makalikay sa gamhanang mga tintasyon nga naglibot kanila.

Hapit tanang pangutana o panginahanglan matubag sa ebanghelyo. Mao nga kinahanglan nga kamo “motudlo sa mga baruganan sa akong ebanghelyo, nga anaa sa Biblia ug sa Basahon ni Mormon, diin anaa ang kahingpitan sa ebanghelyo” (D&P 42:12).

Kalihokan: Personal o Kompanyon nga Pagtuon

Paghimog lista sa pipila sa “daghang mga pangutana sa tawo” nga gipangutana sa investigator. Pangita og mga bersikulo diha sa Basahon ni Mormon nga makatubag niining mga pangutanaha, ug gamita kini sa inyong pagtudlo.

“Sa usa ka kalibutan nga makuyaw kaayo ... ang Basahon ni Mormon: Lain nga Tugon ni Jesukristo adunay makapalig-on nga gahum sa pag-ayo sa gigutom nga mga espiritu sa kalibutan.”

– PRESIDENTE BOYD K. PACKER
“ANG BASAHON NI MORMON: LAIN NGA TUGON
NI JESUKRISTO,” *ENSIIGN*, NOB. 2001, 64

Ang Basahon ni Mormon Makapaduol sa mga Tawo ngadto sa Dios

Mahitungod sa Basahon ni Mormon, si Propeta Propeta Joseph Smith miingon nga “ang tawo labing mahiduol sa Dios pinaagi sa pagsunod sa iyang mga lagda, kay sa bisan hain nga basahon” (pasiuna ngadto sa Basahon ni Mormon). Ang Basahon ni Mormon maoy makahatag og pagpamatuod ug personal nga pagpadayag. Gamita ang Basahon ni Mormon sa pagtabang sa mga tawo nga makaangkon og espirituhanong mga kasinatian, ilabi na ang saksi gikan sa Espiritu Santo nga ang basahon mismo tinuod. Pinaagi sa kanunay nga pag-imbatar sa mga tawo sa pagsunod sa mga baruganan nga anaa sa Basahon ni Mormon, makatabang kamo nila nga makapalambo og hugot nga pagtuo kang Jesukristo ug makapaduol ngadto sa Dios.

Mipahayag si Presidente Gordon B. Hinckley: “Kadtong nakabasa na sa [Basahon ni Mormon] sa mainampoong paagi, madato man sila o mapobre, maalamon o dili maalamon, maimpluwensya sa gahum niini ... Sa walay panagana ako mosaad kaninyo nga kon kamo magmainampoong mobasa sa Basahon ni Mormon, bisan pa makapila na kamo makabasa niini, adunay moabut sa inyong mga kasingkasing ... ang Espiritu sa Ginoo. Adunay moabut nga napalig-on nga tinguha sa pagsunod sa iyang mga sugo, ug moabut ang mas lig-on nga pagpamatuod sa buhing kamatuoran sa Anak sa Dios” (“The Power of the Book of Mormon,” *Ensign*, Hunyo 1988, 6).

Mubo nga mga sulat

Gamita ang Basahon ni Mormon sa Pagtubag sa mga Pagsupak

Daghang mga tawo ang dili motuo sa tanan ninyong itudlo. Si Presidente Ezra Taft Benson mitudlo kon unsaon nga ang Basahon ni Mormon mahimong kapanguhaan [resources] sa pagtubag sa mao nga mga sitwasyon:

“Kinahanglang gamiton nato ang Basahon ni Mormon sa pagtubag sa mga pagsupak batok sa Simbahan ...

“ ... Ang tanang mga pagsupak, ma aborsyon man, dinaghan nga kaminyoon [*plural marriage*], ikapitong adlaw nga pagsimba, uban pa, nagdepende kon si Joseph Smith ba ug ang iyang mga sumusunod mga propeta ba sa Dios nga nagdawat og balaang pagpadayag ...

“ ... Ang bugtong problema nga sulbaron mismo sa misupak mao kon tinuod ba ang Basahon ni Mormon. Kay kon ang Basahon ni Mormon tinuod, nan si Jesus mao ang Kristo, si Joseph Smith iyang propeta, Ang Simbahan ni Jesukristo sa mga Santos tinuod, ug gigiyahan kini karon sa usa ka propeta nga nagdawat og pagpadayag.

“Ang atong importanting tahas mao ang pagpahayag sa ebanghelyo ug buhaton kini nga epektibo kaayo. Dili kita obligado sa pagtubag sa tanang pagsupak. Ang tanang mga tawo sa kadugayan mosandig sa paril sa hugot nga pagtuo, ug diha kinahanglan nga siya mopadayag sa iyang baruganan” (*A Witness and a Warning*, 4–5).

Sama pananglit, ang sinsero nga mga investigator mahimong mosupak sa unsay inyong gitudlo mahitungod sa Pulong sa Kaalam. Tabangi sila nga makahibalo nga ang ilang tinuod nga pangutana mao kini kon si Joseph Smith namulong ba isip propeta sa Dios sa dihang kini nga kasugoan gibag-o niini nga dispensasyon. Mahimo kamong mosulti: “Ang pagka adunay pagtuo sa pagdawat niini nga pagtulun-an nagkinahanglan og kasiguroan nga kini nga sugo miabut ngari nato pinaagi sa pagpadayag gikan sa Dios ngadto ni Propeta Joseph Smith. Ang paagi nga makahibalo nga si Joseph Smith usa ka propeta sa Dios mao ang pagbasa ug pag-ampo mahitungod sa Basahon ni Mormon.”

Ang mga investigator kinahanglang mosulbad sa ilang mga kaugalingon sa ilang mga kahingawa ug mga pagsupak. Makatabang kamo nila sa pagpokus niini sa unsay makapalig-on sa ilang pagtuo kang Jesukristo—magbasa ug mag-ampo mahitungod sa Basahon ni Mormon. Kon malig-on nila ang ilang pagpamatuod sa Pagpahiuli, makabaton sila og kalig-on sa pagbuntog sa ilang mga pagsupak ug mga kahingawa.

Kon motubag kamo sa mga kahingawa, hinumdumi nga ang atong pagsabut nagagikan sa moderno nga mga propeta—ni Joseph Smith ug sa iyang mga sumusunod—akinsa nakadawat og pagpadayag nga gikan gayud sa Dios. Busa, ang pangutana nga angay tubagon sa investigator mao kon si Joseph Smith ba usa ka propeta, ug makatubag siya niini nga pangutana pinaagi sa pagbasa ug pag-ampo mahitungod sa Basahon ni Mormon.



Ang Akong Sulugoon nga si Joseph. © 2004 Liz Lemon Swindle. Kini nga imahen gipalopyaran pinaagi sa pagtugot sa Foundation Arts, American Fork, Utah 84003.

Si Joseph Smith ug ang Basahon ni Mormon

Usa ka paagi nga mahibaloan kon si Joseph Smith usa ba ka propeta sa Dios mao ang pagbasa ug pag-ampo mahitungod sa Basahon ni Mormon.

Kalihokan: Personal nga Pagtuon

Sa inyong journal sa pagtuon, isulat kon unsaon ninyo paggamit si Joseph Smith ug sa Basahon ni Mormon sa pagtubag sa mosunod nga mga pagsupak o mga kahingawa:

- “Dili ako motuo nga ang Dios makigsulti pa sa tawo.”
- “Nagtuo ako nga makasimba ako sa Dios sa akong kaugalingong pamaagi kay sa pamaagi sa ubang naorganisar nga relihiyon.”
- “Ngano nga mohunong man ako sa pag-inom og bino dungan sa akong pagkaon kon moapil ako sa inyong simbahan?”
- “Nganong nagkinahanglan man ako og relihiyon?”

Unsaon ninyo sa Paggamit ang Basahon ni Mormon?

Daghang mga investigator ang dili mobasa sa Basahon ni Mormon ug wala makasabut unsay ilang gibasa. Kadtong kinsa wala mobasa o makasabut sa Basahon ni Mormon maglisud sa pagdawat og usa ka saksi nga kini tinuod.

Basaha ang Basahon ni Mormon uban sa Inyong mga Investigator

Kon magbasa kamo, pag-ampo nga ang Espiritu Santo mopamatuod ngadto sa mga investigator nga ang Basahon ni Mormon tinuod.



Makatabang kamo sa mga investigator pinaagi sa pagbasa sa Basahon ni Mormon uban kanila. Pag-ampo alang sa panabang samtang mangita kamo og mga tudling nga makatubag sa ilang mga kahingawa ug mga problema. Mahimo kamong mobasa uban kanila isip kabahin sa sabut sa pagtudlo [*teaching appointment*] o sa follow-up nga pagbisita [*follow-up visit*]. Mahimo kamong makigsabut og mga miyembro nga mobasa uban sa mga investigator.

Ang ubang importanting mga tudling naglakip sa ulohan nga pahina, sa pasiuna (ilabi na sa katapusang duha ka mga paragraf), ug sa Moroni 10:3–5. Kini nga mga tudling makatabang sa mga investigator nga makasabut kon unsaon nga makaangkon og pagpamatuod sa Basahon ni Mormon. Awhaga sila sa pagbasa sa Basahon ni Mormon gikan sa sinugdanan, lakip na ang mga pagpamatuod sa tulo ug walo ka mga saksi ug sa pagpamatuod ni Propeta Joseph Smith.

Basaha ug hisguti ang mubo nga tudling (sama sa 1 Nephi 3:7 o Mosiah 2:17) ug tag-as nga mga tudling o kompleto nga mga kapitulo (sama sa 2 Nephi 31, Alma 7, o 3 Nephi 18).

Mubo nga mga sulat

Kon mobasa kamo uban sa inyong mga investigator, hunong og panagsa ug hisguti unsay inyong nabasa. Ipapangita ang importante nga mga mensahe o mga doktrina samtang kamo mobasa uban kanila. Ipakigbahin ang angay nga mga panabut, mga pagbati, mga pagpamatuod, ug personal nga mga kasinatian. Tabangi ang uban nga mobati sa espirituhanong gahum sa Basahon ni Mormon. Niining paagiha kamo makatudlo kanila sa tinuod nga doktrina gikan gayud sa Basahon ni Mormon. Ipadayon kining paagiha sa mosunod nga mga pagbisita aron ang mga tawo nga inyong gitudloan makapalambo sa abilidad sa pagbasa ug sa pagampo sa ilang kaugalingon.

Itudlo ang mga baruganan ug mga doktrina ginamit ang mga pulong ug hugpong sa mga pulong sa mga propeta sa Basahon ni Mormon. Ipasabut ang kaagi [*background*] ug kahulugan sa usa ka tudling. Ipasabut ang dili pamilyar nga mga pulong o hugpong sa mga pulong.

“Ipahisama sa inyong kaugalingon ug sa inyong mga investigator unsay inyong nabasa pinaagi sa pagpangita og kagamitan niini nga may personal nga kalabutan diha ninyo ug sa inyong mga investigator (tan-awa sa 1 Nephi 19:23). Ang “pagpahisama” mao ang paghimo og koneksyon tali sa pagsabut sa doktrina ug sa pagsunod sa doktrina. Sa pagbasa nga kinasingkasing, uban sa tinuod nga katuyoan, kamo ug kadtong inyong gitudloan kinahanglang andam sa pagbuhat sa doktrina ug sa paggamit niini diha sa inyong inadlaw-adlaw nga mga kinabuhi, ug, kon gikinahanglan, maghinulsol. Pinaagi sa pagsunod sa doktrina, makaangkon kamo og kasiguroan nga tinuod kini. Sama pananglit, mosulti kamo sa usa ka investigator:

- “Si Nephi, sama kanimo, nag-atubang og malisud nga problema. Pero samtang nagpakita siya og hugot nga pagtuo sa pag-adto ug sa pagbuhat unsay gisugo sa Ginoo kaniya, milampas siya. (Basaha ang 1 Nephi 3:7.) Nasayud ako nga ang Dios moandam og paagi alang kanimo sa pagsunod sa Pulong sa Kaalam.”
- “John, maayo kay gusto nimong wagtangon ang sala [*guilt*] nga imong gibati. Sama sa gisaad sa Manluluwas sa mga Nephite, kon ikaw maghinulsol, ug magpabunyag, ug modawat sa Espiritu Santo, ikaw walay sala sa atubangan [sa] Amahan.” (Basaha ang 3 Nephi 27:16.)

Salig sa saad sa Moroni 10:3–5. Ang tanang tawo kinsa kinasingkasing nga mobasa ug magampo niini nga basahon makahibalo sa pagkatinuod niini pinaagi sa gahum sa Espiritu Santo. Buhata ang tanan nga matabangan ang mga investigator:

- Basaha ang Basahon ni Mormon ug palandongang ang mensahe niini mahitungod ni Jesukristo.
- Pagampo ngadto sa Dios uban ang pagtuo kang Jesukristo aron makadawat og pagpamatuod nga ang Basahon ni Mormon tinuod ug nga si Joseph Smith propeta sa Pagpahiuli.

“Palihug ayaw ibaliwala ang Basahon ni Mormon. Pagampo og panan-awon [vision] unsaon nga ang Basahon ni Mormon magamit sa labing epektibo nga paagi sa imong misyon. Mosaad ako kon buhaton nimo kini, ang imong hunahuna malamdagan sa direksyon nga inyong angay nga sundon.”

– ELDER JOSEPH B. WIRTHLIN
SEMINAR ALANG SA BAG-ONG MGA
PRESIDENTE SA MISYON, 23 SA HUNYO 1999

- Pag-ampo sa kinasingkasing ug pagbaton og tinuod nga katuyoan, nga nagpasabut nga gusto nilang buhaton ang tubag nga ilang madawat gikan sa Dios.

Kinahanglang gamiton usab nimo kini nga saad kanunay aron malig-on ug mabag-o ang imong kaugalingong pagpamatuod sa Basahon ni Mormon. Kining nabag-o nga pagpamatuod makatabang kaninyo nga adunay lig-on nga pagsalig nga si bisan kinsa nga mogamit niini nga saad makadawat og tubag.

Gamita ang Basahon ni Mormon sa Tanang Bahin sa Inyong Trabaho

Ang Basahon ni Mormon usa ka gamhanan nga kapanguhaan sa pagkakabig. Gamita kini isip inyong importanting kapanguhaan alang sa pagtudlo sa gipahiuli nga kamatuoran.

Hinumdumi Kini:

- Ang Basahon ni Mormon mao ang tukurang bato sa atong pagsaksi ni Kristo, sa atong doktrina, ug sa atong mga pagpamatuod.
- Ang Basahon ni Mormon yanong nagtudlo sa doktrina nga makita sa mga leksyon sa misyonaryo.
- Gamita ang Basahon ni Mormon sa pagtubag sa mga pangutana sa tawo ug sa pagtubag sa mga pagsupak ngadto sa Simbahan.
- Pagbasa kanunay sa Basahon ni Mormon uban sa inyong mga investigator ug bag-ong mga kinabig. Buhata kutob sa inyong mahimo ang pagtabang nila nga mobasa sa ilang kaugalingon kada adlaw ug mogamit unsay ilang nakat-unan sa ilang mga kinabuhi.
- Salig sa saad sa Ginoo nga ang kada tawo nga sinserong mobasa ug mag-ampo mahitungod sa Basahon ni Mormon masayud sa katinuod niini pinaagi sa gahum sa Espiritu Santo.

Mubo nga mga sulat

Mga Ideya sa pagtuon ug sa Paggamit

Personal nga Pagtuon

- Basaha ang 2 Nephi 2, 9, 30, 31, 32, ug butangi og timaan [*highlight*] ang kada pakisayran [*reference*] bahin ni Jesukristo. Paghimo og lista sa lain-laing mga ngalan ug mga titulo ni Kristo nga gigamit niini nga mga kapitulo. Butangi og linya ang gipamulong nga mga pulong ni Kristo. Butangi og timaan ang lyang mga hiyas ug ang lyang mga aksyon. Mahimo nimong ipadayon kining buhata samtang ikaw magbasa sa Basahon ni Mormon.
- Isulat sa imong journal sa pagtuon unsay imong gibati sa dihang una kamong nakaangkon og espirituhanon nga saksi nga ang Basahon ni Mormon tinuod.
- D&P 20:17 gamita ang hugpong sa mga pulong nga “pinaagi niining mga butanga ako nasayud” sa pagpaila sa mga doktrina nga gitudlo ug giklaro sa Basahon ni Mormon. Basaha ang D&P 20:15–35 ug paghimog lista sa mga doktrina nga gihisgutan. Pagpili og usa niini nga mga doktrina ug gamita ang Giya ngadto sa mga Kasulatan aron itandi ang imong lista sa unsay gitudlo sa Biblia mahitungod niini nga doktrina.
- Itandi ang Wali sa Bukid nga anaa sa Mateo 5–7 ug sa sermon ni Kristo didto sa templo nga anaa sa 3 Nephi 12–14. Paghimo og lista sa yano ug bililhon nga mga kamatuoran nga gipahiuli pinaagi sa Basahon ni Mormon.
- Paghimog lista sa mga pangutana nga gipangutana sa mga investigator. Pangita og mga tudling sa Basahon ni Mormon nga makatubag niadtong mga pangutanaha, ug gamita kini kon gikinahanglan sa inadlaw-adlaw nga pagtudlo.
- Pangita og kasulatan sa Basahon ni Mormon nga nakapausab sa imong kinabuhi. Irekord ang imong mga pagbati mahitungod niini nga kasulatan sa journal sa pagtuon.
- Pangitaa ang kada higayon diha sa Basahon ni Mormon diin ang mga pulong sa pag-ampo sa usa ka tawo girekord. Sa imong journal sa pagtuon, isulat ang komon nga mga elemento niini nga mga pag-ampo.
- Basaha ang 2 Nephi 33:10–15 ug ang Moroni 10:27–29, 34. Unsay imong isulti nila ni Nephi ug Moroni didto sa hukmanan mahitungod sa imong paggamit sa Basahon ni Mormon? Isulat ang inyong tubag ug paghimo og mga tumong [*goals*] aron molambo.
- Gikan sa mga ulohan sa kapitulo sa Mosiah 11–16, isulat ang *summary* sa unsay gitudlo ni Abinadi. Basaha kini nga mga kapitulo ug patas-i ang imong *summary*.
- Gikan sa mga ulohan sa kapitulo sa Mosiah 2–5, isulat ang *summary* sa unsay gitudlo ni Haring Benjamin. Basaha kini nga mga kapitulo ug patas-i ang inyong *summary*.
- Samtang magbasa kamo kada adlaw gikan sa Basahon ni Mormon, irekord sa imong journal sa pagtuon ang mga tudling nga nakapadani kanimo. Isulat unsaon nimo sa paggamit niini sa imong kinabuhi.

Pagtuon Kauban ang Kompanyon

- Basaha ninyong duha ang mga tudling sa Basahon ni Mormon. Ipakigbahin unsay inyong nakat-unan ug gibati. Pagpamatuod usab kamo sa usag usa.
- Kinsa nga propeta o misyonaryo sa Basahon ni Mormon nga gusto ninyong mapareha kamo ug ngano? Ipakigbahin ang imong tubag sa inyong kompanyon.

- Basaha ang Alma 26 ug 29 isip mga kompanyon. Ipakigbahin unsay imong gibati sa imong misyon. Isulat ang mga pagbati sa imong journal sa pagtuon.
- Basaha ang Alma 37:9 ug hisguti kon unsa ka importante ang mga kasulatan ngadto ni Ammon ug sa iyang isig ka misyonaryo. Pangita og mga pakisayran [resource] nga naghulagway giunsa nila paggamit ang mga kasulatan.
- Basaha ang Alma 11–14 uban sa imong kompanyon, ang usa maoy modala sa papel ni Alma o Amulek ug ang lain sa mga manglilibak. Panid-i giunsa niining mga misyonaryoha pagtubag sa malisud nga mga pangutana.
- Basaha ang mosunod nga tinuod nga asoy ug hisguti unsay imong makat-unan mahitungod sa kaimportante ug gahum sa Basahon ni Mormon (mga pangalan giusab).

“Sa dihang among gidapit ang mga Sniders nga magpabunyang ug magpakumpirma, si Sister Snider andam na, pero si Brother Snider miingon, ‘Ayaw kaayo kamo paglaum, Elders. Wala ko makahibalo kon mabuhat ko ba kini!’ Bisan og si Brother Snider midawat sa unsay among gitudlo ug pirme nga madasigon ug mahigalaon, naghunahuna siya pag-ayo kon unsay reaksyon sa iyang pamilya sa pag-apil og laing simbahan.

“Paglabay sa pipila ka mga semana nga nag-oberbar bahin ni Brother Snider nga naningkamot, ang akong kompanyon ug ako mibati nga basahon pag-usab ang 3 Nephi 11 uban sa mga Sniders. Dili gayud ko makalimot unsay nahitabo niadtong gabhiona. Sa among pag-abli sa Basahon ni Mormon, ang akong kompanyon mipasabut, ‘Kini nga kapitulo, sa inyong nahinumduman, nag-asoy sa pagbisita sa Manluluwas ngadto sa mga katawhan sa Basahon ni Mormon. Dinhi atong mabasa ang gugma sa Manluluwas alang niini nga mga katawhan ug unsay iyang gitudlo kanila.’ Nagpulipuli kami og basa og usa o duha ka bersikulo. Human makabasa hangtud sa bersikulo 5, ang akong kompanyon mibalda kanako ug miingon, ‘pirme gyud kong madani sa deskripsyon nga gihatag dinhi sa tingog nga ilang nadungog. Ang tingog dili alingisig, dili kusog, ug bisan og kini hinay nga tingog, kini dunay epekto diha kanila. Kini nga tingog dili lamang madungog sa ilang mga dunggan, pero namulong kini sa ilang mga kasingkasing.’ Akong giobserbahan ang mga Sniders samtang naminaw sila sa akong kompanyon.

“Human sa paghisgot-hisgot mahitungod sa pag-ampo ug pagpaminaw sa Espiritu, si Brother Snider na usab ang mibasa: ‘Ug tan-awa sa ikatulo nga higayon sila nakasabut sa tingog nga ilang nadungog; ug kini miingon ngadto kanila: tan-awa ang akong hinigugmang Anak, kinsa Ako nahimuot kaayo, kang kinsa Ako mihimaya sa akong ngalan-paminaw kamo kaniya.’ Mihunong si Brother Snider, mitan-aw og maayo sa iyang Basahon ni Mormon. Dayon mitan-aw siya nako ug miingon, ang ‘Langitnong Amahan mapasigarbuhon kaayo sa Iyang Anak, di ba?’ ‘Oo,’ miingon ko. Mitan-aw pagbalik si Brother Snider sa iyang basahon pag-usab ug mitutok sa abli nga mga pahina ingon og lawom ang gihunahuna. Sa katapusan miingon siya, ‘gusto ko nga ang Langitnong Amahan magmapasigarbuhon usab nako. Unsaon kaha ko Niya sa pagpaila. Tingali, kon ako ... well, kon gusto ko nga Siya mapasigarbuhon nako nan kinahanglan nga buhaton nako unsay iyang gusto nga akong buhaton.’ ‘Oo, sa akong pagtuo importante kana,’ mitubag ako. ‘Well,’ si Brother Snider mipadayon. Sa akong hunahuna nabalaka kaayo ako unsay hunahunaon sa uban ug wala mabalaka unsay hunahunaon sa Dios.’ Human sa mubo nga paghunong si Brother Snider miyangoyango ug uban sa determinado nga tinan-awan miingon, ‘Kinahanglan nga mabunyan ko.’ Wala gayud paabuta ang maong tubag nga ang akong kompanyon ug ako nablango nga nagtan-aw kaniya. Sa katapusan, ang akong kompanyon miingon, ‘Oo, mao kana ang saktong butang nga buhaton. Gani, sa ulahing bahin niini nga kapitulo ang Manluluwas mitudlo ...’ Samtang ang akong kompanyon nagsulti mibati ako og kainit sa akong kasingkasing ug pasalamat sa gahum sa Basahon ni Mormon.”

Mubo nga mga sulat

Giunsa niining mga misyonaryoha paggamit ang Basahon ni Mormon? Unsaon nimo ug sa imong kompanyon paggamit niini nga mas epektibo sa inyong misyonaryo nga mga paningkamot?

District Meetings ug Zone Conferences

- Pagpraktis sa paggamit sa Basahon ni Mormon sa kada paagi nga gihisgutan sa unang mga ulohan niini nga hugna.
- Ilista ang mga pagsupak o mga pangutana nga gipangutana sa mga investigator. Ipasabut sa usag usa unsaon ninyo sa pagtubag kining mga pangutanaha ginamit ang Basahon ni Mormon.
- Basaha ninyong duha ang mga tudling sa Basahon ni Mormon. Pakigbahin sa kahibalo, mga pagbati, ug pagpamatuod.
- Pagpraktis sa paggamit sa Basahon ni Mormon sa pagpanghimatuod sa mensahe sa Pagpahiuli.
- Pagpili og usa sa bantugang mga misyonaryo sa Basahon ni Mormon. Hisguti ug ipalista sa mga misyonaryo ang mga kinaiya niini nga mga misyonaryo. Dapita ang kada misyonaryo sa paghimo og usa ka tumong [*goal*] sa paggamit sa usa niining mga kinaiya. Balika kini nga kalihokan kanunay ginamit ang mga misyonaryo sa Basahon ni Mormon.
- Dapita ang mga misyonaryo sa pagpakigbahin og mga kasinatian diin ang Basahon ni Mormon nakatabang sa ilang mga investigator sa proseso sa pagkakabig
- Sultihi ang mga misyonaryo sa pagpakigbahin sa ilang labing maayo nga tubag sa Basahon ni Mormon sa pangutana sa tawo.

Mission President

- Tudloi ang mga misyonaryo unsaon sa paggamit sa Basahon ni Mormon sa pagkumpirmar sa katinuod sa mensahe sa Pagpahiuli.
- Basaha ang 1 Nephi 1 uban sa mga misyonaryo ug itandi kini sa kasinatian ni Joseph Smith.
- Hatagi ang mga misyonaryo og limpyo nga Basahon ni Mormon nga papel ang tabon [*paperback*]. Pabutangi nila og timaan [*highlight*] ginamit ang lain-laing mga kolor:
 - Ang kada pakisayran [*reference*] kabahin ni Jesukristo (bisan unsang lyang mga pangalan o *pronouns* nga naghisgot mahitungod Kaniya).
 - Ang lyang mga pulong (lyang gipamulong o sa mga propeta sa dihang miingon sila, “Sa ingon miingon ang Ginoo”).
 - Iyang mga kinaiya.
 - Ang mga doktrina ug mga baruganan nga anaa sa Basahon ni Mormon.

Sa ubos sa kada pahina pangutan-a ang mga misyonaryo sa pag-ihap sa tanang mga aytem nga gihisgutan. Sa mga interbyu ug sa mga district meetings sa panahon sa duha o tulo ka bulan nga gidugayon niini nga kalihokan, hangyog ang mga misyonaryo sa pagpakigbahin sa usag usa unsay ilang nakat-unan. Mahimo nimong buhaton ang susama nga kalihokan sa tibuok misyon magbutang og timaan sa mga pakisayran sa pagtuo ni Jesukristo, paghinulsol, bunyag, gasa sa Espiritu santo, o bisan unsang sukaranang mga baruganan sa ebanghelyo.

Mubo nga mga sulat

- Sa mga interbyu, dapita ang mga misyonaryo sa pagpakigbahin uban kaninyo sa mga kasulatan sa Basahon ni Mormon nga nakapausab sa ilang mga kinabuhi.
- Tabangi ang mga misyonaryo nga makakita kon sa unsang paagiha nga ang Basahon ni Mormon nagtudlo sa mga doktrina gikan sa mga leksyon sa misyonaryo. Sama pananglit, kon ang hilisgutan mao ang Pag-ula, ipasulat sa mga misyonaryo sa usa ka kolum ang kada dagko nga elemento sa Pag-ula nga gitudlo diha sa Basahon ni Mormon, lakip ang mga pakisayran niini. Dayon, sa ikaduhang kolum, ipalista nila sa tupad kadtong pareha nga mga elemento nga gitudlo sa Biblia. Pablangkahi sa inyong mga misyonaryo kadtong mga butang o elemento nga nawala o wala gitudlo diha sa Biblia. Maklaro gayud kaayo sa misyonaryo kon sa unsa nga paagi nga ang Basahon ni mormon mao ang tukurang bato sa atong doktrina. Kining mao nga kalihokan mahimong buhaton sa ubang mga doktrina nga gitudlo sa mga misyonaryo.
- Ilha ang tukma nga mga pangutana sa tawo alang sa mga tawo sa inyong misyon. Dapita ang mga misyonaryo sa pagpangita og mga tubag diha sa Basahon ni Mormon.

Mubo nga mga sulat

A large rectangular area with rounded corners containing horizontal lines for writing. The lines are evenly spaced and cover most of the page below the header.



Unsaon Nako Pagpalambo og mga Hiyas nga Sama kang Kristo?

Konsideraha Kini

- Unsaon man nako sa pagpalambo og mga hiyas nga makapahimo nako nga usa ka mas gamhanan ug epektibong ministro sa ebanghelyo ni Jesukristo?
- Sa unsang paagi nga ang pagpalambo og mga hiyas nga sama kang Kristo makatabang nako sa pagtuman sa akong katuyoan isip usa ka misyonaryo?
- Unsa man nga hiyas ang kinahanglan gyud nakong palamboon?

Sa pagsugod sa Iyang mortal nga pangalagad, si Jesukristo naglakaw daplin sa baybayon sa dagat sa Galilea ug mitawag sa duha ka mga mangingisda, sila si Pedro ug Andres. “Sumunod kamo kanako,” miingon Siya, “ug himoon ko kamong mga mangingisdag mga tawo” (Mateo 4:19; tan-awa usab sa Marcos 1:17). Ang Ginoo mitawag usab kanimo ngadto sa Iyang buhat, ug nagdapit Siya kanimo sa pagsunod Kaniya. Ang pagdapit nga mosunod kang Kristo maoy usa ka pagdapit sa pagsunod sa Iyang ehemplo ug mahimong mahisama Kaniya.

Ang pipila ka mga hugna sa *“Isangyaw ang Akong Ebanghelyo”* nagpokus sa unsay imong kinahanglang buhaton isip usa ka misyonaryo—unsaon sa pagtuon, unsaon sa pagtudlo, unsaon sa paggamit sa oras sa maalamong paagi. Sama usab sa kamahinungdanon sa unsay imong gibuhad, bisan pa niana, mao ang kon si kinsa ka.

Ang gipahiuli nga ebanghelyo makapahimo kanimo nga mahisama sa Langitnong Amahan ug ni Jesukristo. Ang Manluluwas mipakita sa agianan. Mipahigayon Siya sa perpektong ehemplo, ug mimando Siya kanato nga mahimong sama Kaniya (tan-awa sa 3 Nephi 27:27). Pagkat-on bahin Kaniya ug tinguhaa nga malakip ang Iyang mga hiyas diha sa imong kinabuhi. Pinaagi sa gahum sa Iyang Pag-ula, makab-ot nimo kini nga tumong ug mogiya sa uban sa pagkab-ot usab niini.

Mubo nga mga sulat

Mubo nga mga sulat

Ang mga kasulatan mihulagway sa mga hiyas nga sama kang Kristo nga mahinungdanon alang kanimo aron sa katapusan molambo isip usa ka misyonaryo ug sa tibuok nimong kinabuhi. Tun-i ang mga tudling sa kasulatan niini nga kapitulo ug pangita og uban pang mga ehemplo sa mga hiyas nga sama kang Kristo samtang nagtuon ka sa ubang mga tudling.

Ang mga hiyas nga sama kang Kristo mga gasa gikan sa Dios. Moabut kini samtang imong gigamit ang imong kabubut-on sa matarung nga paagi. Pangayoa sa imong Langitnong Amahan nga panalanginan ka niini nga mga hiyas; dili nimo kini mapalambo kon wala ang Iyang tabang. Uban sa usa ka tinguha sa pagpahimuot sa Dios, ilha ang imong mga kahuyang ug magmaandamon ug matinguhaon nga molambo.

Pagtuon sa Kasulatan

Unsa man ang giingon niining mga kasulatan kabahin sa pagsunod sa ehemplo ni Jesukristo?

3 Nephi 12:48

Juan 13:1–16

1 Pedro 2:21

3 Nephi 27:21, 27

Unsa man ang relasyon tali sa unang mga baruganan sa ebanghelyo ug sa mga hiyas nga sama kang Kristo?

Moroni 8:25–26

Mga Ideya sa Pagtuon Niini nga Hugna

Adunay daghang mga pamaagi sa pagtuon niini nga hugna. Sulayi ang usa sa mosunod nga mga ideya:

- Sa imong pagkompleto sa “Kalihokan Kabahin sa Hiyas” diha sa katapusan niini nga hugna, ilha ang hiyas nga labi nimong gikinahanglan o kinahanglang palamboon. Tun-i ang seksyon kabahin niana nga hiyas, ug paghimo og mga tumong alang sa pagpalambo niini.
- Basaha ang tibuok hugna nga dili magtuon sa mga kasulatan, ug tinoa kon unsa nga hiyas ang mas gusto nimong tun-an og maayo. Dayon tun-i ang mahinungdanong mga kasulatan nga may kalabutan sa hiyas. Pangita og dugang pa nga mga kasulatan nga wala malista diha sa hugna nga nagtudlo kabahin sa hiyas. Irekord diha sa imong journal sa pagtuon ang mga ideya alang sa pagpalambo sa hiyas.
- Pag-ila og usa ka hiyas nga ganahan nimong tun-an. Sunda ang sumbanan ubos sa ulohan nga “Pagpalambo og mga Hiyas nga Sama kang Kristo” nga makita diha sa katapusan sa hugna.

Hugot nga Pagtuo diha kang Jesukristo

Kon duna kay hugot nga pagtuo kang Kristo, nagtuo ka Kaniya isip Anak sa Dios, ang Bugtong Anak sa Amahan diha sa Unod. Imo Siyang gidawat isip imong Manluluwas ug Manunubos ug mosunod sa Iyang mga pagtulun-an. Motuo ka nga ang imong mga sala mahimong mapasaylo pinaagi sa Iyang Pag-ula. Ang hugot nga pagtuo diha Kaniya nangahulugan nga misalig ka Kaniya ug masaligon nga naghigugma Siya kanimo.

Ang hugot nga pagtuo mosangpot sa aksyon, lakip na ang paghinulsol, pagkamasulundon, ug mapahinungurong serbisyo. Kon ikaw dunay hugot nga pagtuo diha kang Jesukristo, mosalig gyud ka sa Ginoo sa pagsunod sa Iyang mga sugo—bisan pa man kon wala nimo masabti sa hingpit ang mga rason alang niini. Imong tumanon ang unsay buot sa Ginoo nga imong tumanon. Motabang ka sa pagpahinabo og kaayohan diha sa imong kaugalingong kinabuhi ug sa mga kinabuhi sa uban. Makabuhat ka og mga milagro sumala sa kabubut-on sa Ginoo. Ang imong hugot nga pagtuo makita pinaagi sa kakugi ug sa buhat.

Ang hugot nga pagtuo maoy usa ka baruganan sa gahum. Ang Dios magtrabaho pinaagi sa gahum, pero ang Iyang gahum sa kasagaran gamiton agig tubag sa hugot nga pagtuo (tan-awa sa Moroni 10:7). Magtrabaho Siya sumala sa hugot nga pagtuo sa Iyang mga anak. Ang pagduhaduha ug kahadlok maoy mga katugbang sa hugot nga pagtuo.

Ang imong hugot nga pagtuo molambo pinaagi sa makugihong pagtuon, pag-ampo, mapahinungurong serbisyo, ug pagkamasulundon ngadto sa mga pag-aghat sa Espiritu Santo ug sa mga sugo.

Ang imong hugot nga pagtuo diha kang Jesukristo magtubo samtang mahimo kang mas mahiduol Kaniya ug sa Iyang mga pagtulun-an. Sa imong pagsuhid sa mga kasulatan ug pagsiksik niini, makakat-on ka sa Iyang mga paagi, sa Iyang gugma alang sa tanang mga tawo, ug sa Iyang mga sugo.

Ang hugot nga pagtuo naglakip sa pagsalig diha sa misyon ug gahum sa Espiritu Santo. Pinaagi sa hugot nga pagtuo imong madawat ang mga tubag sa imong mga pag-ampo ug personal nga inspirasyon nga mogiya kanimo diha sa buhat sa Ginoo.



© 1989 Conceptions Unlimited Investments, Inc. Ayaw kopyaha.

Mubo nga mga sulat

Pagtuon sa Kasulatan

Unsa man ang hugot nga pagtuo?

Alma 32:21 Ether 12:6	Mga Hebreohanon 11:1; tan-awa sa sulat sa ubos nga panid <i>b</i>	Ang Giya ngadto sa mga Kasulatan, “Hugot nga Pagtuo” <i>True to the Faith</i> , “Faith,” 52–54
--------------------------	---	--

Unsaon man nimo sa pag-angkon og hugot nga pagtuo, ug unsa man ang imong mabuhat pinaagi sa hugot nga pagtuo?

2 Nephi 25:29	Alma 32	Moroni 7:33
2 Nephi 26:13	Helaman 15:7–8	Mga Taga-Roma 10:17
Mosiah 4:6–12	Ether 12:7–22	Mga Hebreohanon 11

Unsa nga mga panalangin ang moabut pinaagi sa hugot nga pagtuo?

Mosiah 3:17	Helaman 5:9–12	Juan 14:6
Mosiah 5:1–15		

Mubo nga mga sulat

Paglaum

Ang paglaum maoy usa ka nag-ubang pagsalig nga ang Ginoo motuman sa Iyang mga saad nganha kanimo. Makita kini diha sa pagsalig, positibong hunahuna, kadasig, ug mapailubong pagpadayon. Mao kini ang pagtuo ug pagpaabut nga dunay butang nga mahitabo. Kon ikaw dunay paglaum, makasagubang ka sa mga pagsulay ug mga kalisdanan uban sa pagsalig ug kasiguroan nga ang tanang mga butang mahitabo alang sa imong kaayohan. Ang paglaum motabang kanimo sa pagbuntog sa kahigawad [*discouragement*]. Ang mga kasulatan sa kasagaran naghulagway sa paglaum diha kang Jesukristo isip ang kasiguroan nga makapanunod ka og kinabuhiing dayon didto sa celestial nga gingharian.

Si Presidente James E. Faust nagtudlo:

“Ang paglaum maoy angkla sa atong mga kalag ...

“Ang paglaum usa ka pagsalig diha sa mga saad sa Dios, hugot nga pagtuo nga kon molihok kita karon, ang gitinguhang mga panalangin matuman sa umaabot ...

“Ang walay kapakyas nga tinubdan sa atong paglaum mao nga kita mga anak sa Dios ug nga ang Iyang Anak, si Ginoong Jesukristo, miluwas kanato gikan sa kamatayon” (“Hope, an Anchor of the Soul,” *Ensign*, Nob. 1999, 59–60).

“Gipanalanginan og paglaum, buhaton nato, isip mga disipulo, ang pagtabang sa tanan kinsa, sa bisan unsa nga hinungdan, ‘mibulag sa paglaum sa Maayong Balita’ (Col. 1:23). Motabang kita sa pagsapnay niadtong kinsa anaa sa walay paglaum nga kahimtang.”

– ELDER NEAL A. MAXWELL
“BRIGHTNESS OF HOPE,” *ENSIGN*, NOB. 1994, 36.

Pagtuon sa Kasulatan

Unsa man ang paglaum ug unsa man ang atong gilauman?

2 Nephi 31:20

Moroni 7:40–48

Mga Taga-Roma 8:24–25

Alma 58:10–11

D&P 59:23

Mga Hebreohanon 6:10–20

Ether 12:4, 32

D&P 138:14

Ang Giya ngadto sa mga Kasulatan, “Paglaum”

Gugmang Putli ug ang Gugma

Usa ka tawo kausa nangutana kang Jesus, “Unsa man ang dakong sugo sa kasugoan?” Mitubag si Jesus: “Higugmaa ang Ginoo nga imong Dios sa tibuok mong kasingkasing, ug sa tibuok mong kalag, ug sa tibuok mong salabutan. Mao kana ang dako ug unang sugo. Ug ang ikaduha susama ra, nga mao kini, Higugmaa ang imong silingan sama sa imong kaugalingon” (Mateo 22:36–39).

Ang gugmang putli mao “ang tiunay nga gugma ni Kristo” (Moroni 7:47). Naglakip kini sa mahangturong gugma sa



© 2001 Simon Dewey, Ayaw Kopyaha.

Dios alang sa tanan Niyang mga anak. Kinahanglan kitang mangita aron sa pagpalambo nianang matang sa gugma. Kon mapuno ka sa gugmang putli, motuman ka sa mga sugo sa Dios ug mobuhat sa tanan nimong mahimo aron sa pagserbisyo sa uban ug sa pagtabang kanila nga makadawat sa gipahiuling ebanghelyo.

Ang gugmang putli usa ka gasa gikan sa Dios. Si propeta Mormon miingon nga kinahanglan kitang “mag-ampo ngadto sa Amahan uban sa tibuok kusog sa kasingkasing, nga [kita] unta mapuno niini nga gugma” (Moroni 7:48). Sa imong pagsunod niini nga tambag ug maningkamot sa pagbuhay og matarung nga mga buhat, ang imong gugma alang sa tanang mga tawo molambo, ilabi na gayud niadtong imong gitabangan. Mobati ka og usa ka sinserong kabalaka alang sa mahangturong kaayohan ug kalipay sa ubang mga tawo. Makita nimo sila isip mga anak sa Dios nga dunay potensyal nga mahimong sama sa atong Langitnong Amahan, ug magtrabaho ka para nila. Makalikay ka sa negatibong mga pagbati sama sa kasuko, kaibug, kalaw-ay, o kamasinahon. Makalikay ka sa paghukom sa uban, pagsaway kanila, o sa pagsulti og negatibong mga butang bahin nila. Mosulay ka sa pagsabut kanila ug sa ilang mga panglantaw. Mahimo kang mapailubon nila ug mosulay sa pagtabang nila kon nanglimbasug sila o nawad-an og paglaum. Ang gugmang putli, sama sa hugot nga pagtuo, mosangpot sa aksyon. Makapalambo ka og gugmang putli samtang magtan-aw ka og mga oportunidad sa pagserbisyo sa uban ug mopaambit kon unsay naa nimo.

Pagtuon sa Kasulatan

Unsa man ang gugmang putli?

Moroni 7:45–48

1 Mga Taga-Corinto 13

Ang Giya ngadto sa mga Kasulatan,
“Gugmang putli”

Giunsa man pagpakita ni Jesukristo ang gugmang putli?

1 Nephi 19:9

Ether 12:33–34

Lucas 7:12–15

Alma 7:11–13

Unsa man ang gitudlo niini nga mga bersikulo nganha kaninyo mahitungod sa gugmang putli?

2 Nephi 26:30

Alma 7:24

1 Timoteo 4:12

Mosiah 2:17

Ether 12:28

1 Pedro 4:8; tan-awa sa sulat
sa ubos nga panid a

Mosiah 28:3

D&P 88:125

Hiyas

Ang hiyas nagagikan sa imong kinahiladmang hunahuna ug mga tinguha. Usa kini ka pattern sa hunahuna ug kinaiya nga gibase sa taas nga moral nga mga sumbanan. Kay ang Espiritu Santo dili man mopuyo diha sa dili limpyo nga mga tabernakulo, ang hiyas maoy gikinahanglan gayud sa pagdawat sa giya sa Espiritu. Unsay imong gipili nga hunahunaon ug buhaton kon ikaw rang usa ug nagtuo ka nga walay usa nga nagtan-aw mao ang usa ka lig-ong sukdanan sa imong hiyas.

Ang mahiyason nga mga tawo limpyo ug putli sa espirituhanong paagi. Nagpokus sila sa matarung, makabayaw nga mga hunahuna ug mosalikway sa dili maayong mga hunahuna nga mosangpot sa dili angay nga mga aksyon sa ilang mga hunahuna. Nagtuman sila sa mga sugo ug nagsunod sa tambag sa mga lider sa Simbahan. Nag-ampo sila alang sa kalig-on sa pagsanta sa tintasyon ug sa pagbuhay kon unsay matarung. Dali silang maghinulsol sa bisan unsang mga sala o mga sayop nga binuhatan. Nagpuyo silang takus nga maghupot og usa ka temple recommend.

Mubo nga mga sulat

Ang imong hunahuna sama sa usa ka entablado sa usa ka teyatro; diha sa teyatro sa imong hunahuna, bisan pa man niana, usa ra ka aktor ang mahimong anaa sa entablado sa usa ka higayon. Kon ang entablado biyaang walay tawo, mga hunahuna sa kangitngit ug sala ang kasagarang mosulod sa entablado aron sa pagtintal. Pero kining mga hunahuna walay gahum kon ang entablado sa imong hunahuna gi-okupar sa maanindot nga mga hunahuna, sama sa nasag-ulo nga himno o bersikulo sa kasulatan nga imong matawag sa panahon sa tintasyon. Pinaagi sa pagkontrolar sa entablado sa imong hunahuna, malampuson kang makasanta sa makanunayong pag-aghat sa pagtugyan ngadto sa tintasyon ug pagpakasala. Mahimo kang putli ug mahiyason.

Pagtuon sa Kasulatan

Unsa man ang gipasabut sa mahimo nga mahiyason?

D&P 4:6	D&P 46:33	2 Pedro 1:3–8
D&P 25:2	D&P 121:45–46	Ang Giya ngadto sa
D&P 38:24	Mga Artikulo sa Hugot nga Pagtuo 1:13	mga Kasulatan, “Hiyas”

Kahibalo

Ang Ginoo mimando, “Pangitaa ang pagtulun-an, gani pinaagi sa pagtuon ug usab pinaagi sa hugot nga pagtuo” (D&P 88:118). Mipasidaan usab Siya, “Malisud alang sa usa ka tawo nga maluwas diha sa pagkawalay alamag” (D&P 131:6). Pangitaa ang kahibalo, ilabi na gayud ang espirituhanong kahibalo. Pagtuon sa mga kasulatan kada adlaw, ug pagtuon usab sa mga pulong sa buhing mga propeta. Pinaagi sa pagtuon ug pag-ampo, pangayo og panabang alang sa imong pihong mga pangutana, mga hagit, ug mga oportunidad. Hatagi og espesyal nga pagtagad ang mga tudling sa kasulatan nga imong magamit samtang nagtudlo ka ug samtang nagtubag ka sa mga pangutana mahitungod sa gipahiuling ebanghelyo.

Hunahuna kon sa unsa nga paagi nimo magamit ang mga baruganan sa ebanghelyo diha sa imong kinabuhi. Samtang nagtuon ka sa makugihon ug mainampoong paagi ug, uban sa tinuoray nga katuyoan, ang Espiritu Santo modan-ag sa imong hunahuna, motudlo kanimo, ug motabang kanimo aron makasabut sa kahulugan sa mga kasulatan ug mga pagtulun-an sa buhing mga propeta. Makabaton ka usab og kahibalo pinaagi sa pagtan-aw ug pagpaminaw sa uban, ilabi na sa mga lider sa Simbahan. Sama kang Nephi, makasulti ka og: “Ang akong kalag nalipay sa mga kasulatan, ug ang akong kasingkasing namalandong kanila ... Tan-awa, ang akong kalag nalipay sa mga butang sa Ginoo; ug ang akong kasingkasing namalandong sa kanunay diha sa mga butang diin ako nakakita ug nakadungog” (2 Nephi 4:15–16).

Pagtuon sa Kasulatan

Sa unsa nga paagi nga ang kahibalo makatabang diha sa paghimo sa buhat sa Ginoo?

Alma 17:2–3	D&P 88:77–80
-------------	--------------

Unsaon man nimo sa pagkabaton og kahibalo?

2 Nephi 32:1–5	D&P 42:61	D&P 88:118
Moroni 10:5	D&P 76:5–10	Ang Giya ngadto sa mga Kasulatan, “Kahibalo”

Pailub

Ang pailub mao ang kapasidad sa paglahutay sa kadugay, kasamok, oposisyon, o pag-antus nga dili masuko, mahigawad, o mabalak-on. Mao kini ang abilidad sa pagbuhay sa kabubut-on sa Dios ug sa pagdawat sa Iyang tayming. Kon mapailubon ka, makasugakod ka sa ubos sa *pressure* ug makahimo sa pagsagubang sa kalisdanan sa kalma ug malaumong paagi. Ang pailub adunay kalabutan sa paglaum ug hugot nga pagtuo—kinahanglan kang maghulat nga matuman ang gisaad nga mga panalangin sa Ginoo.

Nagkinahanglan ka og pailub sa imong inadlaw nga mga kasinatian ug mga relasyon, ilabi na sa imong kompanyon. Kinahanglan kang mapailubon sa tanang mga tawo, apil na ang imong kaugalingon, samtang nagtrabaho ka sa pagbuntog sa mga sayop ug mga kahuyang.

“Ang kinabuhi puno sa mga kalisdanan, ang uban gagmay lang ug ang uban mas lisud. Dunay daw walay katapusang suplay sa mga hagit alang sa usa ug sa tanan. Ang atong problema mao nga sa kasagaran magpaabut kita sa labing dali nga mga solusyon sa maong mga hagit, nakalimot nga sa kasagaran ang langitnong hiyas sa pagpailub gikinahanglan.”

— PRESIDENTE THOMAS S. MONSON
“PATIENCE—A HEAVENLY VIRTUE,” *ENSIGN*, NOB. 1995, 59

Kalihokan: Personal nga Pagtuon

- Tun-i ang Mosiah 28:1–9. Unsa man ang mga tinguha sa mga anak nga lalaki ni Mosiah?
- Unsa man ang tambag sa Ginoo ngadto niadtong mga misyonaryoha? (Tan-awa sa Alma 17:10–11 ug 26:27.)
- Unsa man ang pipila ka mga resulta sa ilang pailub ug kakugi? (Tan-awa sa Alma 26.)
- Isulat ang imong tubag diha sa imong journal sa pagtuon.

Pagtuon sa Kasulatan

Ngano nga ang pailub importante man? Sa unsa nga paagi nga ang pailub ug hugot nga pagtuo dunay kalibutan sa usag usa?

Mosiah 23:21

Mosiah 24:9–16

Alma 31:31

Alma 32:41–43

Alma 34:40–41

D&P 101:38

Mga Taga-Roma 5:3–5

Mga Taga-Roma 8:24–25

2 Mga Taga-Corinto 6:1–10

Santiago 5:10–11

Salmo 46:10

Ang Giya ngadto sa mga Kasulatan, “Pailub”

Mubo nga mga sulat

Pagpaubos

Ang pagpaubos mao ang pagkaandam nga motugyan ngadto sa kabubut-on sa Ginoo ug sa paghatag sa Ginoo sa dungog alang sa unsay natuman na. Naglakip kini sa pasalamat alang sa Iyang mga panalangin ug pag-ila sa imong makanunayong panginahanglan alang sa Iyang balaanong tabang. Ang pagpaubos dili usa ka timaan sa kahuyang; usa kini ka timaan sa espirituhanong kalig-on. Kon mapainubsanon kang mosalig Kaniya ug moila sa Iyang gahum ug kalooy, makabaton ka sa kasigurohan nga ang Iyang mga sugo alang sa imong kaayohan. Makasalig ka nga makabuhat ka sa bisan unsang butang nga gikinahanglan sa Ginoo nga imong buhaton kon mosalig ka Kaniya. Andam usab kang mosalig sa Iyang pinili nga mga sulugoon ug mosunod sa ilang tambag. Ang pagpaubos motabang kanimo samtang naningkamot ka nga mahimong masulundon, sa pagtrabaho og maayo, ug sa paserbisyo nga wala maghunahuna sa kaugalingon.



Ang katugbang sa pagpaubos mao ang garbo, nga gipanghimaraut sa mga kasulatan. Ang mahimong mapasigarbuhon nangahulugan nga pagbutang og mas dakong pagsalig diha sa usa ka tawo kay sa Dios o sa Iyang mga sulugoon. Nangahulugan usab kini nga pagbutang sa mga butang sa kalibutan labaw pa sa mga butang sa Dios. Ang mapasigarbuhon nga mga tawo mokuha sa dungog ngadto sa ilang mga kaugalingon imbis mohatag sa Dios sa himaya. Ang garbo makigkompetensya; kadtong mga mapasigarbuhon maninguha sa pagbaton og mas daghan pa ug maghunahuna nga mas maayo pa sila kay sa ubang mga tawo. Ang garbo sa kasagaran moresulta sa mga pagbati nga kasuko ug kasilag, ug usa kini ka dakong babag.

Pagtuon sa Kasulatan

Unsa man ang buot ipasabut sa pagkamapainubsanon?

2 Nephi 9:28–29
Mosiah 4:11–12

Alma 5:26–29
Alma 26:12

Mateo 26:39
Ang Giya ngadto sa mga Kasulatan,
“Mapainubsanon, Pagpaubos”

Unsa man nga mga panalangin ang imong madawat kon magpaubos ka sa imong kaugalingon?

Alma 32:1–16
Ether 12:27
D&P 12:8

D&P 67:10
D&P 112:10
D&P 136:32–33

Mateo 23:12

Unsaon man nimo sa pag-ila sa garbo diha sa imong kaugalingon?

1 Nephi 15:7–11
1 Nephi 16:1–3

2 Timoteo 3:1–4
Mga Proverbio 13:10

Mga Proverbio 15:10
Mga Proverbio 28:25

Kakugi

Ang kakugi usa ka makanunayon, mapadayunon, tinuoray, ug madasigong paningkamot sa paghimo sa gingbuhaton sa Ginoo. Ang Ginoo nagpaabut kanimo sa pagtrabaho sa makugihong paagi—sa mapadayunong paagi ug inubanan sa dakong paningkamot ug pag-amping. Ang usa ka kugihang misyonaryo magtrabaho sa epektibo ug sa maayong paagi. Ang kakugi diha sa misyonaryo nga buhat maoy usa ka pagpadayag sa imong gugma alang sa Ginoo ug sa Iyang gingbuhaton. Kon ikaw makugihon, makakita ka og kalipay ug katagbawan diha sa imong trabaho.

Paghimo og daghang maayo nga mga butang sa imong kaugalingong kabubut-on (tan-awa sa D&P 58:27). Ayaw paghulat sa imong mga lider nga sultihan ka kon unsay buhaton. Padayon hangtud nga imo nang nabuhat ang tanan nimong mahimo, bisan pa man kon gikapoy ka. Pagpokus sa pinaka importanting mga butang ug likayi ang pag-usik og panahon. Pag-ampo alang sa giya ug kalig-on. Pagplano sa regular ug sa epektibo nga paagi. Likayi ang bisan unsang butang nga makabalda sa imong mga hunahuna o mga aksyon.

“Kanunay kong moingon nga usa sa labing mahinungdanong mga sekreto sa misyonaryo nga buhat mao ang pagtrabaho! Kon ang usa ka misyonaryo magtrabaho, makabaton siya sa Espiritu; kon makabaton siya sa Espiritu, magtudlo siya pinaagi sa Espiritu; ug kon magtudlo siya pinaagi sa Espiritu, matandog niya ang mga kasingkasing sa mga tawo ug magmalipayon siya. Walay mahitabong kamingaw, walay kabalaka kabahin sa mga pamilya, kay ang tanang panahon ug mga talento ug mga interes nakasentro man diha sa buhat sa pangalagad. Trabaho, trabaho, trabaho—walay lain pang makatagbaw nga hulip, ilabi na diha sa misyonaryo nga buhat.”

– PRESIDENTE EZRA TAFT BENSON
THE TEACHINGS OF EZRA TAFT BENSON (1988), 200

Pagtuon sa Kasulatan

Unsa man ang gipasabut sa pagkakugihan?

Moroni 9:6 D&P 10:4	D&P 107:99–100	Ang Giya ngadto sa mga Kasulatan, “Kakugi”
------------------------	----------------	---

Nganong gipaabut man sa Ginoo nga magmakugihon ka?

D&P 75:2–5 D&P 123:12–14	D&P 127:4	D&P 130:20–21
-----------------------------	-----------	---------------

Sa unsa man nga paagi nga ang kakugi may kalabutan sa kabubut-on?

Mosiah 4:26–27	D&P 58:26–29
----------------	--------------

Mubo nga mga sulat

Pagkamasulundon

Isip usa ka misyonaryo, gipaabut ka nga maandamong mosunod sa mga sugo, sa pagtuman sa mga lagda sa misyon, ug sa pagsunod sa tambag sa imong mga lider. Ang pagkamasulundon mao ang unang balaod sa langit. Usa kini ka buhat sa hugot nga pagtuo. Mahimong gikinahanglan nimo usahay nga mobuhat sa mga butang nga wala nimo masabti sa hingpit. Sa imong pagtuman, molambo ka diha sa hugot nga pagtuo, kahibalo, kaalam, pagpamatuod, panalipod, ug kagawasan. Paningkamot nga mahimong masulundon sa Ginoo, sa buhing propeta, ug sa imong presidente sa misyon.

“Ang disiplina nga nalangkob sa inadlaw nga pagkamasulundon ug limpyong pagpuyo ug maayong mga kinabuhi makatukod og taming libot kaninyo nga makapanalipod ug makaluwas gikan sa mga tintasyon nga mohasmag kaninyo samtang nagpadayon kamo agi sa pagkamortal.”

– ELDER L. TOM PERRY
 “CALLED TO SERVE,” *ENSIGN*, MAYO 1991, 39

Pagtuon sa Kasulatan

Unsa man ang buot ipasabut sa mahimong masulundon?

1 Nephi 2:3	D&P 82:8–10	Juan 14:15
Mosiah 5:8	Mateo 7:24–27	Ang Giya ngadto sa mga Kasulatan,
Mosiah 15:7	Juan 7:17	“Pagkamasulundon, Masulundon, Sunod”

Unsa man ang imong makat-unan mahitungod sa pagkamasulundon gikan niini nga mga kasulatan?

1 Nephi 3:7	D&P 105:6	2 Mga Hari 5:1–14
-------------	-----------	-------------------

Ngano nga ang batan-ong mga sundalo sa kasundalohan ni Helaman misunod man uban sa walay pagkasayop niini? Sa unsa man nga paagi nga sila gipanalanginan?

Alma 56:45–48	Alma 57:21–27
---------------	---------------

Pagpalambo og mga Hiyas nga Sama kang Kristo

Sa imong pagtuon ug pagpaninguha sa pagpalambo sa mga hiyas nga gihulagway niini nga hugna ug uban pang mga hiyas nga makita diha sa mga kasulatan, ang mosunod nga sumbanan mahimong makatabang:

- Ilha ang hiyas nga gusto nimong palamboon.
- Pagsulat og usa ka depinisyon ug deskripsyon sa hiyas.
- Pagrekord og mga pangutana nga tubagon samtang nagtuon ka.
- Ilista ug tun-i og maayo ang mga tudling sa kasulatan nga nagtudlo kabahin sa hiyas.
- Irekord ang imong mga pagbati ug mga impresyon.
- Paghimo og mga tumong ug pagbuhat og mga plano nga magamit ang hiyas diha sa imong kinabuhi.
- Pag-ampo sa Ginoo nga tabangan ka nga makapalambo sa hiyas.

- Timbang-timbanga ang imong pag-uswag sa matag karon ug unya diha sa pagpalambo sa matag hiyas.

Kalihokan: Personal nga Pagtuon

Ilha ang usa ka hiyas gikan niini nga hugna o gikan sa mga kasulatan. Sunda ang sumbanan nga makita sa ibabaw aron masabtan og maayo ug pagplano alang sa pagpalambo sa hiyas.

Tan-awa ang *name tag*. Sa unsa nga paagi nga ang imong *name tag* lahi kay sa nianang gisul-ob sa usa ka empleyado sa usa ka kompaniya? Hinumdumi nga ang duha ka labing mahinungdanong mga parte mao ang imong pangalan ug ang pangalan sa Manluluwas. Unsaon man nimo sa pagsiguro nga nagrepresentar ka sa Manluluwas isip usa sa iyang mga disipulo? Nganong importante man alang sa mga tawo nga malambigit ang imong pangalan nianang sa Manluluwas sa usa ka positibong paagi? Isulat ang imong mga hunahuna diha sa imong journal sa pagtuon.



Pagtuon sa Kasulatan

Unsa man ang ubang mga hiyas nga gilista diha sa mga kasulatan?

Mosiah 3:19
Alma 7:23
D&P 4

D&P 121:41–45
Mga Artikulo sa
Hugot nga Pagtuo 1:13

Mga Taga-Filipos 4:8
2 Pedro 1:5–8

Hinumdumi Kini

- Kinahanglan kang *mahimong* usa ka misyonaryo nga sama ni Kristo, dili lang kay *mobuhat* sa mga butang nga pang-misionaryo.
- Ang pagkat-on nga mahimong sama kang Kristo usa ka tibuok kinabuhi nga paningkamot.
- Sundon nimo ang ehemplo ni Kristo—mopalambo sa iyang mga hiyas—usa ka aksyon ug desisyon sa usa ka higayon.
- Ang pag-usab nga mahimong sama kang Kristo nagkinahanglan og paggamit sa hugot nga pagtuo, paghinulsol, pagtuman sa mga pakigsaad, pagdawat og naglambo nga impluwensya sa Espiritu Santo, paglahutay hangtud sa katapusan.

Mubo nga mga sulat

Mga Ideya sa Pagtuon ug Paggamit

Personal nga Pagtuon

- Pag-andam og lima ka minuto nga pakigpulong bahin sa usa sa mga hiyas nga nahisgutan niini nga hugna.
- Pinaagi sa paggamit sa Ang Giya ngadto sa mga Kasulatan, pangita og mga paagi nga gipakita sa Manluluwas ang mga hiyas nga gihulagway niini nga hugna. Irekord kon unsay imong nakat-unan diha sa imong journal sa pagtuon.
- Matag karon ug unya kompletoha ang “Kalihokan Kabahin sa Hiyas” diha sa katapusan niining hugna.
- Pag-ila og usa ka hiyas niini nga hugna. Pangutan-a ang imong kaugalingon:
 - Unsaon man nako sa pagpalambo niini nga hiyas?
 - Unsa man ang kinahanglang mausab sa akong kasingkasing, hunahuna, ug mga aksyon aron sa pagpalambo niini nga hiyas?
 - Sa unsa nga paagi nga ang pagtuman sa mga pakigsaad makatabang kanako sa pagpalambo niini nga hiyas?
 - Sa unsa man nga paagi nga ang pagpalambo niini nga hiyas makatabang kanako nga mahimong sarang alang sa Balaang Espiritu ug mahimong usa ka mas gamhanang ministro sa ebanghelyo ni Jesukristo?
- Pangita og mga ehemplo sa mga hiyas nga sama kang Kristo diha sa mga kinabuhi sa mga kalalakin-an ug kababayan-an diha sa mga kasulatan. Irekord ang imong mga impresyon diha sa imong journal sa pagtuon.

Pagtuon Kauban ang Kompanyon

- Tun-i ang mga kapakisayran [*references*] sa mga hiyas nga sama kang Kristo diha sa mga libro sa misyonaryo.
- Hisguti ang mga relasyon sa nagkalain-laing mga hiyas. Pananglitan:
 - Sa unsa man nga paagi nga ang hugot nga pagtuo may kalabutan sa kakugi?
 - Sa unsa man nga mga paagi nga ang pagpaubos ug ang gugma may kalabutan?
 - Sa unsa man nga paagi nga ang kahibalo makapalig-on sa pailub?

Mga District Meeting ug mga Zone Conference

- Pipila ka mga adlaw sa wala pa ang district meeting o zone conference, hangyoha ang kada misyonaryo sa pagpili og usa sa mga hiyas niini nga hugna o diha sa mga kasulatan ug pag-andam og lima ka minuto nga pakigpulong kabahin niana nga hiyas, lakip na sa mga kasulatan nga nakatabang kaniya.

Hatagi og panahon ang pipila ka mga misyonaryo aron mopaambit sa ilang mga pakigpulong.

- Bahina ang mga misyonaryo ngadto sa tulo ka grupo, ug hatagi sila sa mosunod nga mga buhatonon:

Grupo 1: Basaha ang 1 Nephi 17:7–16 ug tubaga ang mosunod nga mga pangutana:

- Giunsa man ni Nephi paggamit ang iyang hugot nga pagtuo?
- Unsa man ang gibuhat ni Nephi nga susama kang Kristo?

Mubo nga mga sulat

- Unsa man nga mga saad ang gihimo sa Ginoo ngadto ni Nephi kon magmatinud-anon siya ug mosunod sa mga sugo?
- Sa unsang paagi nga kini nga asoy [*account*] maggamit sa misyonaryo nga buhat?

Grupo 2: Basaha ang Jacob 7:1–15 ug tubaga ang mosunod nga mga pangutana:

- Nganong ang hugot nga pagtuo ni Jacob lig-on man nga igo gyud sa pagpakgang sa pangatake ni Sherem?
- Giunsa man ni Jacob paggamit ang hugot nga pagtuo sa dihang nakigsulti siya kang Sherem?
- Sa unsa man nga paagi nga ang mga aksyon ni Jacob susama sa kang Kristo?
- Unsa man ang atong mahimo aron sa pagpalambo ug hugot nga pagtuo sama sa kang Jacob?

Grupo 3: Basaha ang Joseph Smith—Kasaysayan 1:8–18, ug tubaga ang mosunod nga mga pangutana:

- Sa unsa man nga mga paagi nga gigamit ni Joseph Smith ang hugot nga pagtuo diha ni Jesukristo?
- Giunsa man pagsulay ang iyang hugot nga pagtuo?
- Unsa man ang iyang gibuhad nga susama kang Kristo?
- Unsa man ang atong buhaton aron sa pagsunod sa ehemplo ni Joseph Smith?

Human matapos ang mga grupo, pundoka pag-usab ang mga misyonaryo ug hangyoha sila sa pagpaambit sa unsay ilang nahisgutan.

- Pagpaambit og usa ka kasinatian sa dihang napanalanginan ka o nadasig pinaagi sa hugot nga pagtuo sa laing tawo.
- Ipatan-aw sa mga misyonaryo ang “Kalihokan Kabahin sa Hiyas.” Hatagi ang kada misyonaryo og usa ka piraso nga papel nga ilang kasulatan sa ilang mga tubag.

Kon makompleto na nila ang *worksheet*, dapita sila sa paghimo og personal nga mga tumong.

Hangyoha ang pipila ka mga misyonaryo sa pagpaambit sa unsay ilang nakat-unan ug gibati samtang nagkompleto sila sa *worksheet*.

Ipaambit ang imong pagpamatuod mahitungod sa kaimportante sa pagpalambo og mga hiyas nga susama kang Kristo.

Mission President

- Hangyoha ang mga misyonaryo sa pagbasa sa usa sa upat ka mga Ebanghelyo diha sa Bag-ong tugon o sa 3 Nephi 11–28. Pabadlisi nila ang unsay gibuhad sa Manluluwas nga ila usab nga mabuhad.
- Gamita ang paghimo og tumong ug pagplano aron sa pagtudlo sa mga misyonaryo kabahin sa kakugi. Ipakita kon sa unsang paagi nga ang kakugi sa pagpokus sa mga tawo usa ka pagpadayag sa gugma.
- Atol sa mga interbyu, hangyoha ang mga misyonaryo sa pagsulti kabahin sa usa ka hiyas nga ilang gipaningkamutan nga mapalambo.
- Diha sa zone conference, dapita ang mga misyonaryo sa pagsulti kabahin sa mga hiyas nga sama kang Kristo nga ilang giganahan diha sa ilang mga kompanyon.

KALIHOKAN KABAHIN SA HIYAS

Basaha og maayo ang kada aytem sa ubos. Desisyuni kon unsa ka tinuod kana nga pamahayag kabahin nimo, ug pilia ang pinaka angayan nga tubag gikan sa tamdanan sa mga tubag. Isulat ang imong tubag sa kada aytem diha sa imong journal sa pagtuon. Ang espirituhanong pagtubo usa ka hinay-hinay nga proseso, ug walay usa nga perpekto, mao nga kinahanglan kang magpaabut sa paggrado sa imong kaugalingon nga mas maayo sa ubang mga aytem kay sa uban.

Tamdanan sa mga Tubag 1 = wala gyud 2 = usahay 3 = kasagaran 4 = hapit kanunay 5 = kanunay

Hugot nga pagtuo

1. Nagtuo ko kang Kristo ug midawat Kaniya isip akong Manluluwas. (2 Nephi 25:29)
2. Mibati ko og kamasaligon nga ang Dios nahigugma kanako. (1 Nephi 11:17)
3. Misalig gyud ko sa Manluluwas sa pagdawat sa Iyang kabubut-on ug sa pagbuhat sa bisan unsay Iyang ipabuhat. (1 Nephi 3:7)
4. Makusganon kong mituo nga pinaagi sa Pag-ula ni Jesukristo mapasaylo ko sa tanan nakong mga sala. (Enos 1:5-8)
5. Ako dunay igong hugot nga pagtuo diha kang Kristo nga makabaton og mga tubag sa akong mga pag-ampo. (Mosiah 27:14)
6. Maghunahuna ko kabahin sa Manluluwas sa panahon anang adlaw og maghinumdom sa unsay Iyang nabuhat alang kanako. (D&P 20:77, 79)
7. Ako adunay hugot nga pagtuo nga gikinahanglan aron sa pagtabang nga makapahinabo og maayong mga butang sa akong kinabuhi o sa mga kinabuhi sa uban. (Ether 12:12)
8. Nasayud ko pinaagi sa gahum sa Espiritu Santo nga ang Basahon ni Mormon tinuod. (Moroni 10:3-5)
9. Ako adunay igong hugot nga pagtuo diha kang Kristo nga makatuman sa bisan unsa nga gusto Niya nga akong buhaton—bisan og mga milagro, kon gikinahanglan. (Moroni 7:33)

Paglaum

10. Usa sa akong labing dakong mga tinguha mao nga makapanunod og kinabuhing dayon didto sa celestial nga gingharian sa Dios. (Moroni 7:41)
11. Masaligon ko nga makabaton ko og usa ka malipayon ug malampuson nga misyon. (D&P 31:3-5)
12. Mibati ko og kalinaw ug positibong hunahuna mahitungod sa umaabot. (D&P 59:23)
13. Makusganon kong mituo nga ugma damlag makapuyo ko uban sa Dios ug mahimong sama Kaniya. (Ether 12:4)

Gugmang Putli ug Gugma

14. Mibati ko og usa ka sinserong tinguha alang sa mahangturong kaayohan ug kalipay sa ubang mga tawo. (Mosiah 28:3)
15. Kon mag-ampo ko, mangayo ko og gugmang putli—ang tiunay nga gugma ni Kristo. (Moroni 7:47-48)
16. Misulay ko sa pagsabut sa mga pagbati sa uban ug motan-aw sa ilang panglantaw. (Judas 1:22)
17. Mipasaylo ko sa uban kinsa nakapasilo kanako o nakabuhat kanako og dautan. (Mga Taga-Efeso 4:32)

18. Maningkamot ko sa pagtabang sa uban kon nanglimbasug sila o nahigawad. (Mosiah 18:9)
19. Kon angay, sultihan nako ang uban nga ako silang gihigugma ug naghunahuna bahin nila. (Lucas 7:12-15)
20. Nangita ko og mga oportunidad nga makaserbisyo sa ubang mga tawo. (Mosiah 2:17)
21. Mamulong ko og positibong mga butang bahin sa uban. (D&P 42:27)
22. Mabinaton ko ug mapailubon sa uban, bisan pa man nga lisud sila ikauban. (Moroni 7:45)
23. Malipayon ko sa mga kalampusan sa uban. (Alma 17:2-4)

Hiyas

24. Limpyo ko ug putli sa kasingkasing. (Salmo 24:3-4)
25. Ako walay tinguha sa pagbuhat og dautan pero sa paghimo og maayo. (Mosiah 5:2)
26. Masaligon ko—buhaton nako ang unsay akong gisultii nga akong buhaton. (Alma 53:20)
27. Magpokus ko sa matarung, makabayaw nga mga hunahuna ug mosalikway sa dili maayo nga mga butang sa akong hunahuna. (D&P 121:45)
28. Maghinulsol ko sa akong mga sala ug maningkamot sa pagbuntog sa akong mga kahuyang. (D&P 49:26-28)
29. Mibati ko sa impluwensya sa Espiritu Santo diha sa akong kinabuhi. (D&P 11:12-13)

Kahibalo

30. Masaligon ko sa akong panabut bahin sa mga doktrina ug mga baruganan sa ebanghelyo. (Ether 3:19-20)
31. Nagtuon ko sa mga kasulatan kada adlaw. (Juan 5:39)
32. Kinasingkasing kong nangita aron makasabut sa kamatuoran ug makakita og mga tubag sa akong mga pangutana. (D&P 6:7)
33. Nakadawat ko og kahibalo ug giya pinaagi sa Espiritu. (1 Nephi 4:6)
34. Akong gihigugma ug gimanggad ang mga doktrina ug mga baruganan sa ebanghelyo. (2 Nephi 4:15)

Pailub

35. Mapailubon kong naghulat sa mga panalanganin ug mga saad sa Ginoo nga matuman. (2 Nephi 10:17)
36. Nakahulat gyud ko sa mga butang nga wala mahiubos o mawad-i og paglaum. (Mga Taga-Roma 8:25)
37. Mapailubon ko ug mainantuson sa mga hagit sa pagka-misyonaryo. (Alma 17:11)
38. Mapailubon ko sa mga sayop ug mga kahuyang sa uban. (Mga Taga-Roma 15:1)

39. Mapailubon ko sa akong kaugalingon ug misalig sa Ginoo samtang nagtrabaho ko aron sa pagbuntog sa akong mga kahuyang. (Ether 12:27)
40. Akong giatubang ang kalisdanan ug mga pagsulay sa kalma ug malaumong paagi. (Alma 34:40-41)

Pagpaubos

41. Ako maaghup ug mapaubsanon ang kasingkasing. (Mateo 11:29)
42. Misalig ko sa Ginoo alang sa panabang. (Alma 26:12)
43. Tinud-anay kong mapasalamaton alang sa mga panalangin nga akong nadawat gikan sa Ginoo. (Alma 7:23)
44. Ang akong mga pag-ampo tinud-anay ug sinsero. (Enos 1:4)
45. Magpasalamat ko sa direksyon gikan sa akong mga lider o mga magtutudlo. (2 Nephi 9:28)
46. Naningkamot kong mahimong mapaubsanon ngadto sa kabubut-on sa Ginoo, bisan unsa pa man kini. (Mosiah 24:15)

Kakugi

47. Nagtrabaho ko sa epektibong paagi, bisan kon wala ko ubos sa *pressure o close supervision*. (D&P 58:26-27)
48. Akong gipokus ang akong mga paningkamot diha sa pinaka importanting mga butang. (Mateo 23:23)
49. Ako adunay usa ka personal nga pag-ampo nga dili mominos sa kaduha sa matag adlaw. (Alma 34:18-27)
50. Akong gipokus ang akong mga hunahuna diha sa akong *calling* isip usa ka misyonaryo. (D&P 4:2, 5)
51. Naghimo ko og mga tumong ug nagplano sa regular nga paagi. (D&P 88:119)
52. Nagtrabaho ko og maayo hangtud nga ang trabaho malampusong nahuman. (D&P 10:4)
53. Nagmalipayon ko ug dunay katagbawan sa akong trabaho. (Alma 36:24-25)

Pagkamasulundon

54. Kon mag-ampo ko, mangayo ko og kalig-on sa pagpakgang sa tintasyon ug sa pagbuhat sa unsay sako. (3 Nephi 18:15)
55. Akong gisunod ang gikinahanglan nga mga sugo aron mahimong takus nga maghupot og usa ka *temple recommend*. (D&P 97:8)
56. Maandamon kong motuman sa mga lagda sa misyon ug mosunod sa tambag sa akong mga lider. (Mga Hebreohanon 13:17)
57. Naningkamot ko sa pagpuyo sumala sa mga balaod ug mga baruganan sa ebanghelyo. (D&P 41:5)



Unsaon Nako nga Mas Makakat-on sa Pinulongan sa Akong Misyon?

Konsideraha Kini

- Nganong kinahanglan mang magpadayon ko sa pagpalambo sa akong mga abilidad sa pinulongan?
- Unsaon man nako sa pagpalambo sa akong abilidad sa pagpamulong ug sa pagtudlo sa akong pinulongan sa misyon?
- Unsaon man nako sa pagbaton sa gasa sa mga pinulongan?

Andama ang Imong Kaugalingon sa Espirituhanong Paagi

Ang Ginoo namahayag, “Ang matag tawo makapaminaw sa kahingpitan sa ebanghelyo sa iyang kaugalingon nga dila, ug sa iyang kaugalingon nga pinulongan, pinaagi niadto kinsa gi-orden ngadto niini nga gahum” (D&P 90:11). Lig-ona ang imong personal nga pagpamatuod aron sa pagdala sa makakabig nga gahum ngadto sa imong mga pulong. Tun-i og una ang mga doktrina ug mga leksyon diha sa imong lumad nga pinulongan. Kana nga panabut makapalig-on sa imong pagpamatuod ug sa imong kapasidad sa pagtudlo ug sa pagpamatuod sa madanihong paagi. Makakat-on dayon ka sa pagpadayag sa mensahe sa Pagpahiuli diha sa pinulongan sa imong misyon ubos sa paggiya sa Espiritu.

Gilista sa ubos ang mga paagi nga imong mapalig-on ang imong hugot nga pagtuo nga ang Ginoo motabang kanimo sa pagtudlo ug sa pagpamatuod diha sa pinulongan sa imong misyon:

Mubo nga mga sulat

- Hibaloi nga gitawag ka sa Dios pinaagi sa usa ka propeta.
- Pagpuyo nga takus sa pakig-uban sa Espiritu Santo.
- Magmasulundon sa mga sugo ug sa mga sumbanaan sa misyonaryo.
- Pag-ampo sa sinserong paagi alang sa balaanong panabang.
- Pagtuon, pagpraktis, ug gamita ang pinulongan sa misyon kada adlaw.

Magmahimo nga Mapahinunguron [*Dedicated*] ug Makugihon

Ang pagkat-on sa pagtudlo sa epektibong paagi diha sa pinulongan sa imong misyon nagkinahanglan og makugihong paningkamot. Ayaw kasurprisa kon ang buluhaton daw lisud sa sinugdanan. Ang pagkat-on og usa ka pinulongan nagkinahanglan og panahon. Magmapailubon sa imong kaugalingon. Tinguhaa ang panabang sa imong kompanyon, mga miyembro, mga investigator, ug ubang mga misyonaryo.

Ayaw paghunong sa pagpalambo sa imong mga kahanas sa pinulongan sa higayon nga ang mga tawo magsugod na sa pagkasabut nimo. Samtang ang imong abilidad sa pagsulti sa pinulongan molambo, ang mga tawo mas maminaw pa sa unsay imong isulti kaysa giunsa nimo kini pagsulti. Mas dili ka na mabalaka mahitungod kon unsaon sa pagpadayag sa mga pagbati nga anaa sa imong kasingkasing. Mas makatubag ka na sa mga panginahanglan sa mga investigator ug sa mga pag-aghat sa Espiritu.

Paningkamot sa pagmaster sa pinulongan sa tibuok nimong misyon ug bisan human sa misyon. Ang Ginoo mipundo gyud og maayo diha nimo, ug mahimong Siya dunay mga gamitan sa imong mga abilidad sa pinulongan sa ulahing bahin sa imong kinabuhi. Si Elder Jeffrey R. Holland mipasabut: “Kami ... naglaum nga ang kada misyonaryo nga nagkat-on og bag-ong pinulongan samtang nagproselayt makamaster niini sa tanang posible nga paagi... Ug sa pagbuhat ninyo sa ingon, ang inyong mga kahanas sa pagproselayt ug pagpamatuod molambo. Mas dawaton kamo ug mas mahimuot ninyo ang inyong mga investigator... Ayaw katagbaw sa unsay atong gitawag og bokabularyo lamang sa misyonaryo. Lugwayan pa ninyo ang pagkat-on sa pinulongan kutob sa mahimo, ug makaangkon kamo og mas dako nga kahigayunan ngadto sa mga kasingkasing sa mga tawo” (sibya sa satellite alang sa mga misyonaryo, Ago. 1998).

Wala ka mag-inusara sa pagkat-on sa pinulongan sa imong misyon. Sa higayon nga ang Ginoo mohatag og usa ka sugo, mag-andam Siya og paagi aron matuman kini (tan-awa sa 1 Nephi 3:7). Tinguhaa ang Iyang panabang. Magmahimo nga mapahinunguron diha sa imong pagtuon. Sa dili madugay makabaton ka sa mga kahanas nga gikinahanglan aron sa pagtuman sa imong katuyoan isip usa ka misyonaryo.

Pagkat-on og Iningles

Kon dili Iningles ang imong sinultihan, kinahanglan nimo kining tun-an isip usa ka misyonaryo. Mopanalangin kini kanimo atol sa imong misyon ug sa tibuok nimong kinabuhi. Ang pagkat-on og Iningles makapahimo kanimo sa pagtabang sa pagtukod sa gingharian sa Ginoo sa dugang pa nga mga paagi ug mamahimong panalangin alang kanimo ug sa imong pamilya. Daghan sa mga sugyot nga makita niining maong hugna makatabang kanimo. Pokusi gyud og maayo ang mosunod:

- Paghimo og tumong [*goal*] sa pagsulti og Iningles uban sa imong kompanyon. Kon ang imong kompanyon kahibalo na og Iningles ug naningkamot sa pagkat-on sa imong pinulongan, mahimo mong mag-istorya og Iningles sa apartment ug sa pinulongan sa misyon kon mogawas mo.

- Uban sa imong kompanyon, basaha ang Basahon ni Mormon sa Iningles. Mahimo usab mong magpulipuli: Magbasa ka og usa ka bersikulo sa Iningles, ug unya ang imong kompanyon mobasa og usa ka bersikulo sa pinulongan sa misyon. Korihii ang *pronunciation* ug *intonation* sa usag usa.
- Hangyoha ang inyong mission president alang sa mga sugyot bahin sa usa ka simple nga teksto sa *grammar* sa Iningles kon wala pa kay usa.

Mga Baruganan Kabahin sa Pagkat-on sa Pinulongan

Kini nga seksyon naghulagway sa mga baruganan aron pagtabang kanimo sa pagtuon ug pagkat-on sa pinulongan sa mas epektibong paagi.

- **Pagbaton og responsibilidad.** Regular nga maghimo ug mopahiangay sa imong mga tumong sa pagkat-on sa pinulongan ug plano sa pagtuon. Paningkamot sa paggamit sa pinulongan sa matag oportunidad.
- **Himoo ang ang imong pagtuon nga makahuluganon.** Pangutan-a ang imong kaugalingon: Nganong nagtuon man ko niini? Sa unsang paagiha man kini makatabang nako nga maka-istorya og mas maayo? *I-relate* ang unsay imong gitun-an ngadto sa mga sitwasyon sa tinuod nga kinabuhi ug sa inadlaw nga mga kalihokan. Tun-i ang mga bahin sa pinulongan nga makatabang nimo sa pagsulti sa unsay gusto nimong isulti. Pananglitan, kon dunay istorya sa kasulatan nga gusto nimong iapil sa imong pagtudlo, pagkat-on sa bokabularyo ug *grammar* nga gikinahanglan aron sa *pag-relate* niini.
- **Paninguha nga Maka-istorya ka.** Paninguha nga makakita ka sa sakto nga pagbalanse tali sa pagtuon sa *grammar* ug sa han-ay o *structure* sa pinulongan ug sa pagkat-on pinaagi sa imong adlaw-adlaw nga mga kalihokan. Walay ikahulip sa pagpakig-istorya sa lumad nga mga mamumulong sa pinulongan.
- **Pagkat-on gyud og maayo sa bag-o nga mga konsepto.** Mahimo nimong mahinumduman ug epektibong makagamit sa mga prinsipyo sa pinulongan kon regular kang magribyu sa unsay imong gitun-an ug kon magpraktis ka og balik-balik sa bag-ong mga sitwasyon.

Paghimo og usa ka Plano sa Pagtuon sa Pinulongan

Ang usa ka plano sa pagtuon sa pinulongan makatabang sa bag-o ug eksperyensyado nga mga misyonaryo nga makapokus sa unsay ilang mabuhat kada adlaw sa pagpalambo sa ilang abilidad sa paglitok sa pinulongan sa misyon. Ang imong plano maglakip sa unsay imong buhaton atol sa oras sa imong pagtuon sa pinulongan ug sa unsay imong buhaton sa tibuok adlaw.

Sigun sa gikinahanglan, gamita ang pipila sa imong oras sa pagtuon sa pinulongan sa paghimo ug sa pagpahiangay sa imong plano sa pagtuon. Dayon kada buntag atol sa imong oras sa pagtuon sa pinulongan, pagkat-on sa pinulongan nga gikinahanglan alang sa mga kalihokan anang adlaw. Ang mosunod nga mga sumbanan makatabang kanimo sa paghimo sa imong kaugalingong plano sa pagkat-on sa pinulongan:

1. Paghimo og mga tumong. Ang sinemana ug inadlaw nga mga tumong makatabang kanimo nga makat-on sa pinulongan sa imong misyon. Pagpokus sa imong mga tumong sa pagpalambo sa imong abilidad sa pagpakig-istorya ug pagtudlo atol sa naeskyedul nga mga kalihokan, sama sa mga sabut sa pagtudlo, mga oportunidad nga makakita og katudloan, ug mga miting sa ward council. Ribyuha ang imong pag-uswag sa pagkab-ot sa imong mga tumong kalabut sa pinulongan. Pangutan-a ang imong kaugalingon kon

Mubo nga mga sulat

unsay imong mabuhat aron sa pagpakig-istorya nga mas klaro ug inubanan sa gahum atol sa inyong naeskyedyul nga mga kalihokan.

2. Pilia kon unsang mga himan ang gamiton. Ribyuha ang mosunod nga mga himan sa pinulongan ug tinoa hain ang imong magamit aron sa pagkab-ot sa imong mga tumong:

- Ang sumbanan nga mga basahon diha sa pinulongan sa imong misyon.
- Ang mga leksyon diha sa pinulongan sa imong misyon.
- Usa ka masulod sa bulsa nga diksyonaryo.
- Usa ka gamayng libro kabahin sa *grammar*.
- Mga materyal sa MTC kalabut sa pinulongan.
- Mga kard sa pagpahinumdom.
- Usa ka *notebook* nga masulod sa bulsa.
- Uban pang mga materyal sa Simbahan diha sa pinulongan sa imong misyon.



3. Pagsag-ulo og bokabularyo ug mga hugpong sa mga pulong. Pag-ila og bokabularyo ug mga hugpong sa mga pulong nga makatabang kanimo nga matuman ang imong mga tumong. Ang imong plano kalabut sa pinulongan [*language plan*] mahimong maglakip sa mosunod nga mga ideya:

- Pag-ila og bokabularyo ug hugpong sa mga pulong diha sa mga leksyon, mga *brochure*, mga kasulatan, ug uban pang mga gimantala sa Simbahan nga imong magamit sa pagtudlo.
- Irekord ang mga pulong o mga hugpong sa mga pulong nga wala nimo mahibalo diha sa *notebook*. Pagdala og usa ka gamayng diksyonaryo ug tan-awa kining mga pulonga.
- Pagdala og mga kard sa pagpahinumdom aron katun-an sa tibuok adlaw. Pagsulat og usa ka pulong o hugpong sa mga pulong sa usa ka bahin ug ang kahulugan sa atbang nga bahin. Ihikling lang una ang mga pulong nga imong nakat-unan. Pagkugi sa nahabiling mga pulong hangtud nga imo nang mahibaloan ang tanan.
- Paggamit og bag-ong mga pulong ug mga hugpong sa mga pulong sa mga *sentence* atol sa personal nga pagtuon, pagtudlo, ug sa tibuok adlaw.
- Praktisa ang paglitok o *pronunciation* pinaagi sa pagsulti og kusog sa bag-ong mga pulong ug mga hugpong sa mga pulong.
- Memoryaha ang mahinungdanong mga kasulatan diha sa pinulongan sa misyon.
- Memoryaha ang simple nga mga pamahayag gikan sa mga leksyon o mga *brochure* nga nagpadayag sa mahinungdanong mga baruganan sa ebanghelyo. Pangita og laing mga paagi aron sa pagpadayag niining mga ideyaha.

4. Pagkat-on og grammar. Gamita ang imong mga himan [*tools*] kalabut sa pinulongan aron sa pag-ila sa mga baruganan kalabut sa *grammar* nga makatabang kanimo nga makab-ot ang imong mga tumong. Kon gikinahanglan, hangyoa ang imong kompanyon, usa ka

eksperyensyado nga misyonaryo, o usa ka miyembro sa pagtabang. Konsideraha ang paglakip sa pipila sa mosunod nga mga ideya:

- Gamita ang teksto kalabut sa *grammar* nga imong nadawat sa MTC o usa ka teksto nga giaprubahan sa inyong mission president aron sa pagtabang kanimo nga makasabut sa mga sumbanan sa *grammar* ug *sentence* mga makita diha sa mga leksyon, mga *brochure* ug sa mga kasulatan.
- Pag-andam og mga *sentence* nga imong magamit sa imong inadlaw nga naeskyedul nga mga kalihokan nga naggamit niining mga baruganan kalabut sa *grammar*. Pagpraktis sa paglitok ug pagsulat sa mga *sentence*.
- Hatagi og pagtagad ang han-ay sa pulong diha sa pinulongan ug sa mga pulong ug sa mga bahin niini.
- Pangita og mga oportunidad sa pagpraktis ug sa paggamit sa *grammar* nga imong gitun-an kada adlaw.

5. Aktibo nga maminaw. Konsideraha ang paglakip sa mosunod:

- Paminaw og maayo sa lumad nga mga mamumulog. Sunda ang unsay imong nadungog.
- Kon makadungog ka og butang nga wala nimo masabti, isulat kini ug pangutana kon unsay gipasabut niini. Pagpraktis sa paggamit sa bokabularyo o sa patern sa *sentence*.
- Kon maminaw, ilha ang bokabularyo ug mga patern nga bag-ohay lang nimong nakat-unan.
- Kon makadungog ka og hugpong sa mga pulong nga gipadayag sa lahi nga paagi kaysa paagi sa imong paglitok niini, isulat kini ug praktisa kini. Bisan pa man niana, isip usa ka sulugoon sa Ginoo, gamita kanunay ang angay nga pinulongan, dili *slang*.
- Paghimo og usa ka lista sa mga butang nga mahimong isulti sa mga tawo nganha nimo atol sa inyong pagplano og mga kalihokan [*planned activities*]. Pangita sa mga pulong ug mga hugpong sa mga pulong nga may kalabutan niini nga mga tubag. Pagplano ug pagpraktis og mga paagi nga makatubag ka.

6. Palambo ang imong abilidad sa pagbasa ug sa pagsulat. Basaha ang Basahon ni Mormon diha sa pinulongan sa imong misyon aron sa pagkat-on og bokabularyo ug mga hugpong sa mga pulong ug aron sa pagpraktis og *grammar*, *pronunciation*, ug *fluency*. Dunay dakong gahum sa paggamit sa mga kasulatan diha sa imong pagtuon sa pinulongan. Konsideraha usab ang mosunod nga mga ideya:

- Pagkat-on sa pagbasa ug sa pagsulat sa alpabeto, script, o mga character sa imong pinulongan. Alang sa *character-based writing systems*, pagpokus sa mga kahanas sa pagbasa, sama sa pagbasa sa kasulatan, nga makatabang kanimo kon magtudlo ka.
- Pagbasa og kusog gikan sa Basahon ni Mormon, ubang mga kasulatan, o mga magasin sa Simbahan diha sa pinulongan sa imong misyon. Hatagi og pagtagad ang dili pamilyar nga bokabularyo, mga hugpong sa mga pulong, ug *grammar*. Kon wala ka makasabut sa usa ka pulong, sulayi sa pagsabut sa kahulugan niini gikan sa konteksto [*context*] sa tudling sa dili pa ka motan-aw sa kahulugan niini. Idugang ang pulong ngadto sa imong mga kard sa pagpahinudom. Gamita kanunay ang imong mga kasulatan sa lumad nga pinulongan ug sa pinulongan sa misyon kon gikinahanglan.
- Pagpatudlo sa imong *pronunciation*, *intonation*, ug *pauses* samtang magbasa ka.

Mubo nga mga sulat

- Praktisa sa pagsulat ang pinulongan sa imong misyon—pananglitan, personal nga mga sulat ug mga pahinumdom, mga sulat, mga sulat sa pasalamat, ug mga sulat sa pagdasig. Isulat ang imong pagpamatuod diha sa mga kopya sa Basahon ni Mormon nga imong gipang-apud-apod.

7. Hangyoa ang uban sa pagtabang kanimo. Konsideraha ang paglakip sa mosunod nga mga ideya:

- Kon ang imong kompanyon usa ka lumad nga mamumulong, pahimusli kining dakong oportunidad pinaagi sa pagpangutana kanunay ug pagpangayo og *feedback*.
- Hangyoa ang imong kompanyon ug lumad nga mga mamumulong sa pagkorihir kanimo ug sa pagsugyot og mga paagi aron molambo. Kon mogamit sila og usa ka pulong nga wala nimo masabti, hangyoa sila sa pagpasabut niini nganha kanimo. Ang mga bata ug mga apohan kanunayng andam sa pagtabang.
- Dapita kadtong imong gitudloan sa pagtabang kanimo. Ipasabut, “Nagkat-on ko sa inyong pinulongan. Palihug tabangi ko. Kon maglisud ko og pangita og usa ka pulong, palihug tabangi ko niini.”
- Ayaw pagpanuko sa pagpangayo og piho nga tabang: “Unsaon man ninyo sa pagsulti ang _____?” “Unsaon man ninyo sa pag-pronounce sa _____?” “Unsa man ang gipasabut sa _____?” “Pwede ba na nimong usbon?” Isulat ang mga tubag ug tun-i kini.
- Hangyoa ang mga miyembro sa pagtesting nimo kalabut sa imong mga kard sa pagpahinumdom o sa mga lista sa bokabularyo ug sa pagtabang kanimo sa pagbasa og kusog sa mga kasulatan.



8. I-evaluate ug usba ang imong plano sa pagtuon [study plan]. Ribyuha ang imong plano sa pagtuon kada semana aron sa pag-evaluate kon nagsilbi ba kini. Dapita ang imong kompanyon ug mga lider sa misyon sa pagsugyot kabahin sa mga butang nga angayng palamboon.

Gamita ang pinulongan sa imong misyon sa matag oportunidad. Litoka ang pinulongan uban sa imong kompanyon sa makadaghan kutob sa mahimo sa tibuok adlaw. Pag-ampo sa hilum ug sa kadaghanan gamit ang pinulongan aron makakat-on sa angay nga pinulongan sa pag-ampo ug aron makakat-on sa pagsulti sa unsay naa sa imong kasingkasing.

Ayaw kahadlok nga masayop ka. Ang kada usa nga nagkat-on og bag-ong pinulongan makahimo og mga sayop. Ang mga tawo makasabut, ug modayeg sila sa imong mga paningkamot nga makakat-on sa ilang pinulongan. Ang pagmemorya og mga hugpong sa mga pulong ug mga kasulatan makatabang kanimo nga malikayan nga makahimo og mga sayop, pero kinahanglan dili ka mogamit og taas kayo nga gimemorya o giandam na nga mga *script* isip usa ka paagi sa paglikay og mga sayop.

Kalihokan [Activity]: Personal nga Pagtuon

Ginamit ang mga sumbanan nga gihulagway sa ibabaw, paghimo og usa ka plano sa pagtuon. Ribyuha ang imong plano uban sa imong kompanyon o sa lider sa misyon.

Mubo nga mga sulat

Pagkat-on uban sa Imong mga Kompanyon

Tabangi ang imong mga kompanyon nga makasinati og mga kalampusan ug maka-angkon og pagsalig diha sa paspas nga pagkat-on sa pinulongan kutob sa mahimo. Dayga sa sinsero ug sa makanunayong paagi ang imong mga kompanyon ug ang ubang mga misyonaryo kalabut sa ilang pag-uswag. Pagmatngon nga dili ka makasulti o makabuhat og butang nga mahimong makapaluya sa ilang pagsalig, pero ayaw sila panalipdi og maayo nga dili na hinoon sila makakat-on. Ayaw ihikaw ang panabang kon gikinahanglan kini. Hatagi sila og daghang mga oportunidad sa malampusong pagtudlo ug pagpamatuod. Konsideraha ang mosunod nga mga ideya alang sa pagkat-on uban sa imong mga kompanyon:

- Tudloi ang usag usa sa *grammar* ug bokabularyo nga inyong nakat-unan.
- Pagpraktis og pagtudlo diha sa pinulongan sa misyon. Sa pagsugod, ang bag-ong mga misyonaryo mahimong magtudlo sa yano kaayong paagi, mopaambit og yanong pagpamatuod, ug *mo-recite* og gimemorya nga mga kasulatan. Samtang ang ilang pagsalig ug abilidad molambo, mas makahimo sila sa pagsalmot sa hingpit diha sa pagtudlo sa mga investigator.
- Pagpraktis og gamit sa pinulongan aron sa pagpakig-istorya diha sa komon nga mga sitwasyon kalabut sa misyonaryo.
- Hatagi ang usag usa og simple ug praktikal nga *feedback* uban sa kamabination. Importante usab nga makadawat ka og *feedback* nga dili masilo.

Tan-awa kon giunsa sa usa ka mas eksperyensyado nga misyonaryo pagtabang ang iyang kompanyon sa mosunod nga tinuod nga istorya.

Bag-o pa lang kong miabut sa akong ikaduhang area sa dihang ang akong kompanyon misulti kanako nga ako nang turno sa paghatag og espirituhanong pamalandong sa usa ka sabut atol sa panihapon. Gikuyawan gyud ko. Ang akong unang kompanyon kanunay gyung malipayon nga siya ra ang magtudlo, ug naanad ko nga mohatag sa akong gamayng bahin sa leksyon ug dayon maminaw samtang siya mopasabut og dugang ug motubag sa bisan unsang mga pangutana.

Gisulayan nako sa pagkumbinsar ang akong kompanyon nga kinahanglan siya maoy mohatag sa espirituhanong pamalandong, pero iya kong giawhag sa pagbuhat sa buluhaton. Nagpraktis ko uban sa iyang tabang.

Sa pag-abut sa higayon, akong giablilian ang akong mga kasulatan ug mibasa sa 3 Nephi 5 ug 7. Nanglimbasug ko pero nakapasabut ra kon nganong gibati nako nga ang akong gipili nga mga tudling importante, ug nahuwasan ko sa dihang nahuman na ko. Sa dihang ang usa ka pangutana gipangutana, gitan-aw nako ang akong kompanyon aron maoy motubag, pero wala niya bukha ang iyang ba-ba. Mao kanay nahitabo sa dihang natingala ko sa akong kaugalingon nga nakatubag sa masabut kaayo nga French. Mas natingala pa gyud ko nga ang miyembro daw wala makabantay nga dili ko sigurado sa akong abilidad sa pagpakig-istorya. Nakabaton ko og pagsalig ug nakaamgo nga ang akong French mas maayo pa kay sa unsay akong hunahuna sa akong kaugalingon.

Ang mga semana milabay, ug ang akong kompanyon mipadayon sa pagtugot kanako nga maoy motudlo—bisan pa man nga sa akong paminaw dili nako kini mahimo, bisan pa man kon siya gani wala magtuo nga mahimo ba kini nako. Ug tungod kay iya kong giawhag sa pagsulti, pagpaminaw, ug pagtudlo, ang akong mga kahanas sa pinulongan nagsugod sa pag-uswag sa mas paspas nga paagi, ug akong gibati nga nahimo kong instrumento sa atong Amahan sa Langit imbis nga mahimo lang nga yano nga laing hilum nga kompanyon sa usa ka elder.

Mubo nga mga sulat

Kalihokan: Personal nga Pagtuon o Pagtuon Kauban ang Kompanyon

- Kon nagtrabaho ka kauban ang usa ka bag-ong misyonaryo, unsaon man nimo aron mas makatabang sa imong kompanyon nga makakat-on sa pinulongan?
- Kon bag-o ka nga misyonaryo, unsa nga matang sa tabang ang mahimo nimong pangayoong gikan sa imong senyor nga kompanyon?

Ang Kultura ug ang Pagkat-on sa Pinulongan

Ang kultura ug ang pinulongan duna gyuy kalabutan. Ang pagsabut sa kultura makatabang sa pagpasabut nganong ang pinulongan gigamit sa paagi nga kini gigamit. Paningkamot sa pagsabut sa kultura sa mga tawo aron nga makaistorya ka sa talagsaong mga aspeto sa mensahe sa Pagpahiuli sa paagi nga klaro ngadto kanila.

Usa sa pinaka importanting mga butang nga imong mahimo aron makabaton sa pagsalig ug gugma sa mga tawo mao ang paghangup sa ilang kultura sa angay nga mga paagi. Daghang bantugan nga mga misyonaryo ang nakabuhat sa ingon (tan-awa sa 1 Mga Taga-Corinto 9:20–23). Paninguhaa nga ang mga tawo mobati og kakomportable uban kanimo ug sa imong pinulongan.

Kalihokan: Personal nga Pagtuon o Pagtuon Kauban ang Kompanyon

- Hunahunaa nga nagserbisyo ka sa usa ka misyon sa Asya. Nag-andam ka sa pagtudlo og usa ka tawo bahin sa pagkabanhaw, ug nahibalo ka nga ang mga Buddhist nagtuo sa *reincarnation*. Unsaon man nimo sa pagtudlo mahitungod sa pagkabanhaw sa paagi nga ang investigator makasabut nga kini nga doktrina lahi gyud kaayo sa *reincarnation*? Unsa man nga mga pulong o mga hugpong sa mga pulong ang gikinahanglan nimong makat-unan aron sa pagtuman niini nga buluhaton?
- Hunahunaa ang kultural ug relihiyosong *background* sa mga tawo nga imong tudloan. Pag-ila og usa ka aspeto sa ilang *background* nga basin maoy nakapahimo nila nga malain og sabut ang mga doktrina sa ebanghelyo. Pagplano og mga paagi sa pagtudlo niining mga doktrinaha sa klaro nga paagi.

Ang Gasa sa mga Pinulongan

Tinguhaa ang mga gasa sa Espiritu, lakip na ang gasa sa mga pinulongan ug sa pagpanghubad sa mga pinulongan. Labaw pa kaysa bisan unsang butang, makatabang kini kanimo nga makasulti ug makasabut sa pinulongan sa mga tawo sa imong misyon. Dili ka makaangkon niini nga gasa kon wala ang paningkamot sa imong bahin; kinahanglan kang aktibong magtinguha niini. Kabahin sa pagtinguha sa gasa sa mga pinulongan mao ang pagtrabaho ug pagbuhat sa tanan nimong mahimo aron makakat-on sa pinulongan. Salig gyud nga ang Espiritu motabang kanimo samtang nagpakabuhi ka sa paagi nga gikinahanglan ug buhata ang pinakamaayo. Pagbaton og hugot nga pagtuo nga makaangkon ka sa gasa sa mga pinulongan sa katinuod niini ug sa mas masabtan nga paagi.

Kon imong gibati nga naglisud ka sa pagpadayag sa imong kaugalingon sama kaklaro sa unsay imong gusto, hinumdumi nga ang Espiritu makahimo sa pagsulti ngadto sa mga kasingkasing sa tanang mga anak sa Dios. Si Presidente Thomas S. Monson nagtudlo: “Adunay usa ka pinulongan ... nga komon sa kada misyonaryo—ang pinulongan sa Espiritu. Dili kini makat-unan gikan sa mga libro nga gisulat sa mga bantugang manunulat, ni maangkon kini pinaagi sa pagbasa ug pagsag-ulo. Ang pinulongan sa Espiritu moabut kaniya kinsa nagtinguha sa tibuok niyang kasingkasing nga makaila sa Dios ug magsunod sa Iyang balaanong mga sugo. Ang pagkahanas sa niini nga pinulongan magtugot sa usa ka tawo sa paglagpas sa mga gialì, pagbuntog sa mga babag, ug pagtandog sa kasingkasing sa tawo” (“The Spirit Giveth Life,” *Ensign*, Hunyo 1997, 2).

Hinumdumi Kini

- Tun-i og una sa imong kaugalingon nga pinulongan ang mga doktrina ug mga leksyon nga imong itudlo.
- Pagkat-on kon unsaon sa pagpadayag niining mga doktrinaha ug sa imong mga pagbati mahitungod niini ginamit ang pinulongan sa imong misyon.
- Paghimo og usa ka plano sa pagtuon sa pinulongan [*language study plan*] ug kanunay nga magsulay og bag-ong mga ideya samtang nagtinguha ka sa pagpalambo sa pinulongan sa imong misyon.
- Tinguhaa ang giya sa Espiritu aron sa pagtabang kanimo nga makasabut ug makaistorya sa mga tawo sa imong misyon.

Mubo nga mga sulat

Mubo nga mga sulat

Mga Ideya sa Pagtuon ug Paggamit

Personal nga Pagtuon

- Ribyuha ang mga sugyot niini nga hugna. Pag-ila og usa ka sugyot nga wala pa nimo masulayi, ug paghimo og tumong sa pagsulay niini sa mosunod nga pipila ka mga adlaw.
- Sa inyong sunod nga district meeting, pangutan-a ang usa ka eksperyensyado nga misyonaryo nga dunay maayong abilidad sa pinulongan kon unsay iyang gibuhar aron makakat-on sa pinulongan.
- Basaha ug hisguti ang mosunod nga pamahayag ni Elder Richard G. Scott: “Diin dunay ... nasudnong mga tradisyon o mga kustombre nga sukwahi sa mga pagtulun-an sa Dios, ipadaplin kini. Diin dunay mga tradisyon ug mga kustombre nga nahiangay sa Iyang mga pagtulun-an, kinahanglan kining pagahambinon” (“Removing Barriers to Happiness,” *Ensign*, Mayo 1998, 87). Paghunahuna kabahin sa mga paagi nga ang kultura sa dapit diin kamo nagserbisyo lahi kaysa inyong kaugalingon. Paghimo og lista sa mga kalainan. Dayon papasa ang bisan unsa nga sukwahi sa mga pagtulun-an sa ebanghelyo. Konsideraha ang kada usa niadtong nagpabilin, ug paghunahuna kabahin kon unsaon nimo sa paghimo niining mga kustombre nga imong kaugalingon.
- Paghimo og usa ka plano sa pagtuon aron sa pag-andam kanimo sa pagbuhar sa usa sa mosunod nga mga butang diha sa pinulongan sa imong misyon:
 - Isaysay ang istorya ni Joseph Smith.
 - I-summarize ang 3 Nephi 11.
 - I-summarize ang Alma 32.
 - Isaysay ang istorya ni Nephi ug sa tumbaga nga mga palid (tan-awa sa 1 Nephi 3–5).
 - Ipasabut ang mga dispensasyon.
 - Pagpaambit og usa ka personal nga kasinatian.
- Paghimo og mga kard sa pagpahinumdum alang sa mga pulong nga wala nimo masayri diha sa usa sa mga leksyon. Dad-a kini hangtud nga imong makat-unan kining tanan.

Pagtuon Kauban ang Kompanyon

- Pagpraktis sa pagtudlo sa usag usa sa mga leksyon sa misyonaryo ginamit ang pinulongan sa inyong misyon.
- Hangyog ang imong kompanyon sa pagpaminaw sa imong *pronunciation* ug sa pagtabang kanimo nga molambo.
- Pagpili og mga istorya o mga tudling sa kasulatan nga gusto nimong gamiton sa pagtudlo. Pagpraktis sa pag-summarize niini sa imong kaugalingong mga pulong.
- Ribyuha ang mga ideya niini nga hugna. Hisguti kon hain nga mga sugyot ang imong magamit sa pagtuon kauban ang kompanyon inig sunod semana.
- Kon nagbansay ka og bag-ong misyonaryo, hinumdumi ang mga sitwasyon sa dihang ang imong kompanyon wala masabti. Paghimo og lista sa tukma nga mga pulong, mga hugpong sa mga pulong, o *grammar* nga makatabang sa imong kompanyon. Ipasabut ug praktisa kon unsaon sa paggamit sa unsay naa sa lista para sa umaabut, giplano nga mga kalihokan.

Mubo nga mga sulat

Mga District Meeting ug mga Zone Conference

- Pagdapit og lumad nga mga mamumulong ngadto sa miting. Ipahigayon nga ang mga misyonaryo motudlo kanila diha sa gagmayng mga pundok. Hangyos ang lumad nga mga mamumulong sa pagsulat ug sa paghatag og *feedback* kabahin sa pinulongan sa mga misyonaryo.
- Sanguning daan ang usa o duha ka mga misyonaryo sa pagsulti mahitungod sa mga kalampusan nga ilang naangkon diha sa pagtuon sa pinulongan. Ipaambit ang ilang mga ideya.
- Sanguni ang usa ka eksperyensyado nga misyonaryo sa pagpresentar sa pipila ka bahin sa pinulongan nga sa kasagaran lisud alang sa mga misyonaryo. Pagpresentar og mga ehemplo sa maayong paggamit, ug ipapraktis kini sa mga misyonaryo.
- Papakigbahina og makatabang nga mga hunahuna ang mga misyonaryo kinsa mga lumad [*native*] sa kultura.

Mission President

- Interbyuha ang mga misyonaryo matag karon ug unya kalabut sa pinulongan nga ilang gikat-unan.
- Pangayo og mga ideya sa lokal nga mga lider sa priesthood kabahin kon unsaon sa mga misyonaryo pagpalambo ang ilang pinulongan.
- Ilha ang labing komon nga mga sayop nga mahimo sa mga misyonaryo nga nagkat-on sa pinulongan sa imong misyon. Paghatag og instruksyon diha sa zone conference kabahin sa pagkoriahir niini nga mga sayop.
- Tudloi ang mga misyonaryo sa doktrina bahin sa espirituhanong mga gasa.
- Obserbahi ang imong mga misyonaryo kon magtudlo sila gamit ang pinulongan.
- Pangita og mga oportunidad sa paggamit sa pinulongan uban sa imong mga misyonaryo.

Mubo nga mga sulat

Lined writing area with 25 horizontal lines for student responses.



Unsaon man Nako Paggamit ang Panahon sa Maalamong Paagi?

Mubo nga mga sulat

Konsideraha Kini

- Sa unsang paagi nga ang mga tumong makatabang nako nga mahimong usa ka mas epektibo nga misyonaryo?
- Unsa man ang kinahanglang i-pokus sa akong mga tumong?
- Unsa man ang akong mga *planning tools* ug mga kapanguhaan [*resources*], ug unsaon man kini nako paggamit?
- Nganong importante man ang libro sa erya [*area book*]?
- Unsaon man nako pag-*conduct* sa sinemana ug inadlaw nga mga sesyon sa pagplano?
- Unsaon man nako sa pagkahibalo kon ang akong mga tumong ug mga plano nakatabang ba sa pagpalambo sa buhat sa Ginoo?

Gi-assign ka sa paghimo sa buhat sa Ginoo sa usa ka piho nga area. Gusto Niya nga imong bantayan ang imong area uban sa gugma ug maayong pag-atiman. Ang imong katuyoan mao ang pagtabang sa uban nga maduol Kaniya pinaagi sa bunyag ug pagkumpirma.

Buhata ang tanan nimong mabuhat kutob sa mahimo nga mobiya sa imong area nga mas lig-on kay sa imong pagkakaplag niini. Ang makahuluganong mga tumong ug mabinantayong pagplano makatabang kanimo nga matuman kon unsay gipaabut sa Ginoo kanimo. Sa imong pag-atiman sa mga tawo sa imong gi-assign nga area, moasoy ka ngadto Niya ug sa imong mga lider sa misyon.

Mubo nga mga sulat

Ang imong sulat sa pagtawag nga mahimong misyonaryo o *missionary call letter* nagkanayon: “Ikaw gilauman usab sa paggahin sa tanan nimong panahon ug atensyon sa pag-alagad sa Ginoo, talikdan ang ubang mga *personal* nga kalihokan. Sa pagbuhat nimo niining mga butanga ang Ginoo mopanalangin kanimo ug mamahimo ka nga usa ka epektibong tigpasiugda ug mensahero sa kamatuoran. Among ihatag kanimo ang among pagsalig ug nag-ampo nga ang Ginoo motabang kanimo nga masunod nimo ang mga responsibilidad sa pagtuman niining sagradong buluhaton.” Kini nga hugna motabang kanimo nga makahibalo kon unsaon nga ang paghimog tumong, pagplano, ug ang pagkamay-tulubagon makatabang sa daghang mga tawo nga makadawat sa gipahiuli nga ebanghelyo.

Kalihokan: Personal nga Pagtuon o Pagtuon Kauban ang Kompanyon

Basaha ang Jacob 5:11–13, 61–64, 74–75, ug tubaga kining mga pangutanaha:

- Unsa man ang gibati sa Ginoo kabahin sa iyang mga anak?
- Unsa nga matang sa paningkamot ang gipaabut sa Ginoo sa iyang mga sulugoon?

Mga Mahinungdanong Ilhanan sa Pagkakabig

Siguro naghunahuna ka kon hain sa daghan nimong mga katungdanan ang pinaka importante. Aron matubag kining pangutanaha, kinahanglan nimong masabtan ang imong katuyoan ug masayran kon sa unsa nga paagi nga ang epektibong paggamit sa panahon makatabang kanimo sa pagtuman niini nga katuyoan.

Ang imong katuyoan mao ang pagdapit sa uban nga moduol kang Kristo pinaagi sa pagtabang kanila nga makadawat sa gipahiuli nga ebanghelyo pinaagi sa hugot nga pagtuo diha kang Jesukristo ug sa iyang Pag-ula, paghinulsol, bunyag, pagdawat sa gasa sa Espiritu Santo, ug sa paglahutay hangtud sa katapusan. Ang mga mahinungdanong ilhanan giila na sa mga lider sa Simbahan aron sa pagtabang kanimo nga makapokus niini nga katuyoan. Sa imong pagpokus niini nga mga ilhanan, magtabang ka sa mga tawo nga mouswag ngadto sa bunyag, pagkumpirma, padayong pagkaaktibo sa Simbahan, ug malungtarong konbersyon.

Mga Mahinungdanong Ilhanan nga I-rekord ug I-report

- Mga investigator nga gibunyagan ug gikumpirmahan
- Mga investigator nga gitakda na ang petsa sa pagbunyag
- Mga investigator nga mitambong sa sakrament miting
- Mga leksyon nga gitudlo ngadto sa mga investigator nga adunay miyembro nga mitambong
- Ubang mga leksyon nga gitudlo
- Nag-uswag nga mga investigator
- Nadawat ug nakontak nga mga referral
- Bag-ong mga investigator
- Mga leksyon nga gitudlo ngadto sa bag-o nga mga kinabig ug dili kaayo aktibo nga mga miyembro

Kini nga mga ilhanan nagpaila sa mga panghitabo ug mga kahimtang nga nagpakita sa pag-uswag sa usa ka tawo ngadto sa malungtarong konbersyon. Usa ka mubong paghulagway sa kada mahinungdanong ilhanan gihatag sa ubos:

Mga kinabig nga gibunyagan ug gikumpirmahan: Ang kada convert nga nakadawat sa mga ordinansa sa bunyag ug pagkumpirma.

Mga investigator nga gitakda na ang petsa sa pagbunyag: Ang kada investigator nga miuyon nga mabunyagan ug makumpirmahan sa pihong mga petsa.

Mga investigator nga mitambong sa sakrament miting: Ang kada investigator nga nakatambong og sakrament miting.

Mga leksyon nga gitudlo ngadto sa mga investigator nga adunay miyembro nga mitambong: Ang kinatibuk-ang gidaghanon sa mga leksyon nga gitudlo ngadto sa tanang mga investigator nga adunay miyembro nga mitambong. Usa ka leksyon nga *typically* nga naglakip sa pagtudlo sa usa o dugang pa nga mga baruganan sa ebanghelyo gikan sa mga leksyon, usa ka pangbukas ug panapos nga pag-ampo, ug mga imbitasyon sa paghimo og mga pasalig. Dili kinahanglan ang pagtudlo sa tanang mga baruganan sa usa ka leksyon aron pagkonsiderar niini nga usa ka kompleto nga leksyon. Ang pagka-epektibo sa imong pagtudlo mahimong masukod pinaagi sa mga investigator kon naglambo ba sila diha sa ilang pagtuo sa Manluluwas, naghinulsol sa ilang mga kalapasan, ug tinud-anay nga nangandam sa pagdawat sa mga ordinansa sa bunyag ug pagkumpirma.

Ubang mga leksyon nga gitudlo: Ang kinatibuk-ang gidaghanon sa mga leksyon nga gitudlo ngadto sa mga investigator nga walay miyembro nga mitambong.

Nag-uswag nga mga investigator: Ang kinatibuk-ang gidaghanon sa mga investigator nga natudloan og duha o sobra pa nga mga leksyon ug nagtuman sa mga pasalig sama sa pag-ampo, pagbasa sa Basahon ni Mormon, pagtambong sa simbahan, ug pag-andam alang sa bunyag ug pagkumpirma. Ang mga investigator nga andam sa pagpadayon sa pagkat-on bahin sa ebanghelyo pero nanglimbasug sa pagtuman sa mga pasalig dili sila nag-uswag nga mga investigator ingon nga maoy depinision dinhi. *Gi-classify* sila isip bag-o nga mga investigator o ubang mga investigator.

Mga referral nga nadawat ug nakontak: Ang kinatibuk-ang gidaghanon sa mga referral nga imong nakontak ug gitudloan man o gipangutana alang sa usa ka pihong *appointment* nga mobalik. Sa higayon nga makakontak ka og usa ka referral, ang referral ibalhin gikan sa *referral pool* ug mahimo man kining usa ka bag-ong investigator, pagamarkahan alang sa dugang pag-*follow-up*, o biyaan. Ang usa ka referral gikonsiderar usab nga nakontak kon human sa daghang mga pagpaningkamot wala nimo maabti ang tawo o nahibaloan nimo nga ang address dili sakto. Kini nga mga referral ipadala og balik ngadto sa opisina sa misyon uban sa usa ka mubong sulat nga naghulagway nganong wala mahimo ang pagkontak.

Ang kinatibuk-ang mga referral nga nadawat nagpasabut sa tanang mga referral nga imong nadawat nga wala pa makontak (referral gikan sa mga miyembro, mga investigator, punoang buhatan sa Simbahan, ug uban pa).

Mubo nga mga sulat

Bag-o nga mga investigator: Ang kinatibuk-ang gidaghanon sa mga indibidwal nga nakadawat og leksyon ug miuyon sa usa ka pihong *appointment* nga mobalik.

Mga leksyon nga gitudlo ngadto sa bag-o nga mga kinabig [*convert*] ug dili kaayo aktibo nga mga miyembro: Ang kinatibuk-ang gidaghanon sa mga leksyon nga gitudlo ngadto sa mga kinabig nga namiyembro nga wala pay usa ka tuig ug ngadto sa dili kaayo aktibo nga mga miyembro.

Sa imong paghimo og mga tumong ug pagbuhat og mga plano, timbang-timbanga kon unsay imong gibuhahat bahin sa kon sa unsang paagiha nga ang imong mga paningkamot modugang ngadto sa kadaghanon sa mga tawo nga girepresentaran sa kada usa niining mga mahinungdanong ilhanan. Ang imong tumong kinahanglang mao ang pagbaton og nagsaka nga gidaghanon sa kada mahinungdanong ilhanan.

Maghimo mo og daghang mga butang nga wala gihulagway diha sa mga mahinungdanong ilhanan, sama sa *street contacting* o personal nga pagtuon ug pagtuon kauban ang kompanyon. Kining importanting mga kalihokan nagdugang ngadto sa usa o daghan pa nga mga mahinungdanong ilhanan. Pananglitan, kon magtudlo mo niadtong inyong nakaplagan pinaagi sa inyong kaugalingong mga paningkamot, nagdugang mo og bag-ong mga investigator sa inyong *teaching pool*. Usab, ang kalidad sa inyong personal nga pagtuon ug pagtuon kauban ang kompanyon mopalambo sa inyong abilidad sa pagtudlo pinaagi sa Espiritu, nga maoy mopanalangin sa inyong bag-o ug nag-uswag nga mga investigator. Ang gahum sa inyong pagkaplag ug pagtudlo makaimpluwensya sa kada mahinungdanong ilhanan. Timbang-timbanga ang tanan ninyong gibuhahat kon kini nakadugang ba sa gidaghanon sa mga tawo niining mga kategoriya. Kon ikaw ug ang imong kompanyon dili makakita kon sa unsa nga paagi nga ang usa ka kalihokan sa pagproselayt makatabang sa pagpasaka sa gidaghanon sa mga tawo diha sa usa o dugang pa nga mga mahinungdanong mga ilhanan, kinahanglan kamong mangutana kon ang kalihokan angay ba sa inyong panahon.


Kalihokan: Pagtuon Kauban ang Kompanyon

Sa imong journal sa pagtuon, ilista ang kada kalihokan nga pangproselayting nga inyong nabuhahat sa milabayng tulo ka mga adlaw. Sa kada kalihokan, tinoa kon nakaimpluwensya ba kini sa usa sa mga mahinungdanong ilhanan. Kon nakaimpluwensya kini, isulat ang oo sa kilid niini. Kon wala, isulat ang *wala*. Sa kada kalihokan nga dunay oo, ihulagway kon sa unsang paagiha kini nakahatag og gibug-aton. Sa kada kalihokan nga dunay *wala*, desisyuni kon nganong inyo kining gibuhahat ug kon kamo ba mopadayon sa paghimo sa kalihokan sa umaabut. Hisguti ang imong lista uban sa imong kompanyon, ug ipasabut kon nganong gimarkahan nimo ang ubang mga kalihokan og oo ug ang uban *wala*. Hisguti kon hain nga mga kalihokan ang inyong ihunong pagbuhat.

Ang Libro sa Erya [Area Book] ug ang mga Himan [Tools] sa Pagplano ug Pagreport

Kabahin niadtong gidawat sa Simbahan pinaagi sa bunyag ug pagkumpirma nining panahona, si Moroni mitudlo, “Ang ilang mga ngalan gikuha, nga sila mahinumduman ug maamumahan pinaagi sa maayo nga pulong sa Dios, aron pag-agak kanila sa matarung nga agianan” (Moroni 6:4).

Gihatagan ka og mga kahimanan aron sa pagtabang nimo nga marekord ang importanting impormasyon bahin sa mga tawo nga inyong gitudloan. Kini nga mga himan nagtugot usab kanimo sa pagpaambit sa saktong gidaghanon sa impormasyon uban niadtong nanginahanglan niini, sama sa gipakita sa mosunod nga ilustrasyon.



Kini nga mga himan ug tanang impormasyon nga gikinahanglan aron sa pagbuhat sa imong trabaho gitipigan diha sa libro sa erya [area book] ug sa Daily Planner sa Misyonaryo. Kini nga libro sa erya [area book] gi-organisar sama sa mosunod:

- **Mapa sa Erya**
 - Mapa sa area nga adunay usa ka *outline* sa mga utlanan
- **Mga Rekord sa Pag-uswag**
 - Mga porma sa Rekord sa Pag-uswag
- **Mga Investigator nga Gitakda na ang Petsa sa Bunyag ug Pagkumpirma**
 - Mga porma sa Rekord sa Pagtudlo
- **Nag-uswag nga mga Investigator**
 - Mga porma sa Rekord sa Pagtudlo
- **Bag-o ug Ubang mga Investigator**
 - Mga porma sa Rekord sa Pagtudlo
- **Potensyal nga mga Investigator**
 - Mga porma sa Potensyal nga mga Investigator
 - Mga rekord sa mga referral sa media ug ubang mga referral
- **Kanhi nga mga Investigator**
 - Mga porma sa Rekord sa Pagtudlo
- **Bag-o nga mga Kinabig [Convert] ug Dili Kaayo Aktibo nga mga Miyembro**
 - Mga porma sa Rekord sa Pagtudlo
 - Mga porma sa *Convert Action List*
- **Impormasyon sa Ward ug Misyon**
 - *Ward Directory*
 - Lista sa mga katungdanan diha sa ward
 - Iskedyul sa mga miting sa ward ug sa mga misyonaryo
 - Lista sa mga pamilya nga dili tanan nga miyembro sa Simbahan
 - Directory sa mga misyonaryo diha sa inyong district o zone
- **Pagpangulo**
 - Mga Minubo nga Report nga Gihimo pinaagi sa Telepono

Mubo nga mga sulat

Mubo nga mga sulat

- **Impormasyon kabahin sa Erya**
 - Impormasyon kabahin sa apartment
 - Pangpublikong transportasyon
 - Tupihanan
 - Labhanan
 - Mga lugar nga palitanan
 - Mga lugar nga likayan
 - Mga kontak

Libro sa Erya [Area Book]

Kada lugar nga kaposelaytan adunay usa ka libro sa erya, nga mahimong mahangturong rekord sa imong inadlaw-adlaw nga mga paningkamot. I-*update* ang mahinungdanong impormasyon kada adlaw, ug tan-awa kini kada semana atol sa imong sinemanang sesyon sa pagplano. Ipabilin kining limpyo, *current*, ug sakto aron nga ang umaabut nga misyonaryo makabarug sa dinasig nga serbisyo nga imong gihatag. Kon gidapit, dad-a ang imong libro sa erya ngadto sa mga interbyu o mga zone conference, kon asa ang mga lider sa misyon makaribyu niini ug makatabang nimo nga mahibalo kon unsaon paggamit niini sa pinaka epektibo nga paagi.

Kinahanglan kang motan-aw sa pipila ka bahin sa libro sa erya kada adlaw samtang imong gi-*update* ug gi-adjust ang imong mga plano. Dad-a ang imong libro sa erya ngadto sa mga zone conference ug mga interbyu aron nga ang mga lider sa misyon makaribyu niini. Kining libroha kinahanglang magpabilin sa inyong apartment human ka mabalhin aron nga ang umaabut nga mga misyonaryo makagamit sa impormasyon.

Sa inyong libro sa erya, pagbaton og sakto, kompleto, ug kasamtangang [*current*] nga mga rekord sa tanang mga tawo nga imong gikauban sa pagtrabaho. Usa ka pagpasabut sa mga himan nga giandam nagsunod.

Rekord sa Pagtudlo: Kini nga porma makatabang nimo sa pagrekord sa detalyadong impormasyon nga may kalabutan sa pag-uswag sa mga investigator, bag-ong mga kinabig, ug dili kaayo aktibo nga mga miyembro nga inyong gitudloan.

- Personal nga impormasyon.
- Mga petsa sa bunyag ug pagkumpirma.

Rekord sa Pagtudlo

ANG SIMBAHAN NI
JESUKRISTO
SA MGA SANTOS
SA ULAHING MGA ADLAW

Erya nga ka-prosektayan _____ Ward o branch _____ Stake o district _____

Personal nga impormasyon (Tan-awa ang luyo alang sa dugang personal nga impormasyon.)

(Mga) Pangalan sa tawo o magtiayon _____ *Klase _____ Edad _____ Petsa sa unang pagkalo _____ Gitada nga petsa sa pag-bunyag _____ Aktwal nga petsa sa pag-bunyag _____ Petsa sa Paglumpirma _____ Mga pangalan sa mga anak (Dugang nga mga pangalan mahimong isulat sa Hinikling nga mga Impormasyon nga anaa sa Blood nining porma.) _____ Edad _____ Edad _____

Address _____ Numero sa telepono _____ Ang mga misionaryo nga nagsugod sa pagtudlo _____

Pangalan sa mga fellowshippers ug mga home o visiting teachers _____ Numero sa telepono _____ Address _____

*Klase 1 – Investigator; BK – Bag-ong kinabig; DA – Dili kaayo aktibo nga miyembro; M – Miyembro; DTM – Pamilya nga dili tanan miyembro sa Simbahan

Petsa Kanus-a ang mga Leksyon ug ang mga Baruganan Gitudlo (Lingini kon gitudlo nga adunay miyembro nga masyong)				Status sa mga Pasalig o mga kalihokan para sa Investigator o Pangulo sa Panimulang			
Mensahe sa Pagpahiuli	Sa Dili pa ang Bunyag	Human sa Bunyag	Mga kasugayan	Sa Dili pa ang Bunyag	Human sa Bunyag	Gi-ri-bitar	Nag-sunod
Ang Dios Mao ang atong mahigugmaong Langitnong Kinaban			Pagkamasulundon				Nagbasa gikan sa Basahon ni Mormon
Ang ebanghelyo mopanalangin sa mga pamilya			Pag-ampo kanunay				Nag-ampo kabahin ni Joseph Smith ug sa Basahon ni Mormon
Mga dispensasyon sa ebanghelyo			Pagtuon sa mga kasulatan				Mitambong sa sakrament ug uban pa nga mga miting
Ang yutan-ong pangalagad sa Manlaluwas			Balaana ang adlawng kpagpahulay				Ang mga anak mitambong sa Primary, sa Young Men, o sa Young Women
Ang Dakong Apostasiya			Bunyag ug pagkumpirma				Mitapila-ila sa pamilya ug mga higala ngadto sa mga miyembro
Ang Pagpahiuli: Joseph Smith			Sunda ang propeta				Mitambong sa usa ka tumanon sa bunyag (pastoral service)
Ang Basahon ni Mormon			Buhala ang Napulo ka mga Sugo				Nahamalat ang bishop ug ang mga sakop sa ward council
Pag-ampo: Espiritu Santo			Sunda ang balaod sa kaputi				Naka-almad ug panaghigabay uban sa mga miyembro sa ward
Piano sa Kaluwasan			Sunda ang Pulong sa Kaalam				Nagtuman sa Napulo ka mga Sugo
Kinabuh nga sa wala pa dinhi sa yuta			Tumanan ang balaod sa ikapulo				Nagsunod sa balaod sa kaputi
Ang Paglalang			Tumanan ang balaod sa puusa				Nagsunod sa Pulong sa Kaalam
Kabut-on ug ang Pagkapukan			Unsaon pag-amol sa mga ikapulo ug mga haad				Nagtuman sa balaod sa ikapulo
Ang atong kinabuh dinhi sa yuta			Sunda ug respetoha ang balaod				Nagtuman sa balaod sa puusa
Ang Pag-ula			Mga Balaod ug mga Ordinsans				Nagsunod sa balaod sa yuta
Ang kalloutan sa espiritu			Ang Priesthood ug ang mga auxiliary				Interbyuhonon para sa bunyag ug kumpirmasyon
Pagkabambaw, pagtukom, ug pagka-impal			Misionaryo nga buhat				Pangimbitar ug mga higala ug kapamilya sa pagtambong sa itang bunyag ug kumpirmasyon
Mga gingharan sa himaya			Mahanghanon nga kaminyoon				Mabunyan ug makumpirmahan
Ebanghelyo ni Jesukristo			Ang mga templo ug ang family history				Adunay adlaw-adlaw nga kumpirmasyon nga pag-ampo ug pagtuon sa kasulatan
Nalipohan gikan sa sala			Serbiyo				Adunay adlaw-adlaw nga pag-ampo ug pagtuon sa kasulatan sa pamilya
Hugot nga pagtuon alha kang Jesukristo			Pagtudlo ug pagkat-on				Nagpahigayon ug sinimana nga family home evening
Paghinulsod			Paglahutay hangtud sa katapusan				Nakadawat sa priesthood
Bunyag, ang atong unang pagkasad			Pagbiyu sa mga Pangutana sa Interbyu para sa Bunyag				Nakadawat ug katungdanan sa Simbahan
Ang gasa sa Espiritu Santo							Nakaapil sa mga bunyag alang sa mga katay
Paglahutay hangtud sa katapusan							

(Tan-awa ang luyo nini para sa dugang personal nga impormasyon)

© 2004 IRL 7/02, 08/02, G-00170 sa TSA, 36987 8/03

(Atubangan)

- Usa ka rekord kon kanus-a nimo gitudlo ang mga baruganan gikan sa kada usa sa lima ka mga leksyon ug kon adunay miyembro nga mitambong. Kini nga seksyon nagtugot kanimo sa pagpahiangay sa pagsubay kon unsay imong gitudlo, bisan unsa pa may han-ay sa imong pagtudlo sa mga baruganan.
- Mahimo nimong masubay ang mga leksyon nga gitudlo sa wala pa ang bunyag ug ang mga leksyon nga gitudlo human sa bunyag.
- Usa ka rekord sa status sa mga pasalig nga kinahanglang tumanon sa mga investigator. Diha niana nga seksyon imong i-rekord ang petsa nga imong gihatag ang pagdapit ug markahi kon sila ba nagpadayon sa pagtuman sa pasalig.

Mubo nga mga sulat

- Usa ka seksyon diin imong ihulagway ang *background* sa tawo o pamilya. Ayaw iapil ang personal ra kaayo ug negatibong mga komentaryo.
- Usa ka seksyon kon asa nimo ihulagway ang importante nga impormasyon gikan sa mga pagbisita aron sa pagtudlo [*teaching visit*]. Mahimo nimong iapil ang mga *concern* nga gipadayag sa mga tawo, mga pasalig nga gipanglimbasugan nila sa pagtuman, ug mga kalampusan nga naangkon nila diha sa pagbasa o pag-ampo. Butangi usab og ilhanan kon nakatambong sila sa simbahan ug unsay ilang nabasa diha sa Basahon ni Mormon.
- Usa ka seksyon kon asa nimo masubay ang *follow-up* nga mga pagbisita kon ang tawo o pamilya mihunong sa pagsusi bahin sa Simbahan.

Rekord sa Pagtudlo (gipadayon)

Hinikling nga mga Impormasyon (Hulagway kon giunsa sa maong tawo o pamilya nga nahibalik sa Simbahan, syng trabaho, tinuohan, mga ilig, ug uban pa.)

Mga Komentaryo kabahin sa mga Pagbisita aron sa Pagtudlo

Prema	Hulagway kon giunsa niya pagpahin o pagtawo ang unsay giunsa, pagtuon sa mga pasalig, ug uban pa.	Numero sa kodigo labing sampunang QuikWay	Rekord sa ilang pagbasa sa Basahon ni Mormon

Status sa Kanhi nga Investigator (Hulagway kon nganong nuandong sila sa pag-mbeestigar sa Simbahan; hulagway ang mga resulta sa kada pagbisita aron sa pag-follow-up.)

Prema	Prema sa pagbisita	Mga Misyonero

(Likod)

Kon ang usa ka Rekord sa Pagtudlo nahimo na, kinahanglan kining magpabilin diha sa libro sa erya [*area book*] hangtud nga ang tawo o pamilya hinpit gyud nga naaktibo diha sa Simbahan, nabalhin, o namatay.

ANG SIMBAHAN NI JESUKRISTO SA MGA SANTOS SA ULAHING MGA ADLAW

Rekord sa Pag-uswag

Gamiton sa paghalag og impormasyon mahitungod sa mga Investigator, bag-o nga mga kinabig, ug di kaayo aktibo nga mga miyembro ngadto sa mga lider sa ward o stake.

Mga pangalan sa mga misyonero
Ward o branch: _____ Prema: _____

Usabong ilhanan*	Pangalan	Edad	L o B	Pinoy-an	Numero sa ilhanon	Mga kaayon nga giunsa (Bingit kon giunsa nga akaw miyembro nga mitambong)	Full-timber o home teacher	Kaaliha niya nakasanta	Mga pinto sa pagtambong ug pagpangitnaw	Prema nga ni-ordinar sa Priesthood	Tabang nga ginhahanglan

*Klasa: I – Investigator; BK – Bag-ong Kinabig; DA – Di kaayo aktibo nga miyembro; DTM – Pamilya nga di tanan miyembro sa Simbahan

Mga Mahitungdanong Ilhanan: Kalapusan adlaw sa semana

Alinal	Mga Investigator nga gipangitnaw ug gipangitnaw	Mga Investigator nga gipadag na ang pinto sa pagpangitnaw	Mga Investigator nga mitambong sa sakamant maling	Mga kaayon nga giunsa ngadto sa mga misyonero ug ngadto sa mga miyembro nga giunsa	Usabong nga kaayon nga giunsa	* Nag-uswag nga mga Investigator		Mga nabalhin		Mga kaayon nga giunsa ngadto sa mga misyonero nga giunsa ngadto sa mga miyembro
						Natalaw	Nabalhin	Bag-o nga mga Investigator	Mga kaayon nga giunsa ngadto sa mga misyonero	

* Nag-uswag nga mga Investigator: Mga Investigator nga kabaho o katulo na nga natubdan ug naghatag sa ilang mga pasalig nga mobasa sa Basahon ni Mormon ug mag-ampo kabahin nira ug sa Propeta nga si Joseph Smith, moccaba ug uban pa.

© 2004 EPL, TOL, TOL, Ginepina sa TOL, 99998-000

Rekord sa Pag-uswag: Kini nga rekord makapahimo nimo sa pag-*summarize* sa pag-uswag sa mga investigator, bag-o nga mga kinabig, ug dili kaayo aktibo nga mga miyembro nga imong gitudloan. Nagtugot usab kini nimo sa pagreport sa mga mahinungdanong ilhanan. Gamita kini sa pagpahan-ay sa inyong mga paningkamot uban sa mga lider sa ward ug stake diha sa *missionary coordination* ug mga miting sa ward council. Imo kining *i-update* ang rekord atol sa inyong sinemanang sesyon sa pagplano o sa wala pa ang mga miting sa ward council. Kon mahimo, paghatag og mga kopya niini nga rekord ngadto sa bishop, sa ward mission leader, ug sa ubang mga sakop sa ward council kada semana o makadaghan sigun sa gikinahanglan. Siguroha nga ang impormasyon nga imong giapil diha sa mga porma sa Rekord sa Pag-uswag kompleto, sakto, ug limpyong pagkasulat. Makahatag kini kanimo sa pagsalig sa ward council.

Potensyal nga mga Investigator: Kini nga porma makapahimo nimo sa pagbaton og rekord sa mga tawo nga adunay potensial nga mahimong mga investigator.

- Ang status sa potensial nga investigator. (Siya ba gi-drop na, siya ba ginatudloan karon, o kinahanglan pa kamong mohimo og dugang pa nga pag-follow-up?)
- Kon ang tawo usa ka referral o nakaplagan sa mga misyonaryo.
- Ang petsa nga ang tawo nakontak.
- Importanting mga komentaryo.

ANG SIMBAHAN NI JESUKRISTO SA MGA SANTOS SA ULAHING MGA ADLAW										
Potensyal nga mga Investigator							Ebay nga ka-onseksyon			
Rekord sa mga impormasyon mahitungod sa mga referral nga inyong mibati o mga tawo nga inyong nakahabig kinsa, pinalagi sa dugang nga pagkontak, positib ngadto sa usa ka misyonaryo sa pagpali-on kabalala sa gipanalap nga ebanghelyo.							Ward o branch		Siya o direkt	
Status	Pangalan	Address	Numero sa telepono	***** ****M	Petsa nga gikontak	Mga komentaryo (Lina sa referral, mga rebasyon nga gihimo, resulta sa sulat nga mga pagbisita)				

***H = Gihunong na; T = Gibalala; C = Cawag
 ****M = Referral sa Miyembro; I = Referral sa Investigator; N = Referral sa dili miyembro; HQ = Referral sa Church headquarters; K = Kontak sa Miyonaryo

© 2014 PLT, ITC, OTC, OPC, OTC sa TM, 2004/01

Kopyaha ngadto sa porma sa Potensyal nga mga Investigator ang importanting impormasyon gikan sa seksyon nga “Potensyal nga mga Investigator” sa Daily Planner sa Misyonaryo. Gamita kining impormasyon aron sa pagplano og *follow-up* nga mga pagbisita, sa pagribyu sa buhat sa miyembro ug misyonaryo uban sa ward mission leader, ug sa pagplano og ubang mga kalihokan nga mahimong makatabang niining mga tawhana nga magsugod sa pagpakisusi sa gipahiuling ebanghelyo. Kini nga porma nagsilbi usab isip usa ka historikal nga rekord alang sa mga misyonaryo nga ma-assign sa area sa umaabut. Kon ikaw mabalhin sa laing area, siguroha pagkopya ang tanang impormasyon gikan sa imong Daily Planner sa Misyonaryo.

Mubo nga mga sulat

Minubo nga Report nga Gihimo pinaagi sa

Telepono: Gamita kini nga report kada semana aron sa pagkolekta og impormasyon sa kada usa sa mga mahinungdanong ilhanan. Ang kada *companionship* mogamit sa Minubo nga Report nga Gihimo pinaagi sa Telepono nga makita diha sa likod sa ilang Daily Planner sa Misyonaryo aron sa paghatag niining impormasyon ngadto sa district leader. Ang district leader mosulat sa ngalan sa kada *companionship* sa iyang district diha sa Minubo nga Report nga Gihimo pinaagi sa Telepono, kauban sa ilang sinemanang mga total alang sa kada usa sa mahinungdanong ilhanan. Iya dayong totalon ang mga resulta alang sa district diha sa ubos. Ang impormasyon pataas. Ang mga district leader mohatag sa mga district total ngadto sa ilang mga zone leader.

Ang mga zone leader mohatag sa zone total ngadto sa mga assistant sa presidente. Ang mga assistant sa presidente mohatag sa mission total ngadto sa mission president.

Ang Daily Planner sa Misyonaryo: Kini nga himan naglakip sa mosunod nga mga butang nga na niini:

- Unom ka mga semana sa inadlaw nga mga eskedyul, uban sa ikapito nga semana sa usa ka daling tan-awon nga pahina.
- Mga pahina alang sa sinemana nga mga tumong.
- Usa ka *summary* sa mga sumbanan sa pagplano; usa ka lista sa mga panghitabo nga nagpaingon sa bunyag, pagkumpirma, ug kaaktibo diha sa Simbahan; mga plano sa pagtudlo sa leksyon sa mga leksyon sa misyonaryo; mga ideya alang sa pagpangita og mga tawo nga katudloan; ug mga pangutana sa interbyu sa bunyag.
- Usa ka seksyon alang sa impormasyon bahin sa mga kontak ug alang sa mga address ug mga numero sa telepono sa mga investigator ug mga miyembro.
- Usa ka Minubo nga Report nga Gihimo pinaagi sa Telepono alang sa pagsubay sa imong sinemana nga mga resulta.

ANG SIMBANGAN NI JESUKRISTO SA MGA SANTOS SA ULAHING MGA ADLAW										
Minubo nga Report nga Gihimo pinaagi sa Telepono										
Katapusang adlaw sa semana										
Ngalan sa yari nga nagreport (Misyonaryo, distrito, zone)	Mga investigator nga ginhatagan og pahanumasan	Mga investigator nga mga pribado na ang pataas sa paghatag	Mga inwang gawo nga mahinungdanong mga salawani miting	Mga kilason nga pribado ngadto sa mga investigator nga kilason miyembro nga mahinungdanong	Ubang nga kilason nga pribado	Mga inwang nga mga investigator	Mga inwang	Mga inwang	Mga inwang	Mga kilason nga pribado ngadto sa mga inwang miyembro nga mahinungdanong
Total										
Katapusang adlaw sa semana										
Ngalan sa yari nga nagreport (Misyonaryo, distrito, zone)	Mga investigator nga ginhatagan og pahanumasan	Mga investigator nga mga pribado na ang pataas sa paghatag	Mga inwang gawo nga mahinungdanong mga salawani miting	Mga kilason nga pribado ngadto sa mga investigator nga kilason miyembro nga mahinungdanong	Ubang nga kilason nga pribado	Mga inwang nga mga investigator	Mga inwang	Mga inwang	Mga inwang	Mga kilason nga pribado ngadto sa mga inwang miyembro nga mahinungdanong
Total										
Katapusang adlaw sa semana										
Ngalan sa yari nga nagreport (Misyonaryo, distrito, zone)	Mga investigator nga ginhatagan og pahanumasan	Mga investigator nga mga pribado na ang pataas sa paghatag	Mga inwang gawo nga mahinungdanong mga salawani miting	Mga kilason nga pribado ngadto sa mga investigator nga kilason miyembro nga mahinungdanong	Ubang nga kilason nga pribado	Mga inwang nga mga investigator	Mga inwang	Mga inwang	Mga inwang	Mga kilason nga pribado ngadto sa mga inwang miyembro nga mahinungdanong
Total										

* Nag-angay nga mga investigator: Mga investigator nga katulo o karabang nga makita sa paghatag sa ilang mga zonang nga makita sa Simbahan sa Misyonaryo nga mga zona makita sa ilang mga zona. © 2014 BIR, TBC, Galesburg sa TBC, Idaho 834

Atol sa inyong sinemana nga sesyon sa pagplano, inyong isulat ang inyong sinemana nga mga tumong diha sa pahina nga Sinemana nga mga Tumong sa Daily Planner sa Misyonyaryo sama sa gihulagway sa ubos.

- Sinemana nga tumong alang sa kada usa sa mahinungdanong ilhanan.
- Aktwal nga mga resulta alang sa semana. Ang mga resulta alang sa kada adlaw makita diha sa inadlaw nga eskedyul. Ang total alang sa kada semana gibalhin dinhi.

Mga Pahinumdom/ Listahan Sa Buhatonon		Sinemana nga mga Tumong			
<div style="border: 1px solid gray; height: 150px; width: 100%;"></div>		Semana sa _____ hangtod _____			
		Mahinungdanon nga mga Ilhanan	Sinemana nga mga Tumong	Arng Aktwal sa Kada Semana	
		Mga investigator nga nabunyagan ug nakumpirahan	Pagbunyag Pagkumpirama		
		Mga investigator nga gitakda na ang petsa sa pagbunyag			
		Mga investigator nga mitambong sa sakrament miting			
		Mga leksyon nga gitudlo ngadto sa investigator nga adunay miyembro nga mitambong			
		Ubang mga leksyon nga gitudlo			
		*Nag-uswag nga mga investigator			
		Mga referral	Nadawat Nakontak		
		Bag-o nga mga investigator			
		Mga leksyon nga gitudlo ngadto sa mga bag-ong kinabig ug dili kaayo aktibo nga mga miyembro			
		Mga Tawo nga Tagaanan og Pagtagad	Tumong [Goal] o Aksyon		
		Uban pang Personal o Managkompanyon nga mga Tumong [Goals]			

*Nag-uswag nga investigator: Mga investigator nga natudloan kaduha o kadaghan ug nagsunod sa ilang mga panaad.

- Ngalan sa mga tawo nga mas makatabang kanimo nga makab-ot ang imong mga tumong (nag-uswag nga mga investigators, bag-ong mga investigators). Paghimo og mga tumong alang sa unsay imong gilauman nga mahitabo niining mga tawhana (motambong sa simbahan, mobasa sa Basahon ni Mormon, motakda og petsa sa bunyag, ug uban pa).
- Lugar nga kasulatan sa uban pang-personal o pang-kompanyon nga mga tumong.

Kada adlaw samtang ikaw magplano ug magproselayt, maggamit ka sa inadlaw nga eskedyul sama sa gihulagway sa ubos:

- Usa ka inadlaw nga eskedyul diin imong marekord ang mga sabut sa pagtudlo [*teaching appointment*], mga miting, ug mga kalihokan sa pagpangita og katudloan. Pagplano aron nga ikaw makabaton og makahuluganong mga kalihokan alang sa kada oras sa adlaw. Usa ka lugar ang giandam usab alang sa mga *back-up plan*.
- Usa ka lugar aron kalistahan sa mga buluhaton nga kinahanglan nimong buhaton (mga tawagonon sa telepono, mga tawo nga kontakon, pagpangandam sa mga leksyon, *follow-up* sa mga pasalig, ug uban pa).

Bulan		Adlaw	
Kada Adlaw nga Plano		Alternatibo nga Plano	
7:00			
8:00			
9:00			
10:00			
10:30			
11:00			
11:30			
12:00			
12:30			
1:00			
1:30			
2:00			
2:30			
3:00			
3:30			
4:00			
4:30			
5:00			
5:30			
6:00			
6:30			
7:00			
7:30			
8:00			
8:30			
9:00			

Mga Sulat Pahinumdom			
Listahan sa Buhatunon			
Tun-anan nga mga Hilisgutanan			
Personal			
Uban sa kompanyon			
Mahinungdanon nga mga Ilhanan		Inadlaw nga Tumong	Ang Aktwal sa Kada Adlaw
Mga leksyon nga gitudlo ngadto sa mga investigator nga adunay miyembro nga mitambong			
Ubang mga leksyon nga gitudlo			
Mga referral	Nadawat		
	Nakontak		
Bag-o nga mga investigator			

- Usa ka lugar aron marekord ang unsay imong tun-anan samtang nag-andam ka alang sa mga *teaching appointment*.
- Inadlaw nga mga tumong ug aktwal nga mga resulta alang sa pinili nga mga mahinungdanong ilhanan.

Mubo nga mga sulat

ug mouswag ngadto sa bunyag, pagkumpirma, ug hingpit nga pagkaaktibo diha sa Simbahan. Ang mahagiton nga mga tumong makatabang kanimo nga epektibong magtrabaho ug modala nimo ngadto sa pag-uswag ug pagtubo. Sunda ang mga sumbanan sa ubos samtang maghimo ka og mga tumong:

- Sunda ang Espiritu.
- Pagpokus sa mga mahinungdanong ilhanan.
- Pagpokus sa mga tawo. Bisan og mogamit ka og mga numero, kinahanglang suportahan ang imong mga numero uban sa mga pangalan sa mga tawo kon mahimo.
- Kinahanglan nga piho ug tinuoray, pero paghimo og mga tumong nga makapauswag nimo.
- Paghimo og sinemana ug inadlaw nga mga tumong.
- Paghimo og mga tumong alang sa personal nga pagtuon ug pagtuon kauban ang kompanyon, apil ang pagtuon sa pinulongan kon ikaw nagkat-on og laing pinulongan.
- Sukda ang imong pag-uswag kada adlaw, kada semana, ug human sa kada unom ka semana. Kon ikaw wala katuman sa usa ka tumong, timbang-timbanga ang imong mga paningkamot ug pangita og mga paagi nga imong matuman ang tumong. Kon gikinahanglan, ipahiangay ang imong mga gipaabut.

May panahon nga ang imong mga lider mahimong mopahigayon og mga sumbanan sa kamaayo nga gitinguha alang sa pagpataas sa imong panglantaw ug sa pagpalambo sa imong hugot nga pagtuo. Ang mga sumbanan sa district, zone, ug sa misyon makatabang nimo nga mouswag, epektibong motrabaho, ug makab-ot ang mas taas nga mga ang-ang sa pagbuhat. Dili kini gamiton isip mga *quota* nga nagsangon og piho nga mga tumong diha kanimo ug sa imong kompanyon.

Kalihokan: Pagtuon Kauban ang Kompanyon

Paghimo og sinemana nga mga tumong alang sa kada ilhanan. Alang sa kada tumong, pangutan-a ang inyong mga kaugalingon:

- Aduna bay mga pangalan nga kauban sa numero?
- Piho ba ang tumong?
- Tinuoray ba ang tumong?
- Ang tumong nakahagit ba nato aron mouswag?
- Mapasaligon ba kita niini nga tumong?

Hisguti ang kada tumong. Kon gikinahanglan, tinoa kon unsaon nimo kini sa pag-usab ug ngano man.

Ang Sinemanang Sesyon sa Pagplano

Sa higayon nga nakahimo ka na og mga tumong, desisyuni kon unsaon nimo kini sa pagkab-ot. Ikaw ug ang imong kompanyon kinahanglang mopahigayon og sinemanang sesyon sa pagplano sa usa ka adlaw ug sa usa ka panahon nga dili kaayo malambuon para sa pagproselayt, sama sa Huwebes o Biyernes sa buntag. Ang imong mission president mohatag sa adlaw ug panahon sa sinemanang sesyon sa pagplano. Kining sinemanang pagplano mahimong molungtad og duha ngadto sa tulo ka oras aron mahuman.

Ang inyong panaghisgut kinahanglan nga magpokus sa mga panginahanglan sa mga tawo ug kon unsaon sa pagtabang kanila nga mouswag. Sa panahon niining sinemanang sesyon sa pagplano, ribyuha ang miaging mga tumong ug paghimo og bag-ong mga tumong alang sa umaabot nga semana. Hunahunaa ang matag aspeto sa imong pagproselayt.

Ang Dominggo sa gabii maoy girekomendar nga panahon sa sinemanang report nga gihimo pinaagi sa telepono. Ang report sa Dominggo sa gabii naghatag og pinakainsakto ug angayng panahon kalabut sa kahimtang sa misyon tungod kay kasagaran sa mga bunyag ug mga pagkumpirma mahitabo man sa Sabado o Dominggo.

Tungod kay ang adlaw nga naghimo kamo sa inyong sinemanang sesyon sa pagplano posibleng lahi kaysa adlaw sa inyong pagreport, atubanga ang inyong sinemanang pagplano nga dunay 10 ka adlaw nga inyong nahunahunaan. Pananglitan, kon ang inyong sinemanang sesyon sa pagplano himoon sa Huwebes, inyong ribyuhon ang pag-uswag sa inyong mga tumong hangtud niana nga semana, ug inyong planohon kon unsay inyong kinahanglang buhaton aron makab-ot kini nga mga tumong hangtud sa Dominggo. Dayon, paghimo og mga tumong ug pagbuhat og mga plano alang sa sunod semana gikan sa Lunes hangtud sa Dominggo. Sa Dominggo sa gabii inyong totalon ug i-report ang mga resulta gikan sa miaging semana, ug iandam ang inyong plano alang sa umaabot nga semana. Sa ubos mao ang deskripsyon kon unsaon sa paggamit ang mga sumbanan sa pagplano ngadto sa sinemanang sesyon sa pagplano.


1. Pag-ampo ug pangayo og inspirasyon. Sa dili pa ka magsugod, ipaduol ang imong Daily Planner sa Misionaryo ug ang libro sa erya [*area book*]. Sugdi ang sesyon sa pagplano pinaagi sa pag-ampo. Pangayo og inspirasyon samtang naghigut kamo sa mga panginahanglan sa mga tawo ug magplano kon unsaon sa pagserbisyo kanila ug sa pagtabang kanila nga mouswag diha sa ebanghelyo. Pag-ampo sa piho alang sa inyong mga investigator. Pagbaton og hugot nga pagtuo sa pagpangayo sa Langitnong Amahan nga panalanginan sila og mga tubag sa ilang mga pag-ampo, uban sa tinguha sa pagtambong sa simbahan, ug uban pa.

2. Paghimo og mga tumong ug pagbuhat og mga plano alang sa mga investigator nga pagabunyagan ug pagakumpirmahan sa umaabot nga semana. Ribyuha ang Rekord sa Pagtudlo alang sa kada tawo nga pagabunyagan o pagakumpirmahan sa umaabot nga semana. Hisguti ang mga pagpangandam nga inyong kinahanglang buhaton alang sa mga interbyu sa bunyag, mga buluhaton, ug mga pagkumpirma. Ginamit ang Rekord sa Pagtudlo, hisguti ang mga pasalig diin kining mga tawo mahimong naglisud ug unsaon ninyo sa pagtabang kanila. Pagplano sa paghimo og inadlaw nga kontak uban nila. Hisguti kon unsaon ninyo sa pagtabang ang ward mission leader sa pakigsabut uban sa bishop alang sa ilang mga pagkumpirma sa sakrament miting.

3. Paghimo og mga tumong ug pagbuhat og mga plano alang sa mga investigator nga adunay petsa sa pagbunyag. Ribyuha ang Rekord sa Pagtudlo alang sa kada tawo kinsa pagabunyagan sa umaabot nga mga semana. Hisguti ang mahitungod sa mga leksyon nga kinahanglan ninyong itudlo nila. Hunahunaa kon unsaon ninyo sila sa pagtabang sa pag-andam alang sa pagbunyag ug pagkumpirma. Hisguti ang mga investigator nga wala mabunyagi sa ilang adlaw nga gi-eskedyul. Hunahunaa og maayo ug hisguti ang ilang mga panginahanglan. Paghimo og bag-o nga mga tumong ug pagbuhat og mga plano nga makatabang nila nga mouswag ngadto sa piho nga adlaw ug panahon diin sila mosulod sa pakigsaad sa bunyag ug modawat sa ordinansa sa pagkumpirma. Sa imong Rekord sa Pagtudlo, markahi sa lapis ang mga baruganan nga imong giplano nga itudlo ug mga pasalig nga imo silang

matabangan unsaon sa pagtuman. Tinoa kon unsay imong mabuhat sa pagtabang nila aron makadawat niini nga mga leksyon ug makatuman niini nga mga pasalig.

4. Paghimo og mga tumong ug pagbuhat og mga plano aron sa pagtabang sa mga investigator nga motambong sa sakrament miting. Ribyuha ang Rekord sa Pagtudlo alang sa kada investigator, ug hisguti ang iyang pagtambong sa sakrament miting. Alang sa mga investigator nga regular nga nagtambong sa sakrament miting, hisguti kon unsay kinahanglan ninyong buhaton aron sa pagtabang kanila nga magpadayon nga aduna silay makapabayaw nga espirituhanong kasinatian. Alang niadtong wala pa gyud makatambong og sakrament miting, niadtong nakatambong og kausa ra, o niadtong panagsa rang nakatambong, hisguti kon unsay makapugong sa ilang pagtambong. Pananglitan, basin og nagkinahanglan sila og pamilete, basin og nahadlok sila o dili pamilyar sa mga buluhaton sa mga Santos sa Ulahing mga Adlaw, o basin aduna silay dili maayo nga kasinatian sa miagi. Hisguti kon unsay inyong mabuhat aron matabangan sila nga mabuntog kini nga mga babag. Paghimo og mga tumong alang sa gidaghanon sa mga investigator nga inyong giplano nga motambong sa sunod nga sakrament miting. Planohi kon kinsa ang modala niining mga tawhana ngadto sa simbahan, kinsay moabi-abi kanila, ug kinsay motupad uban nila atol sa mga miting. Planohi sa pagkontak sa mga lider sa korum ug sa auxiliary ug bisan kinsa nga mga magtutudlo nga maoy motudlo alang sa mga klase nga pagatambungan sa mga investigator. Planohi sa pagpahibalo ang bishop. Diha sa Rekord sa Pag-uswag, ilara ang mga paagi nga ang ward council makatabang. Paghimo og mga plano alang sa unsay imong kinahanglang buhaton sa matag adlaw sa semana aron sa pag-andam niining mga tawo aron makatambong.



5. Paghimo og mga tumong ug pagbuhat og mga plano alang sa mga leksyon nga itudlo ngadto sa nag-uswag nga mga investigator. Ribyuha ang Rekord sa Pagtudlo alang sa matag nag-uswag nga investigator nga gitudloan nga adunay miyembro nga mitambong. Paghigut kabahin sa unsay imong gibati sa ilang pagdawat sa mensahe. Ribyuha ang mga pasalig ug mga panghitabo gikan sa Rekord sa Pagtudlo nga sila naglisod sa pagtuman o pagkompleto. Hisguti kon unsaon sa pagtabang sa mga miyembro sa ward ug sa ward council nga magpabilin nga motabang diha sa ilang pag-uswag. Paghimo og mga tumong alang sa mga leksyon nga imong itudlo; sa mga pasalig nga imong matabangan sila unsaon sa pagtuman, ilabi na ang pagtambong sa simbahan; ug ang importanting mga kasinatian nga imo silang tabangan nga maangkon sa mosunod nga pipila ka mga semana.

Ribyuha ang Rekord sa Pagtudlo alang sa matag nag-uswag nga investigator nga gitudloan nga walay miyembro nga mitambong. Kini nga mga investigator mahimong mga tawo nga inyong nakit-an pinagi sa inyong kaugalingong mga paningkamot. Hisguti kon kinsa nga priesthood o lider sa auxiliary ang pwedeng maimbitar sa pagpakighigala kanila. Ribyuha ang mga leksyon nga imong itudlo ug ang mga pasalig nga imong tabangan sila sa pagtuman. Paghimo og mga tumong alang sa mga leksyon nga imong itudlo, kon unsaon nimo sa pagpaapil sa mga miyembro, ug kon unsaon nimo sa pagtabang niini nga mga investigator nga makatambong sa sakrament miting. Irekord kini nga mga tumong diha sa Rekord sa Pagtudlo, ug himoa ang gikinahanglan nga mga plano.

6. Paghimo og mga tumong ug pagbuhat og mga plano alang sa mga leksyon nga itudlo ngadto sa tanan nga mga investigator. Ribyuha ang Rekord sa Pagtudlo alang sa matag investigator nga wala mag-uswag. Hisguti kon ngano nga ang kada investigator wala magtuman sa mga pasalig. Hisguti kon unsaon ninyo sa pagpaapil sa mga lider sa priesthood ug sa auxiliary sa pagpakighigala niini nga mga investigator. Hisguti ang daghan sa samang mga aytem nga gisugyot sa ika-5 nga lakang. Paghimo og mga tumong ug pagbuhat og mga plano aron sa pagtabang niini nga mga investigator nga mouswag. Isulat kini nga mga tumong diha sa Rekord sa Pagtudlo.

7. Paghimo og mga tumong ug pagbuhat og mga plano aron sa pagkontak ug pagtudlo sa mga referral nga nadawat gikan sa mga miyembro, mga investigator, dili mga miyembro, ug sa punoang buhatan sa Simbahan. Ribyuha ang mga porma sa Potensyal nga mga Investigator. Ribyuha ang tanang mga referral nga inyong nadawat. Ribyuha ang mga referral nga wala pa ninyo makontak. Paghimo og mga tumong ug pagbuhat og mga plano sa pagkontak og daghang mga referral kutob sa mahimo sulod sa semana—labing maayo kon tanang mga referral. Ang mga referral nga gikan sa punoang buhatan sa Simbahan kinahanglan makontak sulod sa 24 oras, kon posible. Hisguti kon unsaon ninyo sa pagduol ang kada tawo o pamilya ug unsa nga mensahe ang pwede ninyong itudlo. Kon ang referral gikan sa punoang buhatan sa Simbahan, hisguti kon unsaon ninyo sa pagtudlo sa usa ka mensahe sa ebanghelyo ginamit ang video, basahon, o ubang mga materyal nga ilang gihangyo. Siguroha nga anaa kamoy aytem nga ilang gihangyo. Kon angay, kontaka ang referral pinaagi sa telepono ug i-eskedyul ang pagtudlo. Hisguti kon unsay *follow-up* nga kinahanglan ninyong buhaton.

8. Paghimo og mga tumong ug pagbuhat og mga plano sa pagpangayo og daghan pa nga mga referral gikan sa mga miyembro, mga investigator, ug sa dili mga miyembro. Sa mainampoong paagi ilha ang ubang mga miyembro ug mga investigator nga inyong mabisitahan. Pagplano kon unsaon ninyo sila sa pagtabang sa pag-imbatar sa ilang mga higala ug mga miyembro sa pamilya sa pagkat-on mahitungod sa gipahiuli nga ebanghelyo. Hisguti kon unsaon ninyo sila sa pag-imbatar nga mosalmot sa misyonaryo nga buhat. I-eskedyul ang mga sabut paghimo og mga gikinahanglang mga plano.

9. Paghimo og mga tumong ug pagbuhat og mga plano alang sa mga leksyon nga inyong itudlo ngadto sa bag-ong mga kinabig ug sa dili kaayo aktibo nga mga miyembro. Ribyuha ang Rekord sa Pagtudlo alang sa kada bag-ong convert ug dili kaayo aktibo nga miyembro nga inyong gitudloan. Paghimo og mga tumong ug pagbuhat og mga plano alang sa mga leksyon nga imong itudlo. Tinoa kon unsaon ninyo sa pagtabang kining mga tawhana nga makatambong sa sakrament miting ug magtuman sa uban nga mga pasalig.

10. Paghimo og mga tumong ug pagbuhat og mga plano sa pagpangita og bag-ong mga investigator. Ribyuha ang mga paningkamot sa miaging semana sa pagpangita og bag-o nga mga investigator pinaagi sa mga referral, mga oportunidad sa pagserbisyo, ug personal nga mga kalihokan sa pagpangita og katudloan. Tan-awa ang impormasyon diha sa seksyon nga “Potensyal nga mga Investigator” sa inyong libro sa erya [*area book*]. Hisguti kon nganong ang ubang mga tawo nahimong bag-ong mga investigator ug ang uban wala. Paghimo og mga tumong kon pila ka bag-ong mga investigator ang inyong pangitaon niining semanaha. Ilha ang mga tawo nga posible nga mahimong mga investigator. Ilha usab ang mga miyembro ug mga pamilya nga dili tanan miyembro sa Simbahan nga gusto ninyong bisitahan, mga referral nga bisitahan, ug mga oportunidad sa pagserbisyo nga inyong gitinguha. Pagplano kon unsa nga mga *finding tool* ang inyong

gamiton, sama sa mga *pass-along card*, mga *videocassette*, mga DVD, mga kasulatan, o *brochure*. Paghigut usab kon asa mo moadto aron sa pagkontak og mga tawo, kon pilay gidaghanon sa mga tawo nga inyong kontakon matag adlaw, mga investigator nga inyong pangayoan og mga referral, kanhi nga mga investigator nga inyong bisitahan, mga pamaagi nga ang ward council makatabang, ug uban pa. Paghimo og piho nga mga plano alang sa sunod nga adlaw. Hutda og pun-a ang tanang nahabilin nga mga oras pinaagi sa mga kalihokan sa pagpangita nga makatabang kaninyo sa pagkab-ot sa inyong mga tumong. Paghimo og mga tumong ug pagplano sa pagpakig-istorya ngadto sa bisan pila ka mga tawo nga ibutang sa Ginoo sa inyong agianan. Kanunayng maninguha sa pagpangita og mga tawo nga matudloan.

11. Pagplano kon unsaon sa pagtrabaho kauban ang ward council. Ang bishop mao ang tigdumalang awtoridad. Respetoha ug tahura ang iyang katungod. Ubos sa iyang direksyon, ribyuha ang Rekord sa Pag-uswag nga gigamit sa miaging miting sa pakigtambayayong sa misyonaryo o ward council. Hisguti ang mga buluhaton nga inyong nadawat gikan sa inyong bishop o ward mission leader, ug i-report kon inyo ba kining nahuman. Hisguti kon unsaon sa pagpaapil sa uban nga makatabang, sama sa ward mission leader, mga lider sa priesthood ug sa auxiliary, ug uban nga mga miyembro. Andama og maayo ang usa ka Rekord sa Pag-uswag alang sa umaabot nga miting sa ward council, miting sa priesthood executive committee, o miting sa pakigtambayayong sa misyonaryo. Siguroha nga maayo kini pagkasulat ug limpyo. Paghimo og mga tumong ug pagbuhat og mga plano aron sa pagtrabaho nga makigtambayayong uban sa mga lider sa ward. Kon mahimo, paghimo og mga kopya sa Rekord sa Pag-uswag alang sa mga lider sa ward nga motabong.

12. Pag-eskedyul og mga miting nga regular nga pagabuhaton. Sa inyong Daily Planner sa Misyonaryo, pag-eskedyul og mga miting nga regular nga pagabuhaton, sama sa district meeting, mga zone conference, mga interbyu, ug mga miting sa Simbahan. Hisguti ang mga buluhaton nga gikinahanglan ninyong kompletohon sa dili pa ang bisan asa niini nga mga miting, ug ipuno kini ngadto sa imong mga Pahinumdom/Lista sa Angayng Buhaton.

13. Pagpahigayon og Imbentaryo sa Panagkauban. Sa katapusan sa inyong sinemanang sesyon sa pagplano, ipaambit sa imong kompanyon ang angay nga mga tumong, ug pangayo sa iyang panabang aron kini matuman. Hisguti ang kalig-on sa inyong relasyon uban sa imong kompanyon. Hisguti ang bisan unsa nga hagit sa inyong panagkauban nga makapahimong babag sa pagtrabaho nga magkahiusa o gikan sa pagkamasulundon. Husaya ang mga panagbangi. Ipaambit sa imong kompanyon kon unsa sa imong hunahuna maoy iyang mga kalig-on. Pangayo og mga sugyot kon unsaon nimo sa paglambo. Kon gikinahanglan, paghimo og mga tumong nga makapalambo sa inyong relasyon. Tapusa uban sa pag-ampo.

Inadlaw nga Sesion sa Pagplano

Pagpahigayon og usa ka sesyon sa pagplano inig human sa kada adlaw. Kon ikaw nagtudlo og usa ka leksyon, mahimo ka nga mogawas hangtud sa alas 9:30 sa gabii. Kon wala, balik sa inyong apartment inig ka alas 9:00 sa gabii ug paghimo og inadlaw nga sesyon sa pagplano gikan sa alas 9:00 ngadto sa alas 9:30 sa gabii. (Ang mga mission president maoy magbuot sa pagpahiangay sa eskedyul sumala sa lokal nga mga kahimtang.) Gamita ang samang mga baruganan ug mga sumbanan diha sa inadlaw nga sesyon sa pagplano nga imong gisunod diha sa sinemanang sesyon pero sa mas simple

nga paagi. Magmainampoon samtang naghigut kamo sa mga leksyon o mga hilisgutan nga inyong matun-an sa panahon sa personal nga pagtuon o pagtuon kauban ang kompanyon nga makatabang ninyo sa inyong plano. Isulat kini nga mga hilisgutan diha dapit nga giandam diha sa inadlaw nga eskedyul. Ribyuha ang imong inadlaw nga skedyul. Pagbaton og usa ka makahuluganon nga kalihokan nga giplano alang sa matag oras sa adlaw. Sa panahon sa Dominggo sa gabii nga sesyon sa pagplano, totala ug isubmitir ang inyong sinemana nga Minubo nga Report nga Gihimo pinaagi sa Telepono, pagsulat sa imong sinemana nga sulat ngadto sa imong mission president, ug humana ang inyong mga tumong alang sa umaabot nga semana.

Sa dili pa mobiya sa inyong apartment pagkasunod adlaw, ribyuha ang inyong mga tumong, mga plano, ug eskedyul. Paghimo og mga kausaban kon gikinahanglan. Kanunay nga mag-ampo sa dili pa mobiya sa inyong apartment. Makasulti ka kon unsa ka epektibo ang imong inadlaw nga plano kon wala na ka magkinahanglan nga mangutana sa uban, “Karon unsa man ang akong kinahanglang buhaton?”

Pagkamay-tulubagon [Accountability]

Ang baruganan kabahin sa pagkamay-tulubagon usa ka sukaranan diha sa mahangturong plano sa Dios. Kitang tanan mobarug sa atubangan sa Ginoo sa katapusang paghukom ug mohatag sa atong asoy kon unsay atong gibuhay sa mga oportunidad nga Iyang gihatag kanato (tan-awa sa Alma 5:15–19; D&P 137:9). Daghan ka og makat-unan kabahin sa pagkamay-tulubagon diha sa imong misyon nga makatabang kanimo sa tibuok nimong kinabuhi. Ang baruganan sa pagkamay-tulubagon makapanalangin kanimo kon ikaw:

- Moatubang sa imong paghimo og mga tumong ug pagplano uban sa ideya nga imong iasoy ang imong mga paningkamot ngadto sa imong mga lider sa misyon ug ngadto sa Ginoo pinaagi sa pag-ampo.
- Mobati og personal nga responsibilidad alang sa sagrado nga pagsalig nga gihatag sa Ginoo kanimo.
- Mohimo og makahuluganon nga mga tumong.
- Mopili nga maoy mopasiugda sa pag-asoy [*to account*] alang sa imong trabaho ngadto sa Ginoo ug ngadto sa imong mga lider sa misyon. Ayaw paghulat nga maoy pangutan-on. Ayaw pagkinahanglan sa uban nga *mo-follow up* kanimo kanunay. Pagbaton og tinguha sa pag-asoy alang sa imong trabaho.
- Modawat sa tibuok responsibilidad alang sa imong mga paningkamot. Ayaw gyud ipasangil sa uban ang lisud nga mga kahimtang o kakulang sa pag-uswag.
- Magtinguha nga makat-on gikan sa imong mga lider, ug modapit kanila sa pagsugyot og mga paagi aron ka molambo.
- Magmadasigon sa pagbuhat sa imong pinakamaayong trabaho.

*“Kon ang binuhatan
gisukod, ang
binuhatan molambo.
Kon ang binuhatan
gisukod ug gireport,
ang kapaspason sa
paglambo magkacusog.”*

– ELDER THOMAS S. MONSON
“THOU ART A TEACHER COME FROM GOD,”
IMPROVEMENT ERA, DIS. 1970, 101

Mubo nga mga sulat

Ang pagkamay-tulubagon dili lamang moabut diha sa katapusan sa imong misyon. Usa kini ka baruganan nga nag-impluwensya kon unsaon nimo sa pagsugod, kon unsaon nimo sa paghunahuna ug pagbati kabahin sa responsibilidad nga gihatag sa Ginoo kanimo, kon unsaon nimo sa pag-atubang ang imong trabaho, ug kon unsa ka kamaayo nga molahutay. Ang imong kinaiya ngadto sa imong kasinatian sa misyon mao ang usa ka paghulagway sa imong gugma ngadto sa imong Langitnong Amahan ug sa Iyang Anak ug sa imong pagtahud alang sa priesthood.

Samtang nag-ampo ka sa personal ug diha sa inyong panagkauban, pangayo og inspirasyon kon unsay angay ninyong buhaton kada adlaw. Sa imong pagsunod sa imong mga plano, pag-ampo ug pangayo og giya sa Ginoo. Pagbaton og pag-ampo diha sa imong kasingkasing sa tibuok adlaw aron ang Espiritu motabang kanimo nga masayud kon asa moadto, kon unsay buhaton, ug kon unsay isulti. Pangutan-a ang imong kaugalingon, “Unsa pa man ang akong mabuhat?” Diha sa imong pag-ampo sa katapusan sa adlaw, paghatag og asoy sa inyong trabaho.

Mohatag ka og asoy kada semana ngadto sa imong mga lider sa misyon ginamit ang Minubo nga Report nga Gihimo pinaagi sa Telepono. Kon ikaw usa ka lider sa misyon, imong madawat kini nga impormasyon gikan sa uban nga mga misyonaryo. Pagpakita og interes sa ilang mga kinabuhi ug sa mga kinabuhi niadtong ilang gitudloan kaysa yano lang nga mga numero. Ayaw gamita kini nga mga himan o ang impormasyon nga imong nadawat isip mga paagi sa pagkontrol o pagmanipula. Ang impormasyon nga imong nadawat pinaagi niini nga mga himan maghatag kanimo og mga oportunidad aron sa pagdayeg sa mga misyonaryo alang sa ilang pagpahinungod ug sa pagtan-aw og mga oportunidad alang sa pagbansay sa umaabot.

Pagtuon sa Kasulatan

Unsa man ang buot ipasabut sa pagkadunay tulubagon?

D&P 58:26–33

D&P 101:78

Ezequiel 33:1–6

Nganong ang kabubut-on importante man diha sa pagkamay-tulubagon?

2 Nephi 2:26–29

Helaman 14:30–31

Unsaon man sa misyonaryo ug sa lider sa misyon sa pagtinabangay og trabaho?

D&P 38:23–25

Mga Hebreohanon 13:17–18

Hinumdumi Kini

- Ipokus ang imong mga paningkamot sa imong katuyoan.
- Paghimo og mga tumong sumala diha sa mga mahinungdanong ilhanan.
- Pag-ampo sa tibuok kusog mahitungod sa imong mga tumong ug mga plano.
- Gamita ang libro sa erya [*area book*] ug ang Daily Planner sa Misyonaryo aron sa pagtabang sa mga tawo nga mapalambo ang hugot nga pagtuo, maghinulsol, mabunyagan, makadawat sa gasa sa Espiritu Santo, ug molahutay hangtud sa katapusan.
- Alang sa kada mahinungdanong ilhanan, paghimo og mga tumong nga makatabang kanimo nga mouswag, mabansay ang hugot nga pagtuo, ug epektibong magtrabaho.
- Pagpasiugda og sinemana ug inadlaw nga mga sesyon sa pagplano nga nagpokus sa pagtabang sa uban nga mouswag diha sa ebanghelyo.
- lasoy ang imong mga paningkamot ngadto sa Ginoo ug ngadto sa mga lider sa misyon.

Mga Ideya sa Pagtuon ug Paggamit

Mubo nga mga sulat

Personal nga Pagtuon

- Diha sa imong journal sa pagtuon, pagsulat og usa ka *sentence* nga tubag alang sa kada pangutana diha sa “Konsideraha Kini.”
- Pamalandong og pipila ka gutlo ug paghunahuna kabahin sa katapusang adlaw sa misyon. Kon kanang adlaw moabut:
 - Unsa man ang imong gustong isulti nga imong nabuhat isip usa ka misyonaryo?
 - Unsa man unta ang gusto nimo nga mamahimo ka?
 - Unsa nga mga kalainan ang gusto nimong mabantayan sa uban nga anaa nimo?

Sa imong journal sa pagtuon, isulat ang tubag sa kada usa niining mga pangutanaha. Tinoa kon unsay kinahanglan nimong buhaton karon aron matuman kini nga mga tumong. Isulat ang mga plano nga mosantup sa hunahuna.

Pagtuon Kauban ang Kompanyon

- Ginamit ang inyong libyo sa erya [*area book*], tubaga ang mga pangutana sa ubos:
 - Ang tanang mga rekord ba *current*, sakto, ug sayon nga basahon?
 - Ang usa ka misyonaryo ba nga bag-o sa dapit makahimo sa pagribyu sa libro sa erya [*area book*] ug makahibalo kon asa na ang mga tawo sa ilang espirituhanong pag-uswag ug unsa pa man ang gikinahanglang buhaton aron sa pagtabang kanila?
 - Ang usa ka misyonaryo ba nga bag-o sa dapit makadawat og kaayohan gikan sa imong mga paningkamot sa pagpangita og bag-ong mga investigator?
 - Ihulagway ang imong kaugalingon nga nagpresentar sa inyong libro sa erya [*area book*] ngadto sa Ginoo samtang naghatag og asoy kon giunsa nimo sa pag-atiman ang mga tawo sa inyong dapit. Ang Ginoo mahimuot ba sa imong mga paningkamot?
- Hisguti ang usa sa inyong bag-ong mga investigator. Diha sa inyong Daily Planner sa Misyonaryo, tan-awa ang pahina nga giulohan og “Mga Panghitabo nga Nagdala ngadto sa Bunyag, Pagkumpirma, ug Pagkaaktibo diha sa Simbahan.” Pagpili og usa ka kalihokan, ug paghimo og usa ka listahan sa tanan nga gikinahanglan nimong buhaton aron mahitabo kining maong kalihokan. Hisguti kon unsaon nimo sa pagplano kini nga mga buluhaton aron nga ang kalihokan mahitabo sa pinakadaling panahon.
- Hisguti ang mosunod nga analohiya uban sa imong kompanyon. Timbang-timbanga kon unsa ka dugay ang inyong “pasol” diha sa tubig kada adlaw.

“Walay usa kanato ang kinahanglang mahisama sa mangingisda kinsa naghunahuna nga tibuok adlaw siyang nangisda nga sa tinuoray lang naggahin siya sa hapit tanan niyang oras nga nagsige og saka-kanaog gikan sa tubig, nagkaon og paniudto, ug nagduki-duki sa iyang gamit. Ang kalampanan sa pagpangisda mahambin nato sa kon unsa ka kadugay diha sa tubig, dili kon unsa ka kadugay nga nahawa sa imong apartment. Ang ubang mga mangingisda nalayo sa panimalay sulod sa dose ka oras ug diha sila sa tubig sulod sa napulo ka oras. Ang ubang mga mangingisda nalayo sa panimalay sulod sa dose ka oras ug diha sila sa tubig sulod lamang sa duha ka oras. Kining mga tawhana mahimong matingala nganong wala silay sama nga kalampanan sa uban.

“Ang samang baruganan maggamit ngadto sa mga misyonaryo, kinsa maoy gitawag sa Magtutudlo og ‘mga mangingisda og mga tawo.’ Ang pasol sa usa ka misyonaryo kinahanglan maanaa sa tubig nga pangisdaan sa higayon nga siya mobiya sa apartment” (Dallin H. Oaks, seminar alang sa bag-ong mga presidente sa misyon, Hunyo 20, 2000).

Mubo nga mga sulat

Mga District Meeting ug mga Zone Conference

- Basaha ang usa sa mosunod nga mga sitwasyon ngadto sa mga misyonaryo. Diha sa gagmay nga mga grupo, pahisguti sa mga misyonaryo ang mga tumong ug mga plano nga makatabang sa mga tawo niining mga ehemplo nga mouswag ngadto sa bunyag ug pagkumpirma. Paambita ang kada grupo sa ilang mga ideya.

Unang sitwasyon: Inyong nahimamat sila si Larry ug Beth sa dihang nagserbisyo sa usa ka food kitchen. Inyo na silang natudloan og usa ka leksyon, ug karon gusto nilang mahibalo og dugang pa. Wala sila makaila og bisan kinsa nga mga miyembro sa Simbahan. Si Beth Kristiyano, ug si Larry wala mag-angkon og bisan unsang piho nga relihiyon. Wala sila maminyo pero manag-ubang nagpuyo. Si Larry nagtrabaho gikan sa alas 4:00 sa hapon ngadto sa alas 12:00 sa tungang gabii. Si Beth nagtrabaho sa adlaw.

Ikaduhang sitwasyon: Si Steve nakadawat sa tanang mga leksyon ug nagtambongan sa simbahan sa dili mominos sa kaduha sa usa ka bulan. Nagtuo siya nga si Joseph Smith usa ka propeta ug nga ang Basahon ni Mormon tinuod. Ang mga sakop sa iyang pamilya debotong mga Katoliko ug dili motugot sa iyang pakigkita sa mga misyonaryo.

Ikatulong sitwasyon: Si Jill usa ka estudyante sa kolehiyo. Duna siyay usa ka higala nga miyembro sa Simbahan. Ang iyang miyembro nga higala midapit kaniya nga makighimamat kaninyo. Inyo siyang gitudloan og duha ka mga leksyon. Ang iyang miyembro nga higala mitambong sa duha. Wala pa siya makatambong sa simbahan ug bisi kaayo sa iyang homework nga lisud kaayo alang kaniya ang pagbasa sa Basahon ni Mormon.

- Dapita ang mga misyonaryo sa pagpaambit sa mga kasinatian diin, pinaagi sa paghimo og mga tumong ug pagbuhat og mga plano, nakahimo sila sa pagtabang sa mga tawo sa:
 - Pagpalambo og mas dakong hugot nga pagtuo sa Manluluwas.
 - Paghinulsol ug paghimo og mga kausaban nga mas nakapaduol kanila sa Dios.
 - Pagdawat sa mga pakigsaad sa bunyag ug pagkumpirma.
 - Pagbalik sa Simbahan ug pagbag-o pag-usab sa mga pakigsaad sa bunyag.
- Bahina ang mga misyonaryo sa tulo ka mga grupo. Ipasabut nga ang kada grupo makadawat og usa ka importante nga buluhaton. Dayon hatagi ang kada grupo og usa sa mosunod nga mga buhatonon:
 - Mag-abli og usa ka bag-ong dapit nga kaproselaytan.
 - Mag-andam og usa ka sesyon sa pagbansay sa usa ka zone conference kabahin sa pagpaila sa Basahon ni Mormon ngadto sa mga investigator.
 - Pagpaapil sa usa ka investigator nga pamilya ngadto sa ward. Ang pamilya dunay tulo ka mga anak: usa ka 8 anyos nga batang babaye, usa ka 12 anyos nga batang babaye, ug usa ka 16 anyos nga lalaki.

Sultihi ang mga misyonaryo nga duna silay walo ka minuto sa pagpalambo og usa ka plano. Usa sa mga misyonaryo kinahanglang magsulat sa plano, lakip na sa inadlaw nga mga kalihokan.

Ipapresentar sa kada grupo ang ilang plano. Human sa kada presentasyon, pangutan-a:

- Unsa man ang gikinahanglang masayran sa mga misyonaryo sa kada sitwasyon?
- Unsa man unta ang mahimong resulta kon wala pa kamo magplano og makahuluganon nga mga kalihokan o wala gyud magplano?



Unsaon Nako Pagpangita og mga Tawo nga Katudloan?

Mubo nga mga sulat

Konsideraha Kini

- Unsa man ang buot ipasabut sa “pangitaa sila nga modawat kaninyo” (D&P 42:8)?
- Unsaon man nako sa pagpalambo sa akong hugot nga pagtuo sa pagpangita og mga tawo aron katudloan?
- Ngano nga kinahanglan man nakong iapil ang mga miyembro sa akong mga paningkamot sa pagpangita og katudloan?
- Unsa man ang papel sa media ug sa mga referral sa punoang buhatan sa Simbahan?
- Unsa man ang relasyon tali sa pagpangita ug sa pagtudlo?
- Unsa ang papel sa pagserbisyo diha sa pagpangita og mga tawo nga katudloan?
- Unsa man ang uban nga mga ideya alang sa pagpangita og mga tawo nga katudloan nga wala pa nako masulayi?

Pagpalambo sa Hugot nga Pagtuo aron sa Pagpangita

Ang mga doktrina ug mga baruganan niini nga hugna makapalig-on sa imong hugot nga pagtuo nga ang Ginoo nag-andam og mga tawo nga modawat kaninyo ug sa gipahiuli nga ebanghelyo. Siya modala ninyo ngadto kanila o Siya modala kanila nganha kaninyo. Ang pagpangita managlahi sa nagkalainlaing mga dapit sa kalibutan. Ang mga misyonaryo ug mga mission president nagkinahanglan nga mopahiuyon ngadto sa mga kahimtang. Bisan pa man sa mga kalainan, bisan pa niana, ang mga baruganan alang sa pagpangita pareha ra sa tanan.

Ang Pamilya sa Dios. Ang tanang mga tawo sa yuta mga sakop sa pamilya sa Dios didto sa kinabuhi sa wala pa dinhi sa yuta (tan-awa sa Mga Buhat 17:26–29; Hebreohanon 12:9).

Kabahin kita sa pamilya sa Dios niini nga kinabuhi ug mahimong makatagamtam bisan sa mas dako nga mga panalangin isip mga sakop sa Iyang pamilya didto sa kinabuhi nga moabut. Kitang tanan mga managsuong lalaki ug babaye diha sa pamilya sa Dios. Kini nga kahibalo naghatag kanato og usa ka pagbati sa atong pagkahibalo kon si kinsa kita [*identity*] ug atong pagkahisakop [*belonging*]. Kini nakahatag kanato og rason nga maglaum alang sa kinabuhing dayon didto sa presensya sa Dios. Atong nasabtan kining sukaranan nga mga kamatuoran tungod sa Pagpahiuli. Ang pagtudlo sa gipahiuli nga mga kamatuoran ngadto sa inyong mga kaigsoonan maoy inyong responsibilidad ug panalangin. Sama kang Alma nga nagtinguha sa pagtabang sa mga Zoramite nga mihiya sa kamatuoran, ikaw makaampo: “O Ginoo, ikaw mohatag ba ngari kanamo nga kami mahimo nga makaangkon og kalampusan sa pagdala kanila pagbalik nganha kanimo diha kang Kristo. Tan-awa, O Ginoo, ang ilang mga kalag mga bililhon ... ; busa, ihatag ngari kanamo, O Ginoo, gahum ug kaalam nga kami mahimo nga modala niini, among mga kaigsoonan, pagbalik nganha kanimo” (Alma 31:34–35).

“Pangitaa Sila nga Modawat Kaninyo.” Ikaw kinahanglang mopalig-on sa Simbahan pinaagi sa pagpangita “kanila nga modawat kaninyo” (D&P 42:8). Kana nga mga tawo makaila nga kamo mga sulugoon sa Ginoo. Sila andam sa pagbuhat sa inyong mensahe. Daghan niini nga mga tawo ang “natago gikan sa kamatuoran [lamang] tungod kay sila wala masayud asa kini pangitaa” (D&P 123:12).

Kasagaran kamo wala masayud kon si kinsa kining mga tawhana. Mahimong dili dayon sila makaila nga kamo mga sulugoon sa Ginoo. Mahimong dili nila masabtan nga ang mas dakong kalinaw, direksyon, ug katuyoan sa kinabuhi moabut pinaagi sa gipahiuli nga ebanghelyo kaysa lain pang mga butang. Kasagaran dili sila makaamgo nga nangita diay sila sa gipahiuli nga ebanghelyo hangtud ila kining makaplagan. Pananglitan, may usa ka kinabig miingon, “Sa dihang nakadungog ko sa ebanghelyo, gipuno niini ang kahaw-ang sa akong kasingkasing nga wala nako masayri nga anaa diay.” Ang lain miingon, “Nahuman nako ang pagpangita nga wala nako masayri nga gibuhay diay nako.”

Bisan asa ka pa gisangunan nga moserbisyo, hinumdumi nga ang Ginoo “mitugot kaninyo sa pag-anhi niini nga dapit; kay sa ingon kini gikinahanglan ngadto [Kaniya] alang sa kaluwasan sa mga kalag.” Epektibong magtrabaho aron “ipataas ang inyong mga tingog ngadto niini nga mga katawhan; ipamulong ang mga hunahuna diin [ang Ginoo] mobutang sa inyong mga kasingkasing.” Kon inyong buhaton, makadawat kamo sa saad nga “kamo dili pagalibugon sa atubangan sa mga tawo,” ug “ihatag kini kaninyo ... diha gayud sa higayon, unsa ang inyong isulti” (D&P 100:4–6). Ang pagpangita pinaagi sa Espiritu sama ra ka importante sa pagtudlo pinaagi sa Espiritu. Sama sa pagtudlo, ang inyong mga paningkamot sa pagpangita mahimong epektibo kon giniyahan kamo sa Espiritu. Pagbaton og hugot nga pagtuo nga masayud kamo sa angayan ninyong itudlo ug unsay angayang buhaton aron sa pagpangita niadtong modawat kaninyo.

Kalihokan: Pagtuon Kauban ang Kompanyon

Daghan sa mga miyembro nga inyong bisitahan siguro mga kinabig sa Simbahan. Pagplano og usa ka panahon sa pagpangutana kanila kon sa unsa nga paagi sila nakahibalo sa Simbahan ug sa unsa nga paagi nila nahibaloan nga ang mga misyonaryo nagtudlo kanila sa kamatuoran. I-summarize ang ilang mga kasinatian diha sa imong journal sa pagtuon.

Pagtuon sa Kasulatan

Giunsa sa pag-andam ug sa pagdala sa mga anak sa Dios ngadto sa gipahiuli nga ebanghelyo?

Alma 13:24

D&P 29:7

D&P 84:45–47, 88

Alma 16:16–17

D&P 33:6

D&P 136:32–33

Pakigsulti sa Tanan

Samtang si Propeta Joseph Smith nagbiyahe uban sa grupo sa mga misyonaryo sa Suba sa Missouri, sng Ginoo mipadayag, “Dili na kinahanglan alang sa ... akong mga anciano nga mopanaw sa makusog ... samtang ang mga lumulupyo sa isig ka daplin nagkahanaw tungod sa pagkawalay pagtuo” (D&P 61:3). Samtang nagpanaw kamo sa makusog sa giplanohang mga kalihokan, pag-ampo alang sa abilidad nga makakita sa wala planohi nga mga oportunidad sa pagserbisyo ug pagtudlo niadtong kinsa tingali “nagkahanaw tungod sa pagkawalay pagtuo.” Pag-ampo alang sa espirituhanong pagkasensitibo sa pag-ila sa mga oportunidad. Inyong mabantayan nga ang Dios mobutang diha sa inyong agianan sa Iyang mga anak kinsa giandam na nga modawat sa gipahiuli nga ebanghelyo.



Walay mahitabo sa misyonaryo nga buhat hangtud nga duna kamoy makit-an nga tawo nga katudloan. Pakig-istorya sa daghang mga tawo kutob sa imong mahimo kada adlaw. Natural lang nga mahimong managana mahitungod sa pagpakig-istorya sa mga tawo, pero makaampo ka alang sa hugot nga pagtuo ug kalig-on nga mahimong mas isug sa pag-abli sa imong ba-ba aron sa pagsangyaw sa gipahiuli nga ebanghelyo. Sulayi paggamit ang mosunod nga mga ideya samtang nagtinguha ka sa pagpakig-istorya sa tanan nga imong mahimamat:

- Pakig-istorya sa mga tawo kabahin sa ilang mga pamilya. Tabangi sila nga makakita kon sa unsa nga paagi nga ang ebanghelyo mahimong usa ka panalangin ngadto sa ilang mga pamilya.
- Pangita og mga timailhan—sama sa mga aytem diha sa panimalay o mga tugkaran, *lettering* sa sinina, o timaan nga dunay mga anak—aron sa pagtabang kanimo nga masayud kon unsaon pagsugod sa pagpakig-istorya sa mga tawo.
- Sinserong maminaw sa unsay isulti sa mga tawo nganha nimo.
- Magmabination, mahigalaon, ug masadyaon. Tanyag og tabang.
- Salig sa Espiritu sa pagbutang sa imong kasingkasing ug hunahuna sa unsay itudlo.
- Dapita ang tanan sa pagkat-on kabahin sa gipahiuli nga ebanghelyo.
- Tanyag og *pass-along* nga mga kard.
- Pangayoa ang mga pangalan sa mga kaila sa mga tawo nga posibleng interesado sa inyong mensahe.

Mubo nga mga sulat

Samtang magbasa ka sa mosunod nga tinuod nga istorya, tan-awa kon giunsa sa pag-andam sa tawo aron pagdawat sa mga misyonaryo ug giunsa sa mga misyonaryo paggamit ang wala planoha nga oportunidad sa pagtudlo kaniya sa ebanghelyo.

Isip usa ka bata, wala gyud ko tudloi sa pagbasa sa Biblia. Mag-adtoan ko sa simbahan ma-Dominggo, pero wala koy natampo ug wala say gibati agig balos. Wala ko ganahi sa akong relihiyon ... Nangita ko sa ... Dios—nga gustong masayud kon naa ba gyud Siya. Gihidlaw kong makaila Kaniya ug sa Iyang mga pulong. Pero daw dili nako makita ang unsay akong gipangita.

Adunay mga higayon nga akong gibati nga duol na sa pagtagbaw sa akong kahidlaw. Sa dihang akong gikugos ang akong unang anak, usa ka anak nga babaye, diha sa akong mga bukton sa unang higayon, aduna koy pagbati nga naa gyuy Dios. Daghang mga katuigan na ang milabay, sa dihang natawo ang iyang igsoong babaye, nakasinati ko sa samang pagbati ... Hapit sa tanang higayon, bisan pa man niana, usa ka dili masabut nga kakapoy ang mihasol sa akong kalag. Giuhaw ko sa espirituhanong paagi ug walay makitang dapit nga kaimman.

Pagka Abril 1994 nagpuyo ko sa siyudad sa Monterrey, Mexico, nga nakabaton og kabuhian isip usa ka drayber sa taxi. Usa ka adlaw niana nag-ulan sulod sa daghang mga oras, nga mipabuhagay sa tubig paubos sa mga daplin sa kabukiran. Human magdrayb nga nag-ulan sulod sa daghang mga oras, miabut ko sa usa ka gamayng lungsod nga mga walo ka kilometro (lima ka milya) gikan sa Monterrey. Kadto mga ... hapit na gyud sa oras sa pagpauli. Sa kalit lang nakakita ko og duha ka batan-ong mga lalaki nga nanaglakaw. Nagsul-ob sila og itum nga mga karsones ug puti nga mga sinina, ug basa gyud silang tan-awon gikan sa ulo ngadto sa tiil.

Sa dihang miduol ko nila, akong giablihan ang pultahan sa taxi ug miingon, “Sulod! Padulong ko sa Monterrey.”

Ang mas taas, kinsa puti gyud kaayo og pamayhon, miingon, “Wala gyud mi kwarta.”

“Walay bayad,” mitubag ko.

Dali silang misulod sa taxi.

Samtang nagbiyahe mi, nag-istoryahanay mi. Nangutana sila kon pwede ba silang makapaambit og mensahe mahitungod ni Jesukristo ngari nako. Miuyon ko ug mihatag kanila sa akong address.

Sa dihang miabut ko sa balay, akong gipukaw ang akong asawa ug gisultihan siya kabahin sa duha ka mga batan-ong lalaki. “Unsa ka sulagma,” miingon ko. “Ang usa Mexicano ug ang usa Amerikano, ug silang duha ginganlan og Elder.”

“Ang Elder nagpasabut og misyonaryo,” mitubag ang akong asawa, nga nasayud og gamay kabahin sa Simbahan.

Gikan sa akong kahiladman, mibati ko og may migimok. Kining mga batan-ong lalaki mibilin kanako og usa ka pagbati sa hilabihan nga katalagsaon diha sa akong kasingkasing. Mibati ko nga haduol na ko sa pagkakita sa tubig nga motagbaw sa akong kauhaw, nga makab-ot na kini.

Ang mga misyonaryo miabut sa among balay niadtong 5 sa Hunyo, ug malipayon kong naminaw kanila. Duha ka semana ang milabay, pagka 19 sa Hunyo, gibunyagan ko. Ang akong asawa gibunyagan upat ka bulan human niadto, pagka Oktubre. Ang among kinamagulangang anak nga babaye nakdawat og relihiyosong pagbansay sa eskwelahan. Sa dihang miadto siya sa simbahan sa unang higayon, mituaw siya, “Papa, mas maayo pa man kini sa unsay akong nakat-unan sa eskwelahan!” Siya usab gibunyagan pagka Oktubre.

Pagka Disyembre 1995 na-sealed mi isip usa ka pamilya didto sa Mexico City Mexico Temple alang niining kinabuhia ug sa kahangturan. Karon usa kami ka pamilya nga nagtagamtam og panag-uyon, kalinaw, ug kalipay. Nakaila kami kon si kinsa ang among gisimba. Nakahibalo kami kon asa kami gikan ug kon asa kami padulong. Gihigugma namo ang pulong sa Dios, ilabi na ang Basahon ni Mormon, ug among gihigugma ang Iyang Simbahan, Ang Simbahan ni Jesukristo sa mga Santos sa Ulahing mga Adlaw. Pinaagi niining mga



© 2001 Simon Dewey. Ayaw Kopyaha.

gasa among nakaplagan kanang tubod sa buhi nga tubig nga gihisgutan sa Manluluwas ngadto sa babaye sa Samaria: "Bisan kinsa nga magainom sa tubig nga akong igahatag kaniya dili na gayud pagauhawon; kay ang tubig nga akong igahatag kaniya mahimong diha sa sulod niya usa ka tubod sa tubig nga magatubo ngadto sa pagkakinabuhing dayon" (Juan 4:14). [Victor Manuel Cabrera, "Thirsting for the Living Water," Ensign, Ago. 2001, 60–61]

Kalihokan: Personal nga Pagtuon o Pagtuon Kauban ang Kompanyon

- Sa unsa man nga paagi nga ang tawo giandam alang sa gipahiuli nga ebanghelyo?
- Unsa man unta ang nahitabo kon ang mga elder wala pa moabli sa ilang mga ba-ba aron sa pagpaambit sa mensahe sa ebanghelyo?
- Ribyuha kon unsay inyong gibuhay kagahapon. Nakig-istorya ba kamo sa daghang mga tawo kutob sa inyong mahimo? Kon wala, pagbuhay og mga plano ug paghimo og mga tumong nga buhaton karong adlawa.

Pagtuon sa Kasulatan

Unsa man ang gisulti sa Ginoo kabahin sa pag-abli sa inyong ba-ba? Unsa man ang kinahanglan ninyong itudlo? Unsa man ang gisaad nganha kaninyo?

D&P 24:12

D&P 33:7–15

D&P 60:2–3, 7–8

D&P 28:16

Tudlo Kon Makakita Kamo, Pangita Kon Magtudlo Kamo

Ang pagpangita ug pagtudlo adunay kalabutan, konektado nga mga kalihokan. Kon makahimamat kamo og mga tawo, magmaandamon sa pagtudlo og daklit nga mga katingbanan sa gipahiuli nga kamatuoran aron nga ang Espiritu Santo makahatag og pagsaksi nga kamo mga sulugoon sa Ginoo. Sa daghang mga sitwasyon, nagkinahanglan kamo aron nga makahimo sa pagpresentar og usa ka mensahe sulod sa usa ka minuto o minos pa. Ang mga tawo naanad sa mubo, gamhanang mga pamahayag. Pananglitan, mahimo kamong mopamatuod bahin sa mensahe sa Pagpahiuli sa duha o tulo lamang ka mga *sentence*:

Human nawala sulod sa mga siglo, ang orihinal nga mga kamatuoran sa Dios (ang ebanghelyo ni Jesukristo) napahiuli pinaagi sa usa ka mahigugmaon nga Dios pinaagi sa usa ka buhing propeta. Aduna kami ebidensya niini nga inyong makuptan sa inyong mga kamot, mabasa, mapamalandong diha sa inyong kasingkasing, ug maampo aron makat-on sa kamatuoran niini mismo sa inyong kaugalingon. Motugot ba kamo kanamo sa ...

Kon aduna pay gamay nga oras nga magamit, mahimo kamong mosulti og dugang:

Simple lang ang among mensahe. Ang Dios maoy atong Amahan. Kita Iyang mga anak. Kabahin kita sa Iyang pamilya. Naghigugma Siya kanato. Gikan sa sinugdanan sa kalibutan, nagsunod Siya og sumbanan sa gugma ug kahingawa. Daghang mga higayon nga mitabang Siya diha sa gugma aron sa pagpadayag sa ebanghelyo ni Jesukristo aron nga ang Iyang mga anak masayud kon unsaon sa pagbalik ngadto Kaniya. Iya kining gipadayag ngadto sa mga propeta sama kang Adan, Noe, Abraham, ug Moises. Pero ang ubang mga tawo mibalik-balik og pili sa pagsalikway niana nga ebanghelyo. Duha ka libo ka mga tuig na ang milabay, si Jesukristo mismo mitudlo sa Iyang ebanghelyo. Daw dili katuohan, ang mga tawo misalikway pa gani kang Jesus. Sa higayon nga ang mga tawo mabalikwala o motuis sa tinuod nga mga doktrina ug mga ordinansa, kuhaon sa Dios ang Iyang katungod sa pagdumala sa Simbahan.

Ang among imbitasyon nganha ninyo mao ang pagdugang sa mga kamatuoran nga gihatagan na ninyo og bili. Hunahunaa ang ebidensya nga ang atong Langitnong Amahan sa makausa mitabang sa

Mubo nga mga sulat

Mubo nga mga sulat

Iyang mga anak diha sa gugma ug mipadayag sa tinuod nga mga doktrina ug mga ordinansa ngadto sa usa ka propeta. Ang pangalan niini nga propeta mao si Joseph Smith. Ang ebidensya niining mahimayaong kamatuoran makita diha sa usa ka basahon—ang Basahon ni Mormon. Makuptan nimo kini sa imong mga kamot, basaha kini, ug pamalandongi ang kamatuoran niini diha sa imong hunahuna ug kasingkasing.

Likayi ang kalagmitan sa pagsulti og mga butang sama sa, “Duna ka bay pipila ka mga minuto nga makatudlo mi kanimo og mensahe kabahin sa ...” Kondili, palambo ang kinaiya sa daling pagsugod sa pagtudlo ug pagpamatuod samtang nakighimamat kamo og mga tawo. Makakita mo og mas daghang tawo nga katudloan samtang nagpamatuod kamo ug nagtugot kanila sa pagbati sa gahum sa Espiritu Santo.

Bisan unsa pa may inyong inisyal nga *approach*, dalia dayon ug sa yanong paagi sugdi bahin sa Pagpahiuli sa ebanghelyo, kay mao kini ang atong talagsaong mensahe sa kalibutan. Kadtong inyong gitudloan sa kasagaran dunay mga higala o mga paryente kinsa andam na nga modawat sa gipahiuli nga ebanghelyo. Sa tanang mga sitwasyon sa pagtudlo—sama sa pagpangita, pagtudlo og mga investigator, pagtrabaho uban sa mga miyembro—pangutana, “Kinsa man ang inyong nailhan nga mahimong interesado ug makabenepisyo niini nga mensahe?” Human makadawat og referral, pangutana, “Kinsa pa man kaha ang makabenepisyo sa atong mensahe?” Ayaw pagpanuko sa pagbalik-balik og hisgut niini sa mga miting nga moabut. Samtang kadtong inyong gitudloan makasinati sa mga panalangin sa ebanghelyo, ang ilang tinguha sa pagpaambit niini molambo (tan-awa sa 1 Nephi 8:12). Sila sa kasagaran makabaton og bag-ong mga higala samtang nagkat-on sa ebanghelyo. Ang mga misyonaryo nga naggamit niini nga baruganan sa kasagaran adunay daghang mga tawo nga tudloan.

Kalihokan: Pagtuon Kauban ang Kompanyon

- Pag-andam og usa ka minuto nga mensahe base sa usa sa mga leksyon. Paghunahuna og mga pamaagi sa pagtudlo niini nga leksyon diha sa usa ka sitwasyon sa pagpangita og katudloan.
- Tinoa kon unsaon nimo nga daling makasumpay niini nga mensahe ngadto sa Pagpahiuli.
- Ipaambit ang mensahe ngadto sa imong kompanyon.
- Paghimo og usa ka tumong sa pagtudlo niini nga mensahe sa angay nga panahon karong adlawa aron pagdugang og usa ka bag-ong investigator ngadto sa inyong *teaching pool*.
- Ribyuha ang lista sa mga tawo nga inyo karong gitudloan. Paghimo og lista niadtong inyong gipangayoan og mga referral ug niadtong wala pa ninyo pangayoi. Pagpraktis kon unsaon ninyo sa pagpahigayon sa imbitasyon sa pagpangayo og referral ngadto niadtong naa sa kada grupo. Sa inyong planner, paghimo og usa ka pahinumdom sa pagpahigayon niini nga imbitasyon sa inyong sunod nga mga pagbisita.

Paghisgut sa Ka-importante sa Pamilya

Ang Pagpahiuli sa ebanghelyo ni Jesukristo nagpanalangin sa mga pamilya. Pinaagi sa pagsunod sa mga baruganan sa gipahiuli nga ebanghelyo, ang mga pamilya malig-on ug makasinati og kalinaw, kalipay, ug usa ka pagbati nga nahisakop ug nailhan.

Ang paghisgut sa kaimportante sa pamilya ngadto niadtong inyong mahimamat kada adlaw makatabang kaninyo nga makakita og mga tawo



nga katudloan. Ang kadaghanan sa mga tawo adunay natural nga interes diha sa mga pamilya. Sa daghang mga sitwasyon sa pagpangita, dali kamong makakitag kalabutan kon unsay nahibaloan sa mga tawo bahin sa pamilya ngadto sa mensahe sa Pagpahiuli. Kon mangita og katudloan, mahimo kamong mosulti og butang sama sa mosunod:

Walay laing mas importante kanato kaysa atong mga pamilya. Ang atong pamilya naghigot kanato ngadto sa usag usa, naghatag kanato og pangalan, ug nagtabang kanato nga mobati nga gikinahanglan kita ug gihigugma. Gikan sa atong mga pamilya atong napanunod ang mga kinaiya sa pagkatawo, mga hiyas, ug pisikal nga mga timailhan, nga naghatag kanato og talagsaong pagkatawo.

Ang pagbaton og usa ka lig-on, malipayon nga pamilya mao ang pinakataas nga prayoridad alang sa daghang mga tawo sa tibuk kalibutan. Ang pagkab-ot niini nga tumong sa kasagaran lisud. Ang pagpadako sa mga anak ug pagbaton og lig-ong kaminyoon sa karon nga kalibutan daw hapit na mahimong imposible usahay uban sa mga kadautan nga anaa tanan sa atong palibut.

Makahimo dayon kamo og transisyon ngadto sa mensahe sa Pagpahiuli:

Ang mga pagbati sa gugma ug kabalaka nga anaa kanato alang sa atong mga pamilya mahangturon ug migamut sa kahiladman sa atong mga kalag. Nakasentro kini sa atong relasyon ngadto sa Dios. Nahimo na kamong parte sa pamilya sa Dios sukad sa wala pa kamo matawo. Siya ang atong Amahan. Tungod kay Siya ang atong Amahan, mga managsoon kita. Ang Langitnong Amahan gusto nga kita makabalik sa pagpuyo uban Kaniya isip kabahin sa Iyang pamilya. Ang mga pamilya dinhi sa yuta nabugkos ngadto sa pamilya sa Dios. Ang mga pamilya magkauban nga magpuyo human niining kinabuhi. Nakahibalo kami niini tungod kay human sa mga siglo nga nawala, ang tinuod nga mga doktrina ug mga ordinansa sama sa bunyag pinaagi sa pag-unlod gipahiuli sa yuta pinaagi sa atong mahigugmaong Langitnong Amahan pinaagi sa usa ka buhing propeta. Kining gipahiuli nga mga kamatuoran dili lamang magtabang kanato nga makasabut sa atong dapit diha sa pamilya sa Dios, pero kini ang pinkadakong paglaum nga anaa kanato alang sa usa ka lig-on, malipayon nga pamilya niining kinabuhi. Mahimo bang motudlo pa kami ninyo og dugang kabahin sa ...

Ang samang butang mahimong mabuhat sa uban pang mga hilisgutan, sama sa kalipay, kalisdanan, ang katuyoan sa kinabuhi, o kamatayon. Bisan unsa pa man ang inyong paagi sa pagpangita o *finding approach*, hinumdumi sa pagsumpay niini og dali ngadto sa atong talagsaong mensahe sa kalibutan.

Mubo nga mga sulat

Ang Ka-importante sa mga Miyembro

Pagtrabaho kauban ang mga miyembro sa Simbahan aron sa pagpangita og mga tawo nga katudloan. Ang ideyal nga sitwasyon mao nga ang mga miyembro modapit og uban nga matudloan ug anaa alang sa pagtudlo. Kon ang mga miyembro mobuhat niini, mas daghang mga tawo ang mabunyagan ug magpabiling aktibo sa Simbahan. Ang pakigkauban sa mga miyembro importante tungod kay makapahumok kini sa mga kasingkasing sa mga tawo ug sa kasagaran magdala kanila ngadto sa pagpakisusi sa gipahiuli nga ebanghelyo. Kini sa kasagaran nagpasabut nga gidala sila ngadto sa pundok sa mga managhigala sa mga miyembro sa Simbahan, lakip na ang mga aktibo ug ang dili kaayo aktibo nga mga miyembro, bag-ohay lang nga mga kinabig, ug pamilya nga dili tanan mga miyembro sa Simbahan.

Si Presidente Gordon B. Hinckley mitudlo: “Daghan gyud kaayo kanato ang nagtan-aw sa misyonaryo nga buhat isip yano nga pagtraktang. Ang tanan nga pamilyar niini nga buhat nasayud nga dunay mas maayo pa nga paagi. Kana nga paagi mao ang pinaagi sa mga miyembro sa Simbahan. Sa higayon nga dunay usa ka miyembro nga nagpaila-ila og usa ka investigator, adunay usa ka dinaliang sistema sa pagsuporta. Ang miyembro maghatag og pagpamatuod sa kamatuoran sa buhat. Madasigon siya alang sa kalipay sa iyang higala nga investigator. Mahimo siyang matinguhaon samtang kanang higala makahimo og pag-uswag diha sa pagkat-on sa ebanghelyo.

“Ang *full-time* nga mga misyonaryo mahimong mobuhat sa aktwal nga pagtudlo, pero ang miyembro, bisan asa kon posible, mo-*back up* niana nga pagtudlo uban sa pagtanyag sa iyang panimalay sa pagpadayon niining misyonaryo nga pagserbisyo. Mohatag siya og sinserong pagpamatuod kabahin sa kabalaan sa buhat. Anaa siya diha aron sa pagtubag sa mga pangutana kon ang mga misyonaryo wala diha. Mahimo siyang usa ka higala ngadto sa kinabig kinsa nakahimo og dako ug sa kasagaran lisud nga kausaban ... Ang proseso sa pagdala og bag-ong mga tawo ngadto sa Simbahan dili responsibilidad lamang sa mga misyonaryo. Labaw pa silang molampus kon ang mga miyembro mahimong tinubdan diin ang bag-ong mga investigator nakaplagnan” (*Ensign*, Mayo 1999, 105–6).

Ang sinugdanang dapit sa pag-ugmad og lig-ong mga relasyon uban sa mga miyembro mao ang bishop. Tanyag og tabang ug pagserbisyo sa bisan unsang matarung nga paagi nga iyang gihangyo. Kanunayng mangutana sa imong kaugalingon, “Ako ba usa ka panalangin o usa ka pas-anonon sa bishop?” Pagpalambo og usa ka “Unsaon man nako sa pagtabang?” nga kinaiya. Kon mangita alang sa mga oportunidad sa paghigugma, pagserbisyo, ug pagtudlo, ang bishop ug ang mga miyembro sa ward mas posibleng mosalig kanimo uban sa ilang mga sakop sa pamilya ug mga higala.

“Human sa tanan nga napamulong na, ang pinakadako ug pinaka importante nga katungdanan mao ang pagsangyaw sa Ebanghelyo.”

– PROPETA JOSEPH SMITH
TEACHINGS OF THE PROPHET JOSEPH SMITH, 113

Konsideraha ang mosunod nga kinutlo gikan sa usa ka sulat nga gisulat sa usa ka misyonaryo ngadto sa iyang mission president:

Dear President,

Ang mga assistant nanawag karon nga nagsulti kanako nga ibalhin ko. Mibati ko nga kinahanglan kong mosulat ug magpasalamat kanimo sa pagpadala nako diring dapita. Morag para nako daw kagahapon lang nga imo kong gisultihan kabahin sa mga hagit nga nagpaabut.

Ang among unang Domingo mikumpirmar sa unsay imong gisulti kanako. Nakadawat kami og dili kaayo mainiton nga pag-abi-abi sa ward. Ang bugtong silaw sa kahayag nianang unang Domingo mao si Scott, ang bag-ong ward mission leader. Gibalhin siya sa base sa Air Force usa na ka bulan ang milabay ug nagserbisyo isip ward mission leader sulod sa duha ka semana. Gidapit kami ni Scott sa iyang panimalay para sa panihapon ang among unang Domingo aron sa paghisgut kon unsay mabuhat aron sa pagpadayon sa gingbuhaton. Human sa panihapon, nangluhod kami sa pag-ampo ug nangayo sa Langitnong Amahan alang sa Iyang direksyon. Samtang nag-ampo kami, mibati kami og pagbati sa kalinaw ug determinasyon. Determinado kami nga ang pinakamaayong paagi sa pagpadayon sa buhat mao ang pagbaton sa pagsalig sa mga miyembro. Nakahukom kami sa pagsunod sa ehemplo ni Ammon ug miserbisyo kanila.

Nagsugod kami sa bishop. Tungod sa kakulang sa mga bunyag sa dapit ug sa kakulang sa paningkamot gikan sa miaging mga misyonaryo, masabtan nga dili kaayo siya madasigon sa among hangyo nga makighimamat kaniya. Sa katapusan iya kaming gidapit sa iyang panimalay alang sa panihapon. Among nahibaloan nga ang bishop nangandam sa pagkuha sa karpit gikan sa iyang sala ug ibalik ang gahi nga kahoy nga salug nga makita sa ilalom. Miboluntaryo kami aron sa pagtabang ug iyang gidawat. Atol sa katapusan sa proyekto, ang bishop mihangyo kanamo sa pagpakigpulong sa sakrament miting. Amo kining giisip nga usa ka ebidensya nga nagsugod na siya sa pagsalig kanamo.

Among gisunod kining sanang sumbanan sa pagserbisyo sa among pagpakighimamat sa ubang mga miyembro. Nakakita kami og mga oportunidad sa pagtabang kanila sa nagkalinlaing yano nga mga paagi. Kon dili namo kauban ang mga miyembro, nanuktok kami sa mga pultahan ug nakig-istorya sa daghang mga tawo kutob sa among mahimo mahitungod sa gipahiuli nga ebanghelyo. Gipanalanginan kami og mga tawo nga katudloan, ug ang mga miyembro nakakita kanamo nga nagdala og mga tawo ngadto sa simbahan kinsa among nakaplagan sa among kaugalingong paningkamot. Ang kinaiya sa tibuok ward nagsugod sa pagkausab. Dunay nagkadako nga kadasig bahin sa misyonaryo nga buhat. Sa dihang ang mga miyembro misalig kanamo, nagkapaspas ang buhat. Daghang mga bunyag ang misunod.

Daghang mga miyembro sa Simbahan ang adunay mga kahadlok mahitungod sa paghimo sa misyonaryo nga buhat. Daghan ang dili sigurado asa magsugod o unsay isulti. Daghan ang nahadlok nga mawala kanila ang ilang suod nga mga higala kon mosulay sila sa pagpaambit sa ebanghelyo ngadto kanila. Adunay daghang mga paagi sa pagtabang sa mga miyembro. Pananglitan, tabangi pag-ugmad ang ilang hugot nga pagtuo pinaagi sa pagtudlo kanila sa mensahe sa Pagpahiuli ug sa ubang mga doktrina sa mga leksyon. Tabangi sila nga mobati sa Espiritu ug sa gahum sa atong mensahe. Ang paglig-on sa ilang panabut sa doktrina ni Kristo makahimo og mas daghan pa sa pagpalambo sa ilang pagsalig diha kaninyo ug sa pag-ugmad sa ilang kadasig sa paghimo og misyonaryo nga buhat kaysa bisan unsa pa nga inyong mahimo. Tabangi sila nga makasabut nga ang pagtanyag sa gipahiuli nga ebanghelyo mogawas lamang sa natural nga paagi sa mga relasyon diin sila nagtinguha sa paghigugma ug pagserbisyo sa ilang mga miyembro sa pamilya ug mga higala. Tudloi sila sa mga baruganan gikan sa seksyon nga “Lakaw sa Pagbuhat og Kaayohan” sa niini nga hugna.



Awhaga ang mga miyembro nga “makighiusa diha sa pagpuasa ug sa hugot nga pag-ampo alang sa kaayohan sa mga kalag kinsa wala [makaila] sa Dios” (Alma 6:6). Sa tanan nga inyong buhaton uban sa mga miyembro, pagtinguha sa pagbayaw ug pag-ugmad sa ilang hugot nga pagtuo aron sa pagtabang kanila nga maghimo sa misyonaryo nga buhat.

Agig dugang sa pagtrabaho uban sa aktibong mga miyembro, pagtinguha sa pagpangita og mga tawo nga katudloan diha sa mga *prospective elder*, sa dili kaayo aktibo nga mga miyembro, ug bag-ong mga miyembro. Kini nga mga miyembro posible nga adunay daghang mga higala sa laing mga tinuohan ug mahimong mapanalanginan samtang nagpaam-bit sila sa gipahiuli nga ebanghelyo ngadto sa ilang mga sakop sa pamilya ug mga higala.

Sa kada pagbisita ngadto sa mga miyembro, buhata ang tanan kutob sa inyong mahimo sa pag-awhag kanila sa:

- Pag-ampo ug sa pagsunod sa Espiritu.
- Paghatag og serbisyo.
- Pag-ugmad og mga panaghigalaay.
- Pag-abli sa ilang mga ba-ba sa pagpaambit sa gipahiuli nga ebanghelyo.
- Pagdapit sa uban sa pagbuhat sa mga butang aron sa pagpalambo sa ilang hugot nga pagtuo diha kang Kristo.

Ang kada referral nga inyong madawat gikan sa usa ka miyembro kinahanglan nga isipon nga bililhon. Sa higayon nga ang usa ka miyembro mohatag kaninyo sa pangalan sa usa ka higala aron tawagan o bisitahan, buhata dayon ug ireport og balik ang mga resulta ngadto sa miyembro.

Mga Ideya sa Pagtabang sa mga Miyembro

Adunay daghang mga paagi sa pag-awhag sa mga miyembro nga mahimong mas maapil sa misyonaryo nga buhat. Konsideraha ang mosunod nga mga ideya:

- Tinguha ang giya sa bishop ug sa uban pang mga lider sa ward. Tan-awa ang hugna 13 alang sa dugang nga tabang sa niini nga butang.
- Itudlo sa mga lider sa Simbahan ug mga miyembro ang mensahe sa Pagpahiuli ug uban pang mga leksyon.
- Tudloi sila sa paghigugma ug pagserbisyo sa ilang mga silingan ug mga higala.
- Awhaga sila sa pagpuasa ug sa pag-ampo alang sa pang-misionaryo nga mga oportunidad.
- Awhaga sila sa pagbisita sa mga kaila kinsa bag-ohay pa lang nakasinati og hitabo nga makapausab sa kinabuhi (pagkahimugso, pagkamatay diha sa pamilya, kaminyoon, o bag-ohay pa lang nga namalhin).
- Dapita sila sa pagtabang kaninyo sa pagtudlo. Ang ideyal nga sitwasyon mao ang pagbaton og usa ka miyembro sa Simbahan kuyog ninyo kinsa kanhi nahisakop sa samang simbahan sa investigator.
- Tabangi sila sa pagtakda og mga petsa kon kanus-a sila modapit sa ilang mga higala aron makat-on kabahin sa mensahe sa Pagpahiuli.
- Pakit-a sila og mga butang nga ilang mahatag sa uban, sama sa mga kopya sa Basahon ni Mormon, mga *video*, ug *pass-along* nga mga kard.
- Awhaga sila sa pagdapit sa ilang mga higala sa pagtambong sa simbahan o family home evening, sa pagtan-aw og usa ka *video* nga hinimo sa Simbahan, o sa pagsalmot diha sa usa ka panaghigugtan mahitungod sa ebanghelyo.

- Tabangi sila sa pagpraktis kon unsay ilang masulti ngadto sa ilang mga higala.
 - Tudloi sila nganong bililhon ang pagpaambit sa ebanghelyo bisan pa man kon unsay resulta.
- Adunay daghang lain nga mga paagi sa pagtabang sa mga miyembro nga mas maapil. Tinguhaa ang pagdugang niining lista sa tibuok nimong misyon. Ipaambit ang imong mga ideya sa ubang mga misyonaryo.

Kalihokan: Pagtuon Kauban ang Kompanyon

Kauban ang imong kompanyon, ribyuha ang unsay inyong nabuhat aron sa pagserbisyo ug sa pagtabang sa bishop ug sa ubang mga lider ug mga miyembro niadtong miaging bulan. Hisguti ug planohi ang unsay inyong mabuhat sa umaabut nga bulan aron sa pagpalambo og usa ka mas lig-on pa nga relasyon uban kanila.

Ribyuha ang mga ideya nga gilista diha sa kahon nga “Mga Ideya alang sa Pagtabang sa mga Miyembro.” Ilha ang pipila ka mga ideya nga wala pa ninyo masulayi. Gamit ang inyong daily planner, paghimo og mga plano ug sulayi ang pipila sa mga ideya sa panahon sa sunod semana.

Mga Referral gikan sa Media ug sa Punoang Buhatan sa Simbahan

Ang mga referral maoy laing kapanguhaan [*resource*] diha sa pagpangita niadtong giandam alang sa gipahiuling ebanghelyo. Agig dugang ngadto sa mga referral sa mga miyembro, ang Simbahan aktibong nagtabang sa daghang mga paagi ngadto sa mga anak sa Dios. Ang Simbahan nakahimo og interes pinaagi sa mga paningkamot sama sa *media advertising*, mga *visitors' center*, mga dapit nga makasaysayanon, tabang sa welfare ug humanitarian, ug sa *Internet* (www.mormon.org, www.lds.org, www.familysearch.org). Ang mga referral nga nadawat gikan sa media ug sa punoang buhatan sa Simbahan nagrepresentar sa mga tawo nga miuyon nga adunay mga representante sa Simbahan nga mobisita aron sa paghatud og usa ka aytem (sama sa Balaang Biblia o Basahon ni Mormon) ug matudloan og dugang pa kabahin sa Simbahan. Kining mga oportunidad sa pagtudlo kinahanglang tan-awon sa mga misyonaryo isip usa ka sagradong responsibilidad.

Sa dili pa kamo mobisita og usa ka referral, siguradoha nga pamilyar mo sa aytem nga gihangyo. Pagplano og usa ka mubong leksyon sa transisyon gikan sa aytem ngadto sa pagtudlo sa mensahe sa Pagpahiuli. Sa pipila ka mga sitwasyon ang mga referral nagdala kaninyo ngadto sa uban nga giandam sa Dios. Kon ang mga tawo nga inyong nakontak dili interesado, pangutan-a sila kon nahibalo ba sila og tawo nga tingali og interesado. Usab, pakigsulti sa laing mga miyembro sa balay ug sa ilang mga silingan. Pangutan-a ang kada usa kinsa tingali og interesado sa inyong mensahe. Siguro gigiyahan kamo ngadto niining tawhana tungod kay may laing tawo diha sa balay o sa kasilinganan ang andam alang sa ebanghelyo.

Kon magtrabaho sa mga referral, hinumdumi ang:

- Pagkontak kanila sulod sa 24 oras.
- Kon mahimo, tawagi og una aron sa pagpakigsabut sa pagbisita. Kon wala sila sa balay, sulayi ang laing mga oras nianang adlaw.
- Paghatud sa gihangyo nga aytem, ug pahinumdumi sila nga mihangyo sila sa inyong pagbisita. Pundoka ang tanan diha sa balay aron sa pagpaminaw.
- Pagtudlo sa mensahe sa Pagpahiuli.

Mubo nga mga sulat

- Paghatag og mga imbitasyon nga mougmad sa ilang hugot nga pagtuo diha kang Kristo.
- Pangayo og mga referral.
- Pagpakigsabut alang sa pagbisita og usab.
- Pagplano sa pagtrabaho niana nga kasilinganan human matapos ang inyong sabut.
- Kon ang tawo wala sa balay, pakig-istorya sa mga silingan.

Kalihokan: Pagtuon Kauban ang Kompanyon

Pangitaa ang tanang mga referral nga nadawat diha sa inyong dapit sulod sa miaging bulan. Ilha ang bisan kinsang tawo nga wala pa makontak, ug bisitahi sila. Desisyuni kon kinsa niadtong mga tawhana ang nakontak na kaniadto ang kinahanglang bisitahan pag-usab.

Family History

Ang family history o genealogy naghatag og laing paagi nga makakita kamo og mga tawo nga katudloan. Ang family history mao karon ang usa sa labing dakong gikalingawan sa kalibutan. Ang Espiritu ni Elijah nakaimpluwensya sa minilyon ka mga tawo sa tibuok kalibutan sa pagsiksik alang sa ilang mga katigulangan. Daghan ang nagtinguha og usa ka mas lig-on nga koneksyon sa ilang nagkadakong pamilya. Mosangput kini sa usa ka tinguha sa pagpangita og usa ka koneksyon ug kailhanan uban sa pamilya sa Dios.

Tinoa kon unsa nga matang sa mga kapanguhaan sa family history ang anaa sa inyong dapit. Pananglitan, mahimo kamong modapit og mga tawo ngadto sa lokal nga family history center o ipaila-ila sila ngadto sa mga miyembro nga makatabang kanila sa pagsugod og buhat sa pagsiksik sa ilang mga katigulangan. Dili kamo magkinahanglan nga masayud og daghan kabahin sa family history aron sa pagtanyag niini nga serbisyo kon kamo adunay tabang gikan sa mga miyembro sa Simbahan. Sa kadaghanang mga dapit sa kalibutan, adunay mga miyembro nga makatabang sa uban sa pagsiksik sa mga kagikan sa ilang mga pamilya. Apila ang mga miyembro aron nga ang potensyal nga mga investigator makahimamat sa mga tawo kinsa makahimo sa pagpakighigala kanila. Ipasabut nga ang paggamit sa mga family history center usa ka libreng serbisyo.

Kon nagtrakting kamo, mahimo kamong mohatag sa mga tawo og usa ka *family history pass-along* nga kard nga adunay nakasulat niini nga numero sa telepono sa lokal nga family history center, nga nagtanyag og libreng pagsugod og buhat sa pagsiksik sa mga kagikan sa pamilya. Pag-*follow up* sulod sa sunod adlaw o duha ka adlaw sa mga panimalay diin kamo mibilin sa kard. Ipakigbahin kini nga mga kard ngadto sa mga investigator kinsa makahatag niini ngadto sa ilang mga higala ug mga paryente. Maayo usab nga ideya ang pagdala sa inyong upat ka henerasyon nga tsart isip usa ka ehemplo ug ipakigbahin kini niadtong kinsa siguro adunay apelyido parehas ninyo.

*“Naglaum kong makita
nga atong matunaw ang
artipisyal nga utlanan nga
kasagaran natong gibutang
tali sa misyonaryo nga
buhat ug buhat sa templo
ug buhat sa genealogy,
tungod kay parehas ra kini
nga mahinungdanon nga
matubsanong buhat!”*

– PRESIDENTE SPENCER W. KIMBALL
“THE THINGS OF ETERNITY—STAND WE IN
JEOPARDY?” *ENSIGN*, ENE. 1977, 3

Aron masugdan, konsideraha ang pagbuhat sa mosunod:

- Pagbisita og usa ka family history center kon dunay usa diha sa inyong dapit.
- Hisguti uban sa bishop ug sa ward council ang inyong tinguha sa pagtanyag og tabang sa family history ngadto niadtong inyong mahimamat kada adlaw.
- Hisguti uban sa mga lider sa ward kon unsa ang pinakamaayong paagi sa pagpakigtambayayong niini nga paningkamot:
 - Ang bishop ba komportable sa inyong pagtanyag og tabang sa mga miyembro sa ward?
 - Hain nga mga miyembro sa ward ang nagserbisyo sa family history center o eksperyensado sa buhat sa family history?
 - Unsaon man ninyo sa paghangyo sa labing maayong paagi kini nga mga miyembro alang sa tabang?
 - Kinsa man ang makakuyog kaninyo kon maghatud kamo og mga pedigree chart o mga family group record?

Basaha ang mosunod nga istorya nga gisaysay sa usa ka senior nga misyonaryo. Hinumdumi ang papel nga gidala sa family history diha sa pagkakabig sa managtiayon.

Si Mildred Schultz usu ka debotong miyembro sa iyang simbahan. Dili ikatingala nga sa dihang ang mga misyonaryo nanuktok sa iyang pultahan, wala siya mag-usik og panahon sa pagdapit kanila sa pagsulod aron nga iya silang katudloan sa “kamatuoran.” Samtang nagtudlo ang mga misyonaryo, natandog siya sa mga kamatuoran sa gipahiuli nga ebanghelyo ug nabunyagan. Sa tibuok proseso sa pagtudlo, ang iyang bana, nga si Frank, wala maminaw.

Dinhi na ko misulod. Ang mga elder mipaila-ila kanamo ngadto kang Sister Schultz. Gitabangan namo siya sa pagsugod sa iyang family tree ug dayon midapit kaniya sa pagpakigkita kanamo didto sa family history center. Ang adlaw miabut alang sa among panagkita, ug si Frank nangutana kon pwede ba siyang makakuyog aron makasiksik usab siya alang sa iyang mga katigulangan. Siyempre, naghinamhinam ang asawa sa unsay pwedeng mahitabo, ug miadto sila sa center.

Ang mga elder nagplano nga makighimamat kanamo sa kaulahian nianang adlaw. Sa wala pa sila miabut, among gipakita sila si Frank ug Mildred sa library ug mipaila-ila kanila ngadto ni Sister Wright. Si Sister Wright mao ang family history specialist, ug mitanyag siya og tabang sa pagpangita og kasayuran kabahin sa amahan ni Frank. Iyang nakita ang pangalan sa amahan diha sa usa ka libro ug nakahatag kang Frank og usa ka mapa sa Germany nga nagpakita sa dapit nga natawhan sa iyang amahan. Madasigon kaayo siya kabahin niining mga nadiskobrehan nga sa dihang miabut ang mga elder, iya silang gidapit sa usa ka panihapon aron sa pagpakita kanila sa mga litrato ug mopaambit sa iyang family history. Ang Espiritu ni Elijah mitandog ug milukmay sa iyang kasingkasing ug miabli og pultahan alang sa ebanghelyo sa pagpuno sa iyang kinabuhi.

Nianang gabhiona, si Mildred namalandong kon unsa kaha ang iyang isulti aron sa pagtabang kang Frank nga mahimong mas interesado sa ebanghelyo. Usa ka pangutana ang misantop sa iyang hunahuna. “Frank,” misugod siya, “ganahan ka bang makauban ko nimo hangtud sa hangtud, bisan matapos kining kinabuhia? Ganahan ka bang makabaton og mahangturong pamilya?” Dali siyang miingon, “O, Mildred, siyempre ganahan ko. Unsaon man na nako pagbuhat?” Kining pangutanaha maoy dugay na niyang gi-ampo. “Paminaw sa unsay isulti sa mga misyonaryo,” mitubag siya. Miuyon si Frank. Samtang nagtudlo ang mga elder, ang kainit sa mensahe sa Pagpahiuli mitunaw sa iyang mga pagduhaduha ug mga kahadlok. Maandamon siyang midawat sa mga kamatuoran nga gipaambit sa mga misyonaryo. Iyang gidawat ang imbitasyon nga magpabunyag. Sila si Frank ug Mildred nahimong lig-on ug aktibo sa Simbahan sukad niadto.

Sila si Frank ug Mildred nagtrabaho og maayo aron sa pagkompleto sa buhat aron nga ang makaluwas nga mga ordinansa mapahigayon alang sa ilang pamilya. Usa kadto ka mahinamong adlaw sa dihang gibunyagan sila alang sa ilang mga sakop sa pamilya. Sa proseso sa paghuman sa buhat sa templo, si Brother Schultz nagdamgo kabahin sa iyang amahan. Iyang nakita ang iyang amahan sa

Mubo nga mga sulat

ranso nga nagsilbi niyang panimalay sa bata pa siya. Ang iyang amahan nagtindog tupad sa iyang porch rocker, nagsul-ob og puti ug nagbukhad sa iyang mga bukton alang sa iyang anak nga lalaki. Nakamata si Frank nga naghilak gikan nga nagdamgo. Nasayud siya nga ang iyang amahan midawat sa buhat nga ilang gihimo.

Kalihokan: Pagtuon Kauban ang Kompanyon

- Unsa man ang nakaimpluwensya ni Frank sa pagdesisyon nga ang mga misyonaryo motudlo kaniya?
- Sa unsa man nga paagi nga mas masumpay ninyo ang buhat sa family history ngadto sa plano sa Dios alang sa mga pamilya?
- Giunsa man ninyo paggamit ang family history isip usa ka himan sa pagpangita og katudloan? Sa unsa man nga mga paagi nga inyong matanyag ang kasayuran sa family history ngadto sa mga tawo nga inyong mahimamat kada adlaw? Paghimo og mga plano sa pagsugod og gamit sa family history isip usa ka mas prominenteng himan diha sa inyong mga paningkamot sa pagpangita og katudloan.

Ang family history maoy usa ka gamhanang kapanguhaan nga gamiton sa pagpangita niadtong giandam sa Ginoo sa pagdawat sa gipahiuli nga ebanghelyo. Pag-ampo aron masayud sa mga oportunidad sa paggamit sa family history diha sa inyong mga paningkamot sa pagpangita og katudloan. Ang mga tawo sa kasagaran adunay espirituhanong mga pagbati samtang mag-istorya sila kabahin sa mga pamilya. Ang mga tawo mobati usab sa Espiritu samtang gitudloan sila kabahin sa doktrina nga may kalabutan nganong naghimo kita og buhat sa family history. Agig dugang, ang retensyon sa kinabig mapalambo samtang ang bag-ong mga miyembro makahimo sa pagsiksik sa ilang mga kagikanan sa pamilya ug makapahigayon sa sagradong mga ordinansa alang sa ilang mga katigulangan.

Pagtuon sa Kasulatan

Unsa man ang gipahiuli sa Ginoo dinhi sa yuta pinaagi kang Elijah?

D&P 110:14–16

D&P 138:32–34

Malaquias 4:5–6

D&P 128:16–18

Kalihokan: Personal nga Pagtuon ug Pagtuon Kauban ang Kompanyon

Pakigsabut nga mobisita og usa ka lokal nga family history center kuyog ang usa ka miyembro nga adunay eksperyensya sa family history. Sa inyong paglibut sa family history center, hibalo ang mga matang sa mga serbisyo nga anaa. Pangita og uban pang mga kasayuran, sama sa kon kanus-a abli ang center, kinsa ang nagserbisyo sa center, ug unsay matanyag niadtong inyong makontak kada adlaw.

Pagpraktis kon unsaon ninyo pagtanyag og tabang sa family history niadtong inyong mahimamat. Paghimo og mga plano sa pagtanyag sa family history diha sa inyong mga paningkamot sa pagpangita og katudloan.

Basaha ug hisguti ang “Family History Work and Genealogy” diha sa *True to the Faith* aron makaangkon og usa ka mas lig-on nga panabut sa buhat sa family history. Isulat ang unsay inyong nakat-unan diha sa inyong journal sa pagtuon.

Kanhi nga mga Investigator

Ang kanhi nga mga investigator mga bililhong kapanguhaan alang sa pagpangita og mga tawo nga katudloan. Adunay daghang mga rason nganong ang mga tawo mihunong sa pagpakisusi sa Simbahan. Ang mga rason naglakip sa pagkabalhin sa mga misyonaryo, pagbakasyon sa mga investigator, ang mga misyonaryo mihunong sa mga pagbisita bisan kon ang mga investigator nagpaabut gihapon og mga pagbisita, ug ang mga investigator nagtuo nga ang mga misyonaryo wala nay bag-o nga ikatudlo kanila. Daghan sa kanhi nga mga investigator miingon nga makighimamat sila og usab sa mga misyonaryo.



© 2001 Dei Parson. Ayaw ikopyaha.

Ribyuha kanunay ang inyong area book aron sa pag-ila sa kanhi nga mga investigator. Mainampoong mamalandong sa kasayuran diha sa area book mahitungod kon sa unsang paagiha nga ang mga investigator unang nakontak sa Simbahan, unsay natudlo kanila, giunsa sila sa pagtubag, ug nganong mihunong sila sa pagpakisusi sa ebanghelyo. Kon ang mga miyembro naapil sa pagtudlo ug sa pag-fellowship sa kanhi nga mga investigator, pangutan-a ang mga miyembro kon unsay ilang nahinumduman kabahin sa eksperyensya. Base sa niini nga impormasyon, paghimo og mga plano sa pagkontak og usab sa mga investigator.

Kon adunay tawo nga inyong gitudloan nga gustong mohunong sa ilang pagpakisusi sa ebanghelyo, irekord ang impormasyon diha sa area book nga mahimong makatabang alang sa mga misyonaryo kinsa mokontak kanila sa umaabut.

Sa inyong pagbasa sa mosunod nga eksperyensya, konsideraha ang gahum sa pagkontak sa kanhi nga mga investigator.

Sa dako nakong kahibulong, gitawag ko sa pagtrabaho sa samang misyon nga giserbisyohan sa akong magulang nga babaye sa miaging tuig. Human sa pipila ka bulan sa misyon, gibalhin ko ngadto sa usa sa mga dapit nga giserbisyohan sa akong igsoong babaye. Sa pagkahibalo bahin sa akong pagkabalhin, ang akong igsoong babaye misulat ug mihangyo kanako sa pagbisita og usa ka pamilya nga natudloan niya ug sa iyang kompanyon. Mipadayag siya sa gugma ug kasuod nga naangkon niya uban sa pamilya Norman ug unsa siya ka guol sa dihang mihunong sila sa pagpakisusi sa Simbahan.

Ang akong kompanyon ug ako nakatultol sa mga Norman ug mainiton nila kaming gidawat. Ilang gidawat ang among imbitasyon sa pagpaminaw og usab sa gipahiuli nga ebanghelyo. Wala ko kasiguro kon unsay kalainan niining higayuna, pero andam gyud kaayo sila sa pagdawat sa among mensahe.

Ang tibuok pamilya nabunyagan ug nakumpirmahan.

Human niini nga eksperyensya, naghunahuna ko mahitungod sa uban pang kanhi nga mga investigator nga nabisitahan sa akong igsoong babaye. Naghunahuna ko, “Kon nahimo kini sa mga Norman, siguro mahimo usab kini sa ubang mga tawo nga iyang natudloan.” Nadesisyunan nako nga mosulat sa akong igsoong babaye mahitungod sa ideya sa pagkontak sa uban pang mga tawo nga iyang natudloan. Iyang gitan-aw ang iyang journal ug mipadala kanako sa mga pangalan sa uban pang kanhi nga mga investigator sa dapit.

Ang akong kompanyon ug ako migahin sa sunod nga semana sa pagkontak niining mga tawhana. Sa among kalipay, hapit katunga kanila midawat sa imbitasyon sa pagpaminaw og usab sa gipahiuli nga ebanghelyo. Pipila niini nga grupo nabunyagan ug nakumpirmahan. Samtang nakighimamat niining kanhi nga mga investigator, nangayo usab kami kanila og mga referral nga ilang mga higala ug mga kaila nga interesado sa among mensahe. Isip resulta, nakakita kami og dugang mga tawo nga katudloan. Mao kini ang pinakabisi nga panahon sa akong misyon.

Mubo nga mga sulat

Mubo nga mga sulat

Kalihokan: Pagtuon Kauban ang Kompanyon

- Ilha ang tanang kanhi nga mga investigator nga anaa diha sa inyong area book.
- Paghimo og mga plano sa pagkontak sa daghang mga tawo kutob sa mahimo sulod sa sunod nga 24 oras.

Pagpangita pinaagi sa Inyong Kaugalingong mga Paningkamot

Pagtinguha sa paglig-on sa inyong pagtuo nga ang Dios nag-andam sa Iyang mga anak sa pagdawat sa mensahe sa Pagpahiuli. Samtang nagbuhat kamo sa tanan kutob sa inyong mahimo ubos sa giya sa Espiritu Santo sa pagpangita og mga tawo nga katudloan, ang Ginoo mobutang sa ingon nga mga tawo diha sa inyong agianan.

Adunay daghang dungganon nga mga pamaagi sa pagpangita niadtong giandam alang sa gipahiuli nga ebanghelyo. Kinahanglan ninyong buhaton ang tanan kutob sa inyong mahimo aron mabutang diha sa agianan niadtong kinsa giandam. Ang mga misyonaryo nakabantay nga ang mosunod nga mga ideya nakatabang kanila sa pagpangita og mga tawo nga katudloan pinaagi sa ilang kaugalingon nga mga paningkamot. Samtang nagribyu kamo sa lista, paghimo og mga plano sa pagsulay sa pipila ka mga ideya nga bag-o para ninyo. Kini nga lista nagsilbi usab isip usa ka punto nga kasugdan alang kaninyo nga maghunahuna sa ubang dungganon nga mga pamaagi sa pagpangita og mga tawo nga katudloan.

- Pakig-alayon sa bishop ug sa ward council sa pag-ila ug sa pagkontak sa mga tawo kinsa bag-ohay lang nga natawhan og anak, mibalhin sa dapit, o nakasinati og kamatayon diha sa pamilya.
- Pangita og mga oportunidad sa pagtanyag og simple nga serbisyo.
- Tudloi ang mga miyembro—lakip na ang aktibo ug dili kaayo aktibo nga mga miyembro, bag-ohay nga mga kinabig, ug mga pamilya nga dili tanan miyembro sa Simbahan—sa mensahe sa Pagpahiuli. Hangyos sila sa pagpaila-ila kaninyo ngadto sa mga tawo nga inyong katudloan.
- Pakigsabut sa pagpahigayon og mga *fireside* sa mga miyembro diin ilang madala ang ilang mga higala o diin makatudlo kamo sa ebanghelyo ug makapangayo og mga referral.
- Tanyag sa pagtudlo sa mga tawo kon unsaon sa pagpahigayon og family home evening.
- Tanyag sa pagdala niadtong inyong nahimamat sa usa ka paglibut sa lokal nga meetinghouse.
- Tanyag sa pagpakigsabut sa pagpakighimamat sa bishop.
- Imbitara ang mga tawo sa pagtan-aw sa www.mormon.org.
- Pag-organisar og usa ka klase sa pagtuon sa kasulatan.
- Tudlo og Iningles isip ikaduhang pinulongan.



- Imbitara ang mga tawo sa tukmang edad sa pagtambong sa seminary o institute.
- Bisita sa kada balay o pakig-istorya sa mga tawo diha sa kadalanan.
- Gamit og mga *pass-along card*, mga *DVD*, mga *video*, ug mga *brochure*.
- Pagtinguha og mga referral gikan sa karon nga mga investigator, kanhi nga mga investigator, dili kaayo aktibo nga mga miyembro, mga prospective elder, ug kada usa nga inyong mahimamat.
- Pakigtambayayong og maayo sa mga representante sa lokal nga *public affairs* sa Simbahan alang sa mga oportunidad sa pagkuha og mga artikulo nga gimantala sa usa ka lokal nga pamantalaan kabahin sa inyong misyonaryo nga pagserbisyo.
- Imbitara ang mga tawo sa mga miting, mga kalihokan, ug mga *open house* sa Simbahan.
- Imbitara ang mga tawo sa mga tulumanon sa bunyag. Makahatag kini og nindot kaayo nga pagpaila sa Simbahan ug makahatag og maayong mga oportunidad alang sa mga investigator nga mobati sa impluwensya sa Espiritu.

Lakaw sa Paghimo og Kaayohan

Ang imong hugot nga pagtuo sa pagpangita og mga tawo nga katudloan mapakita pinaagi sa imong mga aksyon. Sa panahon sa Iyang mortal nga pangalagad, ang Manluluwas “gihaw-asan niya ang iyang kaugalingon diha sa iyang pagsagop sa kinaiya sa usa ka ulipon” (Mga Taga-Filipos 2:7). Nagpangadto-adto Siya sa “paghimo og mga kaayohan” (Mga Buhat 10:38) ug “nagsangyaw sa ebanghelyo” (Mateo 4:23). Sa imong pagsunod niini nga ehemplo, imong makaplagan kadtong modawat kanimo.

Pinaagi sa pagserbisyo, ikaw ug kadto kinsa giandam alang sa gipahiuli nga ebanghelyo mapundok diha sa usa ka gamhanan, madasigon nga paagi. Ang imong maayong mga binuhatan motabang sa mga tawo nga makaila kanimo isip usa ka sulugoon sa Dios ug magdala ngadto sa mga oportunidad sa pagtudlo sa gipahiuli nga ebanghelyo.

Daghang sa mga kasinatian sa misyonaryo bahin sa pagserbisyo sa wala pa ang ilang mga misyon naglakip sa giplano nga “mga proyekto sa pagserbisyo,” sama sa pagtabang sa usa ka tawo nga mobalhin, pagserbisyo sa umahan sa Simbahan, o sa paglimpyo og usa ka nataran. Isip usa ka misyonaryo, motanyag ka sa ingon nga giplano nga pagserbisyo kada semana (tan-awa sa *Missionary Handbook* alang sa dugang kasayuran).



Ang matang sa pagserbisyo nga gihulagway dinhi niini nga seksyon nagpokus sa wala planoha nga mga oportunidad. Kining matanga sa pagserbisyo naglakip sa pagpaminaw sa Espiritu aron sa pag-ila sa mga oportunidad alang sa ginagmay, simple nga mga buhat sa kaayo nga imong matanyag ngadto sa mga anak sa Dios. Pag-ampo ug magmabinantayon sa mga oportunidad sa tibuok panahon kada adlaw aron sa paghimo og kaayohan. Samtang nagtinguha ka sa paghimo og kaayohan, pagadad-on ka ngadto sa mga tawo kinsa giandam alang sa gipahiuli nga ebanghelyo.

Sa imong pagbasa sa mosunod nga istorya, hinumdumi kon giunsa sa mga misyonaryo “paghimo og kaayohan” ug pagsangyaw sa ebanghelyo.

Si Pablo kanunay moadto sa among sinemanang klase sa Iningles. Retirado na siya nga tawo kinsa nagkat-on og Iningles aron malimtan sa hunahuna ang iyang kabalaka alang sa iyang masakiton nga asawa. Usa ka semana mihunong siya sa pag-adto. Daw walay usa nga nasayud kon ngano. Mga usa ka bulan ang milabay, miadto na usab siya sa klase. Lahi na siya tan-awon. Nagkaniwang siya, ug wala siyay kadasig tan-awon. Wala siya mosalmot sa klase sama sa iyang gibuhat kaniadto, ug mibiya siya sa klase sa wala pa kami makaistorya kaniya.

Atol sa misunod nga semana, ang akong kompanyon ug ako nag-ampo nga motungha unta si Pablo og balik sa klase aron amo siyang maistorya. Ang among mga pag-ampo natubag kay mitungha man siya sa sunod nga klase. Santang nakig-istorya mi niya human sa klase, mipaambit siya nga ang iyang asawa namatay. Iya ming gisultihan og gamay kabahin sa kasinatian, ug mipadayag kami sa among pahasubo. Amo siyang gisultihan nga gusto ming motabang kaniya nga makasabut kon sa unsa nga paagi nga makauban niya og balik ang iyang asawa. Iyang gihangad ang iyang ulo, mitan-aw sa akong mga mata, ug uban sa mga luha sa kasuko ug kaguol miingon, “Kon gusto gyud mo nga motabang nako, moadto mo sa akong balay ug motabang nako nga mapahimutang og balik ang akong kinabuhi. Di ba mao man na ang gibuhat sa mga misyonaryo? Nagkinahanglan ko og tabang sa pagpahimutang og balik sa akong balay ug sa mga gimbuhaton.”

Nasurprisa ug napaubos kami sa mga komentaryo ni Pablo. Mitanyag kami sa among tabang alang sa bisan unsa nga iyang gikinahanglan. Sa paminaw nako mao kana ang punto nga nagsugod siya sa pagsalig sa among mga intensyon. Iya kaming giingnan nga moadto sa iyang balay pagkasunod ugma aron sa pagtabang kaniya sa pagpamung-ol sa iyang mga kahoy. Miadto mi sa iyang balay sa gitakda nga oras ug nagsugod sa pagtrabaho uban niya. Sa mga bulan nga iyang giatiman ang iyang asawa, iyang napasagdan ang mga buluhaton sa iyang nataran ug sa iyang panimalay. Adunay daghang trabahoon alang kanamong tulo. Nahimo kining sinemana nga kasinatian sa pagserbisyo sa iyang panimalay. Namung-ol mi og mga kahoy, nangibut og mga sagbut, ug nanguha og prutas. Wala mi magsugod og tudlo—sa higayon nga mosulay mi sa pagsugod, dali siyang motapos sa among mga panag-istoryahanay. Pinaka komportable alang niya kon maghisgut mi kabahin sa iyang kinabuhi ug pamilya. Sa kasagaran, maminaw lang mi.

Human sa mga usa ka bulan ug tunga, gisurprisa mi ni Pablo pinaagi sa pagpangutana, “Ako ba gyung makita pag-usab ang akong asawa?” Malipayon kaming mitubag nga iyang makita ang iyang asawa. Mipamatuod kami kabahin sa mahangturong mga pamilya ug mibuhat sa among pinakamaayo sa pagtubag sa iyang mga pangutana.

Among gitudloan si Pablo sa plano sa kaluwasan. Natandog siya sa doktrina. Sa wala pa kami mobiya aduna siyay usa ka lista sa mga pangutana nga gusto niyang matubag, sama sa, “Ang ako bang asawa adunay lawas kon ako siyang makita pag-usab?” ug “Gawason na ba kita sa balatian ug kasakit?” Among gitubag ang iyang mga pangutana ug mitakda og laing panagsabut aron sa paghisgut sa mga baruganan sa gipahiuli nga ebanghelyo ni Jesukristo.

Sa wala madugay human niadto, ang panagway ni Pablo nausab. Mas kanunay na siyang mopahiyum ug daw mas malinawon na. Sa tinud-anay aduna siyay “paglaum alang sa maayo nga kalibutan” (Ether 12:4). Ang among pagserbisyo nakatabang kaniya sa pagsalig sa mga butang nga among gitudlo.

“Ganahan ba kamong magmalipayon? Kalimti ang inyong kaugalingon ug isubsub ang inyong kaugalingon niining mahinungdanong kawasa. Itunong ang inyong mga paningkamot sa pagtabang sa mga tawo ... Barug nga mas lig-on, bayawa kadtong nagmaluyahon, agaka kadtong nawad-an og kadasig. Sunda ang ebanghelyo ni Jesukristo.”

— PRESIDENTE GORDON B. HINCKLEY
TEACHINGS OF GORDON B. HINCKLEY, 597

Kalihokan: Personal nga Pagtuon o Pagtuon Kauban ang Kompanyon

- Sa unsa nga mga paagi nga ang mga misyonaryo niini nga istorya “naghimo og kaayohan”?
- Unsa man nga papel ang gidala sa pagserbisyo diha sa desisyon ni Pablo nga magpatudlo sa ebanghelyo?
- Nangita ka ba og mga oportunidad sa paghimo og kaayohan sa tibuok panahon sa kada adlaw? Makahimo ka ba sa paglambo niining dapita?

Isulat sa imong journal sa pagtuon o hisguti uban sa imong kompanyon kon unsaon nimo sa paghimo og mas daghan pang kaayohan sa tibuok adlaw sa pagpangita og dugang pa nga mga tawo nga katudloan.

Tuo lang nga ang mga tawo nga giandam nga makadawat sa mensahe sa Pagpahiuli mabutang diha sa imong agianan. Ang Dios mobutang usab kanimo kon asa ang ang imong maayong mga binuhatan ug mga pulong moandam sa mga tawo nga modawat sa mga misyonaryo ug sa mga miyembro sa Simbahan. Sa tanan nimong mga paningkamot sa pagpangita og katudloan, pag-ampo ug pangita sa mga oportunidad sa pagserbisyo, pagtabang, ug sa pagbayaw sa uban. Samtang nagserbisyo ka, pakig-istorya sa kada usa nga imong mahimamat. Pagbaton sa hugot nga pagtuo nga makapaambit ka sa gipahiuli nga ebanghelyo.

Sa matag paagi nga ikaw nagserbisyo, kinahanglan nimo kanang buhaton tungod kay imong gihigugma ang imong mga kaisogon ug busa laum, pag-ampo, ug tinuorayng magtinguha sa pagtudlo kanila sa gipahiuli nga ebanghelyo.



Mubo nga mga sulat

Mga Sumbanan

Hinumdomi ang mosunod nga mga sumbanan samtang nagtinguha ka sa paghimo og kaayohan:

- Pabilin uban sa imong kompanyon.
- Preserbaha ang sagradong kinaiya sa imong tawag.
- Tumana ang mga lagda sa misyonaryo, ug ayaw ipanghatag o gamita ang imong kwarta.
- Tan-awa ang imong *Missionary Handbook* alang sa mga sumbanan mahitungod sa sinemanang pagserbisyo sa komunidad.

Mubo nga mga sulat

Pagtuon sa Kasulatan

Unsa man ang papel sa pagserbisyo diha sa kinabuhi sa Manluluwas?

3 Nephi 17:7, 21

Mateo 9:1–8

Juan 4:46–54

Mateo 8:1–4

Marcos 1:21–28

Unsa man ang papel sa pagserbisyo diha sa mga misyon nila ni Ammon ug ni Aaron?

Alma 17:19–25

Alma 18:8–10

Alma 22:3

Unsa man ang gipangayo sa Ginoo nga imong buhaton?

3 Nephi 27:21

Walay Paningkamot nga Mausik

Kon ang mga tawo mopili sa dili pagpakisusi sa gipahiuli nga ebanghelyo, ang imong trabaho wala mausik. Ang imong mapadayunon nga mga paningkamot sa pagserbisyo ug pagtudlo sa daghang mga tawo kutob sa imong mahimo maoy usa ka paagi nga ang Dios miandam sa Iyang mga anak nga sa katapusan modawat sa Iyang mga sulugoon. Siya sa kasagaran motabang sa Iyang mga anak pinaagi kanimo. Bisan pa man kon ang mga tawo dili modawat sa oportunidad nga makat-on sa ebanghelyo, ang imong pagserbisyo ug mga pulong maoy ebidensya sa gugma sa Dios alang kanila ug mahimong motisok og mga liso nga ang umaabut nga mga misyonaryo ug mga miyembro sa Simbahan moani.

Kon ang mga tawo dili modawat sa ebanghelyo, ayaw kawala og paglaum. Nakapadayag ka og tingog sa pagpasidaan. Imo silang nahatagan og klaro nga pagpili. Ang mga disipulo ni Kristo mobati og kasubo kon ang mga tawo mopili sa dili paghinulsol, pero nagmintinar sila og usa ka panan-awon kon si kinsa sila ug kon unsay ilang gibuhat. Nagpadayon sila sa makugihong pag-uswag sa unahan.

Hinumdumi Kini

- Tukura ang Simbahan pinaagi sa pagpangita “kanila nga modawat kaninyo” (D&P 42:8).
- Tinguhaa ug sunda ang Espiritu kon mangita og katudloan.
- Ang mga tawo sa imong dapit giandam sa pagdawat sa gipahiuli nga ebanghelyo.
- Ang mga miyembro sa Simbahan—lakip na niadtong aktibo, dili kaayo aktibo, mga prospective elder, ug bag-ohay nga mga kinabig—mao ang imong labing maayo nga mga kapanguhaan alang sa pagpangita og mga tawo nga katudloan, mabunyagan, ug makumpirmahan.
- Pagpalambo og lig-on nga relasyon uban sa bishop ug mga miyembro.
- Tudlo kon makakita kamo, ug pangita kon nagtudlo kamo.
- Magmabinantayon sa wala planoha nga mga oportunidad sa pagpangita og katudloan.
- Pag-ampo alang sa mga oportunidad sa paghimo og kaayohan ug sa pagsangyaw sa mensahe sa Pagpahiuli sa ebanghelyo ni Jesukristo.
- Adunay daghang mga paagi sa pagpangita og mga tawo nga katudloan. Likayi ang pagpokus sa usa o duha lang ka mga pamaagi.

Mga Ideya sa Pagtuon ug Paggamit

Mubo nga mga sulat

Personal nga Pagtuon

- Basaha ang mosunod nga sulat gikan sa usa ka misyonaryo ngadto sa iyang mga ginikanan: “Nakatudlo ko og usa ka buotan nga babaye diha sa bus. Nanguli na mi gikan sa district meeting, ug mao lamang kadto ang bakanteng lingkuranan mao nga milingkod ko ug nagsugod pagtan-aw sa akong mga sulat. Siyempre, ang unang gibasa mao ang imohang sulat, uban sa mga litrato sa batang si Evan. Nakabantay ko nga ang mga mata sa tapad nako nagtan-aw usab sa mga litrato, ug mitan-aw ko aron pagtan-aw sa mga mata sa usa ka mas edaran na nga babaye. Mipahiyum siya nako og gamay ug mitan-aw sa bintana. Iya dayong gipiyung ang iyang mga mata nga daw padulong nga matulog. Nag-ampo ko, ‘Langitnong Amahan, gusto kong makig-istorya niya. Palihug tabangi ko.’ Usa ka minuto ang milabay iyang gibuka ang iyang mga mata ug milingkod og tarung, ug dali kong misulti, ‘Cute siya di ba?’ Ako siyang gipakita sa mga litrato ni baby Evan ug nagsugod og istorya bahin sa mga pamilya uban niya. Gipangutana nako siya bahin sa iyang mga anak, ug nagluha-luha siya ug misaysay kanako og istorya mahitungod kon sa unsa nga paagi nga gidumtan siya sa iyang anak nga babaye ug wala na manginlabut kaniya. Naghilak siya ug naghilak ko uban niya. Gisultihan ko siya mahitungod sa plano sa kaluwasan ug sa unsa nga paagi nga ang Langitnong Amahan nakaila niya ug nasayud kon unsay iyang naagian. Mihilak ko ug giingnan siya nga nasayud ko nga ang iyang anak nga babaye nahigugma kaniya tungod kay ako anak nga babaye sa usa ka inahan nga nahigugma kanako, ug gihigugma nako siya. Akong gipasabut kaniya nga usahay ang mga tawo makahimo og sayop nga mga desisyon ug nga ang iyang anak nga babaye adunay kabubut-on. Iya kong gisultihan, nga nagpahiyum, ‘Siguro ang imong inahan gimingaw na kaayo nimo, ug dili siya motugot nga molakaw ka kon makita ka niya pag-usab.’ Iya kong gipasalamatan sa pagpakig-istorya kaniya ug mihatag siya kanako sa iyang address aron nga makapaambit kami sa ebanghelyo ngadto niya. Sa dayon niyang pagkanaog sa bus, miingon siya, ‘Sayop nga bus ang akong nasakyan, pero wala ko manaog. Walay usa nga milingkod tapad nako hangtud nga miabut ka ... ug tan-awa kon unsay nahitabo.’ Ang plano sa Dios perpekto!”

Unsa nga mga baruganan gikan niini nga hugna ang imong nakita dinhi niini nga istorya? Ribyuha kini nga hugna ug paghimo og lista diha sa imong journal sa pagtuon. Hain niini nga mga baruganan ang imong mahimong sulayan sa paggamit karon?

- Basaha ang Juan 15:12–13; 21:15–17; 1 Mga Taga-Tesalonica 2; ug Mosiah 18:8–10. Unsa man ka kamaayo sa pagtuman sa imong responsibilidad sa paghigugma ug pagserbisyo sa uban? Unsaon man nimo sa paglambo? Isulat ang imong tubag diha sa imong journal sa pagtuon.
- Unsaon man sa mga tawo pagkahibalo nga ikaw usa ka sulugoon sa Ginoo? Sa imong pagpamalandong niini nga pangutana, tun-i ang Moroni 7:3–5; Mateo 7:20; Juan 13:34–35. Irekord ang imong mga hunahuna diha sa imong journal sa pagtuon.
- Basaha ang 3 Nephi 18:31–32; Alma 8:16; Alma 24:7–8; ug Alma 32:41. Konsideraha kon unsay gitudlo niining mga bersikuloha kabahin sa pagtrabaho uban sa kanhi nga mga investigator. Irekord kon unsay imong nakat-unan diha sa imong journal sa pagtuon ug itudlo kini sa imong kompanyon.

Pagtuon Kauban ang Kompanyon

- Gamit ang imong daily planner, paghimo og mga plano sa pakighimamat sa bag-ohay nga mga kinabig. Hangyoha sila sa pagpaambit kon giunsa sila pag-andam alang sa ebanghelyo. Pangutana og mga pangutana sama sa: Kanus-a man kamo unang nakontak sa Simbahan? Unsa man gyud ang nakakumbinsir kaninyo nga

Mubo nga mga sulat

makighimamat sa mga misyonaryo? Isulat kon unsay imong nakat-unan diha sa imong journal sa pagtuon.

- Ribyuha ang kada usa sa mosunod nga mga hilisgutan. Gamit ang mga leksyon, pag-andam og usa ka simple nga pamaagi sa pagpangita og katudloan. Pagpraktis og tudlo diha sa usa ka sitwasyon sa pagpangita og katudloan ug i-*relate* dayon ang kada hilisgutan ngadto sa Pagpahiuli.
 - Mobati og usa ka panginahanglan alang sa dugang direksyon ug katuyoan sa kinabuhi.
 - Gustong mas maduol ngadto sa Dios.
 - Nanginahanglan og tabang sa importanting mga desisyon.
- Basaha ang mga pahina 66–68 sa *Our Search for Happiness* ug mga pahina 59–64 sa *True to the Faith* aron mas masabtan ang doktrinal nga pundasyon kabahin sa family history work. Pag-andam og usa ka pakigpulong mahitungod sa buhat sa family history, ug ipaambit kini sa imong kompanyon.
- Hunahunaa nga ikaw ug ang imong kompanyon gibalhin sa usa ka bag-ong erya. Inyong nakita ang area book sa maayong kondisyon, pero kamo walay mga investigator. Unsa man ang inyong buhaton aron sa pagdugang og mga tawo sa inyong *teaching pool* sa daling panahon kutob sa mahimo? Paghimo og mga plano aron maimplementar ang pipila niining mga ideyaha karon.
- Ang mosunod nga ideya nahimong malampuson alang sa daghang mga misyonaryo ug mga miyembro. Basaha ug tun-i kini nga ideya uban sa imong kompanyon.
 - Tabangi ang mga miyembro sa paghimo og lista sa mga higala, mga paryente, ug mga kaila nga ilang kapaambitan sa ebanghelyo. Ribyuha kini nga lista uban sa mga miyembro, ug tabangi sila nga mainampoong mopili og usa ka tawo nga gusto nilang andamon aron maminaw sa ebanghelyo.
 - Tabangi sila sa pagtakda og adlaw diin sila (a) magtrabaho aron maandam ang tawo o pamilya nga matudloan diha sa ilang panimalay o (b) pagbuhar og ubang kalihokan sa pag-*fellowship* aron sa pag-andam kanila. Ang pagtakda og petsa makahatag sa mga miyembro og usa ka target ug makatabang kanila sa paggamit sa hugot nga pagtuo.
 - Tabangi sila sa pagplano kon unsay ilang buhaton tali karon ug sa petsa nga ilang gitakda.
 - Pag-*follow up* kanunay nila aron sa pagsuporta ug sa pag-awhag kanila. Dapita sila sa pagpaambit sa ilang mga kalampusan ug mga kabalaka.

Hisguti kon unsaon nimo sa paggamit niini nga ideya sa dapit diin ka nagserbisyo.

Mga District Meeting ug mga Zone Conference

- Basaha ug hisguti ang seksyon nga “Pagpangita og Katudloan pinaagi sa Inyong Kaugalingon nga mga Paningkamot.”
 - Hisguti kon sa unsang paagiha nga kini nga mga ideya nakatabang sa mga misyonaryo nga makakita og mga tawo nga katudloan.
 - Diha sa pisara, ilista ang ubang mga ideya alang sa pagpangita og mga tawo nga katudloan. Dapita ang mga misyonaryo sa pagpakita sa ilang mga ideya.
 - Dapita ang mga misyonaryo sa paghimo og personal nga mga tumong alang sa pagpalambo sa ilang mga paningkamot sa pagpangita og katudloan.

Mubo nga mga sulat

- Paghimo og usa ka lista sa mga sitwasyon sa pagpangita og katudloan.
 - Hatagi og *assignment* ang kada misyonaryo og usa sa mga sitwasyon. Hatagi ang kada misyonaryo og 5 ka minutos aron sa pag-andam kon unsaon niya pagtudlo sa mensahe sa Pagpahiuli. Ipatan-aw nila ang leksyon nga “Ang Mensahe sa Pagpahiuli sa Ebanghelyo ni Jesukristo” kon gikinahanglan.
 - Hatagi og gibug-aton ang kaimportante sa pagpabiling angay sa gitas-on sa mensahe kon unsay sitwasyon. Pananglitan, ang mga misyonaryo mahimong mogahin og dugang panahon sa pagtudlo diha sa balay sa miyembro kaysa ilang magahin sa pagtudlo diha sa usa ka tindahan.
 - Tuguti ang daghang mga misyonaryo kutob sa makaya sa oras sa pagtudlo sa mensahe sa Pagpahiuli diha sa ilang gisangun nga sitwasyon.
- Itudlo ang mga baruganan nga makita diha sa seksyon nga “Tudlo Kon Makakita Ka, Pangita Kon Nagtudlo Ka.”
 - Sanguni [*Assign*] ang kada misyonaryo sa pag-andam og usa ka minuto nga mensahe nga iyang mapaambit diha sa usa ka sitwasyon sa pagpangita og katudloan. Kini nga mga mensahe kinahanglang ibase sa doktrina nga makita diha sa mga leksyon sa misyonaryo.
 - Dapita ang mga misyonaryo sa pagpraktis sa pagpaambit sa ilang usa ka minuto nga mensahe ngadto sa usag usa. Mahimo kang mopahigayon og nagkalainlaing mga sitwasyon sa pagpangita og katudloan, sama sa pagtudlo diha sa balay sa miyembro, pagtudlo diha sa may pultahan, pagtudlo diha sa daplin sa dalan, o sa pagkontak og usa ka referral. Papraktisa ang mga misyonaryo sa pagtudlo sa kada usa niining mga sitwasyuna.

Mission President

- Pakita og ehemplo kabahin sa miyembro-misionaryo nga buhat diha sa imong pamilya. Pagpaambit sa imong mga kasinatian ngadto sa mga misyonaryo og mga miyembro.
- Pakitambag uban sa mga lider sa priesthood kabahin sa pinakamaayo nga paagi alang sa mga misyonaryo sa pagpangita og mga tawo nga katudloan diha sa inyong misyon.
- Pag-organisar og mga *missionary fireside* diin makapamulong ka ngadto sa mga investigator diha sa inyong misyon. Pakigtambayayong uban sa lokal nga mga lider sa priesthood sa pagpahigayon og *fireside* para sa mga miyembro kinsa makadala sa ilang mga higala. Isip bahin niini nga mga *fireside*, tuguti ang bag-ohay nga mga kinabig sa paghatag og pagpamatuod ug ipasaysay ang mga istorya sa ilang pagkakabig sa dili ka pa mamulong. Ipokus ang imong mga pakigpulong diha sa mensahe sa Pagpahiuli.
- Ipakigbahin ang imong upat ka henerasyon nga tsart ngadto sa mga misyonaryo, ug ipasabut kon sa unsa nga paagi nimo kini gigamit diha sa imong mga paningkamot sa pagpangita og katudloan.
- Sa matag karon ug unya kuyog sa mga misyonaryo aron sa pagtabang kanila nga makakita og mga tawo nga katudloan.



Unsaon Nako Pagpalambo ang Akong mga Kahanas sa Pagtudlo?

Mubo nga mga sulat

Konsideraha Kini

- Unsaon man nako sa pagtudlo gikan sa mga kasulatan?
- Nganong kinahanglan man kong mangutana kon magtudlo ko?
- Unsa man nga mga klaseha sa mga pangutana ang kinahanglan nakong ipangutana?
- Unsaon man nako sa pagpaminaw og maayo ngadto sa akong gitudloan ug ngadto sa Espiritu?
- Unsaon man nako sa pagtabang sa mga tawo nga masullbad ang ilang mga kabalaka?
- Unsaon man nako sa pagtabang sa uban nga mabuntog ang bati nga mga kinaiya ug mga pagkaadik?

Ikaw gitawag aron sa pagtudlo sa gipahiuli nga ebanghelyo ngadto sa daghang mga tawo kutob sa modawat kanimo. Ang pagtudlo mao ang sentro sa tanang mga butang nga imong buhaton. Ikaw nagpalambo sa mga hiyas nga sama kang Kristo, nagtuon sa mga leksyon sa misyonaryo, nagpalambo sa imong abilidad sa pagsulti sa pinulongan diha sa imong misyon, ug nagsalig sa Espiritu aron sa pagtudlo uban sa makapakabig nga gahum. Ang Ginoo namahayag niini sa sayon kaayo nga paagi isip usa ka sugo nga adunay saad:

“Ayaw pagtinguha sa pagpahayag sa akong pulong, apan unaha ang pagbaton sa akong pulong, ug unya, ang imong dila makasulti; unya, kon ikaw magtinguha, ikaw makabaton sa akong Espiritu ug sa akong pulong, oo, ang gahum sa Dios ngadto sa pagkabig sa mga tawo” (D&P 11:21).

Mubo nga mga sulat

“Ni kamo maghunahuna sa wala pa unsa ang inyong isulti; apan mahala sa kanunay diha sa inyong mga hunahuna ang mga pulong sa kinabuhi, ug kini ihatag kaninyo niini nga takna kana nga bahin nga igahin ngadto sa matag tawo” (D&P 84:85).

Ang Unang Kapangulohan ug ang Korum sa Napulog Duha ka mga Apostoles namahayag: “Ang atong katuyoan mao ang pagtudlo sa mensahe sa gipahiuli nga ebanghelyo sa ingon nga paagi nga motugot sa Espiritu sa paggiya sa mga misyonaryo ug sa niadtong gitudloan. Importante kaayo nga makat-unan ang [mga leksyon sa misyonaryo] pero kinahanglang dili kini itudlo sa sinag-ulo nga pagkapresentar. Ang misyonaryo kinahanglang mobati nga gawasnon sa paggamit sa iyang kaugalingong mga pulong ingon nga gigiyahan sa Espiritu. Kinahanglang dili siya mohatag og sinag-ulo nga saysay, kondili mamulong nga gikan sa kasingkasing sa iyang kaugalingong mga pulong. Mahimong motipas siya gikan sa han-ay sa mga leksyon, maghatag nianang diin siya gidasig sa pagbuhat, sumala sa interes ug mga panginahanglan sa investigator. Sa pagsulti diha sa iyang kaugalingong konbiksyon ug sa iyang kaugalingong mga pulong siya kinahanglang nga mohatag sa pagpamatuod sa kamatuoran sa iyang mga gipanudlo” (“Statement on Missionary Work,” sulat sa Unang Kapangulohan, 11 sa Dis. 2002).

Pagkat-on og pagsalig diha sa Espiritu nga mohatag kanimo kon unsay kinahanglang nimong isulti ug buhaton. Pinaagi sa pagtuon, pagpalambo, ug paggamit sa mga kahanas sa pagtudlo niini nga hugna, mahimo kang mas angayan nga instrumento diha sa mga kamot sa Ginoo. Ang Espiritu mogamit sa kahibalo ug sa mga kahanas nga imong gipalambo aron sa pagtabang kanimo sa pagtudlo sa mas gamhanang paagi. Ang kalidad ug gahum sa imong pagtudlo makatabang sa uban nga masabtan ug mabati ang kaimportante sa gipahiuli nga ebanghelyo alang kanila. Ang ilang pagsabut maimpluwensyahan pinaagi sa imong personal nga katakus. Ang ilang pagsabut maimpluwensyahan usab pinaagi sa kon unsa ka kamaayong mopukos sa imong atensyon diha kanila, pinaagi sa kon unsa ka kamaayong mopasabut sa ebanghelyo, mogamit sa mga kasulatan, mopaambit sa imong pagpamatuod, mangutana og mga pangutana, ug modapit kanila sa paghimo ug pagtuman sa mga pasalig.

Sunda ang Espiritu

“Ang Espiritu mao ang pinakaimportante nga nag-inusarang elemento niini nga trabaho. Inubanan sa Espiritu nga nagpalambo sa imong tawag, makahimo ka og mga milagro alang sa Ginoo diha sa misyon. Kon wala ang Espiritu, dili gyud ka molampos *bisan pa* sa imong talento ug abilidad” (Ezra Taft Benson, seminar alang sa bag-ong mga mission president, 25 sa Hunyo 1986).

Dapita ang Espiritu

Ang mosunod nga mga sugyot motabang kanimo sa pagdapit sa Espiritu samtang ikaw nagtudlo:

- Pag-ampo.
- Gamita ang mga kasulatan.
- Hatag og pagpamatuod.
- Pagpaambit og mga kasinatian.
- Pagpadayag og gugma alang sa Ginoo ug alang sa uban.

Unsaon Pagsugod sa Pagtudlo

Ang unang mga gutlo uban sa mga investigator importante kaayo. Ang mga investigator kinahanglang makat-on sa pagsalig kaninyo. Sugdi ang inyong unang pagbisita diha sa usa ka mainiton, matahuron, tinud-anay nga paagi. Pangutana og simple nga mga pangutana nga makatabang kanimo nga makasabut sa *background* sa ilang relihiyon ug sa ilang mga gipaabut kalabut sa inyong mga pagbisita. Pananglitan,

pangutana, “Unsa man kaimportante ang relihiyon sa imong kinabuhi?” Hinoon, ayaw pangutana og personal nga mga pangutana nga makapahimo nilang dili komportable.

Sa dili pa mo magsugod, hangyoa ang tanan kinsa anaa sa pag-apil ninyo sa leksyon. Awhaga sila sa pagpalong sa telebisyon ug sa pagkuha sa uban nga mga makabalda aron ang Espiritu sa Ginoo dili mabalda.

Ipasabut nga gusto nimong sugdan ug humanon ang kada leksyon diha sa pag-ampo. Isugyot nga ikaw ang mohatag og pangbukas nga pag-ampo. Pag-ampo sa yano nga paagi pero sa madasigon nga paagi nga ang Ginoo mopanalangin sa mga tawo nga inyong gitudloan sa kada aspeto sa ilang mga kinabuhi, ug labi na nga ilang mabati ang kamatuoran sa unsay inyong itudlo.

Pagpakita og sinsero nga interes ug gugma alang sa mga investigator ug hugot nga pagtuo diha sa makakabig nga gahum sa ebanghelyo (tan-awa sa Moroni 7:43–48). Ingon nga gigiyahan sa Espiritu, mahimo kang mopadayag sa imong mga hunahuna ngadto sa inyong mga investigator sama sa mosunod:

- Tungod kay ang Dios man ang atong Langitnong Amahan, kitang tanan mga managsoon. Gusto mi nga moila kaninyo isip nga igsoon.
- Kada tawo nga among tudloan adunay personal nga mga hagit ug mga kahingawa. Bisan unsa pa man ang inyong mga panginahanglan o mga kahingawa, ang Manluluwas ug ang Iyang mga pagtulun-an—ang ebanghelyo—maoy makatabang kaninyo.
- Ang among mensahe makatabang kaninyo sa pagpalambo sa kalidad sa inyong mga kinabuhi. Kini makatabang kaninyo sa pag-atubang sa mga problema ug mga hagit nga giatubang natong tanan sa kinabuhi.
- Ang among mensahe, nga nakasentro diha kang Jesukristo, dako gyud og bili ug importante.
- Kitang tanan makahimo og mga sayop sa kinabuhi, ug kini nga mga sayop makahimo og mga pagbati sa kahasol sa tanlag ug kaulaw. Kini nga mga pagbati dili mahaw-as kon wala ang paghinulsol ug ang pagpasaylo. Maalim kini sa hingpit pinaagi sa Pag-ula ni Kristo.
- Ang among mensahe dili mahimong makat-unan tanan diha-diha dayon. Ang pagkasabut moabut sa kadugayan pinaagi sa pag-ampo, pagtuon, kasinatian, ug pagsunod sa mga sugo sa Dios.
- Aduna kitay mga kahuyang, ingon nga ang kada usa anaa. Mahimong dili kami makasulti og maayo sa pinulongan o makatubag sa kada pangutana ninyo. Pero kami gitawag pinaagi sa usa ka propeta sa Dios aron sa pagpaambit sa unsay among nahibaloan. Nasayud kami nga ang among mensahe tinuod.
- Kami mahimong mga giya aron inyong makat-unan mismo sa inyong kaugalingon ang kamatuoran sa among mensahe. Inyoha ang pagpili sa pagdawat ug pagbuhat kabahin sa mensahe. Busa, libre mo sa pagpangutana.
- Samtang tinud-anay kang nagtinguha aron makasabut sa among mensahe, mahimong mag-atubang kamo og mga hagit, pero ang Dios motabang kaninyo.
- Sa inyong pagdawat sa among mensahe, makat-on kamo unsaon sa paghimo og mga pakigsaad, o mga saad, ngadto sa Dios. Makat-on kamo sa paghimo og mga kausaban sa pagdala sa inyong kinabuhi sa mas suod nga pakig-uyon sa Iyang mga pagtulun-an. Gusto mong mosunod sa mga pagtulun-an ni Jesukristo ug mabunyagan pinaagi sa husto nga katungod (tan-awa sa Juan 3:5).

Mubo nga mga sulat

Sa dili pa magtudlo sa mga doktrina nga naa diha sa leksyon, konsideraha ang paghatag og usa ka simple nga *overview* sa unsay imong itudlo. Tabangi ang mga tawo nga makakita nga aduna kini personal nga kalabutan alang kanila. Daghan sa mga investigator nga inyong gitudloan giandam na sa Ginoo (tan-awa sa Alma 16:16–17). Sa inyong pagpaambit og espirituhanong mga kasinatian nga manag-uban diha sa unang panagkita, sila makaila kaninyo isip mga sulugoon sa Ginoo.

Kalihokan: Pagtuon Kauban ang Kompanyon

Uban sa imong kompanyon, pagpraktis og lainlaing mga paagi sa pagsugod og usa ka leksyon gamit ang pipila niini nga mga sugyot.


Ipahiangay ang Inyong Pagtudlo aron Matubag ang mga Panginahanglan

Kada tawo o pamilya nga inyong tudloan talagsaon. Bisan pa man nga dili kamo makasabut sa tanan nila nga mga interes, mga kalampusan, mga panginahanglan, ug mga kahingawa, gikinahanglan ninyo nga magtinguha nga mahimong sensitibo ngadto sa ilang mga kahintang. Bisan unsa pa man ang mga panginahanglan o mga problema, ang tanang mga tawo mas matabangan samtang ilang gidawat ug gisunod ang ebanghelyo. Kamo makahimo sa pagpahiangay sa inyong pagtudlo samtang maminaw kamo sa mga pag-aghat sa Espiritu.

Mahimo ninyong usbon ang han-ay sa mga leksyon sa ingon nga kamo nadasig sa pagpahiangay ngadto sa mga interes ug mga panginahanglan sa mga investigator. Kamo mahimong mogamit og sobra pa kay sa usa ka miting sa pagtudlo og mga baruganan sa usa ka leksyon, ug matag karon ug unya mahimo mong motudlo sa mga hilisgutan sa duha ka mga leksyon diha sa usa ka miting. Ang Langitnong Amahan nakaila sa Iyang mga anak, mao nga salig sa inspirasyon sa paghimo niini nga mga desisyon samtang nagtudlo kamo. Pag-ampo alang sa gasa sa pag-ila, ug paghatag og atensyon sa mga hunahuna nga moabut sa inyong pangisip o mga pagbati nga naa ninyo mahitungod sa unsay inyong itudlo

Kinahanglan nga inyong ipahiangay ang inyong pagtudlo aron sa paghatag og dugang atensyon niadtong mga pasalig nga mas lisud alang sa investigator nga tumanon. Pananglitan, ang usa ka tawo mahimong sayon kaayo ang pagdawat sa Basahon ni Mormon nga pulong sa Dios, samtang ang uban maglisud sa pagdawat sa bisan unsa gawas sa Biblia. Ang usa ka tawo mahimong adunay problema sa pag-undang og tabako pero andam kaayo nga modawat sa balaod sa ikapulo.

Sa inyong pagplano kon kanus-a itudlo ang piho [*specific*] nga mga doktrina, magmahimo nga sensitibo mahitungod kon pila ka bag-ong impormasyon ang inyong ipaambit. Pagtudlo sa gipaspason sa paagi nga angay alang sa mga investigator. Ang uban mouswag nga mas paspas o mas hinay kaysa uban. Siguroa nga mangutana mo



og igo nga mga pangutana ug maminaw og maayo sa ilang mga tubag aron kamo adunay lig-on nga pagsabot kon unsa ka dali ug unsa ka maayo ang investigator sa pagkat-on ug sa paggamit sa mga doktrina nga inyong gipresentar.

Magmahimo nga sensitibo sa oras. Kasagaran sa mga sabut sa pagtudlo kinahanglang dili molapas sa sobra sa 45 minutos. Ang usa ka pagbisita sa pagtudlo mahimong makompleto, bisan pa man, sa 15 o 20 minutos kon gikinahanglan. Kon ang tawo adunay 15 minutos lamang sa pag-atubang kaninyo, ipahiangay ang inyong pagtudlo aron sa pagrespeto niana nga limitasyon.

Salig diha sa saad nga ang Espiritu mohatag kaninyo “sa takna gayud, oo, sa diha gayud nga higayon, unsa ang inyong isulti” (D&P 100:6).

Kalihokan: Personal nga Pagtuon

Hunahunaa nga naglakaw ka sa dalan ug nakabantay og usa ka tigulang nga lalaki nga naglisud og butang sa pipila ka bug-at nga mga bag ngadto sa usa ka basurahan. Ikaw ug ang imong kompanyon mitabang kaniya, ug isip resulta siya nangutana kon si kinsa kamo. Human sa pipila ka panaghisgut siya nangimbitar kaninyo ngadto sa iyang balay ug nisugot nga maminaw sa inyong mensahe. Diha sa sinugdan sa pagpakig-istorya siya misulti kaninyo nga:

- Ang iyang asawa namatay usa ka tuig na ang milabay, ug gimingaw gyud siya kaayo kaniya.
- Dali ra siyang kapuyon tungod sa kondisyon sa kasing kasing.
- Mas naghunahuna siya karon kaysa sa una kon aduna ba gayuy Dios.

Unsa man ang mahimo ninyong itudlo kaniya? Unsaon man ninyo sa pagpahiangay sa inyong pagtudlo aron matubag gyud ang iyang mga panginahanglan ug mga kahingawa?

Pagtuon sa Kasulatan

Unsa man ang buot ipasabot sa ihatag “kana nga bahin nga igahin ngadto sa matag tawo”?

Alma 29:8

D&P 84:85

Unsa man ang gisaad sa Ginoo sa matinud-anon nga mga misyonaryo?

D&P 68:2–4

D&P 100:5–8

Mateo 10:19–20

Pagtudlo uban sa Imong Kompanyon diha sa Panaghiusa

Ang Ginoo nagsugo, “Kamo manglakaw pinaagi sa gahum sa akong Espiritu, magsangyaw sa akong ebanghelyo, sa tinagurha” (D&P 42:6). Ang inyong pagtudlo mahimong mas gamhanan ug makapaikag kon ikaw ug ang imong kompanyon magkahiusa sa pagtrabaho. Sa inyong pagplano ug pagtuon kada adlaw, hisguti kon unsaon ninyo pagtudlo aron kamo magkahiusa ug magtudlo sa usa ka tingog.



Ang inyong pagtudlo mahimong mas gamhanan kon ikaw ug ang imong kompanyon magpuli-puli sa paghatag og mubo nga mga bahin sa leksyon. Likayi ang pagbuhat sa unsay naandan na kon magpresenta og mensahe. Suportahi ang imong kompanyon

pinaagi sa paghatag og ikaduhang pagsaksi sa mga kamatuoran nga iyang gipamatuod. Sunda ang imong mga impresyon kon ang Espiritu nag-aghat kanimo sa pagsulti sa usa ka butang. Isip managkompanyon, kinahanglang andam sa pagtugyan sa usag usa aron dili ka makababag sa paggiya sa Espiritu. Kon mag-istorya ka, kanunayng motan-aw sa mata sa investigator. Kon wala ka mag-istorya, pag-ampo alang sa imong kompanyon ug obserbahi og maayo ang mga tubag sa investigator.

Pagtuon sa Kasulatan

Unsaon man sa mga kompanyon sa pagsuporta sa usag usa?

Alma 12:1

D&P 42:6

D&P 52:9–10

Dapita ang mga Miyembro nga Motabang Kaninyo sa Pagtudlo

Bisan kanus-a kon mahimo pagdapit og mga miyembro, labing maayo mga bag-ohay nga mga kinabig, nga motabang kaninyo sa pagtudlo. Ang maayo kaayo nga sitwasyon mao ang pagpaapil sa mga miyembro sa Simbahan kinsa sakop sa una sa samang simbahan sa mga investigator. Pakit-a ang mga miyembro sa usa ka kopya sa leksyon, ug hisguti kon unsay gusto ninyong itudlo nila. Hisguti kon unsaon sa pagtrabaho nga manag-uban. Pananglitan, tuguti ang mga miyembro, kon angay, sa pagpaambit kon giunsa nila sa pagkat-on, pagdawat, ug pagsunod sa usa ka baruganan diha sa leksyon. Tuguti sila nga mopasabut kon giunsa nila paghimo sa desisyon nga mopasakop sa Simbahan. Kon ang mga miyembro moapil sa pagtudlo, sila adunay oportunidad nga mabati ang kalipay sa misyonaryo nga buhat. Kini usab naghatag og kahigayunan sa pagpakighigalaay alang sa investigator. Si Presidente Thomas S. Monson nagtudlo:

Atol sa proseso sa pagtudlo ang mga investigator mahimong makabenipisyo pinaagi sa kalig-on sa pagpamatuod sa managtiayon nga mga miyembro kinsa sa miaging mga tuig mihimo og lakang ngadto sa bunyag ug pagpamiyembro. Didto sa Canadian Mission sa Ontario ug sa Quebec, diin ang among pamilya mipuyo sa dihang ako ang midumala sa misyon, among nahibaloan nga ang kadaghanan sa populasyon sakop sa tingali mga tulo ka dominanting mga tinuohan: Katoliko Romano, Anglican, ug ang United Church of Canada. Sa kada siyudad sa misyon among gikasabutan nga anaa gyud ang pamilya nga bag-ong gibunyagan gikan sa kada usa niini nga mga tinuohan nga mahimong gamiton sa mga misyonaryo nga anaa sa proseso sa pagtudlo og bag-ong mga investigator aron nga kana nga managtiayon nga mga miyembro makakuyog sa grupo sa mga misyonaryo tingali sa ikaduha o ikatulo nga pagbisita.

Makadayeg ka ba, pananglitan, kon ang mga misyonaryo nagtrabaho kauban niadtong gikan sa United Church of Canada, sa kalig-on sa pagpamatuod ni Brother ug Sister William Stoneman, kinsa naggikan sa United Church of Canada. Si Brother Stoneman, usa ka printer, moingon, “Sa dihang mipasakop ko sa Simbahan ni Jesukristo sa mga Santos sa Ulahing mga Adlaw, ako ang lead printer sa United Church. Nawad-an ko og trabaho. Pero nakakita ko og mas maayo pa nga trabaho. Labaw pa niana, akong nakit-an ang kamatuoran sa kinatibuk-an niini. Kamo usab makahimo sa pagpahiangay. Kamo usab makahimo og susama nga desisyon. Gani, karong Dominggo sa buntag hapiton mo namo aron magtupad kita sa pagpanglingkod sa simbahan. Dayon kamo mismo sa inyong kaugalingon makadungog ug makabati. Naa ra mi sa inyong tupad.”

Sila si Anthony ug Edith Belfiglio nahimong ingon niana nga managtiayon nga maoy mo-fellowship niadtong kinsa naggikan sa Katoliko Romano. Pareho ang resulta. Mahimo gyud kini. Ug ang ingon niana nga mga kinabig nagpabiling nakabig. Agig dugang, ang mga managtiayon nga gipili aron sa pagtuman niini nga buluhaton mibutang sa ilang kaugalingong mga gamut nga mas lawom diha sa tambok nga yuta sa ebanghelyo. Ang duha nga sila si Brother Stoneman ug si Brother Belfiglio nahimong inordinahan nga mga patriarch. Ang hiniusa nga mga paningkamot sa mga miyembro ug mga misyonaryo sa niana nga piho nga kooperasyon namunga og usa ka abunda nga pundok sa bililhon nga mga kalag (sibya sa satellite sa pagbansay sa mga misyonaryo, 25 sa Abr. 2003).

Kalihokan: Personal nga Pagtuon

Hunahunaa nga ikaw adunay unang pakigsabut nga motudlo og usa ka leksyon sa usa ka pamilya diha sa panimalay sa usa ka miyembro. Desisyuni kon unsaon nimo sa pag-andam ang kada usa sa mosunod nga mga miyembro aron motabang kanimo sa pagtudlo:

- Usa ka *ward missionary* nga bag-ohay pa lang nauli gikan sa *full-time* nga misyon
- Usa ka *priest*
- Usa ka bag-ohay nga kinabig
- Ang bishop

Gamita ang mga Kasulatan

Ang mga sumbanang basahon sa Simbahan mao ang inyong nag-unang tinubdan alang sa pagtudlo sa gipahiuli nga ebanghelyo ni Jesukristo. Mahimo usab ka nga mogamit sa mga pulong sa buhing mga propeta. Adunay daghan nga mga rason nganong importante kaayo nga mogamit sa mga kasulatan isip basihan sa inyong pagtudlo. Pananglitan:

- Ang Ginoo ug ang Iyang mga propeta nagsugo kanato sa pagbuhat sa ingon (tan-awa sa D&P 42:12, 56–58; 71:1). Ang usa ka propeta sa ulahing mga adlaw namahayag, “Ang mga pulong ug ang paagi nga kini gigamit sa Ginoo diha sa Basahon ni Mormon ... kinahanglan nga atong gamiton sa pagtudlo sa mga baruganan sa ebanghelyo” (Ezra Taft Benson, “Ang Basahon ni Mormon ug ang Doktrina ug mga Pakigsaad,” *Liahona*, Enero 2005, 10).
- Ang mga kasulatan nagdapit sa Espiritu Santo nganha sa inyong pagtudlo. Nagtudlo kini sa pulong sa Dios uban sa gahum (tan-awa sa Alma 31:5).
- Ang mga kasulatan motubag sa mahinungdanong mga pangutana sa kalag (tan-awa sa 2 Nephi 32:3; Jacob 2:8).
- Ang mga kasulatan naghatag og katungod ug kamatuoran sa inyong pagtudlo, bisan sa mga dapit nga walay *background* sa Kristiyanismo.

Ang imong abilidad sa pagtudlo uban sa gahum gikan sa mga kasulatan nagagikan sa dakong bahin gikan sa panahon nga ikaw personal nga nagtuon niini. Sa imong inadlaw nga pagbusog sa pulong, ang imong abilidad sa pagtudlo gikan sa mga kasulatan molambo. Agig dugang niini, ang imong mga pagdapit sa pagtuon ug sa pagpamalandong sa mga kasulatan mamahimong mas gamhanan tungod kay ikaw nagbuhat sa samang butang diha sa imong kinabuhi. Tabangi ang mga tawo nga makabaton og hugot nga pagtuo diha sa mga kasulatan—ilabi na ang Basahon ni Mormon—nga maoy mga tinubdan sa gipadayag nga kamatuoran. Kon mahitabo nga ang mga tawo motuo sa kasulatan, mas makahimo ka sa pagtabang kanila nga masabtan ang doktrina sa insakto nga paagi. Ang mosunod nga mga sugyot makatabang.



© Greg K. Olsen. Ayaw kopyaha.

Mubo nga mga sulat

Ipaila ang kasulatan. Ihulagway sa daklit ang *background* ug ang kahulugan sa tudling nga imong gamiton. Dapita ang investigator sa pagpangita sa partikular nga mga punto diha sa tudling. Kon magtudlo og mga tawo nga adunay limitadong kahibalo sa mga kasulatan, kinahanglan imong unahon sa paghulagway sa mga sulod sa usa ka tudling, ginamit ang pinulongan nga ilang masabtan. Sa ubos mao ang mga ehemplo sa pagpaila sa kasulatan:

- “Dinhi sa kasaysayan ni Joseph Smith atong makita ang kaugalingong mga pulong ni Joseph nga nagsaysay kon unsay nahitabo niya sa iyang pag-adto sa kakahoyan aron sa pag-ampo. Siya miingon, ‘Ako nakakita og usa ka dako nga gilis sa kahayag ...’ ”
- “Dinhi niini nga tudling ang propeta nga si Alma nagtudlo sa mga tawo kinsa mga kabus sa pagbansay sa ilang hugot nga pagtuo diha sa pulong sa Dios. Iyang gikumpara ang pulong sa Dios ngadto sa usa ka liso nga mahimong itanom diha sa atong mga kasingkasing. Mahimo ba nimong sugdan sa pagbasa ang bersikulo ...”

Basaha ang tudling. Basaha og kusog ang mga bersikulo o hangyos ang investigator sa pagbasa og kusog. Magmahimo nga sensitibo niadtong kinsa naglisod sa pagbasa. Kon ang usa ka tudling lisud alang kanila sa pagsabut, basaha og maayo uban nila ug tabangi sila nga masabtan ang mas lisud nga mga punto. O hatagi sila og mas simple nga tudling aron basahon. Mahimo usab nimong ipasabut ang lisud nga mga pulong o mga hugpong sa mga pulong:

- “Papangayosa siya sa Dios, nga nagpanghatag ngadto sa tanang mga tawo sa madagayaon gayud, ug sa walay pagpamoyboy [ang ‘walay pagpamoyboy’ nagpasabut nga ang Dios dili mangita og pasangil o sayop] ug kini igahatag kaniya” (Santiago 1:5).

Ang pipila ka mga tudling sa kasulatan klaro ug dili kinahanglan ang pagpasabut. Alang sa uban nagkinahanglan ka og oras sa pagpasabut kon unsa ang nabasa.

Gamita ang kasulatan. “Mopahisama” sa mga kasulatan nganha sa inyong kaugalingon ug ngadto sa inyong mga investigator pinaagi sa pagpakita kon sa unsang paagi nga ang kasulatan may kalabutan sa karon (tan-awa sa 1 Nephi 19:23). Ipakita sa mga investigator kon unsaon nila sa paggamit ang mga baruganan diha sa ilang mga kinabuhi. Sa ilang pagbuhat, sila masayud nga ang doktrina tinuod. Hatag sa imong pagpamatuod sa baruganan, ug pagsaad kanila og mga panalangin. Pananglitan:

- “Ang mga katawhan ni Alma, sama kaninyo, adunay bug-at nga mga palas-anon nga gitungtong kanila, hapit labaw pa kaysa ilang makaya. Pero samtang ilang gibansay ang hugot nga pagtuo ug ‘nangamuyo sa hilabihan ngadto sa Dios,’ Siya mipalig-on kanila aron sila makalahutay sa mga hagit ug unya miluwas kanila gikan sa mga pagsulay. Sama sa Iyang gibuhit niini nga mga tawo, nasayud ko nga ang Dios motabang kaninyo sa inyong mga pagsulay kon kamo ...”
- “Ang panudlo ni Alma ngadto sa mga tawo didto sa katubigan sa Mormon atong magamit karon. John, andam ka ba nga ...”

Ang mga tawo nga inyong gitudloan mahimong managlahi kaayo sa kon unsaon nila sa pagsabut ang sagrado nga mga teksto, kon unsa sila kapamilyar sa Biblia, kon unsa sila kamaayong mosabut sa pinulongan sa kasulatan, ug kon unsa ka lawom ang ilang pagtuo nga ang sulod sa Biblia pulong sa Dios. Tabangi ang tanang mga investigator sa pagbaton og pagdayeg alang sa mga kasulatan. Pinaagi sa paggamit sa mga kasulatan sa epektibo nga paagi diha sa inyong pagtudlo, makatabang kamo sa mga investigator sa pagsugod og tuon sa mga kasulatan nga sila ra. Inigkahuman sa kada pagbisita, pagsugyot og piho nga mga kapitulo o mga bersikulo nga ilang basahon. Mahimo kang mohatag kanila og mga

pangutana nga konsiderahon sa ilang pagbasa, nga mahimo ninyong hisgutan sa sunod ninyong panagkita. Makapaawhag kini kanila sa pagtuon sa mga kasulatan kada adlaw diha sa ilang mga panimalay ug moapil sa mga miting sa Simbahan ug sa mga klase diin ang mga kasulatan gigamit.

Kultural nga mga Panglantaw sa mga Kasulatan

Kasagaran sa mga relihiyon adunay sagradong mga teksto o mga basahon sa kasulatan, pero ang ilang paggamit ug panabut niini mahimong lahi ra kaysa kon unsay panglantaw sa mga miyembro sa Simbahan bahin sa mga kasulatan. Pananglitan, kinahanglan nimong ipasabut nga ang imong pagmarka sa kasulatan mao ang ebidensya sa imong tinguha sa pagsabut ug sa paggamit sa mga pagtulun-an sa mga kasulatan ug dili timaan sa dili pagrespeto. Tabangi kadtong inyong gitudloan nga makita nga ang mga sumbanang basahon importante tungod kay ang sulod niini pulong sa Ginoo isip sinulat pinaagi sa mga propeta sa Dios ug nga kini atong gidawat isip kamatuoran.

Kalihokan: Pagtuon Kauban ang Kompanyon

Ribyuha ang mosunod nga mga tudling [passages]. Tinoa kon unsaon ninyo sa:

- Pagpaila sa tudling.
- Paghatag og *background* ug sa sulod.
- Pagbasa sa tudling ug pagpasabut sa kahulugan niini.
- Pagpasabut sa lisud nga mga pulong.
- Pagtabang sa mga investigator sa paggamit niini sa ilang mga kinabuhi.

Ulohag Pahina sa Basahon ni Mormon; 3 Nephi 11; Moroni 10:3–8; Juan 17:3; Mga Taga-Roma 8:16–17; 1 Mga Taga-Corinto 15:29; Santiago 1:5; 1 Pedro 3:19–20; Amos 3:7

Pagtuon sa Kasulatan

Nganong importante man ang pagtudlo gikan sa mga kasulatan?

1 Nephi 19:23

D&P 20:7–12

2 Timoteo 3:15–17

2 Nephi 4:15–16

Pagtudlo alang sa Pagsabut

Ang mga tawo mas makatuo sa mensahe sa Pagpahiuli sa ebanghelyo kon sila makasabut sa mensahe. Si Presidente James E. Faust nag-ingon: “Pagtuon, pamalandong, ug pagtudlo gikan sa mga kasulatan, ilabi na ang Basahon ni Mormon ug ang Bag-ong Tugon. Pagkat-on og maayo sa kamatuoran aron ikaw makasaysay niini sa klaro nga paagi. Si B. H. Roberts misulat, ‘Aron mahibaloan, ang kamatuoran kinahanglang ipamahayag ug kon mas klaro ug kon mas kompleto ang pamahayag, mahimong mas maayo ang oportunidad nga ang Balaang Espiritu mopamatuod ngadto sa mga kalag sa katawhan nga ang buhat tinuod’ [New Witnesses for God, 3 ka bol. (1909), 2:vii].

*“Tinuod kini nga salabutan
alang sa usa ka tawo sa
paghisgut og usa ka hilisgutan
nga mysteryoso ug
mahinungdanon mismo, ug sa
pagbukas ug sa paghimo
niining simple aron nga ang
bata makasabut niini.”*

– PRESIDENTE JOHN TAYLOR
THE GOSPEL KINGDOM, PINILI NI G.
HOMER DURHAM (1943), 270

Mubo nga mga sulat

Mubo nga mga sulat

Dili ka makakabig sa mga tawo lapas sa imong kaugalingong pagkakabig” (“What I Want My Son to Know before He Leaves on His Mission,” *Ensign*, Mayo 1996, 41).

Gimandoan kamo nga mangatarungan ug magpatin-aw sa mga kasulatan kon kamo magtudlo (tan-awa sa D&P 68:1). Ang *magpatin-aw* nagpasabut nga ipatino ug ipasabut sa klaro nga paagi. Ang magpatin-aw sa ebanghelyo nagpasabut nga inyong ipasabut ang kahulugan sa mga doktrina ug sa mga tudling sa kasulatan sa paagi nga simple ug klaro, nga mosalig sa Espiritu nga mogiya kon unsay inyong isulti. Maggamit kamo og maligdong pero masabtan nga pinulongan aron sa pagtabang sa mga tawo nga makasabut sa doktrinal nga baruganan. Mangutana kamo og mga pangutana aron sa pagtabang kanila nga makahunahuna kabahin sa mga baruganan ug aron mahibaloan kon nakasabut ug nadawat nila ang unsay inyong gitudlo.

Sa katapusan sa kada usa sa unang tulo ka mga leksyon diha sa kapitulo 3 mao ang lista sa mga pulong nga tingali dili pamilyar niadtong inyong gitudloan. Ang kabahin sa pagtudlo alang sa pagsabut mao ang pagsiguro nga inyong napasabut ang mga pulong, mga hugpong sa mga pulong, ug ang mga ideya aron ang ubang mga tawo mas makasabut kaninyo. Inyong mapalambo ang inyong abilidad sa pagpasabut sa ebanghelyo pinaagi sa:

- Pagsabut sa mga pulong nga inyong gigamit.
- Pagpatin-aw sa mga pulong nga ang uban mahimong wala kasabut. Daghang mga pulong nga nangahulugan og espesyal nga mga butang ngadto sa mga miyembro sa Simbahan gipatin-aw sa simple nga paagi diha sa Ang Giya ngadto sa mga Kasulatan ug sa *True to the Faith*.
- Pagpangutana sa mga tawo og mga pangutana sama sa, “Nasayud ka ba kon unsay among buot ipasabut kon kami moingon ...?” o “Mahimo ba ninyong usbon sa pagsaysay ang mahitungod sa bag-ohay lang namong gisulti sa inyong kaugalingong mga pulong?”

Sa inyong pagtuon sa doktrina nga anaa sa hugna 3, ilha ang mga pulong nga sa imong hunahuna mahimong lisud nga masabtan alang sa usa ka investigator. Sa inyong pagtudlo sa doktrina diha sa hugna 3, paghimo og mga lista sa mga pulong, mga hugpong sa mga pulong, ug mga ideya nga ang mga investigator naglisud sa pagsabut. Ipatin-aw kadto nga mga pulong ginamit ang mga kapanguhaan nga gihisgutan sa ibabaw. Testingi ang inyong mga pagpatin-aw uban sa mga investigator ug bag-ohay nga mga kinabig.

Pagtuon sa Kasulatan

Nganong kinahanglan man nga atong ipatin-aw o ipasabut og maayo ang mga doktrina?

Mosiah 8:3	Alma 12:1	D&P 68:1–5
Mosiah 27:35	3 Nephi 26:1	D&P 71:1

Sa unsa nga paagi nga kita makat-on? Nganong importante man ang pagbukas o hinay-hinay nga pagpahibalo sa kasayuran?

2 Nephi 28:30	Mosiah 2:9	D&P 98:11–12
Jacob 4:13		

Nganong ang pagkayano importante man?2 Nephi 25:4, 7, 28
2 Nephi 32:7

Alma 13:23

Nehemias 8:8

Sa unsang paagiha nga ang Ginoo makig-istorya sa Iyang mga anak?

2 Nephi 31:3

D&P 1:24

Mangutana og mga Pangutana

Si Jesukristo kanunayng nangutana og mga pangutana aron makatabang sa mga tawo sa pagpamalandong ug sa paggamit sa mga baruganan. Ang Iyang mga pangutana nag-aghat og paghunahuna, paghinuklog sa kalag, ug mapasaligon.

Ang maayo nga mga pangutana makatabang kaninyo sa pagsabut sa mga interes, mga kahingawa, o mga pangutana nga anaa sa uban. Kini makapahanas sa inyong pagtudlo,

makapadapit sa Espiritu, ug makatabang sa inyong mga investigator nga makat-on.

Ang dili maayo nga mga pangutana makapapungot, makapalagot, ug makapahiubos sa mga investigator. Makapawala usab kini sa imong kontrol sa sitwasyon sa pagtudlo. Sulayi og pangutana sa mga pangutana nga:

- Simple ug daling masabtan.
- Makatabang sa mga tawo sa paghunahuna mahitungod sa unsa ang inyong gitudlo.
- Makatabang kaninyo sa pagtino kon unsa ka maayong mosabut ang investigator sa unsay inyong gitudlo.
- Makatabang sa mga tawo sa paggamit kon unsay ilang nakat-unan.

Sa pagtubag niadtong inyong gitudloan niining klaseha sa mga pangutana, ilang mabati nga sila makaistorya sa dayag. Ang maayo nga mga pangutana makapaawhag sa mga investigator sa pagpangutana ninyo og mga pangutana kon wala sila makasabut, kon aduna silay kahingawa, o kon gusto silang masayud kon unsa ang angay nga buhaton. Ang maayo nga mga pangutana makatabang niadtong inyong gitudloan sa pagpaambit sa ilang mga gibati ug pinaagi sa pagbuhat sa ingon madiskubrihan ang usa ka naglambo nga pagpamatuod. Mga ehemplo sa epektibo nga mga pangutana naglakip sa:

- Unsay inyong [imong] mga pangutana mahitungod sa among gitudlo?
- Nagtuo ka ba [ba kamo] nga ang Langitnong Amahan naghigugma kaninyo? Ngano man?
- Sa unsang paagi nga kita usahay makahimo sa susamang sayop sama sa mga tawo niini nga istorya?

Aron sa pagtabang niadtong inyong gitudloan sa pag-andam og tubag sa mga pangutana, mahimo ka nga moingon, “Sa akong pagpasabut sa kaimportante sa pagbalaan



Mubo nga mga sulat

sa Adlawng Igpapahulay, pangutan-a ang inyong kaugalingon, 'Unsa man ang kahulugan niini nga sugo ngari kanako?' " Likayi ang pagpangutana sa mga pangutana nga:

- Naglakip og sobra pa sa usa ka ideya.
- May kalabutan sa mga doktrina nga wala pa ninyo matudlo.
- Walay klarong katuyoan.
- Magsukit-sukit ug maniid nga wala kinahanglana.

Ang pagpangutana og daghan kaayong mga pangutana, ilabi na sa inyong unang pagbisita, makahatag og impresyon nga ikaw naghimo og "pagsukit-sukit." Ayaw pangayo sa mga investigator nga mohatag og piho nga mga tubag mahitungod sa mga dili importante o klaro nga mga detalye. Mohimo kini sa nindot nga pagtudlo ngadto sa usa ka dula nga tagna-tagna. Kon kamo nagkinahanglan og piho nga tubag, pinakamaayo nga mangutana og tinuod nga pangutana o ipresentar ang impormasyon sa laing paagi. Likayi ang pagpangutana og mga pangutana nga maghatag og kaulawan sa usa ka tawo kon sila wala masayud sa mga tubag. Ang mga pangutana labi gyung mapuslanon kon ipangutana human sa inyong pagtudlo ug pagpamatuod mahitungod sa usa ka mahinungdanong baruganan. Ang mosunod mao ang mga ehemplo sa dili kaayo epektibo nga mga pangutana:

- Kinsa man ang unang propeta? (Gipangutana sa wala pa magtudlo mahitungod sa mga dispensasyon.)
- Sa unsa nga paagi nga ang pagpabilin sa atong mga lawas nga putli makatabang kanato nga makabaton sa Espiritu ug makapakita nga andam kita sa pagsunod sa usa ka propeta sa Dios? (Labaw pa kaysa usa ka ideya.)
- Importante ba ang masayud kabahin sa mga sugo sa Dios? (Oo-dili nga tubag ug klaro na daan ang tubag.)
- Unsa man ang inyong gibati kabahin sa Basahon ni Mormon? (Sa wala pa sila makabasa niini.)
- Unsa man ang butang nga atong mabuhat kada adlaw nga makatabang kanato nga mobati nga duol sa Dios? (Dili klaro nga pangutana nga nangita og pihong tubag: pag-ampo.)
- Kinsa man ang sunod nga propeta human ni Noe? (Mangutana kanila aron tag-anon.)

Pagkat-on sa pagpangutana og mga pangutana ingon nga giaghat sa Espiritu. Ang saktong matang sa pangutana sa saktong panahon makatabang og dako niadtong inyong gitudloan aron makat-on sa ebanghelyo ug mobati sa Espiritu. Sa samang paagi, ang sayop nga matang sa pangutana o usa ka pangutana sa sayop nga panahon makababag sa ilang pagkat-on. Ang pagpangutana og angay nga mga pangutana sa saktong panahon nagkinahanglan nga angayan ka sa Espiritu, nga maminaw ka niadtong imong gitudloan, ug nga magpokus



ka sa tibuok kasinatian sa pagtudlo. Ang epektibong pagtudlo mahimong lisud nga trabaho ug nagkinahanglan og konsentrasyon ug paningkamot diha sa imong bahin ug sa imong kompanyon.

Kalihokan: Personal nga Pagtuon o Pagtuon Kauban ang Kompanyon

Unsa man kaha ang mahitabo sa pag-uswag sa usa ka investigator kon makasugat siya sa mosunod nga mga sitwasyon ug wala ninyo masayri ang kabahin niini?

- Mga kaubanan sa trabaho nga kanunay nga magbugal-bugal sa espirituhanong mga butang.
- Mga sakop sa pamilya nga lig-ong miyembro sa laing simbahan.
- Mga higala nga nagtuo nga ang mga Mormon dili Kristiyano nga kulto.
- Usa ka espirituhanong kasinatian sa pagbasa sa Basahon ni Mormon.

Paghunahuna og usa ka pangutana nga imong ipangutana aron mas mahibalo pa kabahin sa kada sitwasyon sa ibabaw. Isulat ang imong mga pangutana diha sa imong journal sa pagtuon. Hisguti uban sa imong kompanyon kon unsaon ninyo pagpalambo ang mga pangutana nga gisulat sa kada usa ninyo alang niini nga kalihokan.

Paminaw

Kon maminaw ka og maayo sa uban, mas makasabut ka kanila. Kon mahibalo sila nga ang ilang mga hunahuna ug mga pagbati importante kanimo, mas dali silang modawat sa imong mga gitudlo, mopaambit og personal nga mga kasinatian, ug mohimo og mga pasalig. Sa imong pagpaminaw, mas dali nimong mapahiangay ang imong pagtudlo ngadto sa ilang mga panginahanglan ug mga interes.

Paminaw gyud ilabi na sa mga paghunghong sa Espiritu. Samtang ang uban nagpaambit sa ilang mga pagbati nganha kaninyo, ang mga hunahuna ug mga ideya mahimong mosantop sa inyong hunahuna nga gigiyahan sa Espiritu. Makahimo usab kamo sa pagsabut kon unsay gustong ipadayag sa uban.

Samtang ang uban nakig-istorya kanimo, likayi ang kalagmitan nga maghunahuna kabahin sa unsay imong isulti. Siguradoha nga naka-*concentrate* gyud ka sa tawo nga nagsulti imbis nga magplano sa imong tubag. Si Elder Jeffrey R. Holland nagtudlo: “Mas importante kaysa pagsulti mao ang pagpaminaw. Kining mga tawhana dili mga butang nga walay kinabuhi nga nagtakuban isip usa ka estatistik sa bunyag. Mga anak sila sa Dios, atong mga igsoon, ug nagkinahanglan sila sa unsay naa nato. Magmatinuoron. Tabang sa sinserong paagi. Pangutan-a kini nga mga higala kon unsay labing importante *kanila*. Unsa man ang *ilang* gihambin, ug unsa man ang *ilang* gimahal pag-ayo? Ug unya paminaw. Kon ang sitwasyon maayo, mahimo kamong mangutana kon unsay ilang mga kahadlok, unsay ilang gihandum, o unsay ilang gibati nga kulang sa ilang mga kinabuhi. Ako mosaad kaninyo nga dunay *butang* diha sa ilang isulti ang *kanunay* nga mopasidlak sa usa ka kamatuoran sa ebanghelyo diin makapamatuod kamo kabahin niini ug diin kamo makatanyag pa og dugang kabahin niini.... Kon maminaw kita uban sa gugma, dili na kita kinahanglang maghunahuna kon unsay isulti. Ihatag ra kini kanato—pinaagi sa Espiritu ug pinaagi sa atong mga higala” (“Witnesses Unto Me,” *Ensign*, Mayo 2001, 15; mga *italic* sa orihinal).

Ang mga tawo dunay ipadayag pinaagi sa ilang paglingkod, mga ekspresyon sa ilang nawong, kon unsay ilang gibuhay sa ilang mga kamot, sa ilang tuno sa tingog, ug ang mga lihok sa ilang mga mata. Obserbahi kining mga mensahe nga wala isulti; makatabang kini kanimo nga makasabut sa mga pagbati niadtong imong gitudloan. Magmabinantayon usab sa imong kaugalingong lihok sa lawas. Hatag og mensahe sa pagka interesado ug kadasig pinaagi sa sinserong pagpaminaw.

Mubo nga mga sulat

Mubo nga mga sulat

Ayaw kahadlok sa kahilum. Ang mga tawo sa kasagaran magkinahanglan og panahon sa paghunahuna ug sa pagtubag sa mga pangutana o sa pagpadayag kon unsay ilang gibati. Mahimo kang mohunong human ka makapangutana, human makapaambit og espirituhanong kasinatian, o kon ang mga tawo maglisud sa pagpadayag sa ilang mga kaugalingon. Siguradoha sa paghatag sa mga tawo og panahon sa pagkompleto sa ilang mga hunahuna sa dili ka pa motubag, ug ayaw pagsalga samtang nag-istorya pa sila.

Kon imong gibati nga nakasabut ka sa unsay gisulti, hatag og mga komentaryo nga nagpakita nga nakasabut ka, sama sa “Busa ang imong gisulti mao nga _____. Sakto ba?” o “Kon akong nasabtan, gibati nimo nga _____.” Kon dili ka sigurado nga nakasabut ka, pangutan-a ang tawo aron maklaro.

Ang ubang mga tawo may kalagmitang modominar sa panag-istoryahanay ug makapugong kanimo sa pagtudlo sa gipahiuli nga ebanghelyo. Kinahanglan kang makat-on sa matinahurong pagkontrol sa maong mga sitwasyon. Pananglitan, “Nagpasalamat mi sa unsay imong gipaambit ngari namo, pero mao kana ang isyu nga gusto namong hisgutan unya. Akong hangyoon ang akong kompanyon sa pagsulat niini aron masiguro namo nga dili malimtan sa paghisgut sa umaabut namong pagbisita.” Hinumdumi, labi mong makatabang sa mga tawo pinaagi sa pagtudlo kanila sa ebanghelyo ni Jesukristo.

Sa imong pagpaminaw og maayo, ang Espiritu motabang kanimo nga mahibalo kon unsay isulti. Ang pagpaminaw nagkinahanglan og paningkamot ug konsentrasyon. Usa ka misyonaryo mipaambit sa mosunod nga tinuod nga eksperyensya (ang mga pangalan giusab):

Ang akong kompanyon ug ako nagtudlo sa pamilyang Sanchez. Init kadto ug ang mga bata pwerte gyung sabaa. Akong gipangutana si Sister Sanchez mahitungod sa iyang pagbasa sa Basahon ni Mormon. Samtang nagsugod siya sa pagpasabut, akong nabantayan nga ang ilang anak nga lalaki milabni sa notebook sa akong kompanyon ug nagdagan-dagan sulod sa kwarto nga nagwara-wara niini sa hangin. Bisan tuod nga nagtan-aw ko kang Sister Sanchez, ang akong hunahuna tua sa layo. Naghunahuna ko, “Init kaayo, ug unta ang ilang gamayng anak nga lalaki magpuyo na lang. Dili gyud ni magsilbi.” Samtang naglatagaw ang akong hunahuna, nabantayan nako nga si Sister Sanchez naglisud sa pagsulti. Duna koy malantip nga impresyon nga misantop sa akong hunmahuna sa pagpaminaw. Nanglimbasug ko sa pagbaliwala sa kainit ug sa kasaba. Ako gyung gitan-aw pag-ayo ang iyang nawong samtang nagsulti siya. Miduko siya sa yuta, dayon balik ngari sa akong kompanyon ug nako. Ang iyang bana pakyas sa pagpahilum sa mga bata. Dunay daling kahilum, ug dayon sa nagkurog niyang tingog miingon siya, “Akong gibuhay ang inyong gisulti. Akong gibasa kadtong mga kapituloha nga gusto ninyong ipabasa nako, ug nag-ampo ko.” Mihunong na usab siya ug miduko. Mipasiplat siya sa iyang mga anak, dayon nagkatinan-away mi. “Nakadawat ko sa tubag,” misulti siya nga dunay pahiyum ug ang mga mata napuno sa luha. “Tinuod kini, nasayud ko nga tinuod kini.” Ang Espiritu mipuno sa kwarto. Uban sa usa ka kasingkasing nga puno sa pasalamat nga naminaw ko, mipahiyum ko ug miingon, “Oo, tinuod.”

Kalihokan: Personal nga Pagtuon o Pagtuon Kauban ang Kompanyon

Human maribyu ang istorya sa ibabaw, mahimo kang mosulat og usa ka tubag ngadto sa pangutana diha sa imong journal sa pagtuon o hisguti kini uban sa imong kompanyon.

- Unsa kaha unta ang nahitabo kon ang misyonaryo mas nahingawa pa sa iyang personal nga kahayahay o sa *notebook* sa iyang kompanyon?
- Sa unsa nga paagi nga kini nga investigator napanalanginan tungod kay ang misyonaryo naminaw?

Tubaga ang mga pangutana sa ubos:

A = Dili gyud tinuod kabahin nako
B = Usahay tinuod kabahin nako

C = Kasagaran tinuod kabahin nako
D = Kanunay nga tinuod kabahin nako

- Kon makig-istorya ko sa uban, maghunahuna ko sa susamang mga eksperyensya nga ako usab nga mapaambit imbis nga maminaw og maayo.
- Kon ang uban mosulti nako kabahin sa ilang mga pagbati, mosulay ko sa pagbutang sa akong kaugalingon sa ilang nahimutangan aron makita kon unsay akong bation.
- Kon magtudlo ko og mga investigator, mabalaka ko kabahin sa unsay akong isulti o isunod og tudlo.
- Mawad-an ko og kadasig kon ang mga investigator ganahan gyung magsige na lang og sulti.
- Nanglimbasug ko sa pagsunod o sa pagsabut kon unsay gustong isulti sa uban ngari nako.
- Ang akong hunahuna usahay maglatagaw samtang ang akong kompanyon nagtudlo.
- Maglagot ko kon dunay tawo nga mag-istorya ngari nako ug ang uban mosalga o motugaw sa akong atensyon.
- Makadawat ko og espirituhanon nga mga pag-aghat sa pagsulti o pagbuhat og usa ka butang, pero ako kining ibaliwala.

Tinoa kon unsay imong mabuhat aron sa pagpalambo sa imong abilidad sa pagpaminaw.

Pag-ugmad og usa ka Maayong Relasyon uban sa mga Investigator

Aron makalikay og kaulawan, ang ubang mga tawo motubag sa mga pangutana sa paagi nga sa ilang hunahuna maoy gusto nimo nga sila motubag imbis nga mopaambit og tinuod nga mga pagbati. Tinguhaa ang pag-ugmad og usa ka relasyon nga nagtugot kanila nga mahimong komportable sa pagpaambit sa ilang tinuod nga mga pagbati nganha kaninyo.

Tabangi ang mga Tawo sa Pagsulbad sa Ilang mga Kabalaka [Concern]

Ang uban niadtong inyong gitudloan magkulang sa hugot nga pagtuo sa pagtuman sa ilang mga pasalig, ang uban mag-atubang og mga pagsupak, ug ang uban dili sa kanunay modawat sa tanan nga inyong ipaambit. Kinahanglan silang mohimo sa ilang kaugalingong mga pagpili, pero gusto mong mobuhat sa tanan ninyong mahimo sa pagtubag sa ilang mga pangutana, tabangi sila sa pagsulbad sa ilang mga kabalaka, ug sa pagbuntog sa pagsupak.

Usahay ang mga kabalaka sa mga tawo parehas sa usa ka *iceberg*. Gamay lang nga parte ang makita sa ibabaw. Kini nga mga kabalaka mahimong komplikado ug lisud sulbaron. Sa niini nga rason nagkinahanglan ka sa pagsunod sa Espiritu ug sa pagtubag sa paagi nga labing angay sa sitwasyon. Pag-ampo alang sa gasa sa panabut ug sunda ang imong mga impresyon. Ang Langitnong Amahan nasayud sa mga kasingkasing ug sa mga kasinatian sa tanang mga tawo (ang kompletong *iceberg*) ug motabang kanimo aron masayud kon unsay labing maayo alang sa kada tawo.

Kon motabang ka sa uban nga masulbad ang ilang mga kabalaka, tinguhaa og una sa pagsabut sa ilang mga kabalaka pinaagi sa pagpangutana ug pagpaminaw. Salig sa Espiritu nga motabang kanimo nga masayud kon unsaon sa pagtabang kanila nga masulbad ang



Ayaw kopyaha.

ilang mga kabalaka. Pananglitan, mahimo kang mogamit og usa ka kasulatan aron sa pagtubag og usa ka kabalaka kabahin sa panginahanglan alang sa bunyag, o mahimo kang mopaambit sa imong pagpamatuod kabahin ni Propeta Joseph Smith.

Sa kasagaran ang mga kabalaka maoy kabahin sa sosyal kaysa doktrinal. Pananglitan, ang mga investigator siguro nahadlok sa pagsupak gikan sa mga sakop sa pamilya kon mopasakop sila sa Simbahan. O siguro mahadlok sila nga dili dawaton sa ilang mga higala sa trabahoan. Bisan unsa pa man ang kabalaka, ang inyong mga investigator mahimong adunay mga kasinatian kaniadto o uban pang mga impluwensya nga parte sa kabalaka nga wala nimo masabti. Sa daghang mga sitwasyon, ang mga miyembro mahimong makatabang kanimo nga makasabut ug makatabang sa ilang mga kabalaka.

Kon unsaon nimo sa pag-atubang ang kabalaka sa usa ka investigator magdepende sa matang niana nga kabalaka. Tinoa kon ang kabalaka ba mitumaw tungod kay ang tawo wala makabaton og espirituhanong panghimatuod sa kamatuoran sa Pagpahiuli o ang tawo ba dili gustong mopasalig sa pagtuman sa usa ka tinuod nga baruganan. Ang pagsabut sa tinubdan sa problema niining paagiha makatabang kanimo nga masayud kon magpokus ba sa pagpamatuod o sa pasalig.

Kalihokan: Pagtuon Kauban ang Kompanyon

Pagpili og usa ka imbitasyon sa pagpasalig nga imong ihatag kon magtudlo ka sa mga leksyon. Dayon ilha ang mga kabalaka o *concern* nga posibleng makapugong sa usa ka tawo sa pagdawat o sa pagtuman niana nga pasalig. Hisguti ug pagpraktis kon unsaon nimo aron labing makatabang sa mga tawo samtang nagtrabaho sila aron sa pagsulbad sa ilang mga kabalaka.

Paghinulsol ug Pagkaayo gikan sa Pagkaadik

Ang paghinulsol maoy usa ka espirituhanong proseso nga naglakip sa pagpaubos, pagkumpisal, restitusion, ug pagpahilayo gikan sa sala. Usa kini ka permanente nga kausaban sa mga hunahuna ug mga aksyon. Angay gayud unta, ang paghinulsol sa usa ka pihong sala kinahanglan buhaton sa makausa ra. Bisan pa man niana, kon ang sala gisubli, anaa ang paghinulsol isip usa ka paagi sa pag-ayo (tan-awa sa Mosiah 26:30; Moroni 6:8; D&P 1:31–32).

Ang paghinulsol mahimong maglakip og usa ka emosyonal ug pisikal nga proseso. Ang mga tawo kinahanglang mohunong sa pagpadayon, naandan na gyud nga buhat nga dili angay. Ang dili angayan nga aksyon kinahanglang ilisan og maayo ug husto nga mga kinaiya.

Sa ingon, ang paghinulsol ug ang pagkaayo mahimong magkinahanglan og panahon. Usahay ang mga kinabig, bisan pa man sa labing maayo nga mga intensyon, madala sa tintasyon samtang nag-uswag sila padulong sa mas mahinungdanong pagdisiplina sa kaugalingon. Sa ingon nga mga sitwasyon ang bag-o nga mga kinabig makigtambayayong sa ilang mga lider sa priesthood, dili sa mga misyonaryo, samtang nagtinguha sila sa pagbuntog sa tintasyon ug sa paghinulsol sa hingpit.

Pinaagi sa bunyag ug pagkumpirma ang mga tawo makadawat sa gasa sa Espiritu Santo, nga makapalig-on sa ilang abilidad sa pagbuntog niini nga mga hagit. Pero ang bunyag ug ang pagkumpirma mahimong dili makapawala sa hingpit sa emosyonal ug pisikal nga mga gana nga nag-uban niini nga mga kinaiya. Bisan tuod kon ang usa ka tawo mahimong magmalampuson sa una, ang padayon nga emosyonal nga pagkaayo mahimong kinahanglanon aron makahinulsol ug maayo sa hingpit.

Kalihokan: Personal nga Pagtuon o Pagtuon Kauban ang Kompanyon

- Paghunahuna og usa ka investigator, bag-ohay nga convert, o dili kaayo aktibo nga miyembro kinsa naningkamot sa pagbuntog sa pagkaadik.
- Ribyuha ang “Hugot nga Pagtuo diha kang Jesukristo” ug “Paghinulsol” gikan sa leksyon nga “Ang Ebanghelyo ni Jesukristo” diha sa hugna 3.
- Unsa man ang imong matudlo niini nga tawo gikan sa leksyon ug sa gikan niini nga hugna aron sa pagtabang kaniya sa pagbuntog sa pagkaadik?
- Paghimo og usa ka plano sa pagtudlo sa leksyon aron sa pagtabang niini nga indibidwal.

Pagtabang sa mga Investigator ug Bag-o nga mga kinabig aron Makasabut sa Paghinulsol ug Pagkaayo sa Pagkaadik

Mahimong hangyoon ka sa pagtubag sa mga pangutana ug mga kabalaka kabahin sa pagkaadik. Gusto usab ka nga motabang sa mga tawo nga makakita sa mga tubag sa lisud nga mga pangutana nga may kalabutan niining mga problemaha. Ang mosunod nga mga ideya mahimong makatabang:

- Ipaambit ang imong pagpamatuod bahin sa makaayo nga epekto [*healing nature*] sa ebanghelyo, ilabi na sa Pag-ula (tan-awa sa Alma 7:11–13).
- Ipamatuod nga ang Dios lamang ang makatuman sa milagro sa spirituhanong pagkaayo (tan-awa sa Salmo 147:3).
- Ipasabut nga ang gasa sa pagkaayo mahitabo ngadto sa lawas ug sa espiritu.



© 2000 Simon Dawey. Ayaw kopyaha.

Ang sukaranang mga lakang nga makatabang sa mga tawo diha sa proseso sa emosyonal nga pagkaayo naglakip sa:

- Pag-ila ug pagkasayud sa problema. Nagkinahanglan kini og mabinantayon ug matinuoron nga pagsusi sa kaugalingon.
- Pagkasayud nga ang kinaiya makadaot. Makaapekto kini sa uban ug nagkinahanglan og kausaban.
- Pagkamapainubsanon ug pagbati og kasubo.
- Pagtinguha sa kapasayloan gikan sa uban kinsa imong napasakitan, ug pagkat-on sa pagpasaylo sa kaugalingon.
- Paghunong sa makapaadik nga mga aksyon ug magsugod sa pagbuhat og maayong mga butang.
- Pagpabiling matinud-anon—magtuman sa mga pakigsaad sa bunyag, paghatag og serbisyo, pag-ampo alang sa panabang gikan sa Espiritu Santo, ug pagpakita og tinguha sa pagtuman sa mga sugo sa Dios.


Mubo nga mga sulat

- Pagsabut nga ang Ginoo kanunay nga maghigugma sa Iyang mga anak—bisan pa man kon makabuhat sila og sayop ug mopaubos ngadto sa naandan nga tinguha. Ang paghinulsol ug ang dalan ngadto sa pagkaayo kanunay nga anaa.

Usa ka Plano alang sa Pagbuntog sa Makapaadik nga Kinaiya

Ang mga investigator ug mga bag-o ug dili kaayo aktibo nga mga miyembro mahimong mangutana kon unsay ilang mabuhat aron makabuntog sa usa ka pagkaadik. Misalig sila sa inyong abilidad sa pagtanyag og giya ug suporta. Ang mosunod nga mga sugyot mahimong makatabang:

- Pahimoa sila og usa ka *outline* sa mga panahon, mga dapit, ug mga tawo nga nakatampohan niana nga kinaiya. Dayon hisguti kini uban sa kapikas sa kinabuhi, bishop, ward missionary, o ubang sinaligan nga higala. Istoryahi kon unsay kinahanglan nilang buhaton aron mausab o makalikay sa mga butang nga naa sa lista.
- Ipasulat nila kon unsay nahimo sa maong kinaiya nga maoy hinungdan nga dunay butang nga wala nila maangkon karon, kon dili makorihian, maoy hinungdan nga dunay butang nga dili nila maangkon sa umaabut.
- Ipasulat nila ang lainlaing mga butang nga ilang mabuhat aron makalikay o dili makahimo sa dili angay nga kinaiya. Mahimong maglakip kini sa pagpakig-istorya sa usa ka kapikas sa kinabuhi, motawag sa bishop o usa ka higala alang sa suporta, pag-*exercise*, ug lain pang kalihokan nga makatabang kanila nga makalikay sa tintasyon.
- Awhaga sila nga kanunay nga mag-ampo, magtuon sa mga kasulatan, maminaw sa makapabayaw nga musika, ug magbasa og maayong mga libro.
- Awhaga sila sa pagtinguha og usa ka panalangin sa priesthood.
- Awhaga sila sa pagpadayon nga aktibo sa Simbahan, aron makatabang kanila sa ilang mga problema ug molambo nga mas duol sa Ginoo.
- Awhaga sila sa pagtambong sa usa ka angay nga *support group* o modawat og propesyonal nga tabang. Sa ubang mga dapit, anaa ang LDS Family Services [Mga Serbisyo alang sa SUA nga mga Pamilya].
- Awhaga sila nga dili mohunong! Ang Ginoo motabang kanila, bisan kon magkinahanglan kini og panahon.



Ang aktibong mga Santos sa Ulahing mga Adlaw labing makatabang sa bag-ong mga miyembro nga magpabiling aktibo pinaagi sa paghimo nila nga ilang mga higala. Ang mga miyembro kinahanglang motabang sa mga investigator ug bag-ong mga miyembro uban sa mainiton, positibong kinaiya. Ang mga investigator ug bag-o nga mga kinabig mobalos usab kon pangumustahon uban sa pahiyum, kon sinserong pangutan-on kabahin kon kumusta na sila, kon ang uban motapad nila og lingkod atol sa mga miting, ug kon imbitaron sila sa panihapon sa pamilya o family home evening.

Kay posible man nga ang uban mobalik sa pagkaadik, ang mga lider sa priesthood ug ang mga miyembro kinahanglan dili makuratan o mawad-an og paglaum kon ilang mahibaloan nga ang usa ka investigator o bag-ong miyembro nanglimbasug sa ingon nga

mga problema. Kinahanglan silang magpakita og pagsalig sa indibidwal ug dili mohukom dayon kon ang usa ka tawo mobalik ngadto sa naandan nga tinguha. Kinahanglan nila kining isipon nga usa ka temporaryo ug masabtan ra nga sitwasyon. Ang pagpanghimaraut sa naadik nga investigator o bag-ong convert dili gayud makatabang ug posible pa nga mosangpot sa pagkawalay kadasig, kapakyasan, ug pagkadili aktibo. Ang bag-ong convert kinsa daling mihunong sa pagtambong sa Simbahan mahimong mibalik sa naandang pagkaadik ug mibati nga dili takus ug nawad-an og paglaum. Ang pagbisita dayon nga maghatag og pag-awhag ug suporta makatabang sa tawo nga molampus. Ang mga miyembro kinahanglang mopakita diha sa pulong ug aksyon nga ilang gidawat ang mga kinabig (tan-awa sa 3 Nephi 18:32).

Ang pagpabiling aktibo diha sa Simbahan ug ang pagpaningkamot sa pagpuyo nga matitud-anon mao ang pinaka importante nga mga butang nga mabuhat sa bisan kinsa nga indibidwal sa pagbuntog sa mga problema sa pagkaadik.

Kalihokan: Personal nga Pagtuon

Hunahunaa ang pipila ka mga butang nga imong naandang buhaton—butang nga kanunay nimong buhaton, nga walay paghunahuna, sama sa palut-on ang imong mga tudlo, pagpahiangay sa imong mga antiyuhos, pagkaon og daghan, o pagkatulog nga gabii na kaayo. Karon sulayi kini sa usa ka adlaw nga dili magbuhat bisan kausa ra. Kon molampus ka, sulayi sa usa ka semana nga dili magbuhat niini. Hisguti ang kasinatian uban sa imong kompanyon. Dayon sulayi sa paghunahuna kon unsa pa ka lisud sa usa ka investigator sa pagbuntog sa pagkaadik sama sa tabako o pag-abuso sa alkohol.

Pagbilin og usa ka Butang

Sa pagtapos sa kada bisita sa pagtudlo, paghatag sa investigator og usa ka butang nga mabasa ug mapamalandong agig pagpangandam alang sa sunod nga miting. Mahimo ninyo silang hatagan og mga kapitulo nga basahon gikan sa Basahon ni Mormon. Mahimo ninyo silang hatagan og usa ka *brochure* nga naghatag og kasayuran sa unsay gitudlo o unsay inyong itudlo sa inyong sunod nga pagbisita, o mahimong lain kini nga basahonon o usa ka *audiovisual* nga presentasyon. Kon makagamit sila og *Internet*, awhaga sila sa pagtan-aw sa www.mormon.org. Kanunay gyud silang hatagan og butang nga mahunahuna, mapamalandong, ug maampo. Mahimo kining usa ka pangbukas nga hilisgutan nga panaghisgutan sa sunod ninyong pagkita.

Kalihokan: Pagtuon Kauban ang Kompanyon

Ribyuha ang mga aytem nga anaa aron ibilin sa mga investigator lakip na sa mga *brochure* ug mga aytem nga pang-*audiovisual*. Aduna pa bay ubang mga aytem nga inyong gikinahanglang maangkon aron inyong mapaambit sa inyong investigator? Paghimo og lista diha sa inyong *planner* sa mga aytem nga kinahanglan ninyong orderon.

Konsideraha ang kada usa sa mga investigator nga naeskyedulan na ninyong tudloan karong semanaha. Unsa man nga mga kapitulo diha sa Basahon ni Mormon ang labing makatabang ngadto kanila? Unsa pa man ang ubang mga aytem nga makaayo kanila? Irekord diha sa Lista sa mga Pahinumdom/Angayang Buhaton diha sa inyong *planner* kon unsay gitinguha ninyong ihatag sa kada investigator ug sa unsay inyong buhaton aron sa pag-*follow up* sa inyong sunod nga pagbisita.

Itudlo ang Gipahiuli nga Ebanghelyo ngadto Niadtong wala pay *Background* sa Kristiyanismo

Ang ubang mga tawo nga inyong pagatudloan posibleng dili motuo sa Langitnong Amahan ug ni Jesukristo o walay Kristiyanong tradisyon. Daghan niining mga tawhana, bisan pa man niana, adunay mga gituohan, mga naandang buhaton, ug mga dapit nga ilang gipakasagrado. Isip usa ka sulugoon sa Dios, mahinungdanon nga mopakita ka og hustong pagtahud alang sa ilang relihiyosong mga pagtuo ug mga tradisyon. Ayaw og buhat og bisan unsang butang nga mopakita og kawalay pagtahud alang nianang unsay importante ngadto kanila.

Mahimo kang maghunahuna kon unsaon nimo sa pagpahiangay sa imong pagtudlo niining mga tawhana. Mas makatabang ang paghinumdum nga aron makabig, ang tanan nga mga anak sa Dios, bisan unsa pa may *background*, kinahanglang makaangkon og hugot nga pagtuo diha kang Jesukristo, maghinulsol, modawat sa mga ordinansa sa bunyag ug pagkumpirma, ug molahutay hangtud sa katapusan pinaagi sa pagsunod sa mga sugo ug paghatag og serbisyo. Ang mga baruganan nga makatabang sa uban sa pag-ugmad og hugot nga pagtuo diha kang Jesukristo parehas ra sa tanang mga kultura.

Makatabang ka sa mga tawo nga makabaton og husto nga panabut kabahin sa Dios isip atong Langitnong Amahan ug makapalambo og hugot nga pagtuo diha kang Jesukristo pinaagi sa pagtabang kanila nga makabaton og personal nga espirituhanong mga kasinatian imbis nga sa yano ra nga pagsulti kanila kabahin sa kinaiya sa Dios. Pananglitan, makatabang ka sa mga tawo nga makaangkon og panabut samtang sila:

- Makaangkon og usa ka espirituhanong konbiksyon nga ang Dios nga Amahan ug ang Iyang Anak, nga si Jesukristo, nagpakita ngadto ni Propeta Joseph Smith.
- Maminaw sa imong sinsero nga pagtudlo ug pagpamatuod sa ebanghelyo, lakip na kon nganong mipili ka nga mosunod kang Jesukristo.
- Kanunay nga maminaw kanimo ug sa ubang mga miyembro nga makigsulti sa Langitnong Amahan diha sa simple, kinasingkasing nga pag-ampo.
- Maminaw kanimo nga maghatag og gamhanang pagpamatuod.
- Mag-ampo uban kanimo ug nga sila ra.
- Makat-on kon unsay imong gibati kabahin sa mga kasulatan samtang nagbasa ka ug naghisgut niini.
- Magbasa sa pulong sa Dios gikan sa mga kasulatan kada adlaw (ilabi na ang Basahon ni Mormon).
- Motambong sa simbahan aron ilang makita kon giunsa nato pagsimba ang Ginoo.
- Makighimamat sa mga miyembro sa Simbahan kinsa makapasabut kon sa unsang paagiha nga sila mituo sa Langitnong Amahan ug ni Jesukristo.
- Magtuman sa mga sugo.

Kini nga mga kalihokan makabenepisyo sa tanang mga tawo nga inyong tudloan, pero gikinahanglan kini kon magtudlo niadtong walay *background* sa Kristiyanismo tungod kay kining mga tawhana posibleng wala kaayo niini nga mga kasinatian kaniadto.

Daghang mga kinabig gikan sa dili Kristiyano nga mga *background* mireport nga wala kaayo sila makasabut sa unsay gisulti sa mga misyonaryo pero ilang gibati ang Espiritu ug gustong mobuhat kon unsay gipabuhat sa mga misyonaryo. Kinahanglan ninyong buhaton ang tanan kutob sa inyong mahimo aron sa pagtabang sa mga investigator nga makasabut sa mga doktrina sa ebanghelyo. Magmapailubon ug magmasuportahon, kay mahimong

modugay-dugayan pa alang sa mga tawo ang pagkat-on sa pag-ila ug pagpadayag sa mga pagbati nga anaa sa ilang kasingkasing. Mahimong kinahanglan kamong mopahiangay sa kapasason ug kalawmon sa inyong pagtudlo aron sa pagtabang kanila nga makasabut. Sa inyong pag-andam sa pagtudlo niadtong walay *background* sa Kristiyanismo, ang mosunod nga mga sugyot makatabang:

- Hatag og simple nga mga pag-aninaw o *overview* ug mga pagribyu sa kada leksyon.
- Hangyoa sila sa pagsulti kaninyo kon unsay ilang nasabtan ug unsay ilang nasinati.
- Paggahin og panahon sa pagsabut sa mahinungdanong mga pulong ug mga baruganan. Kadtong inyong gitudloan mahimong dili pamilyar sa daghang mga pulong nga inyong gamiton samtang magtudlo kamo.
- Balika ang miaging leksyon nga gitudlo aron sa pagtudlo sa doktrina sa mas klaro nga paagi. Mahimo kining kinahanglanon sa bisan unsang panahon diha sa proseso sa pagtudlo.

Mga Ehempla sa Kasulatan

Ang mga kasulatan naglangkob sa mga ehempla sa mga misyonaryo kinsa nagtudlo niadtong wala motuo sa Dios o kinsa sayop ang nasabtan sa Iyang tinuod nga kinaiya. Tun-i ang mga kasulatan sa ubos, ug dayon ipasabut sa imong kompanyon o irekord diha sa imong journal sa pagtuon kon giunsa niini nga mga misyonaryo pagtabang ang mga tawo nga makabaton og pagpamatuod nga dunay Dios.

- Alma ug Amulek (Alma 9–12; 15)
- Ammon ug Aaron (Alma 17–22)
- Alma (Alma 30)
- Alma ug uban pa (Alma 31–35)
- Pablo (Mga Buhat 17:16–34)

Kalihokan: Pagtuon Kauban ang Kompanyon

Kon posible, ilha ang usa ka convert kinsa dili sakop sa usa ka Kristiyano nga tinuohan sa wala pa makighimamat sa mga misyonaryo. Pakigsabut nga makigkita kaniya, ug pangutana kabahin sa iyang kasinatian sa pagkakabig. Pananglitan, mahimo kang mangutana kon unsay nakapahimo sa tawo nga motuo sa Dios, ang unang higayon nga nag-ampo siya, ang unang higayon nga mibati siya og tubag sa pag-ampo, ang papel sa mga kasulatan sa iyang pagkakabig, ug kon unsay paminaw niya bahin sa pagtambong og mga tulumanon sa Dominggo. Isulat kon unsay imong nakat-unan diha sa imong journal sa pagtuon.

Hinumdami Kini

- Samtang ang mga tawo gitudloan sa gipahiuli nga ebanghelyo ug nagsunod niini, ang ilang mga panginahanglan matubag.
- Pagplano ug pagtuon kada adlaw uban sa imong kompanyon aron magkahiusa ug aron sa pagtudlo uban sa usa ka tingog.
- Ipaambit kanunay ang imong pagpamatuod.
- Ang mga kasulatan, ilabi na ang Basahon ni Mormon, mao ang imong sukaranang tinubdan [*basic source*] alang sa pagtudlo.
- Pag-ampo alang sa gasa sa panabut aron masayud kon kanus-a gamiton ang mga kahanas nga gihulagway dinhi niining mao nga hugna.

Mga Ideya sa Pagtuon ug Paggamit

Personal nga Pagtuon

- Hunahunaa nga gibutang ka sa mosunod nga mga sitwasyon. Unsaon man kaha nimo paggamit ang mga baruganan ug mga kahanas dinhi niini nga hugna aron sa pagtabang niining mga tawhana nga mouswag? Planohi kon unsaon nimo sa paggamit niini sa kada sitwasyon.
 - Samtang naglakaw agi sa usa ka parke, nakakita kamo og usa ka babaye ug usa ka gamayng batang lalaki nga naglingkod nga mao ra diha sa usa ka lingkuranan. Ang babaye naghilak.
 - Miabut kamo sa balay sa mga investigator kinsa nangandam alang sa bunyag, ug gisultihan kamo nga dili na sila gustong makighimamat ninyo.
 - Nagkita kamo sa ikapitong higayon sa usa ka investigator kinsa gitudloan sa pipila na ka mga misyonaryo sulod na sa duha ka tuig. Dunay gamay ra kaayong timailhan sa pag-uswag.
 - Nagsugod kamo sa pagtudlo og usa ka mensahe sa ebanghelyo sa usa ka pamilya nga miyembro sa Simbahan, ug miingon sila, “Amo nang gipangutana ang tanan namong kaila aron makighimamat sa mga misyonaryo, ug silang tanan miingon nga dili.”
- Pagpili og usa sa mga leksyon sa misyonaryo. Ilha ang usa o duha ka mga tudling sa kasulatan gikan sa kada usa sa nag-unang baruganan. Pagpraktis sa pagtudlo gikan niadtong mga tudling diha sa seksyon sa “Gamita ang mga Kasulatan” sa niini nga hugna.
- Sulod sa pipila ka mga semana, ribyuha ang mga pagtulun-an sa Manluluwas diha sa mga Ebanghelyo (Mateo, Marcos, Lucas, Juan) ug 3 Nephi. Diha sa imong journal sa pagtuon, paghimo og usa ka lista sa mga pangutana nga lyang gipangutana. Itandi kini nga mga pangutana sa mga pangutana nga naandan nimong ipangutana.
- Basaha ang istorya bahin ni Ammon ug Haring Lamoni diha sa Alma 18 ug ang istorya bahin ni Aaron diha sa Alma 22:4–18. Samtang nagbasa ka, ilha ug ihulagway kon giunsa ni Ammon ug Aaron:
 - Pagsunod sa Espiritu ug pagtudlo uban sa gugma.
 - Pagsugod sa pagtudlo.
 - Pagpahiangay sa ilang mga pagtudlo aron matubag ang mga panginahanglan.
 - Paghatag og pagpamatuod.
 - Paggamit sa mga kasulatan.
 - Pagpangutana, pagpaminaw, ug pagsulbad sa mga *concern*.
 - Pag-awhag niadtong ilang gitudloan aron sa paghimo og mga pasalig.
- Pamalandongi ang mosunod nga mga pamahayag ni Presidente Harold B. Lee kalabut sa pagtudlo alang sa panabut. Timbang-timbanga kon unsa ka klaro ang pagtudlo nimo sa mga doktrina sa ebanghelyo. Irekord ang unsay imong nakat-unan diha sa imong journal sa pagtuon.

“Unta magpabilin kamo sa buot ipasabut sa kasulatan ug ipahaum kini ngadto sa mga termino nga masabtan” (*The Teachings of Harold B. Lee*, pinili ni Clyde J. Williams [1996], 444).

“Karon kamo isip mga magtutudlo wala ipadala aron sa pagtudlo og bag-ong doktrina. Kinahanglan kamong motudlo sa daang mga doktrina, dili ingon ka yano nga igo lang silang makasabut, pero kinahanglan kamong motudlo sa mga

doktrina sa Simbahan sa klarong paagi nga walay usa nga masayop sa pagsabut” (*The Teachings of Harold B. Lee*, 458).

Pagtuon Kauban ang Kompanyon

- Ribyuha ang imong plano sa pagtudlo sa leksyon gikan sa bag-ohay nga leksyon nga imong gitudlo. Pagsulat og usa ka pangutana alang sa kada usa sa nag-unang mga baruganan nga gi-*outline* diha sa imong plano. Dayon ribyuha ang imong mga pangutana aron makita kon kini ba nahiuyon sa unsay gitudlo dinhi niini nga hugna. Sunod, tubaga ang kada pangutana nga morag ikaw usa ka investigator. Usba ang imong mga pangutana kon gikinahanglan. Ipaambit ang imong mga pangutana ngadto sa imong kompanyon. Kamong duha, timbang-timbanga ang inyong mga pangutana.

Konsideraha ang mga panginahanglan sa usa ka investigator nga imong gitudloan. Hisguti kon sa unsang paagiha niya tubagon ang imong mga pangutana. Hisguti usab kon sa unsa nga paagiha nga kini nga mga pangutana makadapit sa Espiritu ng makatabang sa investigator nga makat-on sa ebanghelyo.

- Hunahunaa ang kada usa sa inyong bag-ong mga investigator. Hisguti kon unsay inyong mabuhat aron sa pagtabang kanila nga mahimong usa ka nag-uswag nga investigator. Isulat ang inyong mga ideya diha sa inyong journal sa pagtuon ug paghimo og mga plano diha sa inyong daily planner.

Mga District Meeting ug mga Zone Conference

- Dapita ang mga miyembro o ang kasamtangan [*current*] nga mga investigator sa inyong miting. Ipasabut ngadto sa grupo nga gusto ninyong mapalambo sa mga misyonaryo ang ilang abilidad sa pagpaambit sa ilang importante nga mensahe. Pagpili og usa ka leksyon ug usa ka kahanas. Patudloa ang mga misyonaryo sa mga miyembro o mga investigator sa leksyon nga inyong gipili sulod sa 20 minutos, nga magpokus sa kahanas nga inyong nailhan. Papulipuliha sila human sa 20 minutos. Human makabaton ang mga misyonaryo og oportunidad sa pagtudlo, papundoka ang grupo ug pasultiha ang mga miyembro ug mga investigator sa mga misyonaryo kon unsay labing epektibo ug usa ka paagi nga ilang mapalambo.
- Pakitaa og mga ehemplo sa *video* bahin sa mga misyonaryo nga nagtudlo o nagkontak og mga tawo. Pagpili og usa ka kahanas ug hisguti isip usa ka grupo kon giunsa paggamit og maayo sa mga misyonaryo diha sa *video* ang mga baruganan alang niana nga kahanas.
- Pagpili og usa ka kahanas [*skill*] o usa ka importante nga aspeto sa usa ka kahanas, ug ilha ang doktrina o mga tudling sa kasulatan nga nagsuporta sa kahanas. Itudlo ang doktrinal nga pundasyon sa kahanas ngadto sa mga misyonaryo.

Mission President

- Sa matag karon ug unya kuyog sa mga misyonaryo sa ilang pagtudlo. Pagplano uban nila kon unsaon nimo sa pag-apil diha sa pagtudlo.
- Awhaga ang mga lider sa priesthood sa pagkuyog sa mga misyonaryo diha sa ilang mga pagbisita nga magtudlo ug mohatag og *feedback*.
- Ipakita ang kaepektibo sa paggamit sa mga kasulatan, mga pangutana, ug pagpaminaw kon magtudlo sa mga misyonaryo diha sa mga zone conference ug mga interbyu.



Unsaon Nako Pagtabang ang mga Tawo nga Mohimo ug Motuman sa mga Pasalig?

Konsideraha Kini

- Nganong kinahanglan man kong mopukos sa pagdapit sa mga tawo nga mohimo og mga pasalig?
- Sa unsang paagi nga ang mga pasalig adunay kalabutan sa pagkakabig o konbersyon?
- Unsaon man nako sa paghatag og mapainubsanong pagpamatuod?
- Unsa man nga mga panalangin ang akong masaad?
- Nganong importante man alang kanako nga mag-*follow up* kon ang mga tawo maghimo og mga pasalig?

Paghatag og mga Imbitasyon sa Pasalig

Isip usa ka misyonaryo ikaw nagtinguha sa kaluwasan sa mga kalag (tan-awa sa Mosiah 28:3). Nasayud ka nga ang mga tawo makaduol ngadto kang Kristo ug mahimong maluwas lamang sa mga kondisyon sa paghinulsol (tan-awa sa D&P 18:10–16). Usa ka paagi aron matuman ang imong mga tinguha mao ang pagsangyaw og paghinulsol (tan-awa sa Alma 5:49; D&P 15:6; 16:6) ug sa klaro nga paagi dapita ang mga tawo sa pagbansay sa hugot nga pagtuo ngadto sa paghinulsol, aron mabunyagan pinaagi sa tubig ug sa Espiritu, ug molahutay nga matinud-anon hangtud sa katapusan (tan-awa sa 3 Nephi 27:16–20; Mormon 7:10).

Mubo nga mga sulat

Ang pasalig usa ka importante nga bahin sa paghinulsol. Mao kini ang buhat sa pagpugos sa kaugalingon ngadto sa usa ka paagi sa paglihok ug unya sa makugihong paagi mosunod pinaagi niana nga desisyon. Kon ang mga tawo tinud-anay nga mipasalig, sila adunay tinud-anay nga tinguha, nagpasabut nga andam gyud sila sa pagbuhat kon unsay ilang gipasalig nga buhaton. Naghimo sila og dili matarug ug tinud-anay nga desisyon aron mag-usab. Mahimo silang matinuoron ngadto kang Kristo ug mopahinungod sa ilang mga kaugalingon ngadto sa Iyang ebanghelyo. Ang pagtuman sa ilang pasalig mao ang paagi kon unsaon nila “sa pagkatinuod magpakita pinaagi sa ilang mga buhat nga sila nakadawat sa Espiritu ni Kristo ngadto sa kapasayloan sa ilang mga sala” (D&P 20:37). Kon mangutana ka sa mga pasalig isip kabahin sa inyong pagtudlo, nagdapit ka sa investigator sa paghinulsol.

Usa sa pinakamaayong mga paagi sa pagtabang sa mga tawo sa paghimo ug pagtuman sa mga pasalig mao ang paghatag og imbitasyon sa pasalig. Ang paghatag ug pag-*follow up* sa mga imbitasyon sa pasalig importante tungod kay:

- Ang mga tawo mahimong makabig samtang ilang gituman ang mga baruganan nga ilang nakat-unan (tan-awa sa Juan 7:17) ug mabati ang Espiritu nga nagpamatuod nga kon unsay ilang gibuhay makapahimuot ngadto sa ilang Amahan sa Langit.
- Ang paghinulsol ug ang kausaban motabang sa mga tawo nga mabuntog ang mga hagit, malikay ang ilang mga kaugalingon sa kaulaw ug kahasol, ug masinati ang kalinaw ug kalipay sa pagpasaylo sa Dios.
- Ang pagtuman sa mga pasalig nag-andam sa mga tawo sa paghimo ug pagtuman sa sagrado nga mga pakigsaad.



© 2001 Simon Dewey. Ayaw kopyaha.

Imong mapakita ang imong gugma alang sa mga tawo ug ang imong hugot nga pagtuo diha sa mga saad sa Dios pinaagi sa pag-*follow up* aron sa pagtabang kanila nga maghinulsol ug motuman sa ilang mga pasalig.

Ang mga pasalig nga gikinahanglan alang sa bunyag gilista diha sa unang upat ka mga leksyon. Ang mga pasalig nga may kalabutan sa espirituhanong pag-uswag human sa bunyag ug sa pagkumpirma gilista diha sa leksyon 5. Sa kanunay magmatngon nga gikinahanglan ang pagdapit sa mga tawo sa pagbuhat sa mga butang nga makapalig-on sa ilang hugot nga pagtuo diha kang Kristo. Hinumdumi ang mosunod nga mga baruganan:

- Kada oportunidad sa pagpangita og katudloan—sa mga miyembro, mga referral, o personal nga pagkontak—kinahanglan padulong ngadto sa pagdapit sa pagbuhat, kasagaran sa pagkat-on pa kabahin sa mensahe sa Pagpahiuli.
- Panagsa ra, kon aduna man, nga kinahanglan kang mo-istorya sa mga tawo o motudlo kanila nga dili mohatag og usa ka imbitasyon sa pagbuhat og usa ka butang nga makapalig-on sa ilang hugot nga pagtuo diha kang Kristo
- Pagpokus sa usa o labaw pa nga mga pasalig kon nagtudlo ka. Kon dili ka modapit niining mga tawhana sa paghimo niini nga mga pasalig, wala ka moawhag kanila sa paghinulsol ug sa pagduol ngadto kang Kristo.

- Samtang nag-andam kamo diha sa pagtuon kauban ang kompanyon sa pagtudlo og usa ka leksyon, konsideraha ang mga panginahanglan ug mga kahimtang sa kada investigator ug i-apil ang usa o labaw pa nga mga pasalig diha sa inyong plano sa pagtudlo sa leksyon.
- Sa panahon sa usa ka leksyon mahimong madasig ka sa paghatag og mga imbitasyon sa pasalig lahi kaysa niadtong inyong naplanohan. Dapita kanunay ang mga tawo sa paghinulsol.
- Magmaisugon ug magmasaligon sa inyong pagdapit sa mga tawo sa paghimo og mga pasalig (tan-awa sa Alma 38:12). Ang pagkamasugon nagpakita sa inyong hugot nga pagtuo nga ang pagkamasulundon ngadto sa mga sugo sa Ginoo nagdala og mga panalangin.
- Ang mga tawo posibleng dili gayud mag-usab gawas kon sila gidapit sa pagbuhat sa ingon.

Pagtuon sa Kasulatan

Nganong importante man kaayo nga mohatag sa mga pagdapit?

Alma 5:62

Moroni 7:13

Nganong importante man kaayo ang mga pasalig?

2 Nephi 31

Alma 32:27

D&P 20:37

Mosiah 2:41

D&P 14:7

Juan 7:17

Alma 7:14–16

Pangutana og Direkta nga mga Pangutana

Ang usa ka imbitasyon sa pasalig naghulagway sa kanunay og pangutana nga “buhaton ba nimo,” nga nagkinahanglan og usa ka *oo* o *dili* nga tubag. Ang mga imbitasyon kinahanglan nga piho, direkta, ug klaro. Kini nagdapit ug nagdala sa mga tawo sa paghukom sa usa ka paagi sa pagbuhat. Kini nagmando kanila sa paghimo og usa ka pasalig ug sa pagbansay og aktibong hugot nga pagtuo diha sa mga baruganan nga inyong gitudlo kanila.

Ang mosunod mao ang pipila ka mga ehemplo sa maayo nga mga imbitasyon, gisundan sa pagsugod og usa ka saad ug pagpamatuod:

- Buhaton ba nimo ang pagbasa sa [3 Nephi 11, Moroni 10:3–5, niini nga pamplet] sa dili pa ang among pagbisita ugma sa alas 7:00 sa gabii? Nasayud ko nga ang pagbuhat sa ingon... Akong ipamatuod nga ang Basahon ni Mormon mao ...
- Buhaton ba nimo ang pag-ampo ug pagpangutana sa Dios kon si Joseph Smith usa ba ka propeta? Ako nasayud nga sa imong pag-ampo ang Dios mo ... Nasayud ko nga si Joseph Smith usa ka propeta...
- Buhaton ba nimo ang pagtambong sa simbahan uban kanamo karong Dominggo alas 9:00 sa buntag? Kon imong buhaton, ikaw maka ... Nasayud ko nga ang Simbahan ni Kristo gipahiuli ...
- Buhaton ba nimo nga masugdan karon ang pagsunod sa balaod sa kaputli sama sa among pagpasabut niini? Ang pagsunod niini nga balaod maka ... Isip usa ka sulugoon sa Ginoo ako magpamatuod nga ang pagpuyo og usa ka limpyo nga kinabuhi ...

Mubo nga mga sulat

- Buhaton ba nimo ang pagdapit ni [pangalan] sa dili pa ang Biyernes aron makighimamat kanamo ug magsugod sa pagkat-on kabahin sa ebanghelyo? Ang Espiritu motabang kanimo ... Ang pagpaambit sa ebanghelyo mopanalangin sa imong kinabuhi ...
- Mahimo ba mi nga moadto sa imong balay ug makig-istorya nimo og dugang pa kabahin sa kon sa unsang paagi nga ang Dios mitawag og usa ka propeta sa atong panahon sama sa Iyang gibuhay sa karaang mga panahon? Nag-uswag nga katuyoan, direksyon, ug kalinaw moabut sa imong kinabuhi samtang imong masabtan ... Akong ipamatuod nga ang Dios mitawag pag-usab ...

Kalihokan: Personal nga Pagtuon o Pagtuon Kauban ang Kompanyon

Diha sa imong journal sa pagtuon, pagsulat og usa ka pagdapit nga simple, direkta, ug klaro alang sa kada pasalig diha sa usa ka leksyon. Kon nakabuhat ka na niini nga kalihokan sa una, usba kini ug ikumparar ang imong bag-ong mga imbitasyon sa miaging mga bersyon. Pangutana ang imong kaugalingon kon ang imong abilidad sa paghatag og mga imbitasyon milambo ba.

Ribyuha ang mga imbitasyon nga imong gisulat uban sa imong kompanyon. Alang sa kada imbitasyon, hisguti ang mosunod nga mga pangutana:

- Ako bang napasabut ang gisaad nga mga panalangin sa Ginoo samtang ako naghatag sa mga imbitasyon? Kon wala, ngano man?
- Naglikay ba ko sa paghatag niini nga imbitasyon? Kon mao, ngano man?
- Mibati ba ko og kabakikaw [*awkward*] sa akong paghatag niini nga imbitasyon? Unsaon man nako sa pagpalambo?
- Unsa man ka importante kini nga imbitasyon ngari kanako mismo?
- Kapila man nako mahinumduman ang pag-*follow up* sa mga imbitasyon nga akong gihatag? Unsaon man nako sa pagpalambo?

Paghunahuna og mga investigator o dili kaayo aktibo nga mga miyembro nga imong nailhan, ug pagpraktis sa paghatag niini nga mga imbitasyon sama nga ikaw nakig-istorya niini nga mga indibidwal.

Kon gikinahanglan, usba ang mga imbitasyon diha sa imong plano sa pagtudlo sa leksyon. Paghimo og piho nga mga tumong nga makatabang kanimo sa paghatag og mga imbitasyon sa tibuok adlaw ug semana.

Saari ang mga Tawo og mga Panalangin

Ang mga tawo nagkinahanglan og usa ka rason sa pag-usab sa ilang mga hunahuna ug mga buhat. Ang gisaad nga mga panalangin sa kanunay maoy maghatag og gamhanang hinungdan nga mosunod sa Dios. Kon ang Ginoo naghatag og usa ka sugo, Siya sa kanunay nagsaad og mga panalangin sa pagtuman niana nga sugo (tan-awa sa D&P 130:20–21). Samtang nag-andam ka sa mga tawo sa pagsunod sa usa ka piho nga sugo, tudloi sila nga:

- Ang pagsunod sa mga sugo nagpakita og gugma alang sa Dios ug sa Iyang Anak.
- Sila nagpakita sa ilang pagsalig sa Dios diha sa ilang pagsunod sa Iyang mga sugo.
- Agig balus, ilang madawat ang mga panalangin nga Iyang gisaad.

Samtang nagpamatuod ka sa usa ka sugo, sulti kabahin sa mga panalangin nga imong nadawat gikan sa pagsunod niana nga sugo. Saari kadtong kinsa inyong gitudloan nga sila makatagamtam sa sama nga mga panalangin.

Samtang ang mga tawo naninguha sa pagsunod sa usa ka pasalig, hangyoha sila sa pagsulti kabahin sa mga panalangin nga gihatag sa Langitnong Amahan kanila. Pasaligi sila nga bisan tuod nga ang mga kalisdanan moabut sa ilang mga kinabuhi, ang Iyang mga panalangin magpadayon samtang sila mosunod sa Iyang kabubut-on.

Pagtuon sa Kasulatan

Unsa man ang gisulti sa Ginoo kabahin sa Iyang tinguha sa pagpanalangin kanato?

Alma 37:17

D&P 1:37

D&P 76:5–10

Kalihokan: Personal nga Pagtuon

Basaha ang Doktrina ug mga Pakigsaad 82:10 ug 130:20–21. Dayon tun-i ang mosunod nga mga kasulatan. Paghimo og duha ka mga kolum sa imong journal sa pagtuon. Sa usa ka bahin isulat ang sugo nga imong nakit-an sa kada tudling. Sa laing bahin isulat ang saad alang sa pagtuman sa sugo.

D&P 11:21

D&P 89:18–21

D&P 100:5–8

D&P 84:85

D&P 95:8–9

Malaquias 3:10–12

Ribyuha ang mga pasalig nga gilista diha sa usa sa mga leksyon sa misyonaryo. Alang sa kada pasalig, tubaga kini nga mga pangutana:

- Unsa nga mga panalangin ang gisaad sa Ginoo niadto kinsa nagtuman niini nga pasalig?
- Sa unsang paagi nga ang pagsunod niini nga baruganan makatabang sa mga tawo sa pag-angkon og hugot nga pagtuo ug pagpamatuod?
- Sa unsang paagi nga kini nga pasalig makatabang sa mga tawo sa paghinulsol ug mahimong mas sensitibo sa Espiritu?

Hatag Kanunay og Pagpamatuod

Ang pagpamatuod usa ka espiritwal nga pagsaksi ug kasigurohan nga gihatag sa Espiritu Santo. Ang paghatag og pagpamatuod mao ang paghatag og usa ka simple, direkta nga deklarasyon sa pagtuo—usa ka pagbati, usa ka kasigurohan, usa ka bonbiksyon sa kamatuoran sa ebanghelyo. Ang pagpaambit sa inyong pagpamatuod sa kanunay mao ang usa sa pinakagamhanang mga pamaagi sa pagdapit sa Espiritu ug pagtabang sa uban nga mabati ang Espiritu. Nagdugang kini sa kasamtangan, personal nga pagsaksi ngadto sa mga kamatuoran nga inyong gitudlo gikan sa mga kasulatan. Ang usa ka epektibo nga misyonaryo nagtudlo, nagpamatuod, ug nagdapit sa uban sa pagbuhay og mga butang nga mag-ugmad og hugot nga pagtuo kang Jesukristo. Naglakip kini sa paghimo og mga saad nga moabut pinaagi sa pagtuman sa tinuod nga mga baruganan. Pananglitan, ang usa ka misyonaryo mahimong moingon, “Nasayud ko nga samtang inyong gibalaan ang adlaw nga Igpapahulay, makatagamtam kamo og dugang kalinaw diha sa inyong kasingkasing.”

“Kalabut sa pagpamatuod sa usa ka tawo, hinumdumi, nga unsa man ang tinud-anay nga gipaambit iya kining mahuptan, samtang kanang unsay iyang mahinakugon nga gihuptan maawala Tudlo ug pamatuod. Walay lain pang mas maayo nga kombinasyon.”

— ELDER THOMAS S. MONSON
PATHWAYS TO PERFECTION [1973], 100–101

Mubo nga mga sulat

Aron adunay makakabig nga gahum ang inyong pagpamatuod, kinahanglan nga matinud-anon kamo. Ang gamhanang pagpamatuod wala magdepende sa kamaayo o sa kakusog sa inyong tingog pero diha sa konbiksyon sa inyong kasingkasing. Paninguha kada adlaw sa pagpalig-on sa inyong panabut ug konbiksyon sa mga doktrina ug sa mga baruganan nga inyong itudlo. Hatag og pagpamatuod kanunay sa pagsilyo sa kamatuoran sa mga baruganan o doktrina nga imong gitudlo. Sa makadaghan kutob sa mahimo, tudlo, dayon pagpamatuod, ug pagpamatuod samtang ikaw nagtudlo.

Ang imong pagpamatuod mahimong sama ka simple sa “Si Jesukristo mao ang Anak sa Dios” o “Akong nahibaloan sa akong kaugalingon nga ang Basahon ni Mormon tinuod.” Mahimo usab kang mopaambit og usa ka mubo nga kasinatian kabahin kon giunsa nimo sa pagbaton niining kahibalo. Hatag og pagpamatuod sa makadaghang higayon sa kada leksyon, dili lang sa katapusan. Hatag og pagpamatuod nga ang gitudlo sa imong kompanyon gikan sa Dios. Hatag og pagpamatuod nga ang baruganan nga imong gitudlo mopanalangin sa mga kinabuhi sa mga investigator kon sila mosunod niini. Paghigut kabahin kon sa unsa nga paagi nga ang pagtuman sa sa usa ka baruganan nakapanalangin sa imong kinabuhi.



Ang mga tawo usahay sa makinaadmanong paagi mangutana kon unsay inyong gitudlo, pero lisud kwestyunon ang usa ka sinsero, kinasingkasing nga pagpamatuod. Kon magpamatuod ka, pag-ampo nga kadtong inyong gitudloan mobati sa mapanghimatuoran nga pagsaksi sa Espiritu Santo. Kon magpamatuod ka, nagtabang ka sa paghimo og usa ka kahintang alang sa mga investigator aron mabati ang Espiritu Santo nga mopanghimatuod sa imong pagsaksi sa kamatuoran. Kini nag-andam kanila sa pagdawat sa mga pasalig nga imong ihatag.

Si Brigham Young wala nabunyagi diha sa Ang Simbahan ni Jesukristo sa mga Santos sa Ulahing mga Adlaw sa unang tuig sa iyang pagkat-on kabahin sa gipahiuli nga ebanghelyo. Pero sa iyang pagkakabig siya miingon: “Kon ang tanan nga talento, kabuot, kaalam, ug kahapsay sa kalibutan nga gipadala kanako uban sa Basahon ni Mormon, ug mipadayag, diha sa labing mapahitas-on nga kalibutanong kabatid, ang kamatuoran niini, sa pagpaninguha sa pagpruyba niini pinaagi sa pagkat-on ug kalibutanong salabutan, kini para unta kanako sama ra sa aso nga misaka aron lang mawala. Pero sa dihang nakakita ko sa tawo nga walay kabatid o mga talento sa pagpamulong atubangan sa kadaghanan, kinsa makasulti lamang og, ‘Nasayud ko pinaagi sa Espiritu Santo nga ang Basahon ni Mormon tinuod, nga si Joseph Smith usa ka Propeta sa Ginoo,’ ang Espiritu Santo nga naggikan niana nga indibidwal nakapahayag sa akong panabut, ug ang kahayag, himaya, ug pagka-imortal anaa sa akong atubangan. Gilibutan ako niini, gipuno niini, ug nasayud ko sa akong kaugalingon nga ang pagpamatuod sa tawo tinuod” (sa *Journal of Discourses*, 1:90).

Kalihokan: Personal nga Pagtuon

Ang mga tudling sa ubos mao ang mga ehemplo sa paghatag og pagpamatuod. Basaha ang kada usa sa mga pangutana ug mga kasulatan. Isulat ang inyong mga tubag diha sa inyong journal sa pagtuon.

- Dinhi niini nga mga bersikulo, kabahin sa unsa man ang gipamatud-an sa mga apostoles ug mga propeta?
- Unsa man sila kalig-on sa ilang pagtuo kabahin sa unsay ilang gisulti? Sa unsa nga paagi man nimo mahibaloan nga sila nakumbinsir sa kamatuoran?
- Kon moingon ka, “Nasayud ko nga _____ tinuod,” unsa man ang buot nimong ipasabut? Unsay laing mga pulong nga imong magamit aron sa pagpahayag sa imong mga konbiksyon?

Jacob 7:7–12

D&P 76:22–24

Mga Buhat 2:14–38

Alma 5:45–48

Juan 3:3–11

Mga Buhat 10:34–44

Alma 34:1, 8

Pagtuon sa Kasulatan

Unsa man ang uban nga mga baruganan ug mga saad sa paghatag og pagpamatuod?

2 Nephi 33:1

D&P 84:61

Juan 15:26

D&P 62:3

D&P 100:5–8

Follow Up

Ang paghatag og pagdapit nga walay pag-*follow up* sama ra sa misugod og usa ka biyahe unya wala kini tiwasa, o pagpalit og usa ka tiket sa usa ka konserto unya wala moadto sa teyatro. Kon wala ang pagkompleto sa aksyon, ang pasalig walay unod.

Ang kausaban mahimong lisud. Ang imong katungdanan mao ang pagtabang sa pagpalig-on sa mga tawo sa ilang tinguha sa pag-usab.. Kinahanglang imong buhaton ang tanan nimong mabuhay aron sa pagtabang sa mga tawo sa pagtuman sa mga pasalig.

Ang tinud-anay nga paghinulsol mapakita og maayo pinaagi sa matarung nga mga buhat sulod sa taas nga panahon, labi na sa mga sugo sama sa kaputli, sa Pulong sa Kaalam, ug ikapulog. Samtang kamo ug ang mga lider sa ward magtrabaho uban sa mga tawo aron sa pagtabang kanila sa ilang pagtuman sa ilang mga pasalig, ipakita ang pagsabut.

Magmapailubon pero makanunayon. Wala pa mahuman ang inyong pangalagad hangtud nga ang mga tawo nagtuman na niini nga mga pasalig, o sa laing mga pulong, hangtud nga sila maghinulsol (tan-awa sa 3 Nephi 18:32). Usahay ang pipila ka mga pagbisita mahimong importante alang kaninyo aron sa pagtabang sa mga tawo sa pagpalambo og igong lig-on nga hugot nga pagtuo diha sa usa ka baruganan nga modala ngadto sa paghinulsol.

Ang pag-*follow up* nagsugod diha sa inyong unang pagbisita ug pagtudlo sa mga tawo:

- Pasulata sila sa ilang pasalig diha sa usa ka butang nga imong ihatag nila sama sa pamplet o kard nga dunay inyong mga pangalan ug numero sa telepono.
- Siguroha nga ang mga tawo nasayud nga maghimo kamo og mubo, inadlaw nga pagbisita sa tunga-tunga sa inyong mga sabut sa pagtudlo. Ipasabut nga ang inyong katuyoan mao ang pagsuporta ug pagtabang kanila. Hatagi sila og ideya kon unsay inyong buhaton sa panahon nianang mga pagbisita.

Mubo nga mga sulat

- Paghimo og piho nga mubo nga mga sulat diha sa mga Sulat-Pahinumdom /Lista sa mga Buhatonon nga seksyon sa imong planner aron sa pag-follow up inig-ka-ugma sa kada pasalig nga imong gihatag karon.

Paghimo og kanunay nga pagkontak, kada adlaw kon mahimo, aron sa pagsusi kon kumusta na ang ilang pag-uswag diha sa ilang mga pasalig, pagtubag sa mga pangutana, pagtudlo og dugang nga mga leksyon, magdungan og basa sa Basahon ni Mormon, magpaambit og mga tudling sa kasulatan, o maggamit og *audiovisual* nga mga materyal. Sa inyong kanunay nga pagbisita sa mga tawo, inyong mapalig-on ang espirituhanong mga pagbati nga ilang nabati samtang inyong gitudlo kanila ang mensahe sa Pagpahiuli sa ebanghelyo ni Jesukristo. Kining padayon nga impluwensya sa Espiritu mahinungdanon. Siguro adunay mga panahon nga kamo motawag sa mga investigator aron sa pagpahinumdom ug pagdasig nila sa pagtuman sa usa ka pasalig.

Tabangi ang mga investigator sa pag-ila sa mga panalangin nga ilang nadawat samtang sila mituman sa mga pasalig. Tabangi sila labi na sa paghulagway sa ilang mga pagbati sa ingon nga ang Espiritu nagpamatuod sa kamatuoran sa mensahe.

Dayga ug dasiga ang mga tawo nga milampus sa pagtuman sa mga pasalig. Ang mga investigator nag-usab sa ilang mga kinabuhi. Adunay daghan nga kinahanglan nilang kat-unan ug buhaton. Sa sinserong paagi ug sa kanunay dayga sila. Ipadayag ang imong pasalamat alang sa ilang pag-uswag ug ang imong pagsalig nga makalampus sila. Dasiga sila bisan kanus-a nga anaa ka uban kanila.

Pagpadayag og pagpakabana ug kaguol kon ang mga tawo mapakyas sa pagtuman sa ilang mga pasalig ug sa ingon mapakyas sa pagsinati sa mga panalangin.

Kalihokan: Personal nga Pagtuon o Pagtuon Kauban ang Kompanyon

Isulat diha sa imong daily planner ang imong mga plano alang sa inadlaw nga pagkontak sa kada usa sa mga investigator. Pagplanong daan og pipila ka mga adlaw kon unsay inyong buhaton sa pag-follow up sa mga investigator.

Pagpili og usa ka pagdapit nga pasalig nga inyong ihatag kon magtudlo mo sa mga leksyon. Dayon ilha ang nagkalainlaing mga *concern* nga maoy mahimong babag sa usa ka tawo sa pagdawat o pagtuman niana nga pasalig. Hisguti ug praktisa kon unsaon nga makatabang mo og maayo samtang sila nagtrabaho aron sa pagsulbad sa ilang mga *concern*.

Hinumdumi Kini

- Pagpokus sa pagdapit sa mga tawo aron sa paghimo og mga pasalig sa kada sitwasyon sa pagpangita og katudloan o pagtudlo, uban niadtong kinsa dili mga miyembro sa Simbahan ug uban sa mga miyembro sa Simbahan.
- Hatag og mga imbitasyon sa pasalig aron sa pagtabang sa mga tawo nga makasinati og pagkakabig.
- Saad og mga panalangin.
- Hatag og pagpamatuod.
- Pag-follow up aron sa pagtabang sa mga tawo sa pagtuman sa mga pasalig.

Mga Ideya sa Pagtuon ug Paggamit

Mubo nga mga sulat

Personal nga Pagtuon

- Pag-ila og usa ka sugo nga gilista bisan asa diha sa leksyon 4 o 5. Paghunahuna og mga panalangin nga imong nadawat gikan sa pagsunod niini nga sugo, ug isulat kini sa imong journal.
- Diha sa usa ka sulat, pangutana sa mga sakop sa imong pamilya kon sa unsang paagi nga sila napanalanginan pinaagi sa pagtuman sa usa ka piho nga sugo (pananglitan, ikapulog).
- Isulat kon unsay imong bation kabahin sa paghatag og mga pasalig. Wala ka bay kahadlok o nagpanagana? Sigurado ka ba nga ang mga tawo mapanalanginan, o aduna kay mga pagduhaduha? Lig-on ka ba, pasensyoso, ug matinabangon samtang naghimo kamo og inadlaw nga pagkontak? Nasayud ba ang mga tawo nga gihigugma nimo sila? Unsaon man nimo pagkorihir sa bisan unsa nga mga kahuyang nga imong nakita sa imong mga pagdapit?
- Ribyuha ang imong mga plano sa pagtudlo sa leksyon alang sa kada leksyon. Naapil ba nimo ang piho nga mga pasalig? Ang imo bang plano sa pagtudlo sa leksyon klarong mopadulong ngadto sa mga pasalig?

Pagtuon Kauban ang Kompanyon

- Gikan sa inyong daily planner, paghimo og usa ka lista sa mga tawo nga inyong nakontak sa miaging duha ka adlaw, lakip ang mga investigator ug mga miyembro. Sa kada tawo, isulat ang (mga) pasalig nga ilang gibuhag ug mga pagdapit nga inyong nahatag o kinahanglan ninyong ihatag. Hisguti kon nganong nakakuha man kamo og mga pasalig gikan sa uban niining mga tawhana ug unsay nakapugong ninyo sa pagkuha og mga pasalig gikan sa uban. Unsa man ang inyong buhaton sa pag-*follow up* niini nga mga pasalig?
- Tan-awa ang inyong daily planner, ug isulat ang mga pangalan sa piho nga mga investigator nga inyong tudloan sa sunod adlaw o sa sunod pa. Konsideraha kon unsa nga (mga) sugo nga gilista diha sa leksyon 4 ug 5 ang inyong idapit nga ilang tumanon. Hisguti kon unsaon ninyo sa paghatag ang pasalig ug ang piho nga mga panalangin nga inyong isaad alang sa pagkamasulundon.
- Konsideraha ang pagpakita sa Rekord sa Pagtudlo ngadto sa mga investigator aron masayud sila kon unsay gilauman [*expected*]. Kon angayan, hatagi sila og usa ka kopya.
- Ribyuha ang mga Sulat-Pahinumdom /Lista sa mga Buhatonon diha sa imong planner alang sa miaging tulo ka adlaw aron sa pagsiguro nga imong nasulat ang imong mga buluhaton sa pag-*follow up* sa kada imbitasyon nga imong gihatag.

Mga District Meeting ug mga Zone Conference

- Paghisgut og epektibo ug maanindot nga mga ideya alang sa inadlaw nga pagkontak sa mga investigator. Unsaon man sa mga misyonaryo sa pagtrabaho uban sa mga miyembro sa epektibong paagi? Unsa man nga giimprinta o *audiovisual* nga mga materyal ang mapuslanon? Unsa man ang inyong buhaton kon ang mga tawo wala sa balay o bisi kaayo sa pakigkita ninyo?
- Paghisgut sa mga pamaagi nga ang mga misyonaryo sa epektibo nga paagi nagtudlo sa mga sugo diha sa mga leksyon 4 ug 5.
- Paghisgut og piho nga mga *concern* sa kasamtangan nga mga investigator. Unsa man nga matang kini nga mga *concern*? Unsa man ang mabuhag sa mga misyonaryo aron sa pagsulbad sa mga *concern*?

Mubo nga mga sulat

Mission President

- Kuyugi panagsa ang mga misyonaryo samtang magtudlo sila. Tabangi sila nga makapokus sa pagtabang sa mga tawo ug sa pagtuman sa mga pasalig.
- Awhaga ang mga lider sa priesthood ug mga miyembro nga aktibong mosalmot sa paghimo og inadlaw nga pagkontak sa mga investigator.
- Magmahimong ehemplo sa paghatag og mga pagdapit diha sa imong misyonaryo nga mga paningkamot ug sa mga misyonaryo nga imong giserbisyohan.



Unsaon Nako Pag-andam ang mga Tawo alang sa Bunyag ug Pagkumpirma?

Konsideraha Kini

- Unsa man ang kinahanglan nakong buhaton aron sa pagtabang nga maandam ang mga tawo alang sa bunyag ug pagkumpirma?
- Unsaon man nako sa pagpahigayon og usa ka epektibo nga interbyu sa bunyag?
- Unsaon man sa pagplano ug pagpahigayon ang usa ka espiritwal nga tulumanon sa bunyag?
- Unsaon man nako sa pagpakigtambayayong og maayo sa bishop aron sa pagsiguro nga ang mga kinabig makumpirmahan?
- Nganong importante man ang pagkompleto sa mga rekord sa bunyag ug sa pagkumpirma?

Andama ang mga Tawo alang sa Bunyag ug Pagkumpirma

Ang katuyoan sa inyong pagtudlo mao ang pagtabang sa uban nga makapalambo og hugot nga pagtuo diha kang Jesukristo ug makahinulsol sa ilang mga sala. Sama sa gitudlo ni Mormon, “ang unang mga bunga sa paghinulsol mao ang bunyag” (Moroni 8:25). Ang interbyu sa bunyag mao ang paagi nga gi-establisar sa Simbahan aron pagsiguro nga ang kada bunyaganan nakasubay sa mga sumbanan sa Ginoo alang sa bunyag ug andam nga modawat sa gasa sa Espiritu Santo. Pinaagi niini nga interbyu, ang mga bunyaganan magtuman sa gikinahanglan diha sa kasulatan nga mosaksi sila atubangan sa awtorisado nga representante sa Simbahan nga sila sa “pagkatinuod naghinulsol sa tanan nilang mga sala” (D&P 20:37). Ang mga pasalig nga gihimo sa mga investigator nag-andam kanila sa paghimo ug pagtuman sa pakigsaad sa bunyag. Ang mga tawo nga nagtuman sa mga

Mubo nga mga sulat

pasalig nga inyong gidapit nga ilang himoon nag-andam og maayo kanila alang sa interbyu ug alang sa pagkamiembro ug pagkaaktibo diha sa Simbahan.

Sa inyong pagtudlo sa mga investigator ug sa pag-andam kanila alang sa bunyag ug pagkumpirma, siguradoha nga nasubay nila ang mga kwalipikasyon alang sa bunyag.

Mga Kwalipikasyon alang sa Bunyag

Doktrina ug mga Pakigsaad 20:37:

- Magpaubos sa ilang mga kaugalingon sa atubangan sa Dios.
- Magtinguha sa pagpabunyag.
- Moduol nga adunay masulub-on nga mga kasingkasing ug mahinulsulon nga mga espiritu.
- Maghinulsol sa tanan nilang mga sala.
- Andam sa pagdala diha kanila sa ngalan ni Kristo.
- Adunay hugot nga tinguha sa pag-alagad kaniya ngadto sa katapusan.
- Magpakita pinaagi sa ilang mga buhat nga sila nakadawat sa Espiritu ni Kristo ngadto sa kapasayloan sa ilang mga sala.

Unang Kapangulohan ug Korum sa Napulog Duha:

- Makahimo og igong mga kausaban diha sa ilang mga kinabuhi aron mahimong sarang sigun sa gimando diha sa Doktrina ug mga Pakigsaad 20:37.
- Makapalambo og hugot nga pagtuo diha kang Kristo.
- Maghinulsol sa mga kalapasan.
- Magsunod sa mga baruganan sa moral nga katakus.
- Magsunod sa Pulong sa Kaalam.
- Mopasalig sa pagbayad sa ikapulo.
- Makadawat sa tanang mga leksyon sa misionaryo [mga leksyon 1–4 diha sa Rekord sa Pagtudlo ug nag-uban nga mga pasalig].
- Makahimamat sa bishop o branch president.
- Makatambong og pipila ka mga sakrament miting.

(“Pamahayag Mahitungod sa Misionaryo nga Buhat,” sulat sa Unang Kapangulohan, 11 sa Dis. 2002)

Kon ang usa ka investigator mitakda na gyud og usa ka petsa sa bunyag, i-eskedyul kon kanus-a ninyo makompleto ang tanang mga kalihokan nga mosangpot ngadto sa bunyag ug pagkumpirma sigun sa nalista diha sa inyong daily planner. Ribyuha og maayo ang Rekord sa Pagtudlo aron sa pagsiguro nga inyong natudlo ang sukaranang mga doktrina ug nga ang mga bunyaganan andam na sa pagtubag sa kada pangutana diha sa interbyu sa bunyag. Ribyuha kining eskedyula kauban ang bunyaganan diha sa sunod ninyong panagkita. Kon mahimo, ang bunyaganan kinahanglang makatambong og usa ka tulumanon sa bunyag sa dili pa ang iyang kaugalingong bunyag.

Kon sa paminaw ninyo nga ang tawo nga inyong gitudloan nagkinahanglan pa og dugang pagpangandam, ayaw pag-eskedyul og interbyu hangtud nga masunod sa investigator ang mga sumbanan. Kon ang bunyaganan usa pa ka minor de edad, siguroha nga ang mga ginikanan o mga nagbantay mihatag sa pagtugot, mas maayo kon isulat, aron siya mabunyagan.

Sa inyong pagtabang sa mga tawo nga maandam alang sa ilang interbyu sa bunyag, pakigsulti kanila kabahin sa katuyoan sa interbyu. Tudloi sila ug hatagi sa pagpamatuod kabahin sa kasagrado sa bunyag ug sa pagdawat sa gasa sa Espiritu Santo. Ipasabut nga gusto nimong masiguro nga ilang nasabtan ang mga baruganan nga inyong gitudlo ug ang pakigsaad nga ilang pagahimoon. Ipasabut usab nga ang interbyu maoy usa ka oportunidad alang kanila sa pagsaksi atubangan sa representante sa Ginoo nga andam sila alang niining sagradong mga ordinansa. Sa ilang pagtuman sa mga pakigsaad nga gihimo atol sa bunyag ug pagkumpirma, makadawat sila og kapasayloan sa mga sala. Ipaambit ang mga pangutana nga ipangutana sa mo-interbyu mahitungod sa ilang pagtuo sa importante nga mga doktrina, sa ilang paghinulsol sa nangaging mga sala, ug sa ilang pagkaandam sa pagpakigsaad sa pagsunod kang Jesukristo sa tibuok nilang kinabuhi. Ipasabut og maayo nga ang bunyag pinaagi sa tubig dili kompleto kon wala ang pagkumpirma ug ang gasa sa Espiritu Santo.

Kalihokan: Personal nga Pagtuon o Pagtuon Kauban ang Kompanyon

- Basaha ang kada usa sa mosunod nga mga tudling, ug paghimo og usa ka minubo nga lista sa mga kwalipikasyon diha sa kasulatan alang sa bunyag ug pagkumpirma.

2 Nephi 9:23; 31:4–13	3 Nephi 27:13–21	D&P 20:37
Mosiah 18:8–10	Moroni 6:1–4	D&P 22
Alma 7:14–15	Moroni 8:25–26	Mga Buhat 2:37–39

- Diha sa mga interbyu sa bunyag, ang mga bunyaganan pangutan-on kon andam ba sila sa pagdala diha kanila sa ngalan ni Kristo. Unsa man ang imong mabuhat aron sa pagtabang kanila nga masabtan kining pangutanaha? Sa imong pagpamalandong niining pangutanaha, tun-i ang mosunod nga mga kasulatan:

Mosiah 4–5	Mosiah 26:18, 21–27	3 Nephi 27:1–10
Mosiah 18:1–11		

Mahimo usab ikaw nga mangita og laing mga tudling nga makatabang kanimo aron masabtan kini nga baruganan.

Unsaon sa Pagpahigayon sa Interbyu

Ang tawo nga nagpahigayon sa interbyu kinahanglang mogamit sa mga pangutana sa interbyu sa bunyag uban sa giya sa Espiritu aron sa pagtino kon ang bunyaganan nakasubay ba sa mga kwalipikasyon nga gihulagway diha sa Doktrina ug mga Pakigsaad 20:37. Kinahanglan usab niyang ipahiangay ang mga pangutana sa edad ug maturidad sa bunyaganan.

Kon ang bunyaganan dili sarang sumala sa mga pangutana sa interbyu sa bunyag, ang bunyag ug ang pagkumpirma kinahanglang iuswag. Ang investigator kinahanglang makadawat og dugang nga pagtudlo sa *full-time* nga mga misyonaryo ug sa pag-*fellowship* sa mga miyembro sa ward.

Ang district leader o zone leader nga nagpahigayon sa interbyu kinahanglan:

- Mopahigayon sa interbyu diha sa usa ka komportable, pribadong lugar, nga angay alang sa pagbati sa Espiritu sa Ginoo. Ang kompanyon sa tig-interbyu kinahanglang naa ra sa duol.
- Sugdi sa pag-ampo.

Mubo nga mga sulat

- Tabangi ang bunyaganan nga mobati og kakomportable.
- Himoa ang interbyu nga usa ka kasinatian nga makabayaw sa espirituhanong paagi.
- Siguroha nga ang bunyaganan nakasabut sa katuyoan sa interbyu.
- Ipangutana ang mga pangutana sa interbyu sa bunyag. Gamita ang *follow-up* nga mga pangutana aron makabaton og pagbati alang sa kalig-on sa pagpamatuod sa tawo ug sa sinseridad sa paghinulsol sa tawo.
- Tubaga ang mga pangutana sa bunyaganan.
- Dapita ang tawo sa paghatag og pagpamatuod ug sa pagpadayag sa iyang mga pagbati.
- Kon ang tawo adunay mga hagit kabahin sa pagpamatuod o katakus [*worthiness*], ipasabut nga pinakamaayo nga i-uswag ang bunyag hangtud nga mas andam na siya.

Mga Pangutana sa Interbyu alang sa Bunyag

1. Motuo ka ba nga ang Dios mao ang atong Mahangturon nga Amahan? Motuo ka ba nga si Jesukristo mao ang Anak sa Dios, ang Manluluwas ug Manunubos sa kalibutan?
2. Motuo ka ba nga ang Simbahan ug ang ebanghelyo ni Jesukristo gipahiuli pinaagi kang Propeta Joseph Smith? Motuo ka ba nga si [Presidente sa Simbahan karon] usa ka propeta sa Dios? Para nimo unsa may kahulugan niini?
3. Para nimo unsa ang paghinulsol? Para nimo imo na bang nahinulsulan ang imong nangagi nga mga kalapasan?
4. Nakahimo ka ba og grabe nga krimen? Kon mao, anaa ka ba karon sa usa ka *probation* o parol? Nalambigit ka ba sa usa ka aborsyon? usa ka homosekswal nga pakigrelasyon?
5. Ikaw gitudloan ka nga ang pagpamiyembro sa Ang Simbahan ni Jesukristo sa mga Santos sa Ulahing mga Adlaw naglakip sa pagsunod sa mga sumbanan sa ebanghelyo. Unsay pagsabut nimo niining mosunod nga mga sumbanan? Andam ka bang mosunod niini?
 - a. Ang balaod sa kaputli, nga nagdili sa bisan unsang sekswal nga pakigrelasyon gawas sa mga kasabutan sa usa ka legal nga kaminyoon tali sa usa ka lalaki ug usa ka babaye.
 - b. Ang balaod sa ikapulo.
 - c. Ang Pulong sa Kaalam.
 - d. Ang adlaw nga Igpapahulay, lakip na sa pag-ambit o pagkalawat sa sakramento kada semana ug sa paghatag og serbisyo sa isig ka miyembro.
6. Kon mabunyagan na ka, makigsaad ka sa Dios nga andam ka nga modala diha kanimo sa ngalan ni Kristo ug mosunod sa Iyang mga sugo sa tibuok nimong kinabuhi. Andam ka ba nga mohimo niini nga pakigsaad ug maningkamot nga magmatinud-anon niini?

Sa paghuman sa usa ka malampusong interbyu, *i-congratulate* ang bunyaganan. Pakig-uban pag-usab sa ubang mga misyonaryo, ug ipasabut kon unsay mahitabo atol sa tulumanon sa bunyag.

Ipasabut nga ang pagkumpirma buhaton ubos sa direksyon sa bishop diha sa sakrament miting sa ward diin sila nagpuyo.

Kon gikinahanglan ang pag-uswag [*postpone*] sa bunyag, ang district leader o zone leader ug ubang mga misyonaryo kinahanglang mopahigayon sa sitwasyon sa sensitibo ug pribado nga paagi. Pasaligi ang bunyaganan nga makalampus siya, ug ipasabut nga ang ubang mga kalapasan nagkinahanglan og dugang panahon alang sa tinud-anay nga paghinulsol. Ipasabut nga ang kasagrado sa ordinansa nagkinahanglan og taas nga mga sumbanan sa katakus. Pasaligi ang bunyaganan nga ikaw ug ang uban mobuhat sa tanan kutob sa inyong mahimo aron sa pagsuporta kaniya. Dayon matinud-anong motuman sa inyong gisaad.

Bunyag ug Pagkumpirma: Mga Pangutana ug mga Tubag**Kinsa man ang mopahigayon sa interbyu alang sa bunyag ug pagkumpirma?**

Sa kasagaran ang district leader maoy mointerbyu sa mga bunyaganan nga gitudloan sa mga misyonaryo diha sa iyang district, lakip na sa mga bunyaganan nga gitudloan sa iyang mga zone leader. Ang zone leader maoy mointerbyu sa mga bunyaganan nga gitudloan sa district leader. Ang mission president o tawo nga iyang gisangunan kinahanglan maoy mointerbyu sa mga tawo nga nalambigit sa grabe nga mga sala. Ang mga district o zone leader dili mointerbyu sa mga bunyaganan nga gawas sa ilang kaugalingong district o zone gawas kon gisangunan sila sa mission president sa pagbuhat sa ingon.

Unsa man ang depinisyon sa *convert baptism*?

Ang mga *convert baptism* mga bunyag sa:

- Mga tawo nga nag-edad og nuybe ug mas magulang pa kinsa wala pa sukad mabunyagi ug makumpirmahi kaniadto isip mga miyembro sa Simbahan.
- Mga bata nga nag-edad og otso kansang mga ginikanan puros dili mga miyembro o kansang mga ginikanan gibunyagan ug gikumpirmahan sa samang higayon sa pagbunyag sa bata.

Magkinahanglan ba ko og pagtugot aron sa pagbunyag og usa ka minor de edad nga bata?

Sa dili ka pa makatudlo ug makabunyag og usa ka investigator kinsa wala pa sa legal nga edad, kinahanglan kang mangayo og pagtugot sa (mga) ginikanan o legal nga (mga) nagbantay, mas maayo kon isulat. Agig dugang, kinahanglan nga duna kay maayong rason sa pagtuo nga ang bata nakasabut sa pakigsaad sa bunyag ug mohimo sa matag paningkamot sa pagtuman niini pinaagi sa pagsunod sa ebanghelyo, lakip na ang matinud-anong pagtambong sa mga miting sa Simbahan.

Magkinahanglan ba ko og pagtugot sa kapikas aron sa pagbunyag og usa ka bana o asawa?

Oo. Ayaw pagbunyag og usa ka minyo nga tawo kon walay pagtugot sa iyang kapikas.

Kon ang amahan diha sa usa ka pamilya dili pa andam alang sa bunyag, kinahanglan ba kong mobunyag sa pamilya o maghulat hangtud ang amahan andam na?

Kon ang amahan sa usa ka pamilya dili pa andam alang sa bunyag ug pagkumpirma pero ang ubang mga sakop sa pamilya andam na, mahimo nimong sultihan ang amahan nga mas palabihon nimo nga dili mobunyag sa pamilya kon wala siya tungod kay ang Simbahan nagrespeto sa pangulo sa panimalay ug tungod kay ang mga sakop sa pamilya mas labi pang mouswag diha sa ebanghelyo isip usa ka yunit sa pamilya. Kon ang amahan padayon nga mobalibad, mahimo nimong bunyagan ug kumpirmahan ang ubang mga sakop sa pamilya uban sa iyang pagtugot.

Maayo ba nga ideya ang pag-ordinar sa usa ka amahan ngadto sa Aaronic Priesthood inig kahuman dayon sa bunyag aron nga makabunyag siya sa uban pang mga sakop sa pamilya?

Dili. Ang amahan kinahanglang makumpirmahan diha sa sakrament miting ug, human sa interbyu sa bishop, i-*sustain* aron makadawat sa Aaronic Priesthood. Ang mga bunyag sa mga sakop sa pamilya kinahanglang dili langayon aron lamang nga ang amahan mismo maoy makapahigayon sa mga bunyag.

Mahimo ba kong motudlo ug mobunyag sa usa ka tawo nga napahimulag [*excommunicate*]?

Ang mga bunyag sa napahimulag [*excommunicate*] nga mga tawo dili mga kinabig *baptism*, ug ang mga misyonaryo dili mointerbyu sa maong mga tawo alang sa bunyag. Mahimo lamang kamong motrabaho uban sa maong mga tawo ubos sa pagbantay o *close supervision* sa mission president ug bishop.

Mubo nga mga sulat

Unsa man ang mahitabo kon ang usa ka tawo duna nay gitakda nga petsa sa bunyag pero wala magtuman sa tanang mga pasalig?

Kon sa imong pamati ang tawo nga imong gitudloan nagkinahanglan og dugang pagpangandam, ayaw pag-eskedyul og interbyu sa bunyag hangtud nga ang investigator nagtuman sa mga pasalig ug nakasubay sa mga sumbanan.

Unsa man ang akong buhaton kon ang mga tawo gustong mabunyagan pero nagtipon nga wala pa makasal?

Ang mga bunyaganan kinsa nagpuyo uban sa usa ka tawo nga lahi og *gender* nga wala maminyo kinahanglang magminyo o kaha mohunong sa pagtipon sa dili pa sila mabunyagan.

Ang ika-4 nga pangutana diha sa interbyu sa bunyag nangutana kon ang usa ka tawo nalambigit sa usa ka grabe nga sala, sama sa aborsyon, usa ka homoseksual nga pakigrelasyon, o grabe nga krimen. Unsa man ang akong buhaton kon ang usa ka tawo mokumpisal sa ingon nga sala?

1. *Mga instruksyon alang sa nagtudlo nga mga misyonaryo.* Usahay ang mga investigator mahimong moboluntaryo sa impormasyon kabahin sa ingon nga mga sala samtang nagtudlo kamo kabahin sa mga sugo ug nagdapit kanila sa paghimo og mga pasalig. Bisan pa man niana, kon wala silay isulti pero sa inyong paminaw mahimong duna silay problema, andama sila alang sa interbyu sa bunyag pinaagi sa pagpangutana kanila kon nalambigit ba sila og bisan unsa niini nga mga sala. Kon masayud ka bahin sa usa ka grabe nga sala, ayaw pangutana kabahin sa mga detalye sa sala. Ayaw pag-eskedyul og usa ka petsa sa bunyag o maghimo og bisan unsa nga mga saad kon mahimo ba silang angayan alang sa bunyag ug pagkumpirma. Ipadayag ang inyong gugma ug ribyuha ang baruganan sa paghinulsol. Ipasabut sa mabinationg paagi nga kini nga mga sala grabe ug nga ang tawo nga dunay dugang kahingkod ug kasinatian (ang inyong mission president o tawo nga iyang gisangunan) makig-istorya kanila ug motabang kanila bahin niining mga butanga. Padala dayon og usa ka hangyo alang sa interbyu sa bunyag direkta ngadto sa mission president.
2. *Mga instruksyon alang sa tawo nga nagpahigayon sa interbyu alang sa bunyag ug pagkumpirma.* Kon maayong pagkatudlo sa mga misyonaryo ang bunyaganan sa wala pa ang interbyu sa bunyag, kining mga isyuha, kon anaa man, naadto na unta direkta sa mission president. Kon motumaw kini, ipadayag ang inyong gugma ug ribyuha ang mga sugo ug ang baruganan sa paghinulsol. Ipasabut sa mabinationg paagi nga kini nga mga sala grabe ug nga ang usa ka tawo nga adunay dugang kahingkod ug kasinatian (ang inyong mission president o tawo nga iyang gisangunan) makig-istorya kanila ug motabang kanila bahin niining mga butanga. Pagpadala dayon og usa ka hangyo alang sa interbyu sa bunyag direkta sa mission president.

Kalihokan: Personal nga Pagtuon

Hunahunaa kon unsa kaha ang imong bation kon ikaw pa ang gi-interbyu. Konsideraha ang mosunod nga mga pangutana:

- Unsa man nga mga aspeto sa interbyu nga siguro mabag-ohan ka? Unsa man kaha ang masulti o mabuhat sa tig-interbyu aron mahimutang ka?
- Unsa may gusto nimo nga paagi nga ang tig-interbyu makig-*interact* kanimo?
- Unsa may gusto nimo nga buhaton sa tig-interbyu nganha nimo kon mopadayag ka og mga pagduhaduha o mga nasayop nga pagsabut o kon mokumpisal ka og grabe nga mga sala?

Isulat ang imong mga tubag niini nga mga pangutana diha sa imong journal sa pagtuon.

Kompletoha ang mga Rekord sa Bunyag ug Pagkumpirma

Ang misyonaryo nga nagpahigayon sa interbyu kinahanglang mosulat og kasamtangan [*current*] nga porma sa bunyag sumala sa mga instruksyon diha sa porma. Kinahanglan niyang ipasabut nga ang usa ka rekord sa pagkamiyembro gibuhat gikan sa rekord sa bunyag ug maglangkob og importante nga impormasyon kabahin sa bag-ong mga miyembro ug sa mga ordinansa nga ilang nadawat. Sa higayon nga ang mga miyembro mobalhin, ang rekord sa pagkamiyembro ipadala sa bag-ong yunit aron nga ang ilang bag-ong bishop makahatag og *fellowship* ug tabang. Ang misyonaryo kinahanglang mangutana sa bunyaganan sa pagklaro sa impormasyon diha sa porma atol sa interbyu. Kon wala ang rekord sa pagkamiyembro, ang indibidwal dili makadawat og temple recommend.

Ang bishop mosiguro nga ang porma sa pagkumpirma gisulatan alang sa kada kumpirmahanan sumala sa mga instruksyon diha sa porma.

Kalihokan: Personal nga Pagtuon o Pagtuon Kauban ang Kompanyon

Tun-i ang Mosiah 6:1–3 ug Moroni 6:1–4. Sa unsang paagiha kini nga mga tudling may kalabutan sa inyong responsibilidad sa paghupot og saktong mga rekord sa mga bunyag ug mga pagkumpirma?

Ang Tulumanon sa Bunyag [*Baptismal Service*]

Ang Espiritu mabati diha sa lig-ong paagi samtang ang sagradong mga ordinansa sa bunyag ug pagkumpirma gipahigayon. Ang tulumanon sa bunyag ug ang nagsunod nga pagkumpirma kinahanglang mahimong espiritwal nga mga panghitabo alang sa bag-o nga mga kinabig. Ikaw ug ang ward mission leader kinahanglang mobuhat sa tanan ninyong mahimo aron sa pagsiguro nga ang tulumanon sa bunyag organisado, makapadasig, ug halandumon. Kini nga mga tulumanon kinahanglang makapalig-on sa bag-o nga mga kinabig [*convert*] diha sa ilang pasalig nga magpabiling aktibo.

Imbitara ang bishopric, mga lider sa korum ug auxiliary, ug mga home teacher ug mga visiting teacher (kon gisangunan) sa pagtambong sa tulumanon sa bunyag. Ang mga higala ug mga paryente sa mga kinabig [*convert*] ug ang tanan ninyo karong mga investigator kinahanglang madapit sa pagtambong sa tulumanon sa bunyag ug sa sakrament miting kon asa mahitabo ang pagkumpirma. Kini nga mga kasinatian makatabang kanila nga mobati sa Espiritu ug moandam kanila sa pagdawat sa imbitasyon nga makat-on pa og dugang kabahin sa ebanghelyo. Trabaho uban sa bunyaganan ug sa ward mission leader sa pagdapit sa mga higala ug mga paryente sa bunyaganan aron sa pagtambong. Dayon pag-follow up human sa tulumanon aron sa paghisgut sa ilang kasinatian ug dapita sila sa pagkat-on kon ngano nga ang ilang higala mipili nga mabunyagan.

Ang mga misyonaryo nga nagtudlo sa bunyaganan makigtambayayong uban sa ward mission leader aron sa pag-organisar sa serbisyo. Ipasabut ngadto sa bunyaganan kon



unsay naplanohan ug kon ngano. Hisguti ang angay nga isul-ob, lakip na kon unsaon sa paghatag sa bunyaganan og puting sinina nga sul-ubon alang sa bunyag. Pagsabut bahin sa dapit ug oras alang sa bunyag. Usa ka sakop sa bishopric o ang ward mission leader sa kasagaran maoy mopahigayon sa tulumanon. Ang mosunod maoy gikinahanglan nga mga aytem sa pagplano ug pag-organisar.

Ang usa ka tulumanon sa bunyag [*baptismal service*] mahimong maglakip sa:

1. *Prelude* nga musika.
2. Usa ka mubong pag-welcome sa priesthood leader nga nagpahigayon sa tulumanon (usa ka sakop sa bishopric ang kinahanglang maoy magdumala).
3. Usa ka pangbukas nga himno ug pag-ampo.
4. Usa o duha ka mubong mga pakigpulong bahin sa mga hilisgutan sa ebanghelyo, sama sa bunyag ug ang gasa sa Espiritu Santo.
5. Usa ka musikal nga seleksyon.
6. Pagpahigayon sa bunyag.
7. Usa ka panahon sa balaang pagtahud samtang ang mga tawo nga misalmot sa bunyag mag-ilis og sinina. Mahimo kining maglakip sa pagpaminaw og *interlude* nga musika, pagkanta og inila kaayo nga mga himno ug mga awit sa Primary, pagpakita og usa ka *audiovisual* nga produkto sa Simbahan, o paghatag og pagpamatuod.
8. Ang oportunidad alang sa bag-o nga mga kinabig sa paghatag sa ilang mga pagpamatuod, kon gitinguha.
9. Usa ka panapos nga himno ug pag-ampo.
10. *Postlude* nga musika.

Pagkumpirma

Ang usa ka tawo makadawat sa ordinansa sa pagkumpirma human siya mabunyagan (tan-awa sa D&P 20:41). Ang bag-ong convert gikonsiderar nga usa ka miyembro sa Simbahan human mapahigayon ang mga ordinansa sa bunyag ug pagkumpirma (tan-awa sa Juan 3:5; D&P 33:11). Ang bag-o nga mga kinabig kumpirmahan diha sa sakrament miting niana nga ward kon asa sila nagpuyo, dili atol sa tulumanon sa bunyag. Ang bishop maoy responsable alang sa pagsiguro nga ang pagkumpirma mahitabo sa labing daling panahon kutob sa mahimo human sa bunyag. Ang bishop o usa sa iyang mga counselor moapil sa pagkumpirma. Ang bishop mahimong modapit sa misyonaryo nga mga elder nga mitabang sa pagtudlo sa convert sa pagsalmot diha sa pagkumpirma. Pagpakigtambayayong gyud uban sa bishop ug sa ward mission leader aron sa pagsiguro nga kining gikinahanglan nga ordinansa mapahigayon.



Human sa Bunyag ug Pagkumpirma

Ubos sa direksyon sa bishop, ang mga misyonaryo mahimong magpadayon sa pag-*fellowship* sa bag-ong mga miyembro. Padayon sa pagtudlo kanila ug sa pagribyu kon unsay natudlo ngadto kanila. Awhaga ug suportahi sila, pagbasa og Basahon ni Mormon uban nila, ug tabangi sila sa pagpaambit sa ebanghelyo ngadto sa mga sakop sa pamilya ug mga higala. Kon angay, ipadayon sa tibuok ninyong kinabuhi ang pagpakig-*communicate* uban niadtong inyong natudloan ug sa pag-awhag ug pagsuporta kanila.

Human sa pagkumpirma, ipadayon ang paggamit sa Rekord sa Pagtudlo sa pagrekord sa inyong pag-uswag diha sa pagtudlo pag-usab sa mga leksyon 1–4 ug diha sa pagtudlo sa leksyon 5. Pakigtambayayong sa ward mission leader ug sa kapangulohan sa ward aron sa pagtabang sa bag-ong convert nga magpabiling aktibo ug makadawat sa tanang mga panalangin sa Pag-ula ni Jesukristo.

Hinumdami Kini

- Andama og maayo ang mga bunyaganan para sa interbyu alang sa bunyag ug pagkumpirma.
- Sigarudoha nga ang mga bunyaganan makasunod sa mga gikinahanglan alang sa bunyag ug pagkumpirma.
- Tabangi pagsiguro nga ang mga tulumanon sa bunyag makabayaw sa espirituhanong paagi.
- Gamita ang mga tulumanon sa bunyag ug mga pagkumpirma isip mga oportunidad sa pagpangita og katudloan.
- Eksaktoha pagkompleto ang mga porma sa bunyag ug pagkumpirma.

Mga Ideya sa Pagtuon ug Paggamit

Personal nga Pagtuon

- Paghimo og usa ka lista sa mga hagit nga mahimong atubangon sa bunyaganan. Nganong importante man nga ang mga bunyaganan mobati sa gugma ug pagpakighigala sa mga miyembro sa Simbahan?
- Tun-i ang Moroni 6 ug ang Doktrina ug mga Pakigsaad 20:68–69. Unsa man ang imong nakat-unan gikan niini nga mga bersikulo mahitungod sa pag-andam sa mga tawo alang sa bunyag ug pagkumpirma? Isulat kon unsay imong nakat-unan, ug ipaambit ang imong mga panghunahuna ngadto sa imong kompanyon atol sa pagtuon kauban ang kompanyon.

Pagtuon Kauban ang Kompanyon

- Si Elder Henry B. Eyring mipasabut kon nganong importante ang mas taas nga mga sumbanan. Hisguti kini nga tambag uban sa imong kompanyon ug timbang-timbanga kon unsay inyong bation mahitungod sa kusganong pagtabang sa mga tawo aron masubay kini nga mga sumbanan. “Ang Dios nagtakda sa Iyang mga sumbanan aron nga Siya makapanalangin kanato. Hunahunaa kadtong mga panalangin: Iyang gisaaran sa tabang sa Espiritu Santo kadtong makasunod sa mga sumbanan. Siya misaad og personal nga kalinaw. Siya misaad sa kahigayunan sa pagdawat sa mga balaanong mga ordinansa sa Iyang balay. Ug Siya misaad niadtong kinsa molahutay sa pagsunod sa Iyang mga sumbanan nga sila makabaton og kinabuhing dayon. . . . Tungod kay atong gihigugma ang mga tawo nga atong gialagaran, gusto natong tanan nga makabuhat og mas maayo pa sa pagtuboy sa mga anak sa atong Langitnong Amahan ngadto sa pagkamatinud-anon ug pagkaputi nga ilang gikinahanglan aron makadawat sa tanang mga panalangin sa Ginoo. . . . Magsugod kamo pinaagi sa paghupot sa mga sumbanan sa Ginoo sa klaro ug walay pag-ukon-ukon nga paagi. Ug kon magkaanam og palayo ang kalibutan gikan niini ug mobugalbugal niini, kinahanglan nga magkadugang ang inyong kaisug sa pagbuhat niini” (“Mga Sumbanan sa Katakus,” *UnangTibuok Kalibutan nga Miting sa Pagbansay sa Pagpangulo*, Ene. 2003, 10–11).
- Ipaambit ngadto sa imong kompanyon kon unsay imong nakat-unan gikan niini nga hugna kabahin sa pag-andam sa mga tawo alang sa bunyag ug pagkumpirma.
- Ribyuha ang katapusang tulumanon sa bunyag nga imong gitambongan. Itandi kini sa mga sumbanan diha sa seksyon nga giulohan og “Ang Tulumanon sa Bunyag.” Unsa man ang maayong nahitabo? Unsa man ang pwede untang mapalambo? Hisguti kon unsaon ninyo sa pagsiguro nga ang mga tulumanon nga inyong naplanohan mahimong espiritwal ug makabayaw.
- Praktisa kon unsaon ninyo sa pag-andam og usa ka pihong investigator alang sa interbyu sa bunyag.
- Ribyuha ang mga pangutana sa interbyu sa bunyag. Konsideraha kon unsaon ninyo sa pagdala ang nagkalainlaing mga sitwasyon, sama sa mosunod:
 - Ang bunyaganan wala mosulti kaninyo nga naa siya sa *probation* tungod sa usa ka krimen nga nabuhat kaniadto.
 - Ang tawo wala makadawat og lig-on nga tubag sa pag-ampo nga si Joseph Smith usa ka propeta.
 - Ang bunyaganan nanigarilyo duha ka adlaw ang milabay.
 - Ang bunyaganan dili sigurado kon nakadawat ba siya og tubag sa iyang mga pag-ampo.

Mubo nga mga sulat

– Ang pamilya mibati nga gipiit sila sa mga higala ug dili sigurado kon andam ba sila alang sa bunyag.

- Ribyuha ang porma sa Rekord sa Bunyag ug Rekord sa Pagkumpirma ug ang porma sa Sertipiko sa Bunyag ug Pagkumpirma. Unsaon man ninyo sa pagsiguro nga ang impormasyon nga inyong nahatag sakto ug kompleto?

Mga District Meeting ug mga Zone Conference

- Ribyuha ang kaimportante sa interbyu sa bunyag. Hisguti kon unsaon gyud sa mga miyonaryo pag-andam ang mga investigator alang sa interbyu.
- Hisguti kon unsaon paggamit sa mga tulumanon sa bunyag ug mga pagkumpirma isip mga oportunidad sa pagpangita og katudloan.

Mission President

- Pakigtambayayong uban sa lokal nga mga lider sa priesthood sa pagsiguro nga epektibo ang paggamit sa Rekord sa Pag-uswag.
- Sa matag karon ug unya pagpahigayon og unang interbyu alang sa bunyag.
- Tudloi ang mga district leader ug mga zone leader kon unsaon sa pagpahigayon og mga interbyu sa bunyag.
- Tudloi ang mga miyembro sa kapangulohan sa misyon ug mga lider sa priesthood kon unsaon sa pagpahigayon og mga interbyu sa bunyag alang sa mga bunyaganan nga nakahimo og grabe nga mga sala.



Unsaon Nako Pagpakigtambayayong sa mga Lider sa Stake ug Ward?

Mubo nga mga sulat

Konsideraha Kini

- Unsa man ang gikinahanglan sa bag-o nga mga kinabig ug sa dili kaayo aktibong mga miyembro aron mahimong aktibo nga mga miyembro sa Simbahan?
- Unsa man ang mga responsibilidad sa mga lider sa stake ug ward diha sa misyonaryo nga buhat, sa retensyon, ug sa pagpaaktibo?
- Unsaon man nako sa pagtabang ang mga lider sa ward sa pag-establisar sa Simbahan?
- Unsa man ang kinahanglang mahitabo diha sa sinemanang miting sa *correlation* uban sa ward mission leader?

Ikaw adunay dakong oportunidad sa pagtrabaho uban sa daghang mga lider ug mga miyembro sa panahon sa imong misyon. Magkauban kamong mopalig-on ug mo-establisar sa Ang Simbahan ni Jesukristo sa mga Santos sa Ulahing mga Adlaw. Ang mga relasyon nga imong naestablisar uban sa mga lider sa Simbahan mopanalangin kanimo sa tibuok nimong kinabuhi. Mao kini ang importanting mga relasyon samtang ikaw ug ang mga miyembro sa Simbahan nagtinguha sa pagdala sa gipahiuli nga ebanghelyo ngadto sa mga anak sa Langitnong Amahan. Ang pagsabut sa mga sukaranan kon unsaon sa pagtrabaho diha sa organisasyon sa ward makatabang kanimo nga magpadayon sa unahan nga adunay mas dakong pukos ug gahum.

Pagpalig-on sa Bag-o ug Dili Kaayo Aktibo nga mga Miyembro

Kon ang mga kinabig nabunyagan ug nakumpirmahan na, naghimo sila og sagradong mga saad sa pagsunod ug sa pagserbisyo sa Dios ug ngadto sa uban sulod sa tibuok nilang

Mubo nga mga sulat

kinabuhi. Nahimo silang mga pilionon alang sa kaluwasan diha sa celestial nga gingharian. Aron makadawat sa gisaad nga mga panalangin, kinahanglan silang molahutay hangtud sa katapusan uban sa hugot nga pagtuo diha kang Jesukristo. Ang mga miyembro sa Simbahan gikinahanglan diha sa pagtabang sa bag-o nga mga kinabig aron magpabiling aktibo ug matinud-anon.

Si Presidente Gordon B. Hinckley miingon: “Wala gayuy pulos ang paghimo sa misyonaryo nga buhat gawas kon atong kuptan ang mga bunga niana nga paningkamot. Ang duha kinahanglang dili mabulag.... Kada kinabig mahinungdanon ug sila usa ka dako nga responsibilidad” (“Find the Lambs, Feed the Sheep,” *Ensign*, Mayo 1999, 108).

Ubos sa direksyon sa bishop, ang ward council adunay unang responsibilidad sa pagpalig-on sa bag-ong mga miyembro ug sa dili kaayo aktibo nga mga miyembro. Ilang sigurohon nga ang bag-o nga mga kinabig ug ang dili kaayo aktibo nga mga miyembro adunay mga higala, giumumahan sa pulong sa Dios, ug nakadawat og mga *calling* ug mga responsibilidad. Mahimo silang mohangyo nga ang *full-time* nga mga misyonaryo motabang sa home teaching (o sister nga mga misyonaryo sa visiting teaching) ug sa pagbisita sa bag-ong mga miyembro, dili kaayo aktibo nga mga miyembro, ug mga prospective elder. Mas maayo kon ipares kamo og usa ka miyembro alang sa maong mga pagbisita.

Responsable usab kamo alang niining mga tawhana. Si Presidente Hinckley miingon: “Kamong mga misyonaryo ... kabahin niini nga responsibilidad sa pagbugkos sa inyong mga kinabig ngadto sa Simbahan. Mahimong dili kamo makapadayon sa pagbisita kanila. Pero makasulat kamo kanila matag karon ug unya ug moahatag kanila og pag-awhag.... Kon mouli na kamo ayaw sila kalimti. Sa tanang mga panahon pagpuyo nga takus sa ilang pagsalig. Sulati sila matag karon ug unya, nga magpasalig kanila sa inyong gugma” (*Ensign*, Mayo 1999, 109).

Kon motabang og mga miting sa simbahan, ikaw ug ang imong kompanyon kinahanglang molingkod tupad sa inyong mga investigator o sa mga miyembro nga inyong *gi-fellowship* aron sa pagsuporta ug paglig-on kanila. Kinahanglang dili kamo molingkod diha sa grupo uban sa laing mga misyonaryo.

Ang mahinungdanong parte sa inyong misyon mao ang pag-establisar sa Simbahan ug sa paglig-on sa yunit diin kamo nagserbisyo. Mabuhat ninyo ang uban niini pinaagi sa pagtabang sa bag-o nga mga kinabig nga magpabiling aktibo ug pinaagi sa pagtabang sa dili kaayo aktibo nga mga miyembro nga mobalik sa pagkaaktibo. Usa sa inyong mga katungdanan mao ang pagpakig-uban sa ubang mga misyonaryo sa ward [*ward missionaries*] sa pagtudlo pag-usab sa unang upat ka mga leksyon ug sa pagtudlo sa leksyon 5. Ang mga misyonaryo sa ward, mga home teacher, ug mga visiting teacher makatabang usab sa pagtudlo niini nga mga baruganan.



Si Presidente Gordon B. Hinckley misaysay sa mosunod bahin sa mga hagit nga giatubang sa daghang bag-o nga mga kinabig:

Nakadawat ko sa miaging adlaw og usa ka interesting kaayo nga sulat. Gisulat kini sa usa ka babaye kinsa mipasakop sa Simbahan sa miaging tuig. Misulat siya:

“Ang akong biyahe ngadto sa Simbahan usa ka talagsaon ug medyo mahagiton. Kadtong miaging tuig mao ang pinakalisud nga tuig nga akong nasinati sa akong kinabuhi. Mao usab kini ang labing magantihon. Isip usa ka bag-ong miyembro, padayon kong gihagit kada adlaw.”

Nagpadayon siya sa pag-ingon nga sa dihang mipasakop siya sa Simbahan wala niya mabati ang suporta sa kapangulohan sa iyang ward. Ang iyang bishop daw lahi og tinagdan ngadto kaniya isip usa ka bag-ong miyembro. Mibati nga sinalikway, miadto siya ngadto sa iyang mission president, kinsa miabli og mga oportunidad alang kaniya.

Miingon siya nga “Ang mga miyembro sa Simbahan wala masayud kon unsay bation nga mahimong usa ka bag-ong miyembro.... Mao nga, hapit mahimong imposible alang kanila ang masayud kon unsaon sa pagsuporta kanamo.”

Hagiton ko kamo, akong mga kaigsoonan, nga kon wala kamo masayud kon unsay bation, sulayi ninyo sa paghunahuna kon unsay bation. Usa kini ka hilabihan ka mingaw. Mahimong makapahigawad kini. Mahimo kining makahahadlok. Kita niining Simbahana lahi gyud kaayo sa kalibutan kaysa unsay dali natong mahunahuna nga mao kita. Kini nga babaye nagpadayon: “Sa dihang kita isip mga investigator nahimong mga miyembro niini nga Simbahan, nakurat kitang makadiskobre nga misulod sa hilabihan kalahi nga kalibutan, usa ka kalibutan nga adunay kaugalingon niya nga mga tradisyon, kultura, ug pinulongan. Atong nadiskobrehan nga wala gyuy bisan usa ka tawo o wala gyuy dapit nga atong kadangpan alang sa giya sa atong pagbiyahe ngadto niini nga bag-ong kalibutan. Sa pagsugod ang biyahe makapadasig, ang atong mga sipyat gani daghan, dayon nahimo kining makapahigawad [frustrating] ug sa katapusan, ang kahigawad nahimong kasuko. Ug dinhi niining mga yugtoa sa kahigawad ug kasuko nga kita mobiya. Mobalik kita ngadto sa kalibutan nga atong gigikanan, kon asa nahibalo kita kon si kinsa kita, kon asa kita nakatampo, ug kon asa makasulti kita sa pinulongan” [Ensign, Mayo 1999, 108].

Kalihokan: Personal nga Pagtuon o Pagtuon Kauban ang Kompanyon

Basaha ang miaging istorya. Isulat ang mga tubag sa mosunod nga mga pangutana diha sa imong journal sa pagtuon, o hisguti kini uban sa imong kompanyon. Paghimo og angay nga mga tumong ug mga plano.

- Sumala niini nga istorya, Unsa man ang pipila ka mga butang nga nakapahimong lisud alang sa bag-ong mga miyembro nga magpabiling aktibo?
- Sa unsa man nga paagi nga ang pag-apil sa mga miyembro gikan sa sinugdanan sa pagtudlo makatabang niini nga mga hagit?
- Paghunahuna niadtong inyong gitudloan. Unsaon man ninyo sa pagpaapil sa mga miyembro nga makatabang sa mga investigator sa pagsugod og himo sa sosyal nga transisyon ngadto sa Simbahan?

Home ug Visiting Teaching

Ang mga stake president ug ang mga bishop, nga makigtambayayong sa mission president, mahimong mogamit sa mga misyonaryo sa pagbisita sa dili kaayo aktibo ug mga pamilya nga dili ang tanan miyembro sa Simbahan. Sa tukmang mga sitwasyon, mahimo silang mohangyo nga ang *full-time* nga mga misyonaryo mosalmot sa home teaching ug sa visiting teaching. Kini nga mga oportunidad sa pagtudlo kinahanglang maglig-on sa mga miyembro, mopalambo sa abilidad sa mga misyonaryo sa pagtudlo, ug motabang sa mga misyonaryo aron makabaton og mga referral (tan-awa sa “Pamahayag Mahitungod sa Misyonaryo nga Buhat,” sulat sa Unang Kapangulohan, 11 sa Dis. 2002).

Pakigtambayayong sa Ward Council aron sa Paglig-on sa Bag-o ug sa Dili Kaayo Aktibo nga mga Miyembro

Ang pagtudlo ug pagbunyag og mga investigators anaa ubos sa direksyon sa inyong mission president. Hinoon, ang trabaho sa pagsangyaw sa ebanghelyo mopadayon sa mas kusganong paagi kon ang *full-time* nga mga misyonaryo ug mga miyembro magtambayayong sa ilang mga paningkamot ug duyog nga magtrabaho diha sa panaghiusa. Mahimong pirme kamong dapiton sa pagtambong sa ward council ug sa miting sa priesthood executive committee. Ang inyong unang prayoridad mao ang pagsiguro nga ang inyong mga investigator anaa sa Simbahan. Sa kasagaran mangahulugan kini nga inyo silang kuyogan. Kon adunay problema tali sa pagtambong og miting sa ward council ug sa pagkuha og usa ka tawo ngadto sa simbahan, himoa ang naulahi. Niining sitwasyuna, paghatag og usa ka kopya sa Rekord sa Pag-uswag ngadto sa ward mission leader ug siguradoha nga aduna siya sa tanang impormasyon nga gikinahanglan alang sa ward council o sa priesthood executive committee.



© 1989 Greg K. Olsen. Sa maayong kabubut—on sa Mill Pond Press. Ayaw kopyaha.

Si Presidente Gordon B. Hinckley miingon:

“Ang kada bag-o nga kinabig nagkinahanglan og tulo ka mga butang:

“1. Usa ka higala diha sa Simbahan nga iyang kanunay nga kadangpan, kinsa makiglakaw tapad kaniya, kinsa motubag sa iyang mga pangutana, kinsa mosabut sa iyang mga problema.

“2. Usa ka buluhaton. Ang pagkaaktibo maoy ilhanang kinaiya niini nga Simbahan. Mao kini ang proseso diin kita motubo. Ang hugot nga pagtuo ug gugma alang sa Ginoo susama sa kusog sa akong bukton. Kon ako kining gamiton, mas molig-on kini. Kon ako kining ibutang sa usa ka saplong [*sling*], mahimo kining mas huyang. Ang kada kinabig nagkinahanglan og usa ka responsibilidad....

“3. Ang kada kinabig kinahanglang ‘maamumahan pinaagi sa maayo nga pulong sa Dios’ (Moro. 6:4). Gikinahanglan kini nga siya mahimong mahisakop sa usa ka korum sa priesthood o sa Relief Society, sa Young Women, sa Young Men, sa Sunday School, o sa Primary. Kinahanglan siyang awhagon sa pag-adto sa sakrament miting aron sa pag-ambit sa sakrament, sa pagbag-o sa mga pakigsaad nga gihimo atol sa panahon sa bunyag” (*Ensign*, Mayo 1999, 106).

Ang ward council maoy mag-una sa paghatag og usa ka higala, responsibilidad, ug espirituhanong pag-amuma alang sa bag-o nga mga kinabig. Inyo silang tabangan sigun sa gihangyo. Ang mga lider sa priesthood ug ang mga miyembro maoy mohimo sa pag-*fellowship*, uban sa inyong tabang.

Pakighigala

- Sa wala pa ang bunyag ug pagkumpirma, siguroha nga ang mga miyembro anaa sa kada leksyon, kon posible. Kini nga mga miyembro kinahanglang kauban kanunay sa mga investigator aron sa pagtubag sa ilang mga pangutana, sa pagsabut sa ilang mga hagit, ug sa pag-awhag kanila.
- Dapita ang mga miyembro sa pagtambong sa tulumanon sa bunyag ug sa pag-abi-abi sa bag-o nga mga kinabig ngadto sa ward. Ang mga miyembro motabang sa bag-o nga mga kinabig nga mobati og kakomportable diha sa nagkalinlaing mga miting sa Simbahan. Kinahanglan usab silang ipaila-ila ngadto sa ubang mga miyembro.
- Ipaila-ila ang mga investigator ngadto sa bishop, sa iyang mga counselor, sa mga presidente sa elders quorum ug sa Relief Society, ug sa uban pang mga lider sa ward sa daling panahon kutob sa mahimo. Ipasabut ang mga katungdanan sa bishop ug sa uban pang mga lider sa ward.



Mga Oportunidad sa Pagserbisyo

- Tabangi ang lalaking mga kinabig nga makasabut ug makaandam sa pagdawat sa Aaronic Priesthood ug sa Melchizedek Priesthood. Ipasabut nga ang mga korum sa priesthood naghatag og mga oportunidad sa pagkat-on, sa pagsimba, ug nga magkaubang magserbisyo.
- Iapil ang bag-o nga mga kinabig ug ang dili kaayo aktibo nga mga miyembro diha sa mga oportunidad sa pagserbisyo sama sa pagtabang sa usa ka biyuda o laing tawo kinsa nagkasakit o pagsalmot sa mga proyekto sa welfare.
- Ipaila-ila ang mga kinabig ngadto sa mga family history consultant aron ilang makompleto ang family group record ug pedigree chart. Kon itugot sa sitwasyon, tabangi sila sa pagpangandam nga mabunyagan didto sa templo alang sa ilang namatay nga mga katigulangan.
- Dapita ang mga kinabig sa pag-andam og mga sakop sa pamilya ug mga higala nga matudloan sa mga misyonaryo. Ang mga misyonaryo kinahanglang mangayo og mga referral gikan sa bag-o nga mga kinabig ug sa dili kaayo aktibo nga mga miyembro.

Pag-amuma pinaagi sa Pulong sa Dios

- Humana pagtudlo ang mga baruganan diha sa leksyon 5, “Mga Balaod ug mga Ordinansa.”
- Pahinumdumi ang bag-o nga mga kinabig ug ang dili kaayo aktibo nga mga miyembro mahitungod sa mga pasalig nga ilang gihimo sa wala pa ang bunyag ug sa mga pakigsaad nga ilang gihimo sa dihang gibunyagan ug gikumpirmahan sila.
- Awhaga sila sa indibidwal nga pag-ampo ug ingon man uban sa ilang mga pamilya.
- Awhaga sila sa pagtuon sa mga kasulatan kada adlaw, ilabi na ang Basahon ni Mormon.

Mubo nga mga sulat

- Lig-una ang mga pagpamatuod sa bag-o nga mga kinabig kabahin sa Pagpahiuli sa ebanghelyo ni Jesukristo pinaagi kang Propeta Joseph Smith. Ribyuha ang mga leksyon nga inyong gitudlo sa wala pa ang bunyag ug pagkumpirma, nga mopahiangay sa mga imbitasyon sa pasalig ngadto sa ilang kasamtangan nga mga panginahanglan.
- Padayon sa pagtudlo sa kaimportante sa pagtambong sa simbahan kada Dominggo ug sa pag-ambit sa sakrament sa takus nga paagi. Tambong ug lingkod uban sa bag-ong mga kinabig [*convert*] o dili kaayo aktibo nga mga miyembro.
- Imbitara sila sa pagtambong sa klase sa mga Baruganan sa Ebanghelyo sa panahon sa Sunday School.
- Tudloi sila kon unsaon sa pagpahigayon og family home evening kada Lunes sa gabii nga ginamit ang *Family Home Evening Resource Book*.
- Awhaga sila sa pagpaambit sa gipahiuli nga ebanghelyo ngadto sa uban.
- Tabangi sila nga mopalista diha sa mga klase sa seminary o institute.
- Siguroa nga nahibalo sila sa mga kapanguhaan sa Simbahan sama sa www.mormon.org, www.lds.org, ug www.familysearch.org.

Pagtuon sa Kasulatan

Pag-amuma pinaagi sa Pulong sa Dios

Mosiah 18:18–20 Alma 31:5 Moroni 6:4

Pagserbisyo

Mosiah 2:17 Mateo 25:40 Ang Giya ngadto sa mga Kasulatan, “Pagserbisyo”

Unsa man ang Papel [*Role*] sa *Full-Time* nga Mission President?

Ang *full-time* nga mission president maoy naghupot sa mga yawe alang sa mga *convert baptism*. Ubos niini nga direksyon, ang *full-time* nga mga misyonaryo adunay nag-unang responsibilidad alang sa pagtudlo sa mga investigator. Hinoon, ang bishop maoy magtan-aw sa pag-uswag ug sa pagpakighigala sa mga investigator samtang gitudloan sila. Ang plano sa ward mission gibuhat ubos sa tigdumalang awtoridad sa bishop. Ang mission president kanunay nga makigkita sa mga stake president aron sa pagsiguro nga ang *full-time* nga mga misyonaryo makigtambayayong sa lokal nga mga lider sa priesthood. Makig-*coordinate* siya sa mga paningkamot sa pag-proselayt ug magtanyag og tabang sa stake president sa paghatag og instruksyon diha sa mga baruganan ug mga gipanghimo sa misyonaryo nga buhat.

Unsa man ang mga Responsibilidad sa mga Lider sa Stake ug Ward?

Ang lokal nga mga lider ug mga miyembro sa Simbahan maoy inyong pinakamaayo nga mga kaabin. Respetoha sila ug paningkamot sa pag-ugmad og maayong mga relasyon uban nila. Sa inyong pagtrabaho uban niining mga lidera, hinumdumi nga aduna silay uban pang mga responsibilidad nga may kalabutan sa ilang mga *calling*. Pagtinguha nga mahimong usa ka panalangin, dili usa ka palas-anon, ngadto sa mga lider sa inyong stake ug ward. Ang inyong kinaiya kinahanglang usa nga, “Unsaon man nato sa pagtabang?” Pakigtambag uban sa bishop ug sa ward mission leader mahitungod sa inyong mga plano ug mga kalihokan. Siguradoha nga kon unsay inyong gibuhat nagsuporta sa plano sa ward mission.

Ang mga katungdanan sa lokal nga pagpangulo sa priesthood sa misyonaryo nga buhat gihulagway sa ubos. Ang pagsabot sa ilang mga katungdnan makatabang kaninyo aron magtrabaho og mas maayo kauban nila.

Stake President

Ang stake president maoy magtan-aw sa mga bishop diha sa mga responsibilidad sa misyonaryo, retensyon, ug pagpaaktibo. Sa iyang binulan nga interbyu sa mga bishop, iyang hisgutan ang mga plano ug ang pag-uswag sa pihong mga investigator ug mga miyembro. Iyang siguroon nga ang mga doktrina nga may kalabutan sa misyonaryo nga buhat kanunayng gitudlo diha sa mga miting sa stake ug ward ug nga ang mga lider sa priesthood ug ang uban pa gibansay sa ilang misyonaryo nga mga responsibilidad.

Ang stake president kanunay usab nga makigkita sa mission president aron sa pag-*coordinate* sa misyonaryo nga mga paningkamot, lakip na sa pagbansay sa mga lider ug mga miyembro, paggamit ug pagbutang og *full-time* nga mga misyonaryo, ug tabang diha sa mga paningkamot sa pagpaaktibo.

High Councilor

Ang high councilor gisangunan sa stake presidency sa pagpalambo sa misyonaryo, retensyon, ug pagpaaktibo nga buhat diha sa stake. Kanunay siyang moreport sa pag-uswag niini nga buhat ngadto sa stake presidency. Sigurohon usab niya nga ang mga ward mission leader maayong pagkatudlo sa ilang mga katungdanan, lakip na sa pag-andam og usa ka plano sa ward mission.

Bishop

Ang bishop maoy responsable alang sa misyonaryo, retensyon, ug pagpaaktibo nga mga paningkamot diha sa ward. Ang iyang personal nga pagsalmot ug pagpangulo gikinahanglan kaayo. Aron sa pagtabang nga matuman kini nga buhat, ang bishop motawag og takus nga naghupot og Melchizedek Priesthood aron moserbisyo isip ward mission leader. Motawag siya og igong gidaghanon sa mga misyonaryo sa ward aron matubag ang mga panginahanglan sa ward.

Ang bishop mogamit sa priesthood executive committee ug sa the ward council aron sa pag-*coordinate* sa misyonaryo, retensyon, ug pagpaaktibo nga mga paningkamot. Naghatag siya og direksyon sa pagpalambo ug pagpahitabo sa usa ka plano sa ward mission.



Kalihokan: Pagtuon Kauban ang Kompanyon

Pagplano og panahon aron makigkita sa bishop. Tinguhaa ang iyang giya kon sa unsa nga paagi kamo labing makatabang sa ward.

Mga Lider sa Priesthood ug Auxiliary

Ang mga lider sa priesthood ug auxiliary kinahanglang kanunay nga moribyu sa kahimtang sa bag-ong mga miyembro ug sa dili kaayo aktibo nga mga miyembro ug planohi kon sa unsa nga paagi nga pinakamaayong maka-*fellowship* ug makapalig-on kanila. Kinahanglan usab silang makigtrabaho og maayo uban sa ward mission leader sa pag-*coordinate* sa misyonaryo, retensyon, ug pagpaaktibo nga mga paningkamot uban sa mga misyonaryo sa ward ug sa *full-time* nga mga misyonaryo.

Ward Mission Leader

Ubos sa direksyon sa bishop, ang ward mission leader:

- Mopakita og ehemplo sa pagpaambit sa ebanghelyo ngadto sa uban ug sa pag-*fellowship* sa mga investigator, bag-o nga mga kinabig, ug dili kaayo aktibo nga mga miyembro.
- Makig-*coordinate* sa buhat sa mga misyonaryo sa ward ug sa *full-time* nga mga misyonaryo uban sa mga lider sa priesthood, mga lider sa auxiliary, ug sa mga miyembro.
- Mogamit sa Rekord sa Pag-uswag, sa *Convert Action List*, ug sa *Bishopric Action and Interview List* aron sa pagribyu sa pag-uswag sa mga investigator, bag-o nga mga kinabig, ug sa dili kaayo aktibo nga mga miyembro diha sa mga miting sa priesthood executive committee ug ward council.
- Mopahigayon og sinemanang mga miting sa *missionary coordination*.
- Mag-organisar og mga tulumanon sa bunyag sa convert diha sa ward sa pakigtambayayong uban sa *full-time* nga mga misyonaryo. Usa ka sakop sa bishopric o ang ward mission sa kasagaran maoy mopahigayon niini nga mga tulumanon.

Ang ward mission leader nagserbisyo usab diha sa priesthood executive committee, ward council, ug ward welfare committee ug motambong sa mga miting sa pagpangulo sa priesthood sa stake.

Ward Missionaries

Kwalipikadong mga kaigsoonan gitawag aron sa pagserbisyo isip mga ward missionaries. Gi-*supervise* sila pinaagi sa ward mission leader.

Ang mga ward missionaries mangita, mo-*fellowship*, ug magtudlo og mga investigator. Motudlo usab sila ug mo-*fellowship* sa bag-o nga mga kinabig ug dili kaayo aktibo nga mga miyembro.

Ang ward missionary nga naghupot og Melchizedek Priesthood mahimong tawagon isip assistant ward mission leader.

Missionary Coordination

Ang misyonaryo nga buhat sa ward sa kasagaran gi-*coordinate* diha sa priesthood executive committee ug mga miting sa ward council pinaagi sa paggamit og Rekord sa Pag-uswag, nga ihatag sa *full-time* nga mga misyonaryo. Ang katuyoan sa misyonaryo niini nga mga miting mao ang pagreport, pagplano, ug pag-*coordinate* sa mga buluhaton sa pagpangita, pagtudlo pag-*fellowship*, ug sa pagpaaktibo sigun sa gi-*outline* sa mosunod nga mga paragrah.

Pagpangita og mga Tawo nga Katudloan. Ang priesthood executive committee ug ward council maghisgut og mga plano alang sa pag-andam og pihong mga tawo nga katudloan sa *full-time* nga mga misyonaryo. Ilang hisgutang ang pag-uswag sa pihong mga miyembro sa ward sa pag-andam sa mga indibidwal ug mga pamilya alang sa mga leksyon sa misyonaryo.

Pagtudlo ug Pagbunyag. Ang priesthood executive committee ug ward council moribyu sa Rekord sa Pag-uswag kada semana, nga naghulagway sa pag-uswag sa kada tawo nga gitudloan sa *full-time* nga mga misyonaryo. Ila usab nga *i-coordinate* ang mga plano alang sa pagtudlo diha sa mga panimalay sa mga miyembro, *pag-fellowship* sa mga investigator, ug sa pagsiguro sa pag-apil sa miyembro atol sa mga tulumanon sa bunyag.

Pag-fellowship ug Pagtudlo sa Bag-ong mga Miyembro. Ang priesthood executive committee ug ward council moribyu sa *Convert Action List* aron sa pagmonitor sa pag-uswag sa kada bag-o nga miyembro. Ila usab nga hisgutan kon unsaon sa *pag-fellowship* sa bag-ong mga miyembro. Sigun sa gihangyo sa bishop, morekomendar sila og potensyal nga mga *calling* alang sa bag-o nga mga kinabig.

Pag-fellowship ug pagtudlo sa Dili Kaayo Aktibo nga mga Miyembro. Ang priesthood executive committee ug ward council mag-*coordinate* sa pagpaaktibo nga mga paningkamot sa mga korum sa priesthood ug sa *full-time* nga mga misyonaryo. Ila usab nga planohan kon unsaon sa *pag-fellowship* sa dili kaayo aktibo nga mga miyembro, ilabi na sa pagdapit kanila sa mga miting sa Simbahan ug sa mga kalihokan.

Dugang nga *Coordination* uban sa Ward Mission Leader

Ang misyonaryo nga buhat diha sa ward sa kasagaran gi-*coordinate* diha sa mga miting sa priesthood executive committee ug ward council. Kon gikinahanglan ang dugang nga *coordination*, ang ward mission leader mahimong mopahigayon og mga miting sa *missionary coordination* uban sa *full-time* nga mga misyonaryo. Ang uban nga mahimong dapiton sa pagtambong niini nga miting maglakip sa mga ward missionaries, ang assistant gikan sa kapangulohan sa grupo sa mga high priest, usa ka counselor gikan sa kapangulohan sa elders quorum, ug usa ka counselor gikan sa kapangulohan sa Relief Society.

Kadtong nagtambong sa miting mahimong moribyu ug moreport bahin sa mga buluhaton ug mga tumong gikan sa miaging miting ug maghisgut sa mga plano alang sa moabut nga semana. Kon gikinahanglan, mahimo usab nilang *i-coordinate* ang mga buluhaton sa mga ward missionaries sa pagtrabaho uban sa *full-time* nga mga misyonaryo ug maghisgut kon unsaon sa paghimo og hiniusang mga paningkamot sa mga ward missionaries ug sa *full-time* nga mga misyonaryo nga mas epektibo.

Plano sa Ward Mission

Daghang mga ward ang nakabantay nga ang paghimo og usa ka plano sa ward mission makapalambo sa misyonaryo nga buhat sa ward. Ang ingon nga plano mahimong maglakip sa mga tumong, mga *initiative*, ug mga kalihokan aron sa pagtabang sa mga miyembro sa ward nga modapit og mga tawo nga maminaw sa ebanghelyo. Ang mga indibidwal ug mga pamilya makabeneepisyo usab gikan sa pagpalambo sa ingon nga plano aron sa paggiya sa ilang mga misyonaryo nga mga paningkamot.

Ang mga miyembro kinahanglang mogamit sa kada madungganon nga paagi aron sa pagpangita og mga tawo kinsa andam sa pagpaminaw sa mensahe sa Pagpahiuli. Kinahanglan nilang hatagan og gibug-aton ang pagpangita og mga amahan, mga inahan, ug mga anak kinsa moanha sa Simbahan isip mga pamilya. Ang mosunod maoy pipila ka mga sugyot nga konsiderahon diha sa pagpalambo og usa ka plano sa misyon.

- Pag-ampo nga ang Ginoo moandam sa mga kasingkasing sa piho nga mga tawo nga maminaw sa ebanghelyo. Pag-ampo usab nga mahimong sensitibo ngadto niadtong kinsa Iyang giandam (tan-awa sa Alma 6:6). “Usa kini ka mahinungdanong adlaw”

Mubo nga mga sulat

nagtudlo si Presidente Gordon B. Hinckley, “kon ang atong mga katawhan dili kay mag-ampo alang sa mga misyonaryo sa tibuok kalibutan, apan mohangyo usab sa Ginoo sa pagtabang sa mga misyonaryo kinsa nagtrabaho diha sa ilang kaugalingong ward” (“Misionaryo nga Pag-alagad,” *Unang Tibuok Kalibutan nga Miting sa Pagbansay sa Pagpangulo*, Ene. 2003, 19).

- Magmabinantayon sa mga oportunidad sa pagtabang sa uban. Magmahimong maayo nga silingan ug motabang pinaagi sa gugma ngadto sa tanang mga tawo.
- Hangyoa ang mga higala ug mga silingan sa pagserbisyo kauban sa mga miyembro sa mga butang sama sa paghatag og serbisyo sa komunidad, paghatag og makaon niadtong nagkinahanglan, pagtudlo sa ginagmay nga mga klase diha sa mga miting sa pagpalambo sa Relief Society, pagtabang sa mga kalihokan sa ward, pagtabang sa mga tawo nga mamalhin, pagtrabaho diha sa *Scouting*, ug sa pagtabang sa mga proyekto sa family history o sa welfare.
- Dapita ang dili miyembro nga mga paryente, mga higala, ug mga silingan ngadto sa mga bunyag, pagkumpirma, ug mga ordinasyon sa priesthood.
- Dapita ang dili mga miyembro sa pagtabang sa espesyal nga mga kalihokan, sama sa usa ka pamahaw sa nasyonal nga *holiday*.
- Maghimo sa mga miting, mga kalihokan, mga *fireside*, ug mga *open house* sa ingon nga kalidad ug interes nga ang mga miyembro mobati og kadasig sa pagdapit sa mga kaila sa pagtambong.
- Dapita ang mga tawo ngadto sa mga family home evening.
- Mobisita sa mga tawo nga nakasinati og mga kausaban sa ilang kinabuhi, sama sa mga kaminyoon, pagkahimugso, o mga kamatayon.
- Bisitahi ug tabangi ang mga tawo kinsa mamalhin diha sa kasilinganan. Pagpaambit og kasayuran mahitungod sa komunidad, kasilinganan, ug sa Simbahan.
- Gamita ang kada oportunidad sa pagpakigsulti kabahin sa ebanghelyo. Hisguti ang ingon nga mga hilisgutan sama sa Manluluwas, ang Basahon ni Mormon, ang Biblia, ang katuyoan sa kinabuhi, ang pamilya, ug family history.
- Awhaga ang kabatan-onan sa pagpakighigala sa ubang mga batan-on ug sa pagdapit kanila sa mga miting sa Simbahan ug mga kalihokan.
- Trabaho uban sa mga pamilya nga dili tanang mga sakop sa pamilya miyembro sa Simbahan.
- Pagplano og makabayaw sa espiritu nga mga sakrament miting.

Kalihokan: Pagtuon Kauban ang Kompanyon

- Kauban ang imong kompanyon, basaha ug hisguti ang mga pahina 34–37 sa *True to the Faith*, “Church Administration.”
- Makig-ambit uban sa imong kompanyon ug isulat sa imong journal sa pagtuon kon unsay imong nakat-unan.
- Hisguti kon sa unsa nga paagi nga ang imong mga hunahuna makaimpluwensya sa paagi unsaon sa pag-atubang sa imong trabaho uban sa mga lider sa Simbahan.

Ang Pasalig nga Magpabiling Aktibo diha sa Simbahan

Ang misyonaryo nga buhat adunay labing dako nga epekto niini samtang ang mga tawo maghimo ug magtuman sa pasalig nga magpabiling aktibo diha sa Simbahan sa tanang mga adlaw sa ilang kinabuhi. Dili igo alang sa mga tawo nga yano lamang nga moadto sa Simbahan. Kinahanglan silang moadto aron magpabilin. Ang tanan ninyong gitudlo ug mga imbitasyon kinahanglang idirekta ngadto niini nga tumong. Aron makadawat sa tanang mga panalangin nga giandam sa atong Langitnong Amahan alang kanila, ang mga miyembro kinahanglang magpadayon sa pagsunod sa ebanghelyo ug magmahimong aktibo diha sa Simbahan.

Si Nephi nagtudlo: “Ug karon, akong hinigugma nga mga kaigsoonan, human kamo makasulod niini nga higpit ug pig-ot nga dalan, ako mangutana kon ang tanan natuman ba? Tan-awa, ako moingon nganha kaninyo, Wala; . . . kamo kinahanglan nga mopadayon sa unahan uban ang pagkamakanunayon kang Kristo . . . ug molahutay hangtud sa katapusan, tan-awa, sa ingon miingon ang Amahan: Kamo makabaton og kinabuhing dayon” (2 Nephi 31:19–20).

Ihatag ang inyong pinakamaayong mga paningkamot sa pagtabang sa mga tawo nga mahimong sarang sa “kinabuhing dayon, diin nga gasa mao ang labing mahinungdanon sa tanan nga mga gasa sa Dios” (D&P 14:7).

Hinumdumi Kini

- Pag-ugmad og lig-ong mga relasyon uban sa bishop ug sa mga miyembro sa ward council.
- Salmot sa angay nga mga paagi atol sa mga miting sa priesthood executive committee ug ward council.
- Magmaalagaron ngadto sa ward council. Kon ang mga sakop sa council mangayo sa imong tabang:
 - Magmahimong andam sa pag-*fellowship* sa mga kinabig ug dili kaayo aktibo nga mga miyembro, tabangi sila diha sa ilang mga *calling* ug mga oportunidad sa pagserbisyo, ug itudlo pag-usab ang mga leksyon sa misyonaryo.
 - Uban sa mga miyembro, tudloi ang bag-o nga mga kinabig sa leksyon nga “Mga Balaod ug mga Ordinansa.”

Mga Ideya sa Pagtuon ug Paggamit

Personal nga Pagtuon

- Gamit ang imong daily planner, paghimo og mga plano sa pagpakig-istorya sa bag-o nga mga kinabig ug bag-ohay lang nga nahimong aktibo nga mga miyembro mahitungod sa pagkausab sa ilang kinabuhi ug sa pagtambong sa simbahan. Unsa man ang mas nakatabang kanila? Diha sa imong journal sa pagtuon, isulat ang imong mga hunahuna mahitungod sa ilang mga kasinatian. Unsa man ang imong nakat-unan nga makatabang kanimo sa pagtrabaho uban sa imong kasamtangan nga mga investigator?
- Tun-i ang 2 Nephi 31:18–20; Alma 26:1–7 ug 32:32–43; ug Moroni 6. Isulat kon unsay imong nakat-unan gikan niini nga mga bersikulo kabahin sa paglig-on sa bag-o nga mga kinabig.

Pagtuon Kauban ang Kompanyon

- Sa panahon sa miting sa ward council, pangutan-a ang bishop kon adunay dili kaayo aktibo nga mga miyembro diha sa inyong dapit nga gusto niya nga inyong bisitahan karong semanaha. Sa inyong pagbisita niining dili kaayo aktibo nga mga miyembro, pagtinguha sa pagpalambo sa ilang hugot nga pagtuo diha kang Jesukristo. Pangayo kanila og mga referral.
- Tun-i ang 1 Mga Taga-Corinto 3:2; Mga Hebreohanon 5:12; ug Doktrina ug mga Pakigsaad 19:22. Unsa man nga gatas ang gipasabut? Unsa man ang magahi nga kalan-on? Itandi ang imong mga tubag sa mga doktrina diha sa hugna nga “Unsa man ang Akong Gitun-an ug Itudlo?” Nganong kinahanglan man kang mohatag sa gatas ug sa magahi nga kalan-on sa saktong pagkasunod-sunod ug sa saktong gidaghanon? Unsaon man kana nimo sa pagbuhat?
- Basaha ang mosunod nga kinutlo, diin si Presidente Joseph F. Smith naghulagway sa iyang mga pagbati sa panahon sa iyang bunyag:

“Ang pagbati nga miabut kanako mao ang lunsay nga kalinaw, gugma ug kahayag. Akong gibati sa akong kalag nga kon ako nakasala-ug sa tinuoray wala gyud mahitabo nga wala koy sala-nga niana gipasaylo ako; nga sa pagkatinuod nalimpyohan ko gikan sa sala; ang akong kasingkasing natandog, ug akong gibati nga dili ko makapasakit sa kinagamyang nga insekto sa ilawom sa akong mga tiil. Kon akong gibati nga gusto kong mobuhat og maayo bisan asa ngadto sa tanang tawo ug sa tanang butang. Mibati ko og kabag-o sa kinabuhi, kabag-o sa tinguha sa pagbuhat sa unsay matarung. Walay usa ka lugas sa tinguha alang sa kadautan nga nahabilin sa akong kalag Mao kini ang impluwensya nga miabut ngari kanako, ug nasayud ko nga naggikan kini sa Dios, ug mao ug kanunay gyung usa ka buhing saksi ngari kanako sa akong pagdawat sa Ginoo” (*Gospel Doctrine*, ika-5 nga edisyon [1939], 96).

Karon basaha kon unsay giingon ni Presidente Smith kabahin sa iyang mga pagbati human sa dugay nang panahon sa iyang bunyag:

“Oh! nga unta mapabilin nako kanang samang espiritu ug kanang samang tinuoray nga tinguha sa akong kasingkasing kada gutlo sa akong kinabuhi gikan [sa adlaw sa akong bunyag] hangtud niini. Pero daghan kanato ang nakadawat niana nga pagsaksi, niana nga bag-ong pagkahimugso, nianang kausaban sa kasingkasing, samtang mahimong masayop kita sa paghukom o nakahimo og daghang mga sayop, ug sa kasagaran tingali mahilayo sa tinuod nga sumbanan sa atong kinabuhi, nakahinulsol kita sa kadautan, ug nagtinguha kita matag karon ug unya sa kapasayloan diha sa kamot sa Ginoo; aron nga hangtud karong adlaw ang samang tinguha ug katuyoan nga misuhot sa atong mga kalag sa dihang nabunyagan kita ug nakadawat og kapsayloan sa atong mga sala, anaa lang gihapon diha sa atong mga kasingkasing, ug mao lang gihapon ang nagmandong sentimento ug gana sa atong mga kalag” (*Gospel Doctrine*, 96).

A

Aaronic Priesthood, gipahiuli, 43–44
 Aborsyon, ug katakus alang sa bunyag, 252
 Amahan sa Langit, 56–57
 Amahan, mga; katungdanan sa, 99
 Apostasiya, gihubit [*defined*], 38–39
 ang Grabe nga, 40–41
 Auxiliary, mga lider sa, mga katungdanan sa, 265

B

Bag-ong mga miyembro, usa ka tinubdan alang sa pagpangita og mga investigator, 198–99
i-fellowship sa mga misyonaryo, 255
 makadawat pag-usab sa mga leksyon, 255
 modawat og mga leksyon, 33
 pagpalig-on, 259–61
 Balaang Espiritu sa Saad, 108
 Balaod ug mga ordinansa, mga; human sa bunyag, 96–03
 unsaon sa pagtuon, 96–97
 unsaon sa pagtudlo kabahin sa, 96–97
 Balaod, sunda ug tahura, 95
 Ballard, M. Russell, kabahin sa mga tumong, 177–78
 kabahin sa gahum sa Espiritu, 111
 “Banay: Usa ka Pamahayag ngadto sa Kalibutan, Ang, 3, 95–00
 Basahon ni Mormon, nagtubag sa mga pangutana sa kalag, 127–28
 isip tukurang bato, 124
 nagpaduol sa mga tawo ngadto sa Dios, 129
 ebidensya sa kabalaan ni Jesukristo, 123
 ebidensya sa Pagpahiuli, 44–45, 123
 unsaon sa pagbasa, uban sa mga investigator, 131–32
 unsaon sa paggamit, 131–32
 katuyoan sa, 44–45
 pagbasa, aron makat-on sa pinulongan sa misyon, 157–58
 nagsuporta sa Biblia, 126–27
 nagpamatuod kang Jesukristo, 125–26
 Benson, Ezra Taft, sa pagtubag sa mga pangutana kabahin sa Basahon ni Mormon, 130
 kabahin sa Basahon ni Mormon isip tukurang bato, 124
 kabahin sa mahinungdanong mga pangutana sa tawo, 127–29
 kabahin sa kaimportante sa Espiritu, 214
 kabahin sa pagdala sa ebanghelyo ngadto sa kalibutan, 2
 kabahin sa trabaho, 147
 Biblia, nagsuporta sa Basahon ni Mormon, 126–27
 Bishop, 182
 ug misyonaryo nga buhat, 197
 nagdumala sa misyonaryo nga mga paningkamot sa ward, 262
 misyonaryo nga mga katungdanan sa, 265
 Buddha (Gotama), 54
 Bunyag, interbyu sa, unsaon sa pagpahigayon, 249–53
 pag-andam sa mga investigator alang sa, 248–49
 mga pangutana, 250
 kinsa ang mopahigayon, 251
 Bunyag alang sa patay, 100–01
 Bunyag ug pagkumpirma, 10, 88
 mga pangutana ug mga tubag kabahin sa, 251–52
 mga rekord, 253

Bunyag, pagdapit sa, 47, 77
 gikinahanglan alang sa pagkamiyembro sa Simbahan, 75
 wala kinahanglana alang sa gagmay nga mga bata, 75
 sa kalayo, 76
 sa dili kwalipikado nga mga bunyaganan, 251–52
 atong unang pakigsaad, 74–75
 pagpangandam alang sa, 247–48
 mga kwalipikasyon alang sa, 248
 Bunyag, tulumanon sa, unsaon sa pagpahigayon, 253–54

C

Cabrera, Victor Manuel, istorya sa pagkakabig, 192
Calling, diha sa Simbahan, 102
Tan-awa usab sa Misyonaryo nga tawag
 Calvin, John, 53
 Celestial nga gingharian, 62
Concern [Kabalaka], mga, kinahanglang sulbaron ang sa mga investigator nga, 227–28
 Confucius, 54
Convert baptism, gihubit, 251

D

Depinisyon, mga; sa dili pamilyar nga mga pulong, 24–25
 Dili kaayo aktibo nga mga miyembro, usa ka tinubdan alang sa pagpangita og mga investigator, 198
 Pagpalig-on, 259–60
 Dili Kristiyano og kagikan, nagtudlo sa mga tawo sa ebanghelyo ngadto sa, 232–33
 Dios Amahan, nagpakita ngadto ni Joseph Smith, 43
 Dios, atong Langitnong Amahan, 36–37, 56–57
 Dios, pagtudlo sa dili mga Kristiyano kabahin sa, 37
 Dios, saktong pagsimba sa, 89–90
 Dios-dios, mga, 89
 Dispensasyon, gihubit, 38
 Dispensasyon, mga; 38–39
 District meeting, ug pagtuon, viii
 katuyoan, ix

E

Ebanghelyo, 70–77
 mopanalangin sa mga pamilya, 3, 37
 gihubit, 6, 81
 motubag sa mga panginahanglan sa mga tawo, 1–2
 katuyoan sa, 7
 Pagpahiuli sa, 42–43
 Ebanghelyo ni Jesukristo. *Tan-awa sa* Ebanghelyo *Endowment*, 100–01
 Eskedyul. *Tan-awa sa* Inadlaw nga eskedyul sa misyonaryo
 Espiritu, gahum sa, sa pagkabig, 108–09
 mga pag-aghat sa, 113–14
 kinahanglang direkta ang pagtudlo, 214
 pagtudlo pinaagi sa, 3–4
 Espiritu, kalibutan sa, 61
 Espiritu ni Elijah, 200–01
 Espirituhanong kamatayon, gitino, 68
 Espiritu Santo, gasa sa, 107
 Pagkat-on pinaagi sa, 20
 personahe sa, 107
 gahum sa, 107

F

Family history, buhat sa, 100–01
 Family history, isip usa ka tinubdan alang sa pagpangita og mga investigator, 200–01
 Family history, mga sentro sa; usa ka tinubdan alang sa pagpangita og mga investigator, 201
 Family home evening, 100
 Faust, James E., kabahin sa paglaum, 142
 kabahin sa klaro nga pagtudlo, 221
Fellowship, sa bag-ong mga miyembro, 255
Flexibility, sa pagtuon, vii
 sa pagtudlo, vii
Follow up, ug pasalig, 243

G

Gasa sa Espiritu Santo, 76, 107
 Gasa sa mga pinulongan, 160–61
 Gasa sa Espiritu, mga, 107
 Genealogy, isip usa ka tinubdan alang sa pagpangita og mga investigator, 200–01
 Gilimpyohan gikan sa sala, 2, 6–7, 70–71
 Ginghamarian sa himaya, mga, 62
 Grabe nga krimen, ug katakus alang sa bunyag, 251–52
 Grasya, gihubit, 81
 Gugma, 142–43
 Gugmang putli, 142–43

H

Hinckley, Gordon B., mga misyonaryo sa pagbugkos sa mga kinabig ngadto sa Simbahan, 261
 pagbugkos sa mga kinabig ngadto sa Simbahan, 261
 kabahin sa retensyon sa kinabig, 260–61
 kabahin sa hugot nga pagtuo ug pag-ampo, 110–11
 kabahin sa mga miyembro sa pagtabang sa mga misyonaryo, 196–97
 kabahin sa mga pag-ampo sa mga misyonaryo, 111
 kabahin sa mga panginahanglan sa bag-ong mga kinabig, 262–63
 kabahin sa mainampoong pagbasa sa Basahon ni Mormon, 129
 kabahin sa pag-ila sa Espiritu, 115
 kabahin sa pagserbisyo, 205, 61
 Hiyas, 128–29
 Hiyas, kalihokan kabahin sa, pag-*evaluate* sa kaugalingon, 152
 Hiyas, mga, unsaon sa pagtuon, 140
 ni Kristo, 139
 Holland, Jeffrey R., kabahin sa pagkat-on sa pinulongan, 154–55
 kabahin sa pagpaminaw, 225
 kabahin sa pagtudlo uban sa gahum, 9
 Home teaching, 225–26
 Homosekswal nga mga pakigrelasyon, ug katakus alang sa bunyag, 252
 Hugot nga pagtuo, ug pagpangita og mga tawo nga katudloan, 189
 ug pag-ampo, 110–13
 diha kang Jesukristo, 71–72, 140–41
 Hunter, Howard W., kabahin sa pag-ila sa Espiritu, 117

I

Iceberg, mga kabalaka o *concern* sama sa, 227–28
 Ideya sa pagtuon ug paggamit, mga; unsaon sa paggamit, xi
 Igpapahulay, adlaw nga; pagtuman sa, balaan, 87
 Ikaduhang Pag-anhi ni Jesukristo, 43
 Ikapulo, balaod sa, 92
 Ikapulo ug mga halad, mga; paghatag, 94
 Impormasyon, mga kahan sa; diha sa “*Isangyaw ang Akong Ebanghelyo*,” x–xi
 Inadlaw nga sesyon sa pagplano, 182–83
 Inahan, mga; katungdanan sa, 99–00
 Iningles, kinahanglang makat-unan, 154–55
 Investigator, mga; mga misyonaryo nga moandam sa, alang sa interbyu sa bunyag, 248
 paghimo og mga tumong alang sa, 179–82
 nga mobasa sa Basahon ni Mormon, 131–32
 “*Isangyaw ang Akong Ebanghelyo*,” gigamit sa mga ward missionaries ug mga lider, xi
 unsaon sa paggamit, vii

J

Jesukristo, mipakita ngadto ni Joseph Smith, 43
 isip Manunubos, 60, 70–71
 Pag-ula ni. *Tan-awa sa* Pag-ula
 Yutan-ong panglagad ni, 40
 Pagtabang sa mga tawo nga makat-on bahin ni, 55

K

Kabubut-on, 56–57
 Kahayag ni Kristo, 106
 Kahibalo, 144
 Kahigawad, 12
 Kahimayaan, 62–63
 gihubit, 68
 Kahoy sa kinabuhi, kalihokan, 2
 Kakugi, 147
 Kalampusan, gihubit, 12
 Kalooy, gihubit, 82
 Kaluwasan, maangkon sa tanan, 101–02
 gihubit, 68
 plano sa, 55–63
 Kanhi nga mga investigator, isip usa ka tinubdan alang sa pagpangita og mga tawo nga katudloan, 203
 Kaputli, balaod sa, 90
 Kasulatan, mga; pagmarka, 28
 gamit sa, sa pagtudlo, 219–22
 Kasulatan, pagtuon sa; usa ka sugo, 86–87
 Katubsan, gihubit, 69
 Katungdanan, sa pagtudlo sa gipahiuli nga ebanghelyo, 1
 Katungod, sa misyonaryo, 4–5
 Priesthood, nawala, 40–41
 Gipahiuli, 42–43
 Katuyoan, isip usa ka misyonaryo, 1
 Kimball, Spencer W., kabahin sa misyonaryo nga buhat ug buhat sa templo, 200
 kabahin sa pag-*set apart*, 4–5
 Kinabuhi sa yuta, 59
 Kinabuhing dayon, gihubit, 82
 Kinabuhi sa wala pa dinhi sa mortal nga kinabuhi, gihubit, 68
 Kinabuhi sa wala pa dinhi sa yuta, 56–57
 gihubit, 68
 Kompanyon, pag-imbentaryo sa panag-, 182–83

Kompanyon, pagtuon kauban ang, katuyoan, ix
eskedyul, viii
Konbersyon, ang papel sa misyonaryo sa, 109
ang papel sa Espiritu sa, 109
Kristo. *Tan-awa sa Jesukristo*
Kristo, Kahayag ni. *Tan-awa sa Kahayag ni Kristo*
Kristo, mga hiyas sama kang, mga gasa sa Dios,
139
 unsaon sa pagpalambo, 148
 kinahanglan nga palamboon, 139
Kultura, gikinahanglang kat-unan, 160

L

Langitnong Amahan, 36–37
Lee, Harold B., kabahin sa kaimportante sa mga
pamilya, 3
 kabahin sa pagtudlo alang sa panabut, 234
Leksyon, alang sa bag-ong mga miyembro, 33–34
 itudlo sa mga investigator, 33–34
 gamiton alang sa pagtuon ug pagbansay,
 33–34
Libro sa Erya [Area book], gihulagway, 169–71
 gamiton aron sa pagpangita sa kanhi nga mga
 investigator, 203
Luther, Martin, 53

M

Mahangturong kaminyoon, 99–00
Mahinungdanong ilhanan, mga; gihubit, 166–68
 alang sa konbersyon, 166–68
 paghimo og mga tumong alang sa, 177
Maxwell, Neal A., kabahin sa paglaum, 142
Media, mga referral nga gikan sa, 199
Melchizedek Priesthood, gipahiuli, 43
Mensahe sa Pagpahiuli, 36
 ug mga pamilya, 195
 gipasabut, 8–9
Minor de edad nga mga bata, ug bunyag, 251
Minubo nga Report pinaagi sa Pagtawag sa
 Telepono, porma gihulagway, 174
Mission president, mga katungdanan sa, 264
Missionary coordination, 266–67
Misyon, pinulongan sa; ug lumad nga
 pinulongan, 153
 Pag-andam sa pagkat-on, 153
 nagkinahanglan og pagpahinugod, 154
Misyonaryo, Daily Planner sa; gihulagway, 174–75
Misyonaryo, inadlaw nga eskedyul, viii
Misyonaryo, mga libro sa, ix
Misyonaryo nga buhat, buhaton sa mga
 miyembro, 98–99
Misyonaryo nga *calling*, ug responsibilidad, 4–5
 gahum ug katungod sa, 4–5
 sa pagtudlo sa gipahiuli nga ebanghelyo,
 213–14
Misyonaryo nga katuyoan, sa pagrepresentar
 kang Jesukristo, 2
Misyonaryo nga kalampusan, 12
Misyonaryo, papel diha sa konbersyon, 108–09
Misyonaryo, Sinemana nga Report sa; ang porma
 gihulagway, 177
Miyembro, mga; kahadlok sa paghimo sa
 misyonaryo nga buhat, 197
 motabang sa pagpangita og mga investigator,
 196–98
 unsaon sa pagtabang, sa misyonaryo nga
 buhat, 198
Mohammed, 54

Monson, Thomas S., kabahin sa paghatag og
 pagpamatuod, 241
 kabahin sa pinulongan sa Espiritu, 160
 kabahin sa pagsukod sa *performance*, 183
 kabahin sa pagpailub, 145
 kabahin sa pagtudlo uban ang mga
 miyembro, 218

N

Napahimulag [*excommunicated*] nga mga
 miyembro, kon bunyagan ba, 251
Napulo ka mga Sugo, pagsunod sa, 88–89

O

Oaks, Dallin H., bahin sa pagdapit sa uban sa
 pagduol ngadto ni Kristo, 10
Ordinansa, gihubit, 74

P

Pablo, istorya kabahin sa konbersyon pinaagi sa
 pagserbisyo, 205–206
Packer, Boyd K., kabahin sa pagbunyang pinaagi
 sa tubig ug kalayo, 10
 kabahin sa pagpugos sa espirituhanong mga
 butang, 120
 kabahin sa pag-ila sa Espiritu, 113, 117
 kabahin sa Espiritu sa pagkakabig, 109
 kabahin sa espirituhanong mga kasinatian,
 117
 kabahin kon unsaon sa pagtuon ang mga
 kausaban sa kinaiya, 21
 kabahin sa maamumahong gahum sa Basahon
 ni Mormon, 129
 kabahin sa kahayag ni Kristo, 106
Pag-ampo, usa ka sugo, 85
 ug hugot nga pagtuo, diha sa pagkakabig,
 108–09
 sukdanan [*evaluation scale*], 112–13
 unsaon sa pagtanyag, 46
 paagi sa pagkat-on sa kamatuoran, 46
 papel sa, 45
 mga sugyot alang sa, 108–09
Pagbalik sa Kalag sa Laing Lawas
 [*Reincarnation*], ug pagkabanhaw, 62
Pag-establisar sa Simbahan, 11–12
Paghimo og maayo, 205–06
Paghinulsol, 72–73, 228–31
 ug pasalig, 237
Paghukom, gihubit, 68–69
 ang katapusang, 62
Pagkaayo gikan sa pagkaadik, 228–29
Pagkabanhaw, 62
 gihubit, 60, 69
Pagka-imortal, gihubit, 69
 gipasabut, 62
Pagkamapainubsanon, 146
Pagkamasulundon, 148
 usa ka sugo, 84–85
Pagkamay-tulubagon, 183–84
Pagkamortal, 59
 gihubit, 68
 katuyoan sa, 36–37
Pagkapukan ni Adan ug ni Eva, 58
 gitino, 68
Pagkat-on, usa ka proseso sa pagdawat sa
 pagpadayag, 20–21
 isip usa ka miyembro sa Simbahan, 102
 pinaagi sa Espiritu Santo, 20

- Pagkumpirma, 76
 gihubit, 82
 unsaon sa pagpahigayon, 254
 pagpangandam alang sa, 247–48
Tan-awa usab sa bunyag ug pagkumpirma
- Paglahutay hangtud sa kahangturan, 77, 102
 gihubit, 82
- Paglalang, sa yuta, 57
- Paglaum, 142
- Pagmarka sa mga kasulatan, 28
- Pagpadayag, personal nga, 105–06
- Pagpahiuli, mensahe sa, gipasabut, 8–9
 kabahin sa ebanghelyo, 42–44
- Pagpamatuod, hatag kanunay, 241–42
- Pagpaminaw, sa pagpalambo sa mga kahanas sa
 pinulongan, 157
 gamit sa, sa pagtudlo, 225–26
- Pagpangita og mga investigator, mga sugyot
 alang sa, 204–05
- Pagpangita og mga tawo nga katudloan, 189–90
- Pagpangita, ug pagtudlo, 193
- Pagreporma, 41
- Pagsag-ulo, ug pagtudlo, vii
- Pagsulti, mga ideya alang sa, uban sa lain, 192
 himan alang sa pagpangita og katudloan,
 191–92
- Pagsunod sa propeta, 88–89
- Pagsupak, mga; unsaon sa pagtubag, sa Basahon
 ni Mormon, 130
- Pagtudlo, ipahiangay sa pagtubag sa mga
 panginahanglan, 216–17
 ug pagpangita og katudloan, 193–94
 ug pagpaminaw, 225–26
 ug pagsag-ulo, vii
 pinaagi sa Espiritu, 4
 tambag sa Unang Kapangulohan kabahin sa,
 213–14
 unsaon sa pagsugod, 214–15
 diha sa usa ka *calling* sa Simbahan, 102
 kadugayon sa mga sabut, 217
 kadugayon sa mga leksyon, vii
 mga tawo nga walay *background* sa
 Kristiyanismo, 232
 ang ebanghelyo isip usa ka misyonaryo,
 213–14
 kauban ang kompanyon, 217–18
 kauban ang mga miyembro, 218
 nga dunay mga pangutana, 223–24
 nga dunay mga kasulatan, 219–20
- Pagtudlo, Rekord sa; porma gihulagway, 171–72
- Pagtukod sa Simbahan, 190
- Pagtuon, giaprubahan nga mga kapanguhaan
 alang sa, 26–27
 isip pagpangandam sa pagtudlo, 22–24
 pagsugod uban sa pag-ampo, 19–20, 26
 epektibo, 19
 mga sumbanan alang sa, 23–24
 mga sugyot alang sa epektibo nga, 25–28
- Pagtuon, journal sa; gipasabut, x
- Pag-ula, 36–39, 40, 56–57, 60–61, 79–80
 gihubit, 69
- Pag-uswag, Rekord sa; porma gihulagway,
 172–73
- Pailub, 146
- Pakigsaad, gihubit, 82
 gipasabut, 74
- Pamilya, katuyoan sa, 99
- Pamilya sa Dios, 36–37, 189–90
- Pamilya, mga; napanalanginan sa ebanghelyo, 37
 gipahiuli nga ebanghelyo mopanalangin, 3
 pagtudlo kabahin sa kaimportante sa, 195
- Panahon, paggamit sa, epektibo, 165
- Panalangin, mga; ug mga pasalig, 240–41
- Pangutana, mga; sa kalag, ug sa Basahon ni
 Mormon, 127
- Pangutana, mga; ug pasalig, 239–40
 unsaon sa pagtubag, sa Basahon ni Mormon,
 129
 gamit sa, sa pagtudlo, 223–24
- Pasalig, mga; katuyoan sa, 9–10
- Pasalig, mga pagdapit sa, 237–38
- Pasalig, ug mga panalangin, 240
 ug direkta nga mga pangutana, 239–40
 pagpalambo sa hugot nga pagtuo, 238
 gikinahanglan nga bahin sa paghinulsol, 237
- Pasidaan, sa pagdawat og pagpadayag, 116–17
- Perry, L. Tom, kabahin sa pagkamasulundon, 148
- Personal nga pagpadayag, 105–06
- Personal nga pagtuon, katuyoan, viii–ix
 eskedyul, viii
- Pinulongan, mga; gasa sa, 160–61
- Pinulongan, pagkat-on sa; ug *grammar*, 156–57
 ug pagsag-ulo, 156
 mga tumong, 155
 mga baruganan sa, 155
 plano sa pagtuon, 155–58
 mga himan alang sa, 155
 kauban ang mga kompanyon, 159
- Pisikal nga kamatayon, gihubit, 68–69
- Plano sa kaluwasan, 55–63
 tsart, 63
- Potensyal nga mga Investigator, porma
 gihulagway, 173
- Presidente sa Simbahan, mga; kabahin sa
 misyonaryo nga buhat, 13–15
- Priesthood, Aaronic, 97–98
 gihubit, 38
 Melchizedek, 97–98
 pagpahiuli sa, 43–44, 97–98
- Priesthood, mga lider sa; mga katungdanan sa,
 265–66
- Priesthood ug mga auxiliary, 97–98
- Primary, organisasyon sa, 98
- Propeta, mga; gipasabut, 39
 papel sa, 38–39
- Propetikanhong mga pamahayag kabahin sa
 misyonaryo nga buhat, 13–15
- Prospective elders*, usa ka tinubdan alang sa
 pagpangita og mga investigator, 198
- Puasa, balaod sa, 93–94
- Pulong sa Kaalam, 91
-
- R**
- Referral, mga; mga sumbanan alang sa
 pagtrabaho uban sa, 199
- Rekord, mga; alang sa bunyag ug pagkumpirma,
 253
- Repormista, mga, 53–54
- Relief Society, 98
- Restitusyon, gihubit, 82
-
- S**
- Sakrament, 74–75
- Sala, sign sa pagtan-aw sa nagkalainlaing mga
 kultura, 71
- Schultz, Frank ug Mildred, istorya bahin sa
 pagkakabig, 201–02
- Serbisyo, isip usa ka miyembro sa Simbahan, 102
 isip usa ka tinubdan alang sa pagpangita og
 mga investigator, 205–06

Sibil nga balaod, sunda ug tahura, 95
 Simbahan, mga referral gikan sa punoang buhatan sa, 199
 Sinemana nga sesyon sa pagplano, unsaon sa pagpahigayon, 178–79
 Smith, Hyrum, kabahin sa pagtudlo sa unang mga baruganan, 7
 Smith, Joseph, ug ang Unang Panan-awon, 43 ug ang Pagpahiuli, 42–43
 kabahin sa bunyag pinaagi sa tubig ug sa Espiritu Santo, 10
 kabahin sa Basahon ni Mormon isip sukaranan 123
 kabahin sa pagsangyaw sa ebanghelyo, 196
 kabahin sa pagsalig diha sa Espiritu, 115–16
 kabahin sa pagtudlo sa tanan nga pwede, 191–92
 kabahin sa gasa sa Espiritu Santo, 107
 kabahin sa panginahanglan alang sa pagpadayag, 105–06
 Smith, Joseph F., kabahin sa mga pagbati sa dihang gibunyagan siya, 270
 Sniders, istorya kabahin ni, 135
 Stake high councilor, mga katungdanan sa, 265
 Stake, mga lider sa; ug misyonaryo nga buhat, 259 mga katungdanan sa, 264
 Stake president, mga katungdanan sa, 264–65
 Subay sa Kasayuran [*Information Pyramid*], 169
 Sugo, mga, 83–95
 unsaon sa pagtuon, 84
 unsaon sa pagtudlo kabahin sa, 83–84

T

Tanaman sa Eden, 57–58
 Taylor, John, kabahin sa pagtudlo sa yanong paagi, 221
 Testial nga gingharian, 62
 Templo, mga; pagsimba sa, 100–01
 Terrestrial nga gingharian, 62
 Tumong, mga; ug sinemanang sesyon sa pagplano, 178–82
 unsaon sa paghimo, 177–78

Tumong, paghimo og, 165
True to the Faith, 24
 Tyndale, William, 53–54

U

Unang kapangulohan, kabahin sa misyonaryo nga buhat, 33–34
 Unang Kapangulohan, mensahe sa, v

V

Visiting teaching, 261

W

Ward council, 182, 262
 ug pagpakighigala sa bag-ong mga convert, 263
 ug pagtabang sa bag-ong mga convert nga moserbisyo diha sa mga *calling*, 263
 ug pag-amuma sa bag-o nga mga kinabig, 263–64
 responsable sa pag-*fellowship*, 260–61
 Ward, mga lider sa; ug misyonaryo nga buhat, 259 mga katungdanan sa, 264
 Ward mission leader, mga katungdanan sa, 266
 Ward mission, plano sa, 267–68
 Ward missionaries, mga katungdanan sa, 266
 unsaon sa paggamit sa "*Isangyaw ang Akong Ebanghelyo*," xi
 Wirthlin, Joseph B., kabahin sa paggamit sa Basahon ni Mormon, 132
 Wycliffe, John, 53–54

Y

Young Men, organisasyon sa, 98
 Young Women, organisasyon sa, 98
 Young, Brigham, kabahin sa pagdawat og pagpamatuod, 242

Z

Zone conference, ug pagtuon, viii

Hinumdumi Kini ...

- Ang imong katuyoan mao ang pagdala og mga kalag ngadto kang Kristo.
 - Pag-andam sa mga tawo nga makakwalipikar sa mga kinahanglanon alang sa bunyag nga anaa sa Doktrina ug mga Pakigsaad 20:37 ug sa mga pangutana sa interbyu alang sa bunyag.
-
- Pag-ampo kanunay alang sa imong kaugalingon ug alang sa uban.
 - Salig sa Espiritu nga motudlo kanimo kon asa moadto, kon unsay buhaton, ug kon unsay isulti.
 - Magmasulundon gayud sa saktong paagi.
 - Pagtuon sa linggwahe o sinultihan sa imong misyon kada adlaw.
-
- Pagplano kada adlaw ug pagpokus sa mga mahinungdanong ilhanan.
 - Pagtrabaho sa epektibo nga paagi sa tibuok adlaw, kada adlaw.
-
- Pangayo og mga referral gikan sa **tanan!**
 - Tudlo kon makakita ka; pangita kon magtudlo ka.
-
- Basaha ang Basahon ni Mormon uban niadtong imong tudloan.
 - Pagtudlo sa mga tawo nga ang usa ka importante nga paagi aron masayud nga si Joseph Smith usa ka propeta sa Dios mao ang pagbasa ug pag-ampo kabahin sa Basahon ni Mormon.
 - Kontak ang kada investigator kada adlaw.
 - Paghatag kanunay og pagpamatuod.
 - Tinguhaa nga adunay miyembro sa kada leksyon kon mahimo.
 - Kanunay nga magtakda og pihong mga petsa ug mga oras alang sa sunod nga leksyon.
 - Imbitara ang tanang mga investigator ngadto sa mga tulumanon sa bunyag.
 - Inig ka human sa kada leksyon, hatagi ang mga investigator og mabasa ug mapamalandongan agig pagpangandam sa sunod nga panagkita.
-
- Pag-ugmad og mga relasyon uban sa mga miyembro pinaagi sa pagserbisyo kanila ug sa pagtrabaho uban sa mga lider sa ward.
 - Tabangi ang mga lider sa ward sa mga kalihokan sa retensyon ug pagpaaktibo.
-
- Tabangi ang tanan nga imong tudloan sa paghimo og mga pasalig nga mosangput sa paghinulsol ug makapalig-on sa ilang hugot nga pagtuo diha sa Manluluwas.
 - Higugmaa ang Ginoo ug serbisyo Siya kutob sa imong mahimo.

ANG SIMBAHAN NI
JESUKRISTO
SA MGA SANTOS
SA ULAHING MGA ADLAW

